

VINDICIÆ  
CONTRA  
TYRANNOS:

SIVE,  
DE PRINCIPIS IN  
*Populum, Populiq; in Principem,  
legitima potestate,*

STEPHANO IVNIO  
Bruto Celta, Auctore.



M. D. LXXXIX.

*Ex libris Andreæ Lupardi Romæ  
venerabilis in Ecclesiis.*

*HOC LIBRO INFRA  
scripta Quaestiones expli-  
cantur.*

I. An subditi teneantur, aut debeant Principibus obedire, si quid contra legem Dei imperent.

II. An liceat resistere Principi, legem Dei abrogare volenti, Ecclesiamve vastanti. Item, quibus, quomodo, & quatenus.

III. An, & quatenus Principi Rempubicam aut opprimenti, aut perdenti, resistere liceat. Item, quibus id quomodo, & quo iure, permissum sit.

IIII. An iure possint, aut debeant vicini Principes auxilium ferre aliorum Principum subditis, Religionis purae causa afflictis, aut manifesta Tyrannide oppressis.

*IMP. THEOD. ET VA-  
lentin. Caf. ad Volufianum Praefe-  
ctum Pratorio.*

**D**IGNA vox eft maiestate regnan-  
tis, legibus ad ligatum fe Princi-  
pem profiteri. Adeò de auctoritate iu-  
ris noſtra pendet auctoritas, & re vera  
maius imperio eſt, ſubmittere legibus  
Principatum. Et oraculo præſentis Edi-  
cti, quod nobis licet e non patimur, aliis  
indicamus. Dat. III. Id. Iun. Rauennæ,  
Florentio & Dionyſio Coſſ.

*IUSTINVS LIB. II. DE  
Lycurgo Legislatore.*

Non habentibus Spartanis leges in-  
ſtituit, non inuentione earum magis,  
quàm exemplo, clarior. Siquidem nihil  
lege vlla in alios ſanxit, cuius non ipſe  
primus in ſe documenta daret. Popu-  
lum in obſequia Principum, principes  
ad iuſtitiam imperiorum firmavit.

L. SCRIBONIVS SPIN-  
ter, Belga, Lectori.

CONTEMPTOR Superûm Maculosi nomine  
notus (quax,

VELLERIS, Etruscus scurra, Sophista lo-  
Artem mala, Populi Harpîyas sæuosq; Tyrannos  
Instituit, Pestis maxima Christiadûm.

Iunius hoc Reges veros, Proceresq; libello  
Efformat, Populos & sua iure docet.

Nempe caput magno Ciuili in corpore Reges,  
Corporis & Populum cætera membra, facit.

Membra sed vt languent, capiti aduersantia: Sanum,  
Tusce, erit an ne caput, quod sua membra premii?

Sint igitur Reges Populis re, vt sædere, Leges,  
Nomine req; Patres, iustitiæq; duces.

Totus ad exemplum Regis componitur Orbis,  
Rex quoq; sic Populi se sciat esse caput.

Hunc veteri Reges referant de more triumphum,  
Quod Patriæ Patres, quod Populo socij.

CONO



CONO SVPERAN-  
TIVS VASCO PRINCI-  
pibus Reipublicæ, Piis, Fi-  
delibus.



O Neram nescius,  
ô viri Principes,  
cum has Stephani  
Iunij Bruti, de ve-  
ro Principis in Po-  
pulum, & Populi  
in Principem, ture  
& potestate, Quæ

ssiones in vulgus emitterem: fore nonnul-  
los, qui me reprchenderent. Pugnanti enim  
ex diametro cum Nicolai Machiavelli Flo-  
rentini, quem in gubernāda Repub. ducem  
illi habent, malis artibus, pravis consiliis,  
& falsa pestiferaq; doctrina. Mihi igitur,  
ut audaci, vitio vertēt, opinor, quò aliquid  
ad calumniam rapiant, quòd ego nulla vo-  
bis nominis fama cognitus, hisce tantis de  
rebus ad vos, hoc tempore maximè, scribe-  
re non vereor. Sed constans in Rempubli-  
cam meus amor, & animus, quem in eam  
perpetuò defixum gero, hunc mihi metum  
excusserunt. Deinde iudicavi, has disputa-

## P R A E F A T I O.

*tiones vobis sanè præcipuè deberi. Nec enim de leuibus rebus habentur, sed longè grauissimis, & in tot Reip. perturbationib. cognitu necessariis. Itaq. differunt de vera Principis & regum, à quibus antiquum ducitis genus, tuchda Maiestate, & de eo Populi conseruando iure, quod optima leges, ac gentium probati mores vno omnium consensu constituerūt. Ac certè vestrorum quidam, quo hac Regis Maiestas, & vetusta Populorum iura in Gallis restituantur in integrum, Imperatores eò exercitum duxerūt, aduersus eam gentem, quæ cælitum & hominum cōtemptrix, calliditatis & perfidiæ viribus artibusq. subnixæ, eo ingenium omne contulit, potentiam & robur, ut Gallos natura liberos, & omnis antiquitatis moribus, legibus & institutis penitus ingenuos, in barbaræ crudelitatis seruitutem redigat. In his autem Questionum decursibus veterem illam Regna gubernādi, nimirum perfectam effigiem, tanquam matronam legitimam, castam, integram, nec ullis compam calamistris, intuebimur, pro qua nobis Machiauelliani illi spuriam fucatam, impudicam & improbam, substituere non dubitant. Quæ dictus Præuincas, Regna & imperta*

## PRAEFATIO.

imperia administrandi ratio Maiorum vestrorum fuit, eamq; Principes omni Regiarum virtutum genere cumulatiſſimi, veluti per manus traditam, quandiu vixerunt, diligenter obseruauerunt. Merito ergo has à vobis Quaestiones oportuit cognosci. Postremo mihi iure persuasi, si vobis has dissertationes inscriberem, fore, ut à multis diligenter ob nominis ac gēis vestrae celebritatem legerentur: quas alioqui tamen non pauci cupidè propter inuidiam & motus discutient, omnes peramanter ob elegantiam doctrinae, aequitatemq; causae, etiā obuiis vlnis excipient. Et quidem ea re studiosius, quòd nulla quemquam insectandi cupiditate, aut ullarum partium gratia scripta sunt, sed solo veritatis ob oculos ponenda desiderio, ex Gallicarum calamitatum necessitate, ac ruinis: quo promptum aliquod firmumq; remediū, perpetuumq; posteritati queratur, fuerūt diffusi explicata. Id quod, qui eas attentè legent, etiam quocunq; tempore legent, cuiuscunq; partis in quoq; sint, aut nationis, conditionisue, modo tamen Christianam Religionem, vel quam Pontificiam, vel quam Reformatam appellant, profiteantur, facile certòq; perspicient.

## PRAEFATIO.

- II. Itaq; cum de Galliae calamitatibus mihi multus cum Bruto, erudito, prudente, nobis liq; viro, sermo esset circiter abhinc biennium, & ultro citroq; non pauca de earum originibus causis, initiis & progressib. percurrissemus: eò tandem ventum est, ut, inter cetera, studio librorum Machiaueli, maxime crederemus acui quorūdam ingenia, quo artes perturbandi Remp. ex eorum auctoritate, qui eam regunt, amplecterentur. Quarum artium fundamenta, cum in iis libris, sparsim pessimis ea de re praeceptionibus editis iecisse, satis vtriq; constitit Remedium nullum certius propiusq; fore, quam si Principum imperium, ac ius populorum, qui eis subsunt, ad sua legitima certa q; prima principia referretur, intra certos fines, virorumq; potestatem, ea ratione cōclusum iri, quos ultra citraq; recta Reip. administratio planè non possit consistere: neq; tradita à Machiauello disciplina, nempe ab iis principiis prorsus eversa recipi. Mihi deinde harum Quaestionum librum, in quibus haec principia continentur, atq; probantur & exponuntur, misit, quo eas ipse legerem, & sententiam de iis meam significarem. Praclarè equidem Iunius Stephanus, qui nihil
- anti-

## P R A E F A T I O.

antiquius habuit, quàm ut has *Quæstiones*, publici commodi gratia, *Christianæq;* Religionis sartà recta tuendi caussa, magnis laboribus studiisq; perficeret. Eas ego ô Principes viri, Machiauellianis & hominibus, & libris, quorum sceleratis consiliis *Respublica* in tot ciuiles dissensiones, partes, motusq;, dissecta est, opponi posse censeo, tanquam Principia, quæ vocat firmissima, vel columnas. aut Regulas, eius, hoc præsertim tempore, rectè reformanda & collapse, legitima gubernandi ratione denuò sursum erigenda, cerè piis prudentiaq; præstantibus viris summè placituras esse confido.

III.

Tamet si autem Machiauellianos quosdam, vel Tyrānorum mancipia, in lunium insurrecturos, non abs re suspicor: quia tamen id hoc nomine facturi sunt, quod per harum *Quæstionum* Principes rationes, si vos eas audietis, metuunt malas suas artes in ordinem quasi redactum iri, & se à vobis Regibus Principibusq; Populoq; detegēdos: quid eorum iras Brutus, vir magnanimus, aut clandestinos susurros curci? Latetur ille, eorum iniustitiam, scelera, rapinas, fraudes, tandem aliquando ad certissimam Regum Populorumq; salutem in quam unam

## P R A E F A T I O.

rem omnibus viribus incumbendum est, diligētia, curaq; sua patefieri. Quod si falsa doceri dicunt, id ostendant, necesse est. Sed id quomodo, quæso, præstabunt? Nam quæcūq; in his Quæstionibus adferuntur, ea claris equidem, nō uerò detortis Sacrarum literarum testimoniis esse certa, demonstrantur, ex Morali, Politicæq; scientia doctrina, & Natura, ac legum iussis, Iuriscōsultorum responsis, Imperatorumq; rescriptis confirmantur, diuersarum Gentium moribus & institutis adstruuntur: in illustribus ac variis variorum Historicorum exemplis, tanquam in speculo spectanda proponuntur. Ad docendi rationem quod pertinet (Philosophos, ac d. sputatores alloquor) ille, quo planius & certius rem ostendat, ex effectus & consequentibus causas & Maximās illas propositiones, siue regulas, colligit, ob oculosq; ponit, & cognoscendas exhibet, veluti gradibus quibusdam ad summa conscendens: ut Geometrarum more, quos hac in re imitari videtur voluisse, ex puncto lineam ducat, ex linea superficiem, ex superficie corpus constituat, quo genere quidquam ostendenda, vel probandi, quid clarius, aut breuius, quid deniq; certius firmitusq; esse possit?

## P R A E F A T I O.

test? In quibus expēdendis summam quamdam animi moderationem adtulit, inquirenda diligenterq; perscrutanda rei veritatis, tanquam in puteum demersa, deditus. Quam erutam ex profundo, & omnium oculis expositam, si qui nolint intueri, planè sunt improbi: si qui, quam uniuersi vident, eam conspiciere nequeunt, planè cæti. Ad hūc ergo modum discussis illis nostris Quaestionibus dilucidè necessarioq; consequitur: quōdam Principis in Populum sit munus, & quod Populi in Principem ius & officiū, & hæc munera inter se distincta esse, mutua tamen & reciproca. Porro utriusq; certos esse termines à Deo & natura, Gentiumq; moribus constitutos: qui transibit suos, eum grauitè in Deum ac leges, usq; Gentium peccare, his meritis transgressis, manere in Repub. rerum confusionem: ab ea ciuilis humaniq; fœderis dissolutionem: inde Tyrannidem: ex Tyrannide immanem seditionē: ex ea, ciuile bellum radices agere. Constituto autem vinculo iūo humane societatis firmo, atq; meris illis ac finibus positis, ut Quaestiones ostendunt: & eos veris iustisq; principiis decernunt atq; stabiliunt, anne Machiaveli doctrina funditus, nulloq; negotio, planè



## P R A E F A T I O.

planè corruit? & vii futilis, impia, & humano generi perniciosissima, radicitus euellitur? Neg. fulcra ei sic ruitura quisquam potest subicere, quæ illam ullo omnino modo munire queant. Vêruntamen cêlo liberum Machiavellianis in hâc arenam descendere: prodeant. Illis, quæ diximus, scriptura Sacra, Philosophiæ de moribus ac Reip. legum, Morum, Gentium, & Exemplorum veteris ac legitimis armis, utemur, pœdēq; cum iis audacter conferemus. Si se congressuros negant, iam metum suum prodent: se q; eo victos testabuntur. Si singulare certamen propter arma, cum iusta sint tamen, detrectant: quid nos cum iis porrò pugnemus? Confitemur, neg. palam confiteri pudet, nos esse Christianos, nec nobis cum ea gēte, quæ hæc arma repudiet, cōmercium ullum, tanquā cum iis, quibus sit aqua & igni interdictum, esse velle. Iam verò, quoniam, æquitate causæ destituti, nihil equidem sunt, quod obiiciāt, habituri, seditiosas esse Quaestiones, fortassis exclamabunt, atq; falsa esse earum Principia dissertabunt: rationibus non gladiis, agant. Sin autem vera, cur seditiosas appellent? cur Principum manipulos in illas arment? An Princeps id quod

verum



## P R A E F A T I O.

verum est, ignoret? in re maxime, quæ & sua tanti, & Reip. quidem, interest? Veritas solis sane tyrannis, qui omnia non ex utilitate publica, sed ex propria libidine meritiuntur, quos adeò operosè illi instituunt, seditio esse potest: Sapienti autem, Proq. ac Fideli Principi, quem Quæstiones istæ docent & erudiunt, summa tantum virtus.

Sed, ut hæc Quæstionum Principia, & IIII.  
decreta esse scitis, ô Principes Pij, Fideles, multo iustissima: sic etiam, ea vos, re ipsa probare, tot illustres vestrae actiones, perpetuumq. vestrum Pacis conciliandæ studium, & tot vestra demum expeditiones, clarè testantur. Itaq. par est, ut, indicato ex his decretis pharmaco & vero remedio, coniunctis vñd omnes vivib. certè tandem aliquando medicandis huius temporis dissidiis, & natis inde malis, salutare manus adhibeatis. Vos equidem Deus Opt. Max. iis animis & consiliis erexit, & Imperatoribus armavit, atq. tot gentium favoribus eo usq. beavit, ut & vestram constantiam nostri temporis adulationibus, & vestram fortitudinem nostrorum Gygentum audaciæ, & huius deniq. seculi socordia, virtutem inclytæ vestrae familiae, ac gentis, in tot Gallicis per-

## PRAEFATIO.

turbatis negotiis, rebus, provinciis, Proceribusq; viris opposuerit. Vos igitur harum Quaestionum principia secuti, iustitiam in Gallia defendendam suscepistis, eo exercitū conscripsistis, collegistis, duxistis. Demonstrant verò illas, vos non solum id iure potuisse, posseq; facere, verum etiam debere. Nos igitur pro vestra salute vota libenter concipimus, atq; speramus, vos piis victoriis & rebus illustres tandem aliquando composita firma pace, contra crudelem illum immanissimum Tyrannum Turcam, diuino beneficio ex communi omnium ordinum (vos omnes compello Christiani Principes) decreto, animum, copias, militarem sciētiam, virtutem, auctoritatem, atq; fortunam esse conuersuros: quē vobis ducibus, Respublica Christiana de hoste potentissimo, longeq; superbissimo ad summam Christi gloriam, Ecclesiae salutem, & Reip. quietem triumphet. Id quod Deus Opt. Max. faxit, obtestamur vniuersi, supplicesq; poscimus. Valete,

Kalend. Ian. M. D. LXXVII.

Soloduro.

PRIMA

# PRIMA

## QVAESTIO.

*AN SVBDITI TE-  
neantur, aut debeant Principibus  
obedire, si quid contra legem  
Dei imperent?*



IDEBITVR for-  
tasse prima fronte  
hæc quæstio planè  
otiosa & inutilis,  
qua nempe Chri-  
stianorum axioma  
certissimum, tot  
Scripturæ sacræ te-  
stimoniis, tot secu-

lorum exemplis, tot piorum Martyrum ro-  
gis comprobatum, quasi etiamnum cōtro-  
uersum in dubium vocari videatur. Vnde  
etenim, dices, tot tantæq; piorum ærum-  
næ, si ex vna hac causâ, quòd Deo simplici-  
ter & absolutè, Regibus verò, quatenus ad-  
uersus legem Dei nil imperèt, obtemperan-  
dum esse, pèrpetuò iudicarint? Quorsum  
verò alioqui Apostolorum respòsum, Deo

## 16 VINDIC. CONTRA

magis, quàm hominibus parendum esse? Deinde, cùm sola vnus Dei voluntas perpetuò iusta sit, cæterorum iniusta subinde esse possit: quis ambigat, quin illi vni absq; vlla exceptione, his cum aliqua semper exceptione parendum sit? At certè cum hodie multi Principes existât, etsi Christi nomen ij iactitant, qui immensam potetiam ne ab ipso quidem Deo pendente sibi audacter arrogant, multi adulescentes, qui quasi Deos terrenos eos adorent, multi etiam, qui seu metu occupati, seu alia vi coacti, nulla in re denegandum esse Principibus obsequium aut censeant, aut censere videri velint: & vitium præterea nostrorum temporum hoc esse videatur, vt nil tam firmiter sit, quod non conuellatur: nil tam certum, quod non controuertatur nil tam sanctum, quod non violetur: vereor sanè, ne cuius rem accuratè perpendenti, non modò non inutilis hæc quæstio, sed planè necessaria, nostro præsertim seculo, videatur. Mihi certè causam tot tantarumq; calamitatum, quib. abhinc annis aliquot orbis Christianus diuexatur, exminanti, succurrit illud Osee Prophetæ: Principes Iudæi iis similes fuerunt, qui terminum mouent. Itaque iram meam aquæ instar in eos effundam. Ephraim verò conteritur in iudicio, quia impia mandata sequutus est. Peccatum & principum, & populi,

*Osee c. 5.*

*v. 10.*

puli, vno verbo hâc habes. Terminos verò mouent ij Principes, qui illa iurisdictione non contenti, quam ipsis tribuit Deus Opt. Maximus, eam quam sibi supremam in omnes retinuit, vi inuadere conatur, quibus, inquam, non sat est, bonis corporibusq; re subditorum pro arbitrio & libidine vti, ni etiam miserorum animas, quod Christi merum peculium est, sibi vendicent, qui solo non contèti, cœlum etiam ipsum audacter aggrediuntur, ad motisq; scalis inuadere conantur: nimirum, vt ait Poeta Ouidius.

*Quâ licet, affectant cœlum isti. Tempia Quirinus,  
Liber & Alcides, & modò Cæsar habent.*

Populus verò impia mandata sequitur, qui aduersus legem Dei quicquam iubentibus aut assentitur, aut assentatur, qui tanquam diis thura quodammodo adolet, qui solium Dei affectantibus, cum possit, non repugnat: qui quæ propriè Dei sunt, Cæsari tribuere non veretur. Nemo verò est, qui hæc non videat. Si quis principi impia iubenti non obtemperat, continuò rebellis, perduellis, Maiestatis reus habetur lis calumniis petebatur Christus, iisdè Apostoli & primi omnes Christiani. Si quis, Esdr. 4. aut Nehemiæ. 5. ver. 7. exemplo, templum Domini extruere parat, regnū affectat, res nouas molitur, in remp. cuniculos agit Obstrepere verò Regib. continuò adulatores

## 13 VINDIC. CONTRA

innumeros audias, si semel restauratū fuerit Templum istud, actum est de regno: nō est, quōd vlla amplius tributa, aut vectigalia ab istis hominibus expectes. Quæ verò isthæc insania est? Eæ demum Respublicæ firmæ censendæ sunt, quarum in medio Templum Dei collocatum est, quæ ipsæ Templum Dei sunt. *Sapient. 7.* Si Principes verè regnant, qui cum Deo regnant. At contrà quæ caczelia hominum est, nec Rempublicam bene constitutam, nisi euerso templo, nec Regnum, nisi expulso, si fieri possit, Deo Opt. Max. tutum firmumq; putarit? Hinc verò tot Gigantæi ausus, & Gigantæorum con-  
similes exitus, tot Principū exitia, tot Gentium excidia. Quod si nossent ij, quid inter Deum & Cæsarem intersit, inter Regem regum & Regem, inter Dominum & vasallum, quid sibi ille à subditis tributum nomine poscat, quid ipsis in subditos permittat: proculdubio neque tot Principes Regnum Dei turbare conarentur, neq; etiam in ipso conatu, iusta Dei iudicis & vindicis ira, proprio regno deturbarentur. Neq; verò præterea tot calamitates, direptiones, vastationes Populus pateretur. Interest ergo Principum, scire, quatenus imperare debeant: subditorum, quatenus parere, ne aut illi alienam iurisdictionem inuadēdo, aut hi extra iurisdictionem ius dicenti parendo, in  
pœnam

pœnam incidant. Hic verò est Quæstionis  
propositæ scopus, cuius Sacram præcipuè  
scripturam iudicem faciemus.

Queritur, An subditi teneantur Regibus  
obedire, si quid aduersus legem Dei impe-  
rent? id est, utri potius, Deo an Regi obedi-  
endum sit. De Rege, cuius amplissima cen-  
setur potestas, si constiterit, de cæteris ma-  
gistratibus eadem via constabit. Primum  
docent Satræ literæ, Deum suapte auctori-  
tate regnare. Reges quasi precario: Deum  
per se, Reges per Deum: Deum iurisdictione  
sua uti. Reges delegata tantum. Sequi-  
tur itaque, Sap. 6. Prouerb. 8. Iob 12. &c. Dei  
immensam esse iurisdictionem, Regum di-  
mensam: Dei infinitam potentiam, Regum  
præfinitam: Dei Regnum nullis limitibus  
circumscriptum esse, Regum contrà certis  
regionibus regi, certis cancellis terminari.  
Deinde Deus ex nihilo creauit cœlum &  
terram. Itaq; is iure cœli & terræ dominus  
est, & verè proprietarius. Quicumque verò  
terram inhabitant, eius tanquā coloni sunt  
& emphyteutæ: quicumque in terra ius di-  
cunt, & aliqua ratione ceteris præfunt, Dei  
beneficiarij & clientes sunt, ab eoq; inue-  
stituram capere & agnoscere tenentur. Deus  
deniq; solus proprietarius est, solus domi-  
nus: homines omnino omnes, quo gradu  
tandem ij sint, coloni, villici, ministri, vasa-

li, qui quò ampliores fructus percipiunt, eò maiorem censum debent: quo maiori auctoritate potiuntur, eò seuerius rationem reddere tenentur: quò clariorem honorem consequuti sunt, eò grauiori oneri sunt obnoxij. quod & Scriptura sacra passim docet, & pii omnes, imò præstantissimi quiq; Ethnici semper agnouere. Domini, ait Dauid Rex, est terra, & plenitudo eius: ac ne homines suis vomeribus sacrificent, nil terra ipsa absque cœli pinguedine proferre sollet. Ideò verò Deus sibi à suis omnium frugum primitias consecrari poscit: & Ethnici ipsi vltro dicauere, quibus sese colonos, ipsum verè Dominum profiterentur. Cœlum Domini solium est, ait rex Salomon, terra subsellium. Itaq; cum reges omnes eius pedibus subiecti sint, non mirum, si Deus Rex regum, & Dominus dominantium: Reges verò omnes, ministri regni eius, iuri dicundo constituti, vocitètur. Per me, inquit Dei sapientia, reges regnant, & Principes iudicant terram. At ni faxint, soluo ego baltheum regum, & cingo renes eorum cingulo ac si diceret: Meum est, stabilire reges in solio, aut deturbare pro meo arbitrato. Hinc solium Regum, solium Dei dicitur. Benedictus, ait Regina Sabæ Salomoni, Deus tuus, qui te posuit super solium suum, vt regem loco domini Dei tui, vt facias iudicium & iusti-

*Psal. 24.*

*Esa. c. 66.*

*ver. 1.*

*1. Reg. c. 8.*

*Sap. 6. v. 1.*

*Prou 8. v. 15.*

*Iob. 12. v. 16.*

*Dan. 2. v. 31.*

*1. Chron. c. 9.*

*verf. 3.*

*2. Chron. c. 9.*

*ver. 8.*

*1. Chron. c.*

*29. v. 33.*



iustitiam. Sic & Salomonem alibi in throno Domini, aut in throno regni Domini collocatum legimus. Eadem ratione Populus ipse, Dei Populus & hereditas perpetua dicitur: Rex verò administrator eius hereditatis, & dux populi Dei. quo titulo David, Salomon, Ezechias & cæteri pii Principes nominati afficiuntur. Cum verò sancitur fœdus inter Deum & Regem, ea conditione sancitur, ut Populus sit, & perpetuo maneat Populus Dei, nempe ut ostendatur, Deum sua se proprietate & possessione non exuere, cum Populum regibus tradit: sed regendum, curandum, pascendum tradere, non secus ac is, qui gregi pastorem eligit, gregis nihilominus dominus manet. Hoc perspicue agnouerunt pii reges, David, Salomon, Iosaphat & cæteri: qui etsi Deum Regnorum & Gentium Dominum agnoscebant, nihilo tamen minus regnabant: imò eò magis, quò alacrius Deo seruiebant. Hoc idem Nabuchodonozor ipse, quantumvis Ethnicus & potens Monarcha, tandem profitetur: quem cum Daniel Regem regum vocaret, cui Deus cœlorum, regum potentia, & gloriam dedisset. Quinimò, ait, ô Daniel, verè Deus tuus est Deus Deorum, & dominus Regum, qui regna tradit quibuscunq; vult, vel omnium hominum vilissimis. Propterea verò & Xeno-

1. Sam. c. 9.

v. 16. c. 10.

ver. 1.

2. Sam. c. 6.

ver. 21.

2. Reg. c. 20.

ver. 5.

2. Chron. c. 1.

v. 9. & c.

2. Reg. c. 11.

2. Chron. c. 33.

v. 16.

2. Chron. c.

20. v. 6.

1. Chron. c.

29. v. 18.

Dan c. 2.

v. 17. c. 4.

v. 14.

## 22 VINDIC. CONTRA

phon ipse, in inaugurando Cyro, Deo imprimis litatum dicit: & passim Ethnici etiam authores Deum Optimum Maximū regem summum prædicant. Hodie verò in Christianorum Principum inauguratione, ij perpetuò Dei famuli, Populo suo regundo destinati nuncupantur. Cùm itaq; reges, Dei vicarij tantum sint, in Dei solio ipso authore constituti, Populusque sit Dei Populus: nec verò vicariis, nisi eorum, quorum personam gerunt, causa honos deferatur: sequitur proculdubio, regibus propter Deum, non aduersus Deum: Deo seruiētibus, non aduersantibus: Dei iura tuētibus, non inuadentibus, obtemperandum.

Hic obiiciant fortè nobis Assentatores aulici, Deum suam omnem in reges auctoritatem cōtulisse, cœlum sibi retinuisse, terram agendam ferendamq; pro libito regibus tradidisse: Cæsare deniq; diuisum cum Ioue imperium habere. Digna sanè vox Cleone aliquo impurissimo Alexandri adulatori, aut Martiale, qui Domitiani edicta, Domini deiq; edicta vocare non veretur. Digna & nefandissimo Principe Domitiano, quem Dominum deumq; etiam vocari voluisse, Suetonius narrat. At certè & pij Principis auribus & piorum subditorum ore prorsus indigna. Manet semper illa Dei omnipotentis sententia: Non dabo nomen meum

meum alteri, non transferā gloriam meam  
in alium, id est, non eam cuiquā potentiam  
tradam, quin summum ius mihi perpetuò  
recipiam. Deus sua se potentia & authori- *Psal. 2.*  
tate nunquam exiit. Sceptrum in manu te- *Sapient. 6.*  
net, quo fremētes reges compescat, & con-  
tumaces cōterat. Libram in altera, quā ius  
iniquè distribuentes examinet. Supremi ve-  
rò imperij nulla cērtiora signa dari possunt.  
Quòd si aut Imperator, cum Regem aliquē  
creat, saluo semper summo imperio id fa-  
cit, aut rex, puta, Franciæ, cum extraneo,  
vel etiam fratri filiòue ditionem regendam  
possidēdā mūc tradit: casus regios animad-  
uersionem Regiam & supremum domina-  
tum perpetuò recipit. quin & si minus in  
formula inuestiturę fiduciæ uē expresserint,  
ipso iure excepiisse putātr. Quāto verius  
Deus in omnes Reges, in seruos, inquam,  
& ministros, eam sibi authoritatē retinet, à  
quibus & rationem eum reposciturum, &  
pœnas de iis sumpturum, si suo officio ma-  
le fungantur, toties legimus? Reges itaque  
regis regum vasalli sunt, per gladium regiæ  
authoritatis insigne, inuestiti. ut eo! gladio  
legem diuinam tueantur, bñ nos protegāt,  
malos perdant, non secus ac per ensē, scu-  
tum, vexillum, vasallos à Domino superio-  
ri feudo inuestiri videmus, ea lege, ut ei iis-  
dem armis, quando cunq; opus fuerit, mili-

## 24 VINDIC. CONTRA

1. Sam. c. 8.

Et c. p. v. 20.

Deut. 17.

tent. Vt verò vasallos eos definiamus, ita & quæcunq; vasallis, regibus, apprimè etiam conueniunt. Vasallus feudum à domino superiore accipit, cum munere iuris dicendi & onere militiæ coniunctum. Rex regum à Deo, vt iudicet Populum suum; & aduersus hostes tueatur. Vasallus legem & conditionē à Domino superiori accipit. Rex à Deo iubente, vt legem suam perpetuò obseruet; & ante oculos habeat. Si fecerit, tū ipsum, tum posteros regnum diu possessuros: sin contrā, cōtrarium experturos. Vasallus sese domino superiori iureiurando devincit, fidemq; & obsequiū promittit. Rex pariter ex legis diuinæ præscripto sese imperaturum iurat. Vasallus deniq; nisi iusiurandum seruet, feudum committit; ipsoq; iure sese omni prærogatiua priuat. Rex quoque, si Deum negligat, si ad eius hostes trāsfiat, si feloniam aduersus Deum committat, & ipso iure regnum committit, & ex facto plerunq; amittit. Hæc ex fœdere inter Deum & regem fieri solito (cōfœderatorum enim nomine seruos suos dignatur Deus) perspicua erunt. Duplex autem fœdus in Regum inauguratione legimus. primū, inter Deum & Regem & Populū, vt esset Populus, Dei Populus. Secundum verò, inter Regem & Populum, vt bene imperanti bene obtemperaretur. De secundo postea videbimus:

de

de primo hîc nobis agendum est.

In Ioæ inauguratione legimus sanctum fuisse fœdus inter Deum & Regem & Populum, aut, vt alibi dicitur, inter Ioradam summum sacerdotem, & vniuersum Populum & Regem, vt esset populus Dei. Similiter Iosiam & vniuersum Populum fœdus iniisse cum Deo. Vnde intelligimus in hoc fœdere faciûdo stipulatum fuisse summum sacerdotem Dei nomine, à Rege & Populo, tanquam verbis conceptis, An non curaturi essent, vt Deus purè & ritè in Regno Iudaico coleretur. An non scilicet ita regnatus esset Rex, vt populum Deo seruire sinneret, inq; Dei lege contineret. Deinde an non ita populus Regi obtemperare vellet, vt nihilo secius Deo in primis obsequeretur. Regem verò & Populum tâquam reos promittendi, in legem Dei iurasse, seseque solenni sacramento Deo colèdo imprimis obligasse. Vnde ex facto, cum primum istud fœdus sancitum est, Iosias & Ioas destruunt idololatram Baal, & cultum Dei restituunt. Capita verò fœderis hæc erant in summa: Vti tum Rex ipse, tum etiam Populus vniuersus, Deum ex legis sue præscripto, & singuli colerent, & vniuersi colendum curarent: si facerent, Deum ipsis affuturum, rei que publicæ illorum præfuturum. Sin minus, missos facturum & disperditurû: quod

*Fœdus inter Deum & Regem.*

*2. Reg. 2. 11.  
2. Chron. 2. 23.  
ver. 16.  
1. Reg. 6. 23.*

*2. Chron. 2. 23.  
ver. 16. & 17.*

## 26 VINDIC. CONTRA

ex multorum scripturæ locorum collatione apparet. Moſes moriturus, eas conditiones fœderis vniuerſo Populo recēſet, moxque legem, id eſt, ipſa pacta conuenta Domini, in Arca fœderis aſſeruari præcipit. Moſe vita functo, Iofue conſtituitur dux Populi Dei. Dominus itaq; ipſe eum admonet, ſi res ſuas proſperè gerere velit, ne à lege latū vnguem recedat. Is verò cum primum Iſraelitę terram Chanaan ingreſſi ſunt, vt palam eis faciat, qua conditione in eam poſſeſſionem à Deo mittātūr ſacrificiis ritè peractis, legem coram vniuerſo Populo legit, moxque mira, ſi iis pactis ſtarent, pollicitus: dira, ſi negligerent, minatus. In ſumma, ſi legem ſeruarent, proſperè rem geſturos: ſin ſecus, diſiectum ac peſſundatum iri obteſtatur. Idem quoq; moriturus, & euidentius quidem. Quotieſcunq; verò eam deſerunt, in manus Chananæorum traduntur, & Tyrannis mancipantur. Iam idem omnino fœdus, quod inter Deum & Populum ſub iudicibus fuit, ſub Regibus & cum regibus obtinuit. Poſtquam Saul vnctus, electus & planè conſtitutus eſt, Samuel his verbis Populum affatur: En Regem, quem elegiſtis, & petiſtiſ. Ecce Deus poſuit eum Regem ſuper vos. Obedite & ſeruите Deo tam vos, quàm Rex veſter, qui eſt ſuper vos. Alioqui & vos, & Rex veſter peribitis. Quafi dicat:  
Volui-

*Deut. 29. 30.*

*31. cap.*

*Deut. 31. v. 26.*

*Iofue 5. 1.*

*Deut. 6. 37.*

*v. vlt.*

*Iof. 6. 5.*

*Iof. 6. 24.*

*2. Sam. 5. 15.*

Voluistis Regem, Deus hunc vobis Regem dedit. Ne tamen putetis Deum quidquam de suo iure immipui velle, velim intelligatis, Regem non secus ac vos, huic legi cultodiendæ deuinctum esse, ac, ni fecerit, eandem pœnam passurum: deniq; , Saulem esse Regem quidem vobis datum, qui in bellum, vt cupiistis, vobis præeat, at ea lege, vt legem Dei interim sequatur.

Eiecto Saule, quod pacto nō steterit, Dauid eadem lege Rex constituitur, vt & Saulomō quoq; Dauidis filius. Si legem meam obseruaris, ait Dominus, ego confirmabo tecum pactum, quod pepigi cum Dauide. Quòdnam verò est hoc pactum? Extat in lib. Paralip. his verbis: Nunquam auelletur à facie mea successor ex tua stirpe in solio Israelis, modò filij tui obseruent legē meam tuo exemplo. Sin verò idolis seruiant, expellam vos è terra, quam vobis possidentiam dedi, &c. Hinc liber Legis tempore Iosifæ repertus, vocatur liber fœderis Domini (quem Deus Sacerdotes Regi tradere iubet, proindeq; Samuel Sauli tradit) ex cuius præscripto Iosias ipse init fœdus coram Domino. Hinc etiam Lex, quæ in Arca seruabatur, vocatur Pactio Domini cum filiis Israel. Deniq; Populus seruitute Babylonica liberatus, fœdus cum Deo renouat, & quòd Pactum Domini violasset, tot se cala-

1 Reg. 9. 2.  
ver. 4.

2 Reg. 6. 8.  
ver. 12.

1. Chron. 16. 6.  
v. 16. c. 7.

ver. 17.

2. Reg. 23. 2.  
ver. 2.

Deu. 16. v. 18.

1. Sam. 8. 10.

v. 25.

2. Chron. 6.

ver. 11.

## 28. VINDIC. CONTRA

*Nehem. 9.*

mitates meritò passum agnoscit. Perspicuū ergo est, Reges, tanquam vasallos in legem Dei tanquam superioris omnium Domini, iurare. At verò, quod antea attigimus, si fides non seruant, si legem violant, vt illos feudum propter feloniam, sic hos regnum committere legimus.

*Indit. 9. v. 13.*

*Indit. c. 2. v.*

*24. c. 4. v. 1.*

*66.*

Diximus idem esse fœdus inter Deum & Reges Iudæorum, quod antè inter Deum & populum sub Iosue & Iudicibus. Videmus verò passim populum, si quādo legem neglexit, aut fœdus pepigit cum Baal, mancipatum fuisse seruituti Regum Chanaan, Iabini, Eglonis & cæterorum. Vt autem idem fœdus est, ita eadem est fœdisfragorum pœnā. Saul contra quā lege Dei sancitum erat, sacrificia tractare audet, mox etiā contra disertum Domini mandatum Agagum Regem Amalecitarum seruat. Propterea & rebellis vocatur à Samuele, & rebellionis demum pœnas luit. Sacrificasti tu, ait. At præstitisset te obsequutum esse Deo. Obsequium enim præstat sacrificio. Reiecisti Dominum Deū tuum, at ipse te reiecit, ne amplius regnes super Israelem. Adeò verò hoc iuris obtinet, vt non secus ac propter Maiestatis, affectatiue propriè regni crimen filij paterno feudo priuantur, non ipsi modò Reges, sed ipsorum adeò liberi easdem ob causas regno spolientur. Salomon à vero

*1. Sam. c. 13.*

*ver. 13.*

*1. Sam. c. 15.*

*v. 26.*

*2. Reg. c. 11.*

*v. 33.*

Deo



Deo ad idola deficit. Ahias Propheta, Regnum Israeliticum cōtinuò sub Roboamo filio diuifum iri prædicit. Complectitur deniq; verbum Domini ac decem tribus, pars regni potiffima, à Roboamo, ad Ieroboamum eius feruū deficit. Cūr ita verò? Quia, ait Dominus, defecerunt à me ad Astaroth Deum Sidoniorū, & Chamos Deum Moabitarum, &c. difrumpam ego viciffim regnum eorum. Ac fi diceret: Pactum violarunt; conditionem non impleuerunt: neq; ego, itaq; amplius teneor. Majestatem meam imminuere volunt: ego regnum ipforū verè imminuam. Cum ferui mei fint, me à meo regno eiicere student. At ego per Ieroboamum, per feruūm, inquam, eos regno eiiciam. Quid verò, cum hic idem feruus veritus, ne Populus Dei colēdi defiderio, Hierufalem reuertatur, vitulos in Bethel erigit, & occasionem peccādi Israeli offert? cūm, inquam, Populum Dei à Deo, feruūm ab hero abalienat & abducit? quænam tādē est tam ingrati clientis in patronū, tam nefādi plagiarij pœna? Moritur ei primū filius, deinde vniuerfa eius gens per Baafae facinus extirpatur ad vltimum mafculum vſque, Propheta illa idcirco fieri proteſtante, quòd à domino ſuo defeciſſet. Eſt igitur cauſa hæc & frequens, & idonea, propter quam Rex feudo à Deo accepto priuetur,

## 30 VINDICA CONTRA

si legem Dei oppugnet, & à Deo, ad ipsius hostes, ad deos, inquam, gentium transfugiat. Et ut paria crimina pares pœnæ decet, consimilem omnium Regum Israelis & Iudæ, qui talia patrarunt, exitum, summum, in Sacris literis legimus. Tamen si mutata est & Ecclesiæ Iudaicæ, & Regni quoque ipsius forma, cum quæ prius Iudæa terminabantur, per totum orbem diffusa esse possint: de Regibus tamen Christianis idem prorsus dicendum est. Euangelium successit legi, Reges Christiani Iudaicorum loco sunt. Idem pactum est, eedem conditiones, eadem pœnæ, ni impleantur, idem vindex perfidiæ Deus omnipotens. Ut illi denique legi, sic hi Euangelio obseruando, tenentur: cuius propagationem singuli in primis & ante omnia se curaturos spondent, cum inaugurantur. Herodes Christi Domini Regnum, quod prouehere debuisset, reformidans, Christum ipsum, quasi regni affectati damnat. En verò & miserè perit, & regnum ipse suum perdit. Iulianus à Christo ad Gentiles transfugit. At paulò post idem Galilæi (ita enim Christum probrosè vocabat) vindicem dexteram experitur. Plenè verò sunt superiorum seculorum historiæ consimilibus exemplis, quæ nec nostro etiam seculo nobis desunt. Aliquot abhinc lustris plerique Reges Babylonici poculis inebriati,  
Christi

Christi hosti aduersus Christum, Lupo aduersus agnum militarunt, vt etiamnum plerique militant. Vidimus verò nonnullos, in flagranti crimine, in ipsoq; aded, quod agitabant, scelere periisse: quosdam etiam à triumpho in tumulum elatos fuisse. Nec cæteros melior manet exitus. Stat nempe perpetuò hæc sententia: Coniurent licet omnes reges terræ aduersus Christum, & Agnum nostrum diripere conentur, necesse est tandem illos manum cedere, pedibus Christi subiici, & Agnum Regem Regum, & Dominum Dominatum, velint nolint, confiteri. Quid verò de Regibus Ethnicis statuemus? Proculdubio & si ij extrinsecus non vnguntur à Deo, sunt tamen eius vasalli, & ab eo vno potetiam suam acceperunt seu sorte, seu alia quavis forma eligantur. Si suffragio: Deus regit corda hominum, & dirigit quo ipse vult. Si vel sorte: fors coniicitur in sinum, inquit Salomon, & iudicium eius à Domino. Is perpetuò vnus est, qui pro suo arbitrio Reges tollit, & statuit, firmat & euertit. Hac ratione Cyrum vinctum Domini vocat Esaias. Daniel verò Nabuchodonozor & cæteros à Deo potentiam accepisse ait, vt & Paulus, omnes omnino magistratus. Etsi enim Deus legem suam non ita difertè his atq; illis commendarit: est tamen quod agnoscât, se, quod regnant,

*Psal. 2.*

*Psal. 110.*

*Apoc. 6. 19.*

*Prov. 16.*

*Dan. 2. v 21.*

*Esai. 45.*

*Dan. 4.*

*Rom. 13.*

Deo supremo Regi debere. Itaq; si tributū eo nomine Deo persolvere minus curent: saltem quod Deo à subditis debetur, intercipere & auertere ne tentent, aut vlla alia in re diuinam sibi iurisdictionem arrogant. Id verò propriè affectati regni crimē est, quod Deus in ipsos reges Ethnicos grauissimè ultus est. Principes, ne in tam atrox crimen incidant, suam à diuina iurisdictionē in primis distinguant necesse est, & eò quidem accuratius, quod in eodem solo, in eadem re, in homine, inquam, Deus & Rex, ius suum ambo capiunt. Constat homo ex corpore & anima, Deus corpus finxit, & animam quoq; inspirauit. Vtroque ergo optimo iure vti solus poterat. Quod si liberaliter indulgit Regibus, vt subditorum corporibus bonisq; ad eorundem tamen conservationem, vti possint: meminisse sanè debent, vsum non abusum, concedi. In primis verò nil quod animæ, tributū nomine imperent, habere se, qui suam ipsi Deo tributariam profiteri teneantur Rex capit tributum censumue à corpore, iisq; quæ corporis ministerio acquiruntur colunturue. Deus ab anima præcipuè, quæ suas etiam functiones per corpus exercet. Ad tributū illud pertinent fructus, nummorum pensiones, & cætera onera tum realia, tum personalia. Ad hoc preces, sacrificia, con-

ciones,

ciones, cultusq; adeò diuinus, tum priuatus, tum publicus. Quæ quidem adeò diuersa & distincta sunt, vt neutrum alteri officiat: fiscus Dei Cæsaris fisco nil adimat, sed cuiq; ius suum constet. Deniq; cælum terræ misceat, omniaq; in antiquum chaos reducere velit, qui hæc confundat. Hæc o-  
 primè distinxit Dāuid, qui alios officarios destinauit in rem Dei, alios in rem Regis. Sic & Iosaphat alios in iudicium Ieliouæ, alios in litem Regis, id est, alios qui cultum Dei, alios qui iura Regis tuerentur. Quod si vtrumq; tributum sibi vendicat Princeps, perinde ac si Gigantum more, cælum petere & scandere conetur: Regni affectari reus est, & non secus ac vasallus, qui regalia iura inuadit, feudum committit, ac eo sæpissimè spoliatur: & eo æquius, quod ea vasalli ad dominum superiorem aliqua: Regis ad Deum, homuncionis ad omnipotentem nulla potest esse proportio: Quotiescunque enim Princeps aliquis insolenter dicit: Ego scandam cælum, extollam solium meum supra stellas Dei, & ero similis altissimo: At ego contrā, Deus inquit, extollam me ipsum, insurgam aduersus te, & excindam nomen tuum ad vltimos nepotes vsq;. Et tua quidem consilia euanescent: quod verò semel decreui, mutari non potest, aut in casum cedere. Dicit dominus Pharaoni: Di-

1. Chron.

26. ver. 29.

2. Chron.

c. 29.

Esa. c. 34.

ver. 22.

Exod. c. 5.

Exod. c. 6.

# 34 VINDIC. CONTRA

mitte populum meum, vt mihi seruiat, vt mihi sacra faciat. Quia verò fastu tumidus Deum illum sibi notum non esse respōdet, præceps ruit. Nabuchodonozor vult statuatam suam coli, sibiq; diuinos honores exhiberi. Confestim effrenem miserè hominum audaciam reprimat Deus. Qui Deus videri volebat, homo esse desinit, & aurâ desertaq; loca asini instar oberrat, Eo vsque dum, ait Daniel, Deum Israelis supremum omnium Dominum agnoscat. Balthasar eius filius, sacris Templi valis diuino cultui ad suam ebrietatem abutitur. En verò quia Deo gloriam non tribuit, cuius in manu anima eius omnesq; viæ erant, regno pessum dato, eadem nocte trucidatur. Alexander Magnus adulatorū voce delectabatur, qui Iouis filium eum esse, & adorandum propterea affirmabāt. En verò inchoatos quasi de domito orbe triumphos præpropere mors interfecat. Antiochus vniendi regni prætextū, vnumquenque Legem Dei missam facere, & suam sequi iubet. Templum Iudæorum prophanat, altaria polluit. At multas calamitates, clades, strages expertus, fractis prostratisq; viribus, animi errore tandem conficitur, in eoq; quod Iudæos ad impietatem adigere voluisset, tam grauiam se pati profitetur. Deniq; si repetamus, quis Neronis exitus fuerit, qui Christianos

*Dan. c. 4.*

*Dan. c. 5.*

*Jer. 23.*

*1. Mach.*

*ca. ver. 43.*

*1. Mach.*

*c. 6.*

stianos vrbis incendio insimulatos scelera-  
tè contrucidauit: quis Caligulae, qui sibi sa-  
crificia instituit: quis Domitiani, qui Domi-  
nus Deusq; vocari voluit: quis Commodi  
& eorum omnium, qui honores soli Deo  
debitos, aut sibi vendicare, aut Deo tollere  
voluerunt: exitialem eorum perpetuò exi-  
tum comperiemus. Contra verò Traiani,  
Hadriani, Antonini Pij, & cæterorum eius-  
modi satis prosperum: qui si minus Deum  
coluerunt, Christianis saltem suo more co-  
lere permiserunt. In summa, vt vasalli rebel-  
les, regnũue affectantes, & supplicium  
extremum merentur, & feudum ipso iure  
committunt: ita & hi, qui aut legem Dei ex  
pacto obseruare nōlunt, aut obseruare vo-  
lentes inaudita causa persequuntur. Cum  
itaq; videamus eodem ferè modo Reges à  
Deo regno inuestiri, quo vasallos à domi-  
no superiore, feudo, iisdem de causis eo be-  
neficio priuari: eodem fermè loco hos, quo  
illos esse, Reges omnes Dei vasallos esse, o-  
mnino statuendum est. Hoc verò posi-  
to, quæstio nostra facile finietur. Si enim  
Deus est Domini superioris loco, Rex va-  
salli: quis non Domino, potius, quàm va-  
sallo, obediendum pronunciet? Si Deus  
hoc præcipit, Rex contrà: quis Regi aduer-  
sus Deum obsequium denegantem, rebel-  
lem iudicet? Imò verò quis non rebellionis



## 36 VINDIC. CONTRA

damnet, si aut Deo seignius pareat, aut Regi  
 ea in re pareat. Deniq;, si hinc Rex, illinc  
 Deus ad delectum nos vocet: quis Regem,  
 vt Deo militemus, deserendum non statuatur?  
 Ergo non modò non tenemur obedire Re-  
 gi contra legem Dei quid imperanti, verum  
 etiam si obediamus, rebelles sumus, non  
 secus ac si aduersus Regem colonus, pro se-  
 niore Regis vafallo, arma sumeret, aut edi-  
 cto superioris, quàm inferioris: Vicarii, quàm  
 Principis: Ministri, quàm Regis obedire  
 mallet. Ac propterea incidimus in execra-  
 tionem Micheæ Prophetæ, qui Dei voce  
 eos omnes, qui imptis Regum mandatis  
 obsequuntur, detestatur, & diris deuouet.  
 Legem Dei quum dicimus, intelligimus  
 duas Legis tabulas Mofi traditas, quibus  
 tanquam limitibus immobilibus, autori-  
 tas Principum omnium circumscribi de-  
 bet. Prima, Dei cultus, secunda officium er-  
 ga proximum continetur: prima, inquam,  
 Pietas, secunda Iustitia Charitati coniun-  
 cta, quibus Euāgelij promulgatio non mo-  
 dò non derogauit, verum etiam authorita-  
 tem adiunxit. Prima autem vt ordine, ita &  
 dignitate prima censetur. Si quem innocen-  
 tem Princeps occidi iubeat, si quem spolia-  
 ri, si cui vim inferri, nemo cui vel tantillum  
 conscientiaē superfit, parere velit. Si scelus  
 suum, adulterium puta, parricidium, aut  
 quid

*Mich. 6.  
 ver. 16.*



quid simile, comprobari flagitet, prodibit inter ipsos Ethnicos Papinianus aliquis, qui Caracallam coram reprehendat, & mori, quàm parere malit:

*Phalaris licet imperet ut sit*

*Falsus, & admoto dictet peiuria Tauro,*  
falsum testimonium dicere non sustinebit. Quid verò, si nos Princeps cum idolis commercium habere iubeat? si Christum crucifigere? si Deum eiurare, execrari, & quantum in nobis erit, cælo pellerè, an non multò æquius parere detrectabimus? Quin potius quia non satis est abstinere à malo, non faciamus etiam bonum, non modò idola non colemus, verùm Deum eo modo, quo præcipit, colemus: nec modò Baali nõ procubemus, verùm Deo sacra faciemus, qualia à nobis requirit. Etenim Deum quidem colere tenemur propter ipsum; at Principem honorare, ut & proximum amare, propter Deum. Quòd si verò proximum lædere, scelus est, si Principem violare, piaculum censetur quo tandem nomine tatum tamque atrox crimen censebimus, quo ipsa summi omnium Domini Maiestas petitur? In summa: ut longè grauius est creatorem, quàm creaturam, hominem quàm imaginem lædere, & in iure grauior est pœna eius, qui Maiestatem Regiam læserit, quàm qui statuam ei dicatam fregerit: ita non du-

# 38 VINDIC. CONTRA

bium est, quin eos, qui primam legis tabulam violant, grauior & atrocior vindicta, quàm qui secundam, maneât (etsi vna ab altera pender) adeoq; cautiùs adhuc in illa, quàm in hac agendum sit. Exempla verò maiorum docere nos possunt, quæ cautela hac in re sit adhibenda. Achabus Rex, Iezabele vxore instigante, Prophetas Dei vnde-

1. Reg. c. 18.

quaq; comprehensos occidi iubet. Abdias nihilominus, Aulæ Magister, eos abscondit & alit. In promptu excusatio est. In omni obligatione, quantumuis stricta, Deus perpetuo excipitur. Achabus idē, omnes Baali sacrificare iubet: Elias nihilo segnius arguit Regem, arguit Populum, sacerdotes Baal impietatis conuictos ad necem poscit. Inuito deniq; Rege vxorio, frementeq; impia vxore cultum veri Dei restituere conatur.

1. Reg. c. 18.

vers. 17.

Sin Achab obiicit, quod hodierni Principes solent, quòd Israelem turbet, quòd rebellis, quòd seditiosus sit, vt omnium, qui crimine vacant, hoc esse crimen solet: Imò verò, respondet, Tuis ipse es, qui Israelem tua rebellionē turbas, qui à Domino tuo ad hostes, à Deo vero ad deos alienos transfugeris. Eodē modo Sidrach, Misach & Abdenago, Regi Nabuchodonozor parere nolunt, vt neq; Daniel Dario, Eleazar Antiocho, & innumeris alij. Post verò Christi aduentum, cum iubentur Apostoli Euangelij

Dan. c. 3.

Dan. c. 6.

Act. 4.

ver. 19.

prædi-

prædicationem omittere, Iudicate, aiunt,  
vtrum iustum sit coram Deo, vobis potius,  
quàm Deo obedire. Ita modo mandatum  
Christi impleant, quid Reges sentiant, sus-  
que deque habent. Ipsi denique Iudæi A- *Ambr. Es*  
quilam argenteam statuamque Caligule in *pist. 33.*  
templo collocari non ferunt. Quid verò *Euseb.*  
Ambrosius, iubente Valentiniano Impera-  
tore, vt basilicam Mediolanensem Arrianis  
traderet? Conuenior, inquit, à Comitibus  
& tribunis, vt Basilicæ fieret matura tradi-  
tio, dicentib. Imperatorem iure suo vti, eo  
quod in potestate eius essent omnia, respo-  
di: Si à me peteret, quod meum esset, id est,  
fundum meum, argentum meum, ius hu-  
iusmodi meum non refragaturum. quan-  
quam omnia, quæ mea sunt, essent paupe-  
rum: verum ea, quæ sunt diuina, Imperato-  
ris potestati nō esse subiecta. Quid verò pu-  
tamus responsurū eum fuisse, si de viuo Dei  
tēplo idolis mancipando consultus fuisset?  
Exempla hæc & innumerorum Martyrum,  
qui mori, quàm parere maluerunt, quibus  
plenæ sunt Historiæ, legis disertissimæ in-  
star esse possint. At sanè ne lex quidem diser-  
tis verbis concepta nobis deest. Quoties-  
cunq; enim Apostoli Christianos monēt, vt  
Regibus & Magistratibus pateant, quasi de  
industria faciant, Deo parendum in primis  
& ante omnia præmonēt: præposteri istius

# 40 VINDIC. CONTRA

obsequij, ad quod adulatores Principū simplices cohortantur, nusquam ne leue quidem argumentum reperiās. Omnis anima, inquit Pāulus, superiori potestati subiecta esto: nam nulla est nisi à Deo. (animam omnem dicit, ne conditio vlla excipi videatur.) Satis ex hisce verbis concludi poterat, Deo potius, quàm Regi parendum esse. Si enim regi propter Deum, certè non contra Deum. At ambiguitatem omnem præcidere vult. Princeps (subiungit) minister Dei est, propter bonum nostrum, ad faciendam iustitiam. Sequitur adhuc idem: quia Domino potius, quàm ministro obtemperandum constat. Necdum tamen satis esse putat. Reddite, ait ille tandem, cui tributum, tributum: cui honorè, honorem: cui timorem, timorem ac si diceret, quod Christus: Reddite quæ sunt Cæsaris, Cæsari: quæ Dei, Deo. Cæsari tributum & honorem, Deo timorem. Consimiliter Petrus, Timete Deū, honorate Regem. Serui obedite Dominis etiam discolis. Hæc eodem, quo dicuntur ordine, facienda sunt. Nempe vt non tenentur dominis serui obedire, si quid aduersus Regis mādāta imperent: ita nec subditi Regibus, si quid aduersus legem Dei. Obiiciūt nobis impij: In iis etiam, quæ ad conscientiam pertinent, Regibus obediendum esse, & Petrum Paulumq; nobis, quasi huius impiæ

*Paul, c. 13.  
ad Rom.*

*Matt. 22.  
per. 21.  
Petr. epist.  
1. cap. 2.*

*Obiectio-  
nes.*

piæ sententiæ authores, obtrudere non verentur. Indeque quamcunq; legem sanciat Rex, parendum, quamcunq; religionem superstitutionemue sectetur, obsequendum statuant. Quàm aut ineptè, aut impiè, nemo est, qui non videat, Aiunt, ibi disertè obediendum esse Principibus non propter iram, sed propter conscientiam erga Deum. Conscientiam cum opponunt iræ, perinde est, ac si diceret non formidine pænæ, sed Dei amore non verborum metu, sed verbi diuini reuerentia, parendum esse. Ut pariratione Paulus, ad Colossenses, seruos ita heris inservire iubet, ut non heri oculo, aut furcæ, sed ipsi Deo servire se putent, non ut heri gratiam demereantur, cuius oculos etiam fallere possunt, sed ut officio satisfaciant, quod illis imposuit Deus, quem nemo fallere possit. Deniq; aliud omnino est, propter conscientiam obedire, aliud in iis, quæ ad conscientiam pertinent. Neque ij sanè, qui crucem & tormenta quævis suscipere, quàm Principibus impia iubentibus parere maluerunt, nos ita docuissent. Eiusdem impudentiæ est, quod idiotis obiiicere solent, Obsequium præstare sacrificio. Nil enim est, quod causam ipsorum citius iugulare possit. Sunt illa verba Samuelis Prophetæ, Saulem Regem reprehendentis, quod præposterè sacrificando, Dei mandatum

*Roman. 13.**ver. 5.**1. Pet. c. 2.**Coloss. c. 3.**ver. 22.**Sam. 6.**15. ver. 22.*

## 42 VINDIC. CONTRA

secutus non esset. Quod si ipse, quantumvis Rex, Deo obsequi tenebatur: sequitur sanè, subditos aduersus Deum Regi non teneri. In summa: qui Barbarorum Calucuthanorum more, Dei cultum ab hominis arbitrio, Religionem à Rege, tanquam Telluris Deo pendere volunt, si scripturæ sacræ, quod opinor, minus tribuunt: discant saltem ab Ethnico Oratore, in omni communitate quosdam esse officiorum gradus, ex quibus quod cuiq; præstat, intelligi possit, ut prima, ait, Diis immortalibus, secunda patriæ, tertia parentibus, deinceps reliqua reliquis gradatim debeantur. Vt cunq; verò crimen læsæ Maiestatis atrox sit: proximum tamen sacrilegio, quod in Deum diuinæq; res propriè committitur, à Iureconsultis vocari, adeò ut Templum effringere, quàm vitæ Principis insidiari, grauius putetur. Et hæc quidem cuius homini, modo non prorsus impio, sufficere posse videntur.

*Cic. 2. offi.*

*L. 1. ad  
Leg. lul.  
Maiest.*

## S E C V N D A

## Q V A E S T I O :

AN LICEAT RESTITERE

*Principi, Legem Dei violanti, & Eccle-  
siam Dei vastanti: quibus, quo-  
modo, & quatenus.*



Æ C Quæstio prima fronte dif-  
ficilis & ardua videtur, eò qui-  
dem magis, quòd cum sub piis  
Principibus supernacua, sub im-  
piis periculosa videretur, vix quisquã eam,  
nisi leuiusculè attigerit. Ex facto quæritur,  
Principi legem Dei obroganti Ecclesiamue  
destruenti, aut extruendam impediendi, an  
resistere liceat. Hoc verò, si eius iudicio sta-  
mus, Scriptura sacra nobis definiet. Sie-  
nim, quod ex ea facilè probabitur, vniuerso  
Populo Iudaico licuit, imò si iniunctum fuit,  
nemo, credo, negabit, quin idem de vniuer-  
so Populo Christiano alicuius Regni, idem  
planè statuendum sit. Considerandum est  
hic imprimis, Deum electo ex omnibus Po-  
pulo Israelitico, vt esset sibi peculiaris Po-  
pulus, fœdus cum eodem pepigisse, vt esset  
is Populus Dei. Extat id passim in Deutero-  
nomio. Vis autè huius Pactionis erat hæc,  
Vt curarent vniuersi, vt Deus à singulis Tri



# 44 VINDIC. CONTRA

*Deu. c. 7.  
v. 6. c. 14.  
v. 2.*

*Deut. 11.  
ver. 29.*

*Iosue c. 24.  
dijertius.*

*Ios. 5. v. 24.*

*Num. 2.  
Iudic. c. 19.  
& 10.*

bubus & singulorum contribulibus in terra Chanaan purè coleretur, Ecclesiamque suam in medio eorum perpetuò constitutam haberet. quod tum è multis aliis locis, tum disertè Deuter. 27. apparet. Ibi Moses & Leuitæ, quasi Dei nomine stipulantes, vniuersum Populum congregant, hisq; verbis affantur. Hodie, ô Israel, Populus Domini Dei tui sis. Obsequere ergo Deo tuo, & c. Cumque, ait Moses, Iordanem transieris, stantibus hinc ad môtē Garizim sex Tribubus, illinc ad môtē Hebal sex reliquis, Leuitæ legem Dei perlegent, ac obseruaturis fausta omnia, violaturis infausta precabuntur. Vniuersus verò Populus respondebit, Amen. Quod à Iosue postea tum terrā Chanaan ingresso, tum moribundo obseruatum legimus. Hinc animaduertimus, vniuersum populum obligatum esse legi Dei curandæ, Ecclesiæq; tuendæ, vt è contrario idolis Gentium exterminandis è terra Chanaan. quæ stipulatio ad singulos pertinere non potest, sed ad vniuersos tantum. Quo etiam & illud pertinere videtur, vt omnes Tribus circa Arcam Domini castrametarentur & tentoria sua figerent: vt quæ vniuersorum curæ commendata esset, ab vniuersis tegeretur. Vfus verò pactionis istius demonstrari potest. Ciues Gabaa è Tribu Benlamin Leuitæ cuiusdam vxorem



rem vi constuprant ad necem vsque. Leuita in duodecim frustra concisam Tribubus duodecim mittit, vt tantum scelus in Israele patratum vniuersi expient. Congregatur vniuersus populus in Maspha. Postulat à Beniamitis tanti sceleris cōscios noxæ dedit. Recusant illi. Ac demum Deo approbante, bellum in Beniamitas communi cōsilio decernitur. Hoc modo secunda Legis Tabula in Tribum integram, quæ peccarat, vindicata. De prima verò habemus exemplum euidentissimum in lib. Iosue. Postquā *Iosue 6.22.* Rubenitæ, Gaditæ & Manassai, cis Iordanem ad sua se receperunt, eximium statim altare in Galiloth prope Amnem extruunt. Videbatur hoc contra mādātum Domini, quo non nisi in Chanaan sacrificare licebat. ac propterea suspicio esse poterat, ne alienos deos colere vellent. Res vniuerso Populo, qui trans Iordanem habitabat, nunciata, inducuntur Comitia in Siloh, vbi erat Arca Domini. Conueniunt vniuersi. Mittitur ergo ad illos Phinees sacerdos, Eleazaris filius, qui de peccato in legem commissus coram agat. Vt verò publica authoritate hoc agi sciant, eximij quique ex vnaquaque Tribu legati mittuntur, qui cum iis expostulent, cultum Dei corrumpi eo modo, Deum ea rebellione infensum fore, nec ipsis modò, sed Israeli vniuerso, vt quondam

## 46 VINDIC. CONTRA

in Beelphegor: deniq; ni desistant, bellum publice indicant atq; denuncient. Quod pròculdubio consecutum fuisset, ni tribus illæ protestatæ fuissent, se altare illud monumenti tantum instar extruxisse: ex quo cis Iordanis & trans Iordanis eandem esse ac perpetuò fuisse religionem appareret. Quotiescunq; verò in cultu Dei vindicando negligentius se gesserunt, grauissimè afflictos eos fuisse videmus. Nec alia sanè de causa bis à Beniamitis victi fuisse videntur, quàm quod, dum iniuriam priuato factam vlcisci satagerent, dum stuprum punire, iniure Dei vindicando adeò segnes essent, ac quotidie etiam adulteria cum idolis impunita finerent. Fuit ergo primum hæc Pactio inter Deum & Populum.

*Fædus inter Deum & Populum.* Iam ex quo Reges populo dati sunt, non modò non desuit hæc eadem pactio, verum etiam perpetuò cõfirmata & repetita fuit. Diximus in Rege inaugurando duplex fædus initium fuisse. Et primum quidem inter Deum, Regem & populum, siue inter summum Sacerdotem, Populū & Regem. (populus enim 2. Chron. primo loco ponitur.) Finem verò eius eum fuisse, vt populus esset populus Dei, id est, vt is populus Ecclesia Dei esset. Quorsum sanciretur inter Deum & Regem, ostendimus. Quorsum inter Deum & vniuersum populum, exa-

2. Reg. c. 11.

2. Chron.

c. 23. v. 23.

examinandum. Certissimū sanè est, Deum non frustra hoc egisse. Ni enim aliqua auctoritas & promittendi, & promissa præstandi populo superfuisset, fœdus planè superuacuum fuisset. Videtur ergo Deus fecisse, quod in dubiis nominibus creditores facere solent, vt plures in eadem summam obligentur, vt eiusdem rei duo pluresue rei promittēdi constituentur, à quorum vnoquoq; tanquam principali reo solidum peti possit. Ecclesiam vnico hominioni committere lubricum erat. Eam itaq; vniuerso populo commendat atq; committit. Poterat Rex in tam lubrico gradu constitutus, facile in impietatem delabi. Ne itaq; collaberetur Ecclesia, populum interuenire voluit. In ea, de qua agitur, stipulatione, Deus, vel eius vice summus Sacerdos est Reus stipulandi: Rex & populus vniuersus, puta Israel, sunt rei promittendi, ambo ex vna eademq; causa, & quidē ex voluntate coniunctim obligati. Stipulatur Sacerdos, an non promittant, populum fore populum Dei: an non operam se duros, vt Deus Templum suum Ecclesiam suam in medio eorum perpetuò habeat, vbi ritè colatur? Spondet Rex, spondet Israel, (vniuersitas enim hominum vnus personæ vicem sustinet) & quidem coniunctim, non diuisim, vt ex ipsis verbis apparet: incōtinenti, non

2. Reg. 6. 13.  
L. mortuo.  
22. D. de fis  
deicomm.

*l. si non sin  
guli. C. si  
cert. pet. l.  
penul. D.  
de duob.  
reis. 2. C. 3.  
§. 1. D. eod.*

*L. cū poss.  
D. de cen-  
sib. & ibi  
Doctores.*

*L. cum ap-  
parebit.  
D. locati. l.  
si diuisa.  
C. eod.*

ex interuallo. Constituuntur ergo hic duo Rei, Rex & Israel, ideoq; æqualiter in solidum obligantur. Quemadmodum ergo, cum Caius & Titius eandem pecuniā Seio stipulanti coniunctim promiserunt, singuli ipso iure in solidum tenentur, & ab eorum alterutro solidum peti potest: ita tenetur Rex per se, Israelitem per se, curare cauere, ne quid detrimenti Ecclesia capiat. Vter verò negligat, Deus ab alterutro integrā rem petere potest, & eo quidem magis à populo quàm à Rege, quo plures, & difficilius labuntur, & magis soluēdo sunt, quàm vnus. Item vt in duobus correis, præsertim Fiscalis Tributi, vnus ita in solidum tenetur, vt beneficio diuisionis per nouellam constitutionem Iustiniani concessio vti nequeat: ita Rege & Israele, tributum Deo Regi Regum promittentibus, vterq; in solidum tenetur. Demum, quemadmodum in duobus reis promittendi, in iis præcipue contractibus, quorum obligatio ratione culpæ committitur, (qualis est hic) vnius culpa nocet alteri: ita Israel Deum deserat, Rex verò negliger ferat, tenetur culpa Israelis. Consimiliter, si Rex ad alienos Deos transfugiat, nec trās fugiat modò, sed alios etiam secum abducatur: denique quouis modo Ecclesiam perdere conetur: ni Israel eum quasi è fuga retrahat, aut etiam coerceat, eius culpa tenebitur.

nebitur. Breuiter: non secus ac si periculum  
 sit, ne vnus è reis promittédi, sua bona pro-  
 digendo, soluendo esse desinat, alteri datur  
 in eum utilis actio, ne correi culpa damnũ  
 patiatur. ita & Israeli in regem, Regi in Israe-  
 lem, sese idolis mancipantem, aut quouis  
 modo fœdus rumpentem, ne aut huius il-  
 le, aut vicissim hic illius culpam luat. Quod  
 verò ea stipulatio, de qua agimus, eius gene-  
 ris sit, ex aliis scripturæ locis apparet. Saul  
 Rege Israelis constituto, Samuel Sacerdos  
 & Propheta Domini, his verbis Israelem af-  
 fatur: Tam vos, quàm Rex vester, qui est su-  
 per vos, sequimini dominum Deum vestrũ.  
 quòd si perseueraueritis in malitia, ( mali-  
 tiam vocat, quod hominum imperium,  
 quàm Dei maluissent) tam vos, quàm Rex  
 vester peribitis. Addit verò rationem quia  
 placuit Deo, vos facere populũ suum. Hic  
 vides duos reos manifestè coniungi in eiuf-  
 dem pœnæ stipulatione. Sic Asa, Rex Iuda,  
 Azariæ Prophetæ hortatu, vniuersum po-  
 pulum, Iudam nempe & Beniamin, in Hie-  
 rusalem conuocat, fœdus cum Deo percu-  
 tiédi causa. Intereant & multi ex Ephraim,  
 Manasse, & Simeon, qui Dei purè colendi  
 causa eò se receperant. Tum verò, sacrificiis  
 ritè peractis, sancitur fœdus, his tanquam  
 conceptis verbis: Quicunq; non inuocauit  
 Dominũ Deum Israel, seu minimus, seu

1. Sam. c.

12. ver. 14.

Cap. 25.

2. Chron.

cap. 9. v. 13.

maximus, morte moriatur. Cum maximū dicit, ne Regem quidem ipsum huic pœnæ eximi vides. Quis verò hanc à Rege pœnam repossere possit (de temporali enim hic agitur) nisi vniuersus populus, cui ipse iurat, non secus ac populus ipsi? Eodem modo legimus, Iosiam Regem, vigintiquinq; annis maiorem, vniuersumq; populum fœdus cum domino sanxisse, promittentibus ambobus, se legem & statuta domini custodituros, continuoq; quasi implendi, aliqua ex parte, fœderis causa Baalis idololatriam destructam fuisse. Et plura fortè accuratius legenti testimonia succurrerent. Cur verò velimus vniuersi populi consensum requiri, cur Israelem Iudamue ad legis diuinæ obseruationem astringi, cur sanctè promittere, se perpetuò populum Dei fore, nisi velimus pariter, authoritatem facultatemue ei concessam, qua tum se à periurio, tum Ecclesiam à vastitate vindicet? Quorsum enim fœdus cum populo, vt sit populus Dei, si sese ad alienos deos per Reges abduci patitur, aut pati tenetur? Vt Deus purè colatur, si populus serui loco est, quo cum nulla obligatio esse possit? Si deniq; non licet ei operam dare, vt id, quod promissit, præstetur, Deus ne cum eo fœdus sanxit, qui neq; promittendi, neq; rem promissam præstandi ius habuit? An verius, fœdus cum popu-

Io

2. Reg. c.

23. v. 2.

2 Chron.

6. 4. v. 29.

L. quod at  
tinet. 32.

D. de reg.  
iuris.

lo sanciendo, remque eam fieri stipulando, ius ei esse, & rem promittendi, & præstandi, & præstandam curandi, euidenter ostendere voluit? Si ridemus enim & actione sum mouemus, qui cum seruo filiove familias contraxerit: an non impudētes simus, qui tale quid Deo tribuere velimus? Hinc verò est, quod regibus fœdus violantibus, Prophetæ Iudam, domum Iacob, Samariam perpetuò alloquuntur, vt eos officij sui admoneant. Nec id tantum, ne Baali sacrificent, sed vt Baalem etiam, eiusq; Sacerdotes, Rege inuito & reclamante, deturbent & exterminent. Sic cum Achab occidisset Prophetas Dei, Elias Propheta congregat populum, & quasi Concilium indicit, corripit, coarguit, conuincit. Populus verò eius hortatu, Sacerdotes Baal morte mulctat. Nempe officium suum deserente Rege, est quod suo fungatur Israel: nec tu-  
Jerem. c. 17. ver. 20. & passim.  
 multuariè aut temerè, sed publica auctoritate, Concilio habito, causa ordine cognita. At contra quotiescunque Regi, cultum Dei violanti, non obstitit Israel, quod diximus de duobus reis, quorum vnus culpa alteri nocet, vsu venisse videmus. Vt enim Rex Idololatriæ & perfidiæ suæ, ita Israel negligentia, conniuentia, socordia pœnas dedit: & eò quidem sæpius hoc, quàm illud accidit, quòd Regis plerunqu-



## 52 VINDIC. CONTRA

exemplum Principes, Principum populus sequatur, & vnius exemplo vniuersi potius peccēt, quàm vniuersorum vnus resipiscat.

1. Sam. c. 31

Exemplis res dilucidior fiet. Cur, quæso, sum deletumq; Israelis exercitū, vnā cum Saule Rege putemus? An Deus vlciscitur peccata Principis in populum? an Patris, in filium? Acerbum est, aiunt Iurisconsulti, parentis scelera, filiorum pœnis lui. Alieni sceleris quēquam pœnas pati, iura non sinunt. Absit verò, vt is qui vniuersam terram iudicat, inquit Abrahā, perdat iustum cum impio. Quinimò, ait Dominus, vt patris, ita & filij anima mea est. Nec pater filij, nec patris filius culpa patietur. Anima, quæ peccauerit, morietur. An non ergo potius, quia populus Sauli legem Dei violanti non resistebat, & pios impiè persequenti, Dauidem scilicet & Sacerdotes domini, applaudebat? E multis pauca similia proferemus. Saul idē,

Genes. 18.

7. 25.

Deut. 24.

7. 16.

2. Reg. c. 14

Ezech. 18.

vt tribus Iudæ possessiones amplificet, fidē publicā, iam inde ab ingressu Chanaan Gabaonitis datam frangit, ipsosque aded Gabaonitas, quātum quidem potest, è medio tollit. Violabatur eo facto tertium legis præceptum. Deus enim testis eiusce Pactionis fuerat. Quin & sextum, innocuos enim iniuste interficiebat. Vtraq; legis Tabula vindicanda erat. Et Saule eiusq; familia quidem ea scelera perpetrasse dicuntur. Interea ta-

2. Sam.

6. 22.

men,



men, Saule, iam è viuis sublato, Dauideque Rege constituto, cōsultus dominus respondet, tertium iam annum, propter idem scelus, terram Israelis vniuersam fame laborare. Nec ea prius desit, quàm septem è familia Saulis, Gabaonitis tanquam noxæ dederentur. Cur verò hic, cum vnusquisq; ex suo admissio sorti subiiciatur, nec alieni criminis successor constituatur quisquam, vniuersum Israël sceleris huius teneri dicas, ipso reo iam vita functo, & actione cū reo quasi extincta: nisi, quia cum deberet & posset publico & manifesto sceleri sese opponere, negligenter tulit? Cur pœnam irrogari vis, quæ nemini absq; culpa iure infligitur, nisi peccarit? Qua verò peccarunt, nisi quatenus peccatum tolerarūt? Eodem modo, cum Dauid mandat Ioabo & præfectis populi Israelitici, vt populū recenseant, graue eo ipso crimen commississe dicitur. Nempe vt Israel Dei iram prouocaret, cum Regem peteret, quòd in eius peritia salutē suam collocare videretur: ita hoc facinore Dauid, qui ex multitudine victoriam expectabat. Id enim propriè est, quod Propheta vocat, sacrificare retibus, & hamis thura adolere: quæ species idololatriæ est. Præfecti quidem, quia præuidebant id Israeli exitiale futurum, primùm paulisper refragantur: deinde etiam iudicis causa & perfuntoriè

*l. crimē 26.  
D. de pœnis.*

*L. fancia  
mus. C. de  
pœnis.*

*1. Sam. c. 8.*

*Abacuc 1.  
ver. 16.*

2. Sam. c.  
vlt.  
2. Chron.  
6. 21.

cenſum agunt. At populus vniuerſus plectitur. Nec Dauid modò, ſed & ſeniores Iſraelis, qui vniuerſitatem repræſentant, ſaccum induunt, ſeſeq; cinere conſpergunt. quod tamen propter Dauidis parricidium adulterio cumulatum neuiquam accidit. Hic quis non videt, vniuerſos & peccaſſe, & pœnitere debuiſſe, & pœnas deniq; luiſſe? Dauidem nempe impia præcipiendo, Deum prouocaſſe: præfectos populi, quos tanquã imperij Conſortes & Aſſeſſores, Iſraelis nomine, reclamare oportuit, aut conuiuendo, aut ſegnius repugnando, vniuerſos deniq; ad eum quaſi delectum comparèdo? Deum verò, non ſecus ac imperatorem, legionis vniuerſæ delictum, vniuerſali terrore, particulari quorundam ſupplicio, quãdã quaſi decimatione caſtigafſe? Cur verò tandem, Manafſe Rege Templum Dei polluyente, Deum non ipſum modò Manafſem, ſed vniuerſum populum alloquutum eſſe legimus, niſi vt Iſraelem, tâquam alterum promittendi reum admoneret, ni Regem in officio contineret, ſuo damno futurum? Ecquid enim illud alioqui apud Ieremiam, domum Iuda propter impietatem & crudelitatem Manafſis Aſſyriis mancipatam fuiſſe, niſi eo ipſo, quòd ſceleri non reſtitit, ſceleris ream fuiſſe ſtatuamus? Propterea Auguſtinus & Ambroſius, Herodes & Pilatus con-

2. Chron.  
6. 33. v. 10.  
2. Reg. c.  
24. v. 4.

Ier. 15. v. 4.

Auguſt. in  
Pſal. 82.  
Amb. in  
Offic.

con-

condemnant Christum, Sacerdotes neci tradunt: populus ferè illachrymatur. vniuersi tamen puniuntur. Cur ita? Quia, quem è manibus impiorum magistratuum eripere poterant, quia non fecerunt, occiderunt. Plura verò in hanc sententiam ex omnis generis Authoribus addi possent, ni Christianis Sacrae scripturæ testimonia sufficere deberent. Ceterum quia boni legislatoris est, non tam curare, vt delicta puniantur, quàm ne vlla committantur, cauere: vt boni Medici diætam præscribere potius, quàm morbos arceat, quàm remedia, quibus coercentur: pius certè populus, non modò coercet Principem, Legem Dei impiè abrogantem, verum etiam in primis cauebit, ne quidquam eius culpa negligentiaue sensim introducatur, quod tēporis tractu, purum Dei cultum corrumpere possit, nec crimina in diuinam Maiestatem publicè commissa, non tolerabit modò, verum etiam criminum occasiones diligenter auferet. Quod in confringendo æneo serpente, Ezechiam Regem, in expostulando cum cis Iordanis, de altari erecto, Israelem, cōuocato Concilio publico, fecisse legimus. Itaq; licet Israeli, si Rex legem Dei Ecclesiámue vertat, resistere: nec id modò, verum ni fecerit eiusdē criminis tuebitur, & eandem pœnam luet. Resister verò verbo, si verbo oppugnabitur:

# 56 VINDIC. CONTRA

vi, si vi: arte, inquam, & Marte, Quin & dolo bono, si dolo: cum nihil intersit, ubi iustum bellum susceperis, vtrum aperte pugnes, an ex insidiis. ita tamen, vt perpetuò dolum à perfidia, quæ nusquam licita est, accuratè distinguat, Verùm video iam, quid hic opponi possit. Quid, inquires? An verò vniuersam multitudinē, belluani, inquam, illam innumerorum capitum, tumultuari & concurrere in eam rem, quasi agmine facto oportebit? Quis verò in ea turba ordo esse queat? quæ Consilij, quæ rerum gerendarum species? Cum de vniuerso populo loquimur, intelligimus eos, qui à populo authoritatē acceperunt, magistratus, nempe, rege inferiores à populo delectos, aut alia ratione constitutos, quasi imperij Confortes & Regum Ephoros, qui vniuersum populi cœtum repræsentant. Intelligimus etiam Comitia, quæ nil aliud sunt, quàm Regni cuiusq; Epitome, ad quæ publica omnia negotia referuntur. Eiusmodi erant septuaginta in Regno Israelitico, quibus quodammodo præerat summus Sacerdos, qui de rebus summis iudicabant, è Lxx. familiis, quæ in Ægyptum descenderant, seni primum electi. Tum Duces, seu Principes Tribuum, in singulis singuli. Demum Iudices & Præfecti singularum urbium, id est, Chiliarchæ, Centuriones & cæteri, qui totidem

*August. in  
Iosuan. 23.  
q. 2. domi-  
nus. l. 1. D.  
de dolo ma-  
lo.*

totidem familiis præerant. Deniq; fortes, Purpurati, & ceteri, è quib. cōflabatur Concilium publicū, quod sæpissimè indictum legimus, his verbis: Et congregati sunt seniores in Rama, vt in electione Saulis. Et congregatus est vniuersus Israel, aut vniuersus Iuda, & Benjamin, &c cum vniuersam turbam eo conuenisse, verisimile non sit.

1. Sam. c. 5.

1. Chron. c.

27. & 28.

1. Chr. c. 12.

Eius generis sunt in omni Regno benè constituto, officarij Regni, Príncipes, Patres, Patritij, Optimates, & cæteri ab ordinibus delegati, è quibus cōflatur aut Concilium ordinariū, aut Concilium extra ordinem, Parlamentum, Diæta, cæteriq; conuentus. in diuersis regionibus diuersa nomina fortiti: in quibus ne quid aut Respubl. aut Ecclesia detrimenti capiat, prouidendum est. Illi verò vt singuli Rege inferiores sunt, ita vniuersi superiores. Vt enim rectè Basiliensis & Constantiensis Synodi, Synodum Oecumenicam Pontifice superiorem esse statuerunt, vt Capitulum Episcopo, Vniuersitatem Actore, Curiam decurione, eum deniq; qui ab aliquo cœtu authoritatem accepit, eo cœtu inferiorem esse, et si singulis superiorem ita dubiū esse non potest, quin Israel, qui Regem petiuit & constituit, quasi Actorem publicum, Saule superiore sit, Israele postulante, Israelisq; gratia constituto, vt pluribus postea ostende-

cur. Itaq; cum rebus benè gerendis, ordine  
 epis sit, qui in tanta turba seruari nequit:  
 ea verò sæpe accidant, quæ multitudini abs  
 que publico periculo ac discrimine dici nō  
 possint: quicquid vniuerso populo conce-  
 di aut committi diximus, officiariis Regni:  
 quicquid Israeli, Principibus & Senioribus  
 Israelis concessum commissumq; dicimus,  
 quod & vsus ipse comprobauit. Athalia Re-  
 gina, Ochozia filio Rege Iudæ mortuo, v-  
 niuersam ferè stirpem Regiam delendam  
 curat. Vix puer vnicus Ioas, in cunis adhuc  
 vagiens. Iosabæ amitæ prudentia simul &  
 pietate, superest. Illa verò rerum summam  
 inuadit, & sex annos in Iuda regnat. Mussa-  
 bat tum fortè populus: nec enim promere,  
 quicquid animo premebat, tutū erat. Tan-  
 dem Ioiadas summus Sacerdos, vir Iosabæ,  
 consilio cum Principibus Israelis clāculum  
 inito, coniurationeq; ritè peracta, Ioam se-  
 ptimo anno ætatis vngendum coronan-  
 dumq; curat. Matrem verò non modò è so-  
 lio exturbat, verum etiam è medio tollit,  
 Baalisq; idololatriā continuò destruit. Pro-  
 batur Ioiadæ facinus, & meritò. Iusta causa  
 mouebatur. Tyrannidē enim, non regnum  
 oppugnabat. Tyrannidem, inquam, pri-  
 mū sine titulo, vt loquuntur Iureconfulti  
 neoterici. Lex enim Regni Iudaici mulie-  
 res ad sceptrum nō vocabat. Deinde etiam  
 exer-

2. Chr. c. 23.

Bartol. de  
 Tyrannid.  
 Deut. 17.

exercitio Inuaferat enim nepotū regnum summo scelere, & scelera innumera committebat. quod verò caput scelerum erat, neglecto Deo vero, Baalem adorabat, adorarique iubebat. Iustè verò, & ab eo, cuius munus erat, vindicabat. Ioiadas enim non erat priuatus, sed Pontifex summus, ad quē rerum etiam ciuiliū cognitio tum pertinebat. Deinde, habebat affeclas Principes Iudæ & Leuitas, deniq; erat affinis Regis. Quod verò non indicit de more comitia in Mizpah, non culpatur, vt neq; etiam quod furtiue consilia iniret, & clanculum coniu-raret. Alioqui enim res minimè successisset, & in incassum cefsisset. Coniuratio autem bona malæue est, vt bonum, malumue finem spectat, & ab iis, quorum est, aut secus, initur. Rectè ergo Principes Iuda fecerunt: male verò, si secus se gessissent. Vt enim tutor cauere debet, ne pupilli bona depereant: ac ni faciat, actione tutelę tenetur: ita & hi populi salutem tueri, qui se totum ipsorum curæ tradidit, & credidit, suasque in ipsos actiones omnes quodammodo transtulit. In summa: vt licet vniuerso populo repugnare, ita & Principibus Regni, qui vniuersum repræsentant, non secus ac decurionibus pro corporis utilitate, cōtrahere. Vt verò refertur ad vniuersos, quod publicè per maiorem partem geritur: ita,

*Bartol. in  
Traët. de  
Guelpb.  
& Gibol.*

*Plp. Lico.  
D. dereg.  
iuris.*

quod maior pars Principū seu optimatum fecerit, omnes. quod omnes, vniuersus populus fecisse dicetur; Verūm hīc alia nobis exoritur quæstio.

*An pars  
Regni refi  
stere poss  
sit.*

Statuamus iam Regum aliquem, legem Dei Ecclesiāue abolere: Vniuersitatē consentire, aut maiorem saltem eius partem, Principes aut omnes, aut plures conuiuere partem interim aliquantulam populi, vnum, inquam, aliquem ex Principibus Magistratibusq; legem Dei retinere, Deumq; ritē colere velle: quid licere putes, si Rex aut eam partem ad impia sacra cogere, aut ei piis sacris interdicerē velit? Hic de singulis, seu de priuatis, non loquimur, qui vniuersitatis partes non censentur, vt neq; tabulæ, clauī, papilli, nauis: aut lapides, trabes, cæmenta, domus. Sed de aliqua Prouincia vrbeūe, quæ regni partem faciat, vt prora, puppis, carina, nauis: tectum, parietes, fundamentum, domum facere dicuntur. & de aliquo Magistratu, qui eius Prouinciæ, vrbeūe curam gerat. Equidem si exemplis certandum est, etsi ea propter assuetam hominum, in cultu Dei defendendo, desidiā, rariuacula sunt: tamen non prorsus desunt. L O B N A, vrbs Sacerdotalis, sese subducit Ioramō Regi Iuda, ab eoq; quodammodo deficit, quia defecerat à Deo patrum suorum, à quo ipsa deficere volebat:

&

*Iosue c. 22.  
Ver. 13.  
1. Chron. c.  
6. Ver. 17.  
2. Chron.  
c. 22. v. 10.*



& fortè verebatur, ne Baali sacra facere cogeretur. Consimiliter Antiochò iubente, ut Iudæi vniuersi, legem ipsius sequerentur, suamq; à Deo acceptam desererent: respondet Mathathias: Non obtemperabimus. ut transgrediamur nostram Religionem. Nec verò id modò: verum Zelo Phinees correptus, eo ipso, qui ad impia sacrificia conciuēs suos adigebat, sua manu interfecto, arma capit, in mōtes sese recipit, manum colligit. Deniq; pro Religione & patria, pro a-  
 ris, inquam, & focis, aduersus Antiochum  
 adeò prosperè, Deo fauente bellum gerit,  
 ut Hierusalem recuperet, & armis Gentili-  
 lium, in Ecclesiæ perniciem coniuratis, fractis, debilitatis. purum Dei cultū restituat.  
 Quòd si spectemus, quis ille esset, erat Mathathias Machabæorum parens, ex tribu Leui. Itaq; non licebat ei iure sanguinis, Regnum à Tyrānide vindicare. Qui verò cum illo, initio montigenæ, incolæ Modin, quibus vicini, aut ij etiam ex vniuersa Iudæa, qui Ecclesiam restitui cupiebant, sese adiunxerant. Cæterum vniuersi ferè, & maximi quiq; Antiocho obtemperabant, eiusq; imperium vltro patiebantur: adeò ut eius exercitu penè profligato, ipsoq; demum miserè mortuo, cum excutiendi iugi perpulchrā daretur occasio, filium ipsius Regem ac dominum non modò non inuiti agnoscerent,  
 1. Mach. c. 1.  
 ver. 43. c. 2.  
 ver. 22. c. 3.  
 ver. 43.  
 1. Mach. c. 5. v. 21, c. 7.  
 & passim.

*Iudic. c. 4.  
v. 5.*

verum etiam ad Regnum capessendum inuitarent. Possem etiam huc adducere exemplum Deborah. Deus manciparat Israellem Iabino Regi Chanaan, iamque vicesimum annum ei seruiebat. Itaque tanto tempore ius regni quodammodo præscripserat, Israel ferè vniuersus Deos alienos colebat. Præcipuè quæque tribus, Ruben, Ephraim, Benjamin, Dan, Aser, & cæteræ, quarum maiores erant vires, Iabino adhærebant. Nihilominus Debora Prophetissa, quæ ius dicebat Israeli, excitat ad arma tribus Zabulon, Nephtali, & Isachar, vel saltem quosdam ex illis tribubus, Duce Barac, Sisaram magistrum militiæ Iabini fundit, Israellemque tandem iugo Chananæorum, inuitum, & tantum non renitentem non liberat modò, verum etiam cultum Dei veri restituit. Verum quia extraordinario motu Debora excitata videtur, nec disertis verbis Scriptura probat Lobnensium factum, etsi tacendo consentire videatur, ut neque etiam libri Machabæorum usque adeò magna fuit in primitiua Ecclesia autoritas, ac præterea legibus magis, quàm exemplis, disceptandum vulgo dicant: ex facto, quid iuris statuendum sit, examinabimus.

Diximus, Regem iurasse in legem Dei, Ecclesiæque conseruationem, quatenus fieri posset, spondisse. Vniuersum item Israellem,

lem, tanquam vnum aliquem, idem stipulante Deo, promississe. Iam verò dicimus, singulas etiam vrbes, singularumque urbium, quæ Regni partem faciebant, magistratus, idem sigillatim quatenus sua interesset, disertè spopondisse. quod & vrbes & societates omnes Christianas tacitè fecisse conficitur. Iosue senio confectus, & morti proximus, congregat vniuersum Israel in Sichem ad præsentiam Dei. Erat enim in Sichem Arca fœderis Domini. Eò dicuntur conuenisse Seniores Israel, Principes Tribuum, Iudices & præfecti, atq; ij adeò omnes, qui publicam authoritatem in singulis Israelis urbibus obtinebant, & iurasse in Legē Domini, vltroq; & sponte Dei omnipotentis iugum elegisse. Vnde euidenter apparet, singulos Magistratus, Urbium, à quib. mittebantur, nomine spopondisse se curaturos & operam daturus, vt Deus ex Legis præscripto in medio sui coleretur. Iosue verò tum fœdere inter Deum & populum sanctè percusso, tabulisq; fœderis ritè consignatis, in perpetuam rei memoriam, lapidem illico erexit. Itaq; si Arca Domini accersenda est, conuocatur omnium regionum Urbiumq; Principes, Chiliarchi, Centuriones, Præfecti, & cæteri, Dauidis & Synagogæ Israeliticæ decreto & mandato. Si Templum Domino extruendū, idem prorsus obseruatur.

*Iosue 24.*

*Iosue 24.  
ver. 15.*

*1. Chron.  
c. 13.*

*1. Cbr. c. 7.*

*1. Reg. c. 7.*

*1. Cbr. c. 28.*

Ac ne quidquam Regibus creatis immutatum putetur, fœderi sub Ioa inter Deum & populum, itemq; sub Iofia fanciūdo iidem omnes interfunt, iidem omnes figillatim astringuntur. Itaq; non Rex modò sed Regnum: nec Regnum modo vniuerfum sed Regni partes omnes Deo figillatim fidem & obsequium promittunt. Non, inquam, Rex modò, sed Israel: nec Israel tantum sed singulæ Israelis vrbes, earumq; præfecti. se sanctè Deo deuinciunt, & quodam quasi hominio ligio in perpetuū aduersus quemlibet adstringunt. Exemplum ex iis, quæ hodie in vsu sunt, desumptum, rem luculètior faciet. In Imperio Germanico, cum Imperator inaugurandus est, adsunt Electores & Principes, tum Ecclesiastici, tum laici, aut ipsi, aut pèr legatos. Item Prælati, Comites, Barones deniq; omnium vrbiū imperialium legati, cum mandato in eam rem speciali, ac sese, eosq; quorū vicem gerūt, certis sub conditionibus, Imperatori submitunt ac subiiciunt. Iam, esto aliquis, qui Imperatorem vltro agnitum, de gradu eo deiicere conetur, qui ipse imperiū affectet, Principes verò & Barones auxilia debita, & tributa consueta Cæsari denegent, quin non conuiueant modò ipsi, sed etiam cum aduersario perfidè colludant: an non putas, Argentoratenses fortè, aut Norimbergen-

ses,

1. Reg. 6. 11.

2. Reg. 6. 23.

2. Chron.

cap. 23.

fes, qui fidem legitimo Imperatori promiserunt, prædonem illum iure optimo arce-  
re & excludere posse? Imò verò nifecerint,  
ni laboranti Imperatori succurrerint, an fi-  
dei præstitæ satisfecisse censebis? cum præ-  
sertim is, qui præpositum suum non prote-  
xit, cum posset, in pari causa factori habendus sit. Quod si ita est (vti reuera in confesso *L. 3. l. omne*  
est) an non idem Lobnensibus, aut Modi- *ne delictū.*  
nensibus, & licet, & ex officio competit, si *§. ult. D. de*  
Deum, cuius obsequio sese in primis deuin *re milit.*  
ctos sciunt, cæteri Regni ordines deserue-  
rint? Existat ergo Ioramus, aut Antiochus  
aliquis, qui cultum veri Dei tollat, qui sese  
supra Deum extollat: conuiueat, aut collu-  
dat Israel: quid ei vrbi, quæ Deum purè co-  
lere cupit, faciendum dicemus? Primum,  
dicat cum Iosue, Vos quidem vniuersi eli-  
gite, vtrū malitis obedire Deo vero, an diis  
Amorrhæorum. At ego saltem & familia *Iosue c. 24*  
mea seruiemus Domino. Eligite, inquam, *ver. 15.*  
vtrum huic, alienum imperium nullo iure  
inuadēti, ea in re parere velitis: ego sanè cui  
fidem præstiti, quoquo euētu seruabo. Nec  
vllatenus sanè dubito, quin Iosue omni co-  
natusuo, cultum Dei veri, in Tamnath Se- *Iosue c. 19.*  
rath vrbe Ephraim, quæ eius possessio & fa- *v. 50.*  
milia erat, retinuisset, etiamsi Israelitæ, Deū  
Amorrhæorum in terra Chanaan coli vo-  
luissent. Quid si verò Rex vltèrius pergat,

Præfectos mittat, qui nos ad impia sacra adigant, Deum deniq; è medio nostri expellere iubeat? an nō Regi Regiisq; portam, si possumus, occludemus potius, quàm Deū Regem Regum vrbe nostra excludamus? Advertant hic Municipēs, Ciuēsue & municipiorum ciuitatūq; populi Dei præfecti, duplex se fœdus iniisse, duplex iuliurandum præstitisse. Primum & antiquissimum Deo, vt ipse populus sit populus Dei: secundum, & proximum, Regi, vt ipse populus obsequatur Regi, tanquam duci populi Dei. Itaq; vt Vice Regi, aduersus Imperatorē Regēue suum coniuranti, quantumuis magnam antequam auctoritatem accepisset, si in vrbe nostra obsessum dedi posceret, parendum non foret, imò ex ipsa fidelitatis formula omni modo resistendum. Eodem pacto, summum scelus, ac vix vllō modo expiandum arbitremur, si Deum in medio nostri habitantē iubente Principe, vasallo, inquam, & ministro Dei, aut expellamus, aut in manus hostium, quatenus in nobis situm est, prodamus. Dices tu fortè: Verū vrbes ad Principem pertinent. itaq; aditum iure denegare non possis. At, inquā ego, vrbes non consistunt in lapidum coaceruatione, sed in populo: populus verò, est populus Dei, qui Deo primum, dein Regi tenetur. Quantum verò ad ipsas vrbes pertinet, etsi ad Reges

urbium

20. Cellat.  
de forma  
fid. & c. 1.  
de noua fide  
del. form.

urbium potestas, ad municipes tamen pertinet dominium. Sunt etenim vniuersa in Regis imperio, non in patrimonio: Deus vero vnus est omnium verè proprietarius dominus, à quo & ille imperium, & hic patrimonium habet. Ergo, ais, licebit subditis, Religionis causa à Rege deficere? An non verò, si semel hoc statuatur, quam rebellionis fenestram aperias, vides? Attède verò hic patienter, & re accuratè considera. Possem ego vnico verbo respondere, cum optio alterutrius datur, à Rege magis, quàm à Deo deficiendum esse, aut ex Augustino, vbi non est iustitia, ibi non esse Rempublicam. Iustitiam verò non esse, vbi homo ipsum hominem Deo vero tollit, & immūdis dæmonibus subdit, cum iustitia ea virtus sit, quæ suæ cuiq; distribuit. Itaq; qui eiusmodi dominiis sese subtrahūt, dæmoniis sese subtrahere, & latronū multitudinem potius, quàm Rempublicā deserere. Verū, vt altius rem repetā, videntur, qui eo modo se gerēt, quo diximus, defectorū loco non esse. Deficiunt à Rege vel Republica, qui hostili animo, Regis Reipublicæue imperio sese subtrahunt. Itaq; & inter hostes numerantur, & plerumque quibusuis hostibus periculosiores existunt. Hi verò, de quibus agimus, nil simile habent. Primum imperata facere non recusant, modò ea imperētur, quæ iure possunt,

*Seneca l. 7.  
de benef.  
c. 6. 7. & 6.*

*August. c.  
21. l. 19. de  
Ciuil. Dei,  
& lib. 4.*

*c. 4.*

*L. 5. D. de  
c. minut.*

aut saltem Deo iniuriam non faciunt. Tributa, vectigalia, munera, oneraq; consueta non detrectant, modò id tributi, quod Deo debet, non interuertatur. Cæsari Cæsarem agenti parent: Cæsari fines suos excedenti, alienum imperium affectanti, Dei solum inuadenti, superiorem amborù Dominum bello petenti, parere, iniustum putant. Deinde hostiliter se propriè non gerunt. Hostium est lacessere, prouocare, vtrò impressiones facere. Hi demum lacessiti, armis insidiisq; petiti, vix tandem imminente vnde quaq; morte, arma capiunt, seseq; aduersus illatam vim tuentur. Ac propterea cum hostibus non quotiescunque velis, pacem habeas. Neq; enim quotiescunq; arma depones, aut lacessere defines, deponant illi còtinuò, & otium capestant. Cum his, quotiescunq; optaris, præsto est. Desine cedere, cedunt: desine Deum oppugnare, desinent propugnare. Arma si velis iis è manibus excutere, satis est, modò ne percutias. Quia enim non inferunt, sed excipiunt ictus, ubi enssem reposueris, statim clypeum abiiciunt, ac propterea plerùq; insidiis & perfidiæ patent. quod exempla recentia satis ostendunt. Ut verò fugitiuum cum seruum non dixeris, qui vulnus intétanti Domino manum opponit, qui furenti sese subducit persequenti, cellulæ suæ ianuam, interea dum



dum furor deferuescit, occludit: multo minus hos defectores censere queas, (cum sanè seruorum nomine & loco non censeantur) qui pari aut etiam vehementiori furore percito, Principi portas vrbis claudant, vbi resipuerit, & ad se redierit, imperata facere parati. In eo genere est Dauid dux exercituum Israelis. sub Saule furibundo rege, qui sepe & calumniis vexatus, & ex insidiis petitus, montiū asperitate sese tuetur, quin & Ceilam quoq; vrbem furori regis opponere parat. Is enim quoscunq; potest, ad se allicit quidem, verum non vt Saulis vitam, quod euidenter apparuit, petat, sed vt propriam tueatur. Itaq; Jonathan Saulis filius, non veretur cum Dauide fœdus percutere, & identidem renouare. quod fœdus Dei Iehouæ vocatur. Abigail verò disertè ait, Dauidem iniquè petitum gerere bellum Dei. In eo genere sunt & Machabæi, qui oblatam ab Antiocho pacem, salua Religione, tum cum bellum commodissimè geri poterat, recipiunt tum à Demetrio Rege, tum etiam ab aliis. Nostro verò etiam tempore meminimus eos, qui pro vera religione, aduersus impietatem in Germania Galliaq; pugnarunt. quotiescunq; Dei purè colendi potestas facta est, arma vtrò deposuisse, & plerunq; aded, cum aut Saulem Philistini arma aliò vertere cogerent, aut Antiochum

2. Sam. c.

21. ver. 22.

2. Sam. c.

15. ver. 26.

1. Mach.

c. 6. v. 50.

vicinorum impetus reuocarent, aut aliàs bello continuando opportuna essent omnia. Eiusmodi ergo signis possint hi à defectoribus facile distingui. Est verò & aliud manifestissimum, si ita secedant, vt quotiescunq; secessionis causa sublata fuerit, ni extrema necessitas impediatur, redeundum statuunt. Tum enim non à Rege, sed à Ioramo vel Antiocho: non, inquam, à Republ. sed à priuata vnius aut plurium Tyrannide secedere putantur. Hanc nos distinctionem Theologorum Parisiensium cœtus (Sorbonam vocant) sæpius docuit. Anno circiter CIOCCC. Bonifacius octauus Pontifex, Regalia, quæ ad Regem Francorum pertinent, sibi vendicabat. Philippus Pulcher, Rex Francorum, eum per literas acerrimè obiurgauit. initium erat: PHILIPPVS, &c. BONIFACIO, sese pro summo Pontifice gerenti, &c. Actum quidem vniuersi agnoscere Pontificem esse vicarium Dei inter ra, & Ecclesiæ vniuersæ caput. Itaq; quod vulgò dicunt, communis error, iuris loco erat. Nihilominus tamen conuocata Sorbona respondit, Regem Regnumq; , absq; vlla Schismatis culpa, eiusmodi Pontificis obsequio sese subtrahere posse. Schisma enim non separationem, sed causam facere. Quòd si iusta causa subesset, separationem à Pontifice, non ab Ecclesia, & à Bonifacio quidem

*Annales  
Franciae,  
Archina  
Camera  
Ratiocina  
niorum  
Lutetiae.*

*L. Barbar.  
Philip. D.  
de Senat.*

quidē propriè, non à Pontifice fore, eo vsq;  
dum bonus aliquis sedem Pōtificiam tene-  
ret. In quæ verò discrimina vniuersi Regni  
animas ab Ecclesia, ni hæc distinctio vera  
sit, separatas cōiicerent, nemo est, qui non  
facile diiudicet. An non verò, rege iura Dei  
Opt. Max. inuadente, animasq; hōminum,  
quas Christus sanguine suo liberauit, duris-  
sima seruitute opprimente, multò æquius  
ea distinctione vti licebit? Consimiliter an-  
no CIO. CCCCVIII. Benedicto deci-  
motertio Ecclesiam Gallicanam tributis  
& exactionibus grauantē, Clerus Gallica-  
nus à Carolo sexto conuocatus statuit, Re-  
gem & Regni incolas Benedicto obtempe-  
rare non debere, nempe hæretico, Schisma-  
tico, ea dignitate prorsus indigno. quod &  
ordines Regni probarunt, & Senatus Lute-  
tianus Arestō comprobauit. Quin & quos  
Benedictus decimus tertius, tanquam Ec-  
clesiæ hostes & defectores anathemate per-  
culerat, protinus absoluendos censuit, & i-  
pso iure Ecclesiæ communionē non exclu-  
sos fuisse iudicauit & vt aliàs sæpè in Gallia  
& alibi quoq; factitatum passim legimus.  
Nempe vt euidenter ostenderent, si is, qui  
Principem locum obtinet, sese malè gerat,  
ab eo sine defectionis crimine secedi posse,  
& aliud omnino esse, à malo Pontifice, a-  
liud ab Ecclesia, aliud à Rege impio, aliud à

*Annales  
Carol. 6.  
Mônstres-  
letus.*

2. Reg. 6.  
19. v. 8.

Extrav. de  
maior. &  
qbed.

regno secedere. In ea verò causa Lobnenses fuisse videntur, quos restituito in integrum Dei cultu, inter Ezechiae subditos annumerari legimus. Quod si verò hæc distinctio obtinet, cum Papa Principis alicuius (qui eum superiore agnoscit) iura inuadit: an non longe iustius, si Princeps, si vasallus, inquam, Regalia Dei iura ad se rapere conetur? Statuendum ergo tandem, vniuersum populum, Principem impia iubentem, aut pia tantem, authoribus iis, qui populi auctoritatem penes se habent, aut pluribus coercere posse & debere. Deinde vniuersos aut saltem potiores in singulis regionibus vrbibusue, authorib. præcipuis magistratibus, tanquam à Deo primum, dein à Principe constitutis, impia sacra à suis mœnibus arceri iure posse, piaque iisdem tueri: quin & Ecclesie, quæ vna omnino est, pomoeria dilatare posse: ac ni fecerint, diuinæ Maiestatis, si saltem potuerint, reos esse.

An priuati  
repugnare  
armis possint.  
L. sicut 7.  
1. D. qd  
cuiusq; vniuersi.

Supere est modò, vt de singulis agamus, qui priuati dicuntur. Primum ex fœdere inter Deum & vniuersum populum, vt sit populus Dei, singuli non tenentur. Vt enim quod vniuersitati debetur, singulis non debetur: ita nec quod debet vniuersitas, singuli debent. Deinde, non tenentur ex officio. Tenetur enim quisq; Deo inservire in eo munere, ad quod vocatus est. Priuati ve-

ro

rd non habent potestatem, non funguntur magistratu, non habent imperium, non vllum ius gladij. Itaq; vt gladium priuatis nū tradidit Deus, nec ita vsum gladij ab iis re-  
 poscit. Priuatis dicitur: Mitte gladium tuū *Matt. 26.*  
 in vaginam. At magistratibus: Non geritis *Rom. 13.*  
 gladium frustra. Illis, si stringant, culpæ da-  
 tur: his, ni cum opus est, stringant, magna  
 negligentia culpæ loco est. Quid verò? di-  
 ces. An non singulis fœdus est cum Deo, vt  
 vniuersis? idiotis, vt magistratibus? Quo-  
 rum ergo circūcisio, quorum Baptismus?  
 quorum illa toties repetita tota Scriptura  
 sacri fœderis mentio? Est sanè omnino: sed  
 longè diuersissimum. Vt enim omnes om-  
 nino subditi iusti Principis, cuiuscunq; tan-  
 dem gradus sint, tenentur ei obedire: quidā  
 verò, peculiari quadam obligatione, vt ma-  
 gistratus, curare præterea, vt cæteri obedi-  
 ant: ita omnes omnino homines, Deo qui-  
 dem inferuire tenentur: at quidam, vnā cum  
 maiori munere, maius onus acceperunt, a-  
 dedò vt de cæterorum culpa, si negligent,  
 quodammodo teneantur. Curare debent  
 Reges, vniuersi, quiq; ab vniuersis gladium  
 habent, Magistratus, vt Ecclesiæ corpus ri-  
 tē gubernetur: singuli, vt eius tantum Eccle-  
 siæ membra sint. Illi, ne Templum Domini  
 polluatur, ne collabatur, sed aduersus om-  
 nem corruptionem internam, iniuriamue

# 74 VINDIC. CONTRA

externam tutum sit. Hi; ne corpus suum, quod Templum Dei est, impurum sit, vt in eo spiritus Dei inhabitet. Qui enim vastabit Templum Dei, quod vos estis, ait Paulus; Deus quoque eum vastabit. Illis ea de causa commissus est gladius, quo extrinsecus accinguntur. His cominendatus tantum gladius spiritus, verbum nempe Domini, quo Paulus Christianos omnes aduersus Diaboli impetum accingit. Quid ergo facient, si Rex ipsos ad impia sacra adigere velit? Si, qui ab vniuerso populo autoritate habent, Optimates sese opponant, aut sui saltem magistratus, pareant, obsequantur, & omni conatu, omni industria, tanquam Deo ipsi militantes, pios piorum conatus, adiuuent? Habent exemplum inter alia Centurionum & militum, qui Principibus Iuda Ioiadae hortatu, Ecclesiam ab idololatria, Regnumque à Tyrannide Athaliae Reginae vindicantibus alacriter paruerunt. Sin optimates & magistratus furioso Regi applaudunt, aut saltē non resistunt, praelo est consilium Christi: in aliam ciuitatē se recipiant. Habent exemplum piorum ē decem Tribubus Israel, qui veri Dei cultu per Ieroboamum sublato, vniuersis conuiuentibus, ad Regem Iuda, apud quem cultus Dei remanserat, sese recipiunt. Sin aliō fugere non datur, vitæ potius, quam Deo renuncient, crucifi-

2. Cor. c. 3.

17. 17. c.

6. 7. 19.

Ephes. c. 6.

Ver. 17.

Matt. 10.

Ver. 23.

2. Cor. c. 11.

Ver. 13. c. 15.

Ver. 9.

cifigantur potius, quàm Christum, vt Apostolus loquitur, denuò crucifigant. Nolite, ait Dominus noster, timere eos, qui corpus tantum occidere possunt. Ita verò & ipsius & Apostolorum, & innumerorum piorum Martyrum exemplo edocti sumus. Ergo ne mini priuato licebit armis resistere? Quid ergo de Mose statuemus, qui Israelem, inuito Pharaone Rege, abduxit? De Ehod, qui decimo octauo regni demum anno, quo Regnum vsucaptum videri poterat, Eglonem regem Moab interfecit, Israelemq; Moabitaram iugo liberauit? De Iehu denique, qui Ioramum Regem, cui ipse militabat, interfecit, Achabi stirpem deletit, Baalitas ad internecionem omnes excidit? An non erant illi omnes priuati? Certè si ipsos per se spectes, quia ordinariè constituti non erant, priuatos dicere queas. At ex quo extra ordinem vocatos scimus, ipso quasi Deo, suo illos gladio euidenter accingente, non modò priuatos non censebimus, verum quibusuis ordinariis potiores. Mosis vocatio & expresso Dei verbo, & signis euidentissimis comprobatur. Ehod dicitur à Deo excitatus, qui Tyrannum occidendo, saluum faceret Israelem. Iehu, iussu Elizæi Prophetæ vnctus, qui stirpem Achabi deleret, et si præcipui quique, Regem eum, antequàm rem aggredideretur, salutarant. Idem de cæteris,

*Heb. c. 4.*

*ver. 6.*

*Matt. 10.*

*ver. 28.*

*Exod. 12.*

*Ec.*

*Iud. c. 3.*

*v. 16.*

*2. Reg. c. 9.*

qui ex sacra Scriptura adduci possint, ostendi possit. Iam verò cum neq; Deus ore suo, neq; extra ordinem per Prophetas loquatur, est quòd hac in re sobrij in primis & circumspecti simus. Si quis enim eam sibi auctoritatem, quasi diuino spiritu afflatus, arroget, videat sanè, ne arrogàtia inflatus sit, ne sibi ipse Deus sit, ne sibi ex se magnos illos spiritus sumat. neq; itaq; concipiat vanitatem & pariat mendacium. Videat verò etiam populus, ne dum sub signis Christi militare cupit. Theudæ fortè Galilæo alicui, aut Barlozbæ (quod non ita pridem in Germania Muncerianis accidit) magno suo malo militet. Nec eo quidem id dico, quod idem ille Deus, qui nobis nostro hoc seculo Pharaones & Achabos immittit, liberatores etiam aliquando aliquos extra ordinem non excitet. Certè ipsius neq; iustitiæ, neq; misericordiæ quidquam vlllo tempore decedit. At sanè si minus exteriora illa signa adsunt, interiora saltem hæc agnoscamus ex effectibus oportet, mentem ab omni ambitione vacuam, verum & feruidum zelum, conscientiam deniq; & scientiam, ne aut errore ductus, alienis diis: aut furore ambitionis percitus, sibi magis quàm vero Deo seruiat.

*An arma  
iussè pro*

Porro ne quid scrupuli super sit, respondendum iis videtur omnino, qui Ecclesiam  
armis



armis defendi non posse aut censent, aut certè, quod verisimilius est, censere videri volunt. Aiunt hi, non sine magno mysterio Deum vetuisse in Lege, ne altare ferro poliretur. Consimiliter eò, quòd in extruendo Salomonis Templo nullus ferræ malleiut ferrei strepitus auditus sit: Ecclesiam, quæ viuum Templum Dei est, armis nō esse instaurandam, innui volunt, quasi lapides ipsi ex lapidicinis, absque ferro excisi fuerint. quod ipse Scripturæ textus falsum esse, arguit. Quòd si speciosæ isti allegoriæ opponamus, quod Nehem. 4. cap. legimus, partem populi cæmentū, partem ensem, quosdam atiam vtrumq; in extruendo secundo Templo gestasse, ne nouum opus ab impiis turbaretur, nèpe, non vt gladio extruerent, sed ne destrueretur, cauerent: eodemq; modo Ecclesiam nō propagari armis quidem, sed aduersus hostes, qui propagationem eius impedire conantur, propugnari. Deniq; pios Reges & Principes innumeros, cultū Dei aduersus Ethnicos armis, quod tota scriptura adparet, vindicasse. Obiiciunt illi continuò: illa quidem locum habuisse sub lege: at ex quo Christus gratiam attulit, nec phalerato quidem equo, sed asello vectus Hierusalem ingredi voluit, omnino desuisse videri. Primum, in cōfesso apud omnes est, Christum, quandiu in terris egit, non iudi-

*Religione  
capiantur.*

*Exod. 20.*

*ver. 25.*

*Deut. 27.*

*Iosue 4.*

*1. Reg. 1. &*

*ver. 7.*

cis, sed rei: non Regis, sed priuati partēs egisse. Itaq; quòd arma non tractarit, ad rem non pertinere. Verùm hos iam rogatos velim: An per aduentum Christi, ius gladij magistratibus ablatum putent? Si aiunt: obstat Paulus, qui magistratus non frustra gestare gladium dicit, & aduersus plebis impetum opem eorum non recusat. Sin contra: cur ius gladij habere eos velint, nisi vt bonos seruando, malos malè perdendo, Deo, qui ipsos gladio accinxit, inseruiant? Quæ verò magis in re, quàm in Ecclesia, quæ ei dicata est, aduersus impios tuèda? in peculio Christi aduersus prædones asserendo? Rogarim deinde, an militiam omnem inter Christianos exauctoratam putet. Si aiunt: Cur ergo Iesus Centurionis orationem exaudit? Cur milites Ioannes stipendio contentos esse, neminè concutere iubet, militiam deferere non iubet? Cur Cornélium Centurionem, primitias, inquam, Gentium Petrus baptizat? nec tamen ad cingulum militiæ deponendum hortatur? Quòd si verò militia iusta est, quæ tandem illa iustior esse possit, quæ superioris iussu, pro Ecclesiæ defensione, proque piorum salute suscipitur? An enim aut vlla maior Tyrannis est, quam quæ in animam exercetur? aut laudabilior militia, quàm qua extrema Tyrànis coercetur? Rogarim demum, an vlla Christianis bellagere

*Rom. 13.**Acto. 23.**Matth. 5.**Luc. 3. v.*

14.

*Act. 10.*

rere liceat. Si negant: cur ergo milites, Centuriones, Tribuni militum in Ecclesiam recipiuntur, quorum vnum id munus est, vt bello inferuiant? Cur integras legiones è Christianis conflatas legimus, Melitensem, inquam, victoria tantopere ab antiquis Doctoribus & Historiographis decantata insignem, Mauritianamq; martyrio decoratam? Quod si verò licet, vt fortè tuendis finibus, arcendisq; hostibus licere fatebuntur: an non multò æquius, tuendis piis, arcendis impiis, propugnandis deniq; Regni Christi, Ecclesiæ, inquam, finibus? Eccur enim alioqui meretricem Babylonicam decem Regum, quos ipsa fascinarit, armis exterminatum tandè iri Ioannes prædicit? Ad hæc, quid aliàs, de bello Constantini in Maxentium, Liciniumq; tot panegyricis celebrato, tot doctorum calculis cōprobato? quid deniq; de Principum Christianorū in Turcas & Saracenos expeditionibus statuemus? quorum vnus omnium finis aut fuit, aut esse debuit, ne Templū domini aut extructum destruerent, aut extruendum turbarent? Ergo Ecclesia etsi armis non propagatur, armis tamē iustè propugnari potest. Quin non minus martyres sunt, qui in sacro illo bello moriuntur, quàm qui crucem Religionis causa patiuntur. Imò sanè eo videntur potiores, quòd illi oblatam quidem

*Apoc. c. 17.  
ver. 16.*

## 80 VINDIC. CONTRA

mortem non recusant: hi verò vltro scientes prudentesq; suscipere videantur. Propagare conantur Turcæ suam opinionem armis, qui quamcunq; prouinciâ armis subegerint, Mahumeris impia dogmata, sola violentia nixi, inducunt, qui arma in Alcorano suo tantopere commendauit, vt illac rectâ ad superos iri, dicere non vereantur: etsi neminem ipsi interea cogunt. At multo magis adhuc is Religionis Christi; hostis, & ij Reges, quos ipse fascinauit, qui luci Euangelij flammâs, verbo Dei verbera, gladio spiritus acies instructas opponunt, omnesque quantum in iis est, ad impia sacra, oblatis tormentis adigunt. qui quam suam fidem vocant, perfidia, & traditiones suas assiduis proditionibus defendere & asserere non verentur. Propugnant verò contra pij Principes & magistratus, qui propagatam propagandamue Christi vineam, ne ab apris vastetur, sepe circundant & muniunt, qui prædicatione verbi ad purâ religionem conuersos scuto suo protegent, gladioque tuentur. qui templum Dei, è viuis lapidibus extructû, dum ad fastigium vsq; adsurgat, aduersus violentos impiorum impetus, vallo, fossa, aggere, omni industria communiunt. Hęc hætenus, ne quis in ea quæstione hæreat. Sciant itaq; vniuersi, aut qui ab iis constituti sunt, Regni officarij, eorumue plures,

plures, aut singuli, ni Regem Legem Dei  
corruptentem, restituere prohibentem,  
intra fines suos contineant, ex fœdere cum  
Deo inito grauius peccare. Ciues Prouin-  
cialésue, qui Regni alicuius aliquantulam  
partem faciunt, ni impietatem à suis saltem  
finibus arceant, quam Rex intrudere velit,  
aut piam doctrinam quibuscunque modis,  
etiam si ad tempus secedendum sit, retine-  
ant, consimiliter pœnæ obnoxios esse. Pri-  
uati demum, si impia iubenti pareant, nul-  
lo modo excusari. Cæterum ni extra ordi-  
nem ad id munus vocatos euidenter appa-  
reat, suapte autoritate arma se capere nul-  
lo iure posse. Et ea quidem omnia ex Scri-  
ptura sacra constare videntur.

## TERTIA QVÆ

STIO:

*AN, ET QVATENVS PRIN-  
cipi rempublicam aut oppriment, aut per-  
denti, resistere liceat. Item, quibus id, &  
quo modo, & quo iure per-  
missum sit.*



VIA nobis hîc de legitima Prin-  
cipis autoritate agendû est, non  
equidem dubito, quin Tyrannis  
& malis Principibus hæc questio

odiosa futura sit. Qui enim quodcūq; libet, sibi licere putant: non mirum, si rationis & legis vocē sustinere nullo modo possint. At bonis saltem Principibus gratā eam fore spero, qui magistratū, quā tandem auctoritate potiat, nil nisi animatam legem esse sciunt. Nec verò si quid in illos acrius dicatur, ægrius hi ferēt, quasi sua vllatenus intersit. Tyranni Regibus, iniusti Principes iustis, e diametro opponuntur. Itaq; tātum abest, vt quod in Tyrannos dicitur, quidquam Regibus detrahat, vt cōtra quo plus illis detrahitur, eò plus glorię his accrescat: nec illi quidem vituperari possint, quin hi laudentur. Illi sanè quid sentiant, fusq; deq; habeo. Neq; enim ipsis, sed in ipsos scribo. Hi quin consentiant, vix dubitare queam, qui non secus ac Pastores lupos, Medici veneficos, Prophetæ Pseudoprophetas, Tyrannos & iniquos Principes odisse debent. Quod enim odium natura canibus in feras inleuit, ratio certè Regibus in Tyrānos ingeneret omnino necesse est: cum illi rapro viuant, hi rapinæ coercendæ nati & dati sint. Adulatores Tyrannorum frontem fortè, si quam habent, contrahent, quos erubescere conuenientius esset. Amici Regum, scio, non modò assentientur & annuent, verum etiam adstipulari non verebuntur. Vt quis ergo hæc legendo, aut studio, aut ira moue-

mouebitur, ita se mente affectum putet. Ad rem itaq; adgrediamur.

Ostendimus antea, Deum Reges institue-  
re, Regna Regibus dare, Reges eligere. Di-  
cimus iam, Populum Reges constituit, *Reges à*  
Regna tradere, electionē suo suffragio com- *populo.*  
probare. Quod quidē ita fieri voluit Deus,  
ut quantumcunq; authoritatem & potesta-  
tem haberent, Populo, secundum ipsum,  
acceptam ferrent. Itaq; omnem suam cu-  
ram, cogitationem, industriā in utilitatem  
populi conferrent. Nec verò se, ob aliquam  
naturæ præstantiā cæteris hominibus non  
secus ac homines gregibus aut armentis,  
præesse arbitrantur. Verum eadem om-  
nino cum cæteris sorte natos, suffragiis &  
tanquam humeris populi ex humo in eum  
gradum sublato meminissent, in quorum  
postea humeros reipublicæ onus, magna  
ex parte, recumberet.

Aliquot ante seculis, quā populus Israe-  
liticus Regem à Deo peteret, Deus legem  
regni senxerat, quæ extat Deuter. 17. Cum  
perueneris in terrā, quam Dominus Deus  
tibi possidendam dedit, in eaq; habitau-  
eris, ait Moses, tu dices, Constituam Regem  
super me, ut cæteræ gentes, quæ sunt in cir-  
cuiu: tum verò eum Regem constitues,  
quem Dominus tuus elegerit è medio fra-  
trum tuorum, &c. Hic vides electionem

# 84 VINDIC. CONTRA

Regis tribui Deo, constitutionem populo. Postquam verò eò ventum fuit, ita prorsus obseruatum legimus. Seniores populi Israhelici, qui populum vniuersum repræsentabant, (eò enim nomine comprehenduntur, vt passim, Chiliarchi, Centuriones, Quinquagenarij, Decuriones, Iudices & præfecti omnium Tribuum Israhel, tum verò maximè Principes & Capita tribuum) conueniunt in Rama ad Samuelem, & partim filiorum Samuelis, qui iniquè ius dicebant, pertæsi, partim bella eò melius gestum iri rati, Regem à Samuele postulant. Consulenti Samueli reteggit Deus, se Saulem elegerit, qui populum regeret. Samuel itaq; Saulem vngit: quæ omnia ad Electionem Regis postulante populo factam pertinent. Ac satis fortè fuisse videretur, si Samuel electum à Deo Regem populo adduxisset, & ei parendum esse, monuisset. Nihilominus tamen quo se Rex à populo constitutum sciat, Samuel indicit Comitia in Maspha, ibiq; quasi re adhuc planè integra & infecta, quasi, inquam, nondum constaret Saulis Electio, fors iacitur, quæ à Tribubus Tribum Benjamin, è gentibus gentē Metri: è gente Metri, Saulem, eum ipsum, quem Deus elegerat, seligit. Tum verò demum, populo vniuerso acclamante, Saul Rex nominatus dicitur. At tandem, ne forti omnia tribuat, post-

1. Sam. 8.  
ver. 5.

1. Sam. c. 9.  
ver. 16.

1. Sam. c.  
10. ver. 17.  
et seq.

1. Sam. c.  
11. ver. 14.



postquam liberatis Ammonitarū obsidio-  
 ne Iabezanis, suæ virtutis specimen quo-  
 dammodo edidit, ne quicquam secedenti-  
 bus quibusdā è populo, ab vniuersis in Gal-  
 gal coram Domino rex confirmatur. Hic  
 vides, eum, quem Deus ipse elegerat, quem  
 fors à reliquis selegerat, suffragiis populi  
 Regem constitui. Quid verò Dauid? Eui-  
 dētius adhuc, Saule reprobato, Samuel Dei <sup>1. Sam. 6.</sup>  
 iussu Dauidem, quem Deus elegerat, in Re- <sup>16.</sup>  
 gem Israel vngit. quo facto Spiritus Domi-  
 ni agit in Dauide, Saulem verò continuo  
 deserit. Regnatne verò Dauid propterea?  
 imò errat, vagatur, exulat, extrema sepe ex-  
 peritur. nec prius rex existit, quàm, mortuo  
 Saule, vniuersi populi Iehudæ suffragiis,  
 Rex Iudæ primū: septem verò post annis  
 vniuersi Israelis consensu, Rex Israel in He-  
 bron vngatur. Itaq; bis vngitur, primū à  
 Propheta, Dei iussu in Electionis signum,  
 deinde, iussu populi, dum Rex constituitur.  
 quo semper recordentur Reges, se à Deo <sup>2. Sam. 6. 2.</sup>  
 quidem, sed per populum, & propter popu-  
 lum regnare: nec verò Deo tantū & gladio,  
 vt loquūtur, regnum acceptum ferant. qui  
 gladio ipso, per populum primū accincti  
 fuerint. Idem prorsus in Salomone obser-  
 uatur: etsi is filius Davidis erat. Deus elege-  
 rat Salomonem, vt sederet super solium Re <sup>1. Sam. 7.</sup>  
 gni sui, & dñertè Dauidi pollicitus erat, se <sup>ver. 13.</sup>

1. Reg. 5. illi tanquam Patrem filio affuturum. David  
 1. Chron. ipse Salomonem Regni successorē designa-  
 c. 28. v. 5. rat quibusdam ex Aulæ præcipuis præsen-  
 1. Reg. 1. tibus. Nec tamen id satis fuit. Itaq; conuo-  
 v. 32. cat David in Hierusalem Principes Israel,  
 1. Chron. c. Principes Tribuum, Principes earum tur-  
 28. v. 1. & nes singularum urbium, Præfectos dominij  
 c. 29. 7. 22. Regij, filios suos, quoniam & purpuratos om-  
 c. 24. nes; & egregios quosque viros, qui de Ele-  
 ctione statuerent. Ac in eo cœtu, Dei nomi-  
 ne inuocato, ab vniuerso Israelis agmine Sa-  
 lomō rex proclamatus, in Regem vngitur,  
 inq; Israelis solio (ita enim legitur) colloca-  
 tur. Tum primum verò Principes, Optima-  
 tes, atq; ipsi adeò fratres, ei sese iureiuran-  
 do publicè deuinciunt. Ne verò id in ambi-  
 gua tantum fratrum successione factum pu-  
 tes, eodē omnino modo alios passim con-  
 stitutos legimus. Mortuo Salomone popu-  
 lus conuenisse dicitur, ad constituendum  
 1. Reg. c. 10 Roboamum. Cæso Amasia, Ozias filius e-  
 1. Chron. ius vnicus, ab vniuerso populo Rex consti-  
 c. 16. c. 36. tuitur. Post Ioramum, Ochozias, post Io-  
 c. 22. siam Ioacham filius, cui patris alioqui pie-  
 tas non parum patrocinari potuisset. Quò  
 1. Sam. c. pertinet & illud Chusai ad Absalō: Sequar,  
 16. ver. 18. ait, eum Regem, quem Deus, populus & v-  
 25. niuersi ex Israele elegerint, id est Regem le-  
 gitimè

gitimè & ritè constitutum. Itaq; etsi Deus  
lucernam populo suo è stirpe Davidis per-  
petuam promiserat, etsi, inquam, Regum  
Israelis successio ipso Dei verbo compro- *Psal. 132.*  
bata erat: nihilo minus tamen, cum Reges  
non prius regnasse videamus, quàm à popu-  
lo ritè constituti fuissent: concludere licet,  
Regnum Israelis, si stirpem spectas, hæredi-  
tarium certè fuisse: at sanè si personas, om-  
nino Electiuum. Quorsum verò hæc, si de  
Electione constabat, vt in confesso est, nisi  
vt tantæ dignitatis à populo collatæ recor-  
datio ipsos sui officij perpetuò memores  
faceret?

Ita verò Ethnicos etiam Reges à populo  
constitutos legimus. Nempe cum aut foris  
bellum, aut domi lites essent, vnus aliquis,  
cuius de fortitudine & iustitia magna erat  
multitudinis opinio, communi cōsensu in  
Regem assumebatur. Et apud Medos, in- *Hero lib. 1.*  
quit Cicero, Deioces ex arbitro iudex, è Iu- *Cice. lib. 1.*  
dice Rex creatus, & apud Romanos primi *Offic.*  
Reges. Itaq; cum Romulo sublato centum  
Senatorum inter regnum Quiritibus mi-  
nus gratum esset, conuenit vt postea Reges  
suffragiis populi, comprobante Senatu de-  
ligerentur. Tarquinius verò Superbus ideo *Liu. lib. 1.*  
Tyrannus habetur, quòd neque à populo  
neque à Senatu creatus, sòla vi & poten-  
tia nixus, imperium teneret. Propterea

Cæsar etsi imperium vi inuaserat, tamen vt aliquo saltem iuris prætextu imponeret, imperium à populo senatuq; accepisse videri volebat. Augustus verò etsi à Cæsare adoptatus, hæredem se imperij nūquam, quasi ex testamento, gessit. Quin potius Senatui populoq; acceptum tulit, vt & Caligula, Tiberius, Claudius : Nero verò qui primus vi ac scelere inuasit imperium, nullo iuris colore fretus, à Senatu damnatus fuit. Omni-  
no cum nemo Rex nascatur, nemo per se Rex esse, nemo absq; populo regnare possit: Populus verò contra & per se esse queat, & Rege prior tempore sit: Reges omnes à populo primum constitutos fuisse, certissime constat. Etsi verò, ex quo virtutem patrū imitati filij, nepotésue, Regna sibi quasi hæreditaria fecisse videntur, in quibusdam regionibus Electionis libera facultas desuisse quodammodo videatur, mansit tamen perpetuò in omnibus regnis bene constitutis ea consuetudo, vt demortuis non prius succederent liberi, quam à populo quasi de nouo constituerentur, nec tanquam sui hæredes Patribus agnascerentur: sed tum demum Reges censerentur, cum ab iis, qui populi maiestatem repræsentarent, Regni inuestituram, quasi per sceptrum & diadema accepissent. In Regnis Christianis, quæ hodie per successionem deferri dicuntur, huiusce

iufce rei veftigia euidentiffima extant. Reges etenim Franciæ, Hispaniæ, Angliæ & cæteri, ab Ordinib. Regni, Patribus, Patriis, Magnatibus, qui vniuerfitatem populi repræfentant, inaugurari folent, & quafi in Regni poffeffionem mitti: non fecus ac Imperatores Germaniæ ab Electoribus, & Reges Poloniæ à Vayuodis feu Palatinis, vbi ius fuum Electio integrum obtinet. Nec verò illis Regius honos in vrbibus Regni prius exhibetur, quàm ritè inaugurati fuerint. Vt neq; etiam olim Regni tempus, nifi à die inaugurationis, quod in Gallia accuratè obtinuit, computabatur. Ac ne ob continuatam aliquot fucceffionum feriem hallucinemur, in illis iifdem Regnis, sæpe filio agnatum, primogenito fecundogenitum Ordines Regni prætulerunt vt in Francico, Roberto Druydarum Comiti, Ludoicum fratrem: item Roberto Capeti, nepoti, Henricum fratrem fecundogenitum, & cæteros aliis. Quin & Regnum idem populi auctoritate, de gente in gentem, extantibus legitimis hæredibus, translatum fuit, à Merouingiis ad Carlingos, à Carlingis ad Capetanos. Quod & in cæteris factum, è veriffimis hiftoriis fatis conftat. Ne verò à Francico, quod cæterorum exemplar femper habitum fuit, in quo, inquam, fucceffio plurimum obtinere videtur, recedamus,

*Annales  
Gillij.*

Pharamundum anno CCCCXIX electum legimus: Pipinum, DC CLI. Pipini filios, Carolum Magnū, & Carolomanum DCC LX VIII. nō habita patris ratione. Sublato demum DC CLXXI. Carolomano, non accreuit continuò Carolo Magno fratris portio, vt in hæreditatibus fieri solet, sed populo & Concilio publico decerpente. Eodem auctore Ludouicus Pius, anno DCCCXII. quamuis Caroli Magni filius, eligitur. In ipso verò Caroli testamento, quod apud Nauclerum extat, rogat populum, è suis Nepotibus per Concilium Regni publicum, quē voluerit, eligat, patriuos verò acquiescere populi decreto iubet. Unde Carolus Caluus, è Ludouico Pio, & Iuditha nepos, sese apud Almoinum Historiographū, Regem electum profitetur. In summa: omnes omnino Reges, ab initio electi fuerunt. Et qui hodie per successionem regnum adire videntur, prius à populo constituantur necesse est. Denique etsi populus ob egregia quædam merita ex aliqua stirpe Reges sibi deligere, in quibusdam regionibus solet: stirpem ipsam, non surculum deligit: nec ita deligit, quin si degeneret, aliam eligere non possit. Qui verò ex ea stirpe etiam proximi sunt, non tam Reges nascuntur, quam fiunt: non tam Reges, quàm Regum candidati habentur.

Iam

Iam verò, cum Reges à populo constitu-  
antur, omnino sequi videtur, populum v-  
niuersum Rege potiolem esse. Ea enim vis  
verbi est, vt qui ab aliquo constituitur, eo  
minor habeatur, qui ab aliquo authorita-  
tem accepit, suo authore inferior sit. Puti-  
phar Ægyptius constituit Iosephum super  
familiam suam: Nabuchodonozor Danie-  
lem super Babylonicam Prouinciã, Darius  
præsides centum & viginti super Regnum.  
Nempe domini seruos, Reges ministros cõ-  
stituire dicuntur. Sic etiam populus Re-  
gem, tanquam ministrum Reip constituit.  
Quod nomen boni reges non aspernati  
sunt, mali etiam affectarũt, adeò vt aliquot  
seculorum spacio, ex imperatoribus Roma-  
nis nemo, nisi manifestè Tyrannus, quales  
Nero, Domitianus, Caligula, dominus vo-  
cari voluerit. Deinde Reges populi causa  
institutos constat. Neq; enim propter cen-  
tum plus minus homunciones, cæteris ple-  
runq; longè peiores & inferiores vniuersos  
creatos potius quàm illos horum causa, di-  
xeris. Ratio verò postulat, vt is cuius ratio-  
ne alius extitit, eòdem potior censeatur.  
Sic naus causa gubernator à domino na-  
uis instituitur, qui, ne ipsa ad cautes fran-  
gatur, aut malè cursum teneat, ad clauum  
se deat. Et ei quidem in eam rem incum-  
benti, cæteri inferuiunt, ac dominus ipse

*Populus  
potior Res  
ge.*

*Genes. 39.  
ver. 4.*

*Dan. c. 2.*

*v. 48. c. 6.*

*v. 1.*

paret, est tamen ipse nauis seruus, vt mediastinus quilibet, nec à mediastino genere, sed specie tantum differt. In Republ. quæ nauis comparari solet, Rex gubernatoris, populus domini loco est. Illi itaque publicam salutem curanti, populus ipse paret & obtemperat: cum tamen non minus sit & censeri debeat ipse Reipub. seruus ac iudex aut Tribunus quilibet, nec ab his alia re differat, quàm quòd maiora onera ferre, & plura pericula obire teneatur. Propterea verò quæcunque Rex aut bello acquirit, aut cum finitima occupat iure belli, aut iure ducendo, vt quæ in fiscum rediguntur, acquirit ipse Regno, non sibi, populo, inquã, qui Regnum constituit, non secus ac seruus domino, nec vlla cum illo, nisi auctore populo, obligatio contrahi potest.

Præterea viuunt innumeri populi absque Rege: Regem absq; populo, ne mente quidem concipere possis. Nec ideo Regiam dignitatem quidam adepti sunt, quòd à cæteris hominibus specie differentiisq; tanquã Pastores gregibus quadam naturæ præstantia præesse deberēt. Quin potius ex eadem massa cretos in eum gradum populus extulit, vt si quam auctoritatem, si quam potentiam haberent illi acceptam ferrent ac tanquam precariam possiderent. quod Francorum antiquus ritus aptè ostendit, qui in clypeo



clypeo sublatum regem proclamabāt. Cur enim quæso, dicuntur Reges innumeros habere oculos, innumeras aures, longas manus, celerrimos pedes? An, quod Argo, Gerioni. Midæ, aut iis, quos fabulæ finxerunt, similes sint? Minintè verò. At sanè, quia populus cuius interest, vniuersus suos Regi oculos, suas aures. suas vires ac facultates in Reip. vsum commodat. Recedat à Rege populus: qui modò oculatus, auritus, robustus & vegetus videbatur, cæcutiet, obsurdescet, repentè concidet: qui modò magnificè triumphabat, vno momento apud omnes vilescet: qui modò diuinis propè honoribus afficiebatur, ludimagistrum Corinthi agere cogetur. Subrue istius Gigantææ molis, ac tãquam Rhodiani Colossi imam tantum basim, corruat, ac in frustra comminuat, necesse est. Cum itaq; Rex per populū & propter populum existat, nec absq; populo cōsistere possit: cui mirum videatur si populū Rege potiolem esse concludamus?

Porro, quod de vniuerso populo dicimus, de iis etiam, vt in secunda Quæstione, dictum volumus, qui populum vniuersum in omni Regno, vrbeue legitimè repræsentant. qui quidem vulgo, Regni, non Regis Officiarij censentur. Regis Officiarij à Rege pro arbitrio creantur, aut exauctorantur: quin & eo mortuo nullo loco sunt. & quo-

*Populus  
vniuersus  
repræsen-  
tatur per  
Regni Of-  
ficiarios or-  
dinariè,  
per Ordis  
num cons*

*uentus ex  
tra ordi-  
nē, aut an-  
nuatim.*

dammodo mortui habentur. Regni Offi-  
ciarij contrā à populo, in Concilio nempe  
publico, authoritatem capiunt, aut saltem  
olim capere solebant, nec absq; eodem ex-  
auctorari possunt. Itaq; pendent illi à Rege,  
hi à Regno: illi à supremo Regni officario,  
qui Rex ipse est: hi à supremo dominio po-  
puli, à quo ipse Rex, non secus ac illi, pen-  
dere debet. Illorum munus est, Regem cu-  
rare: horum, ne quid detrimēti Rei publica  
vsquam capiat. Illorum, vt Regi, tanquam  
domino cuilibet domestici, adesse ac infer-  
uire: horum, populi iura & priuilegia tueri,  
& ne quid princeps ipse in illius perniciem  
committat, omittatūc, diligenter provide-  
re. Deniq; sunt illi Regis ministri, serui, do-  
mestici, ad obsequium tantummodo insti-  
tuti: hi contrā Regis in iuredicundo veluti  
Assessores, Regij imperij confortes, adeò vt  
omnes quidem illi Rempubl. administrare  
teneantur non secus ac Rex: is tamen inter  
eos quasi Præses, primum tantum locum  
teneat. Vt verò populus vniuersus Rege su-  
perior est: ita etiam hi, etsi singuli Rege in-  
feriores sint, vniuersi tamen superiores cen-  
sendi sunt. Primorum ferè Regum quàm la-  
ta potestas fuerit, ex eo satis adparet, quòd  
Ephron Rex Hethæorum, ius sepulchri A-  
brahamo, inconsulto populo, concedere  
non audet: neque Hemor Hæuius Rex Si-  
chem,

*Genes. 23.  
G 34.*

chem, fœdus cum Iacobo ferire: nēpe gra-  
uiora negotia ad populum rēferri solita. Et  
in iis quidem imperiis, quæ tunc temporis  
vna ferè vrbe circumscribebantur, facilè id  
fuit. At ex quo Reges fines suos amplifica-  
re cœperunt, nec populus vniuersus in v-  
num locum conuenire absque confusione  
potuit, Regni officarij, qui populi iura or-  
dinariè tuerentur, instituti fuerunt, ita ta-  
men, vt si quando opus esset, aut populus  
vniuersus, aut eius saltem quædam quasi  
Epitome, extra ordinem conuocaretur. In  
Regno Israelitico, quod omnium ferè Po-  
liticorum iudicio, optimè constitutum e-  
rat, eum ordinem fuisse videmus. Habebat  
Rex suos Pincernas, dapiferos, cubicula-  
rios, magistros domus siue œconomos, qui  
familiaæ suæ prospicerent. Habebat & Re-  
gnum suos, vnum & septuaginta seniores,  
& duces ex singulis Tribubus electos, qui  
Rempub. siue pacis siue belli tempore cu-  
rarent: suos denique in singulis municipiis  
Magistratus, qui vt illi vniuersum Regnum,  
suas singuli vrbes tuerentur. Hi si quando  
de re maxima deliberandum erat, conue-  
niebant, nec iis inconsultis, quidquā, quod  
ad summam Reip. pertineret, decerni pote-  
rat. Hos itaq; conuocat Dauid, quando Sa-  
lomonem inuestiri Regno cupit, quādo Po-  
litiam à se restitutam examinari & probari:

*Regni Of-  
ficiarj in  
Regno Is-  
rael.*

*1. Chron.  
c. 29. v. 1.  
1. Chron.  
c. 23. v. 1.*

1. Sam. c.

14. ver. 45.

2. Chron. c.

1. ver. 1.

Nehem.

11. ver. 2.

Ierem. 26.

v. 9. & 17.

quando reducenda est Arca, &c. Quia verò vniuersum populum repræsentant, vniuersum tum populus conuenisse dicitur. Idem denique Ionathan, Saulis Regis sententia damnatum, morti eximunt, ex quo à Rege ad populum appellationem fuisse apparet. Ex quo verò Regnunt propter Roboami superbiam scissum fuit, Synedrium Hierosolymitanum Septuaginta & vnus virorum, ea authoritate fuisse videtur, vt non secus ac Rex singulos, hi Regē iudicare possent. Huic autem præerat Dux domus Iuda, id est Primarius quisq; , ex tribu Iuda electus, vt vrbi Hierosolymitanæ Primarius ex tribu Benjamin. Exemplis res dilucidior fiet. Ieremias missus à Deo, qui vrbi Hierosolymitanæ excidium nunciaret, ea propter damnatur primū à sacerdotibus & Prophetis, id est, à Iudicio seu Senatu Ecclesiastico. Demum ab vniuerso populo vrbis, hoc est, ab ordinariis vrbis iudicibus, Chiliarchis nempe & Centurionibus. tandem à Principibus Iehuda: id est Lxxi. viris assidentibus ad nouam portam Templi, causa cognita absoluitur. Ij verò, in eo ipso iudicio disertè damnant Regem Iehorabin, qui Vriam Prophetam paulo antè similia comminantem crudelissimè trucidasset. Alibi verò legimus, Sedechiam huius Synedrij authoritatē adeò reueritum esse, vt Ieremiam

à Lxxi.

à LXXI. viris, in tetrum carcerem detrufum non modò non liberare, verum etiam *Ierem. 37.*  
vix in mitiorem trans ferre auderet. Sua *Eccl. 38. 1*  
dentibus autem illis, vt in Ieremiæ mortem  
consentiret, respondet, cum in ipsorum ma  
nibus esse, seq; ipsis contradicere nulla in re  
posse. Quin & veritus idẽ, ne in sermones,  
quos cum Propheta habuerat, inquirrent,  
quasi rationem eorum, quæ dixisset, reddi  
turus, mendacium committitur. Ergo e  
rant in hoc regno, regni officarij rege supe  
riores, in hoc, inquam, quod non à Platone  
aut Aristotele, sed à Deo ipso omnis ordinis  
authore, omnis Monarchiæ summo insti  
tutore, institutum & ordinatum fuerat. Ta  
les erant, in Persico imperio septem Magi  
seu sapientes, item *ὁμότιμοι*, quasi honoris  
regij consortes, & qui regum aures & oculi *Esther. 1.*  
nuncupabantur, quorum iudicio reges ac  
quieuisse legimus. In Spartano Ephori, ad  
quos à rege appellabatur: quiq; ipsos etiam  
reges iudicabant, vt est apud Aristotelem.  
In Ægyptiaco ministri publici regi per po  
pulum eligi tradiq; soliti, eò tantum ne ad  
uersus leges quidquam committerent. Vt *Aristot. li. 5. Pol. c. 11.*  
verò Aristoteles reges, quibus eiusmodi of  
ficiarij adiunguntur, legitimos passim vo  
cat, ita etiam non veretur dicere, vbi ij de  
sint, non Monarchiam esse, sed aut planè  
barbaricam Tyrannidem, aut Tyrannidi

quàm proximam dominationem. In Romano hunc locum obtinebant Senatores & Magistratus per populum creati soliti, Tribunus Celerum, Præfectus vrbi, & cæteri, adeò vt a rege ad populum prouocatio esset. quod Seneca è libris Ciceronis de Re-  
pub. citat, & historia Horatij tergemini, ob  
cædem sororis à regis iudicibus damnati,  
& à populo absoluti, satis indicat. Sub Im-  
peratoribus verò, Senatus, Consules, Præ-  
tores, Præfecti Prætorio, Præsides Prouin-  
ciarum, quæ populo Senatuiq; tribueban-  
tur, qui propterea omnes Magistratus po-  
puli Romani vocabantur. Itaq; cum decre-  
to Senatus, Maximinus Imperator, hostis  
Reipublicæ iudicatus esset, inq; eum Maxi-  
mus & Albinus à Senatu Imperatores crea-  
ti essent, milites iurarunt, se fideliter obsequu-  
turos populo Romano, Senatui & Impera-  
tori, vtcunq; sub Tyrannide hoc ius viola-  
retur. Ad hodierna verò imperia quod atti-  
net, (Turcicum, Moschicum, & alia huius  
generis, magna latrocinia, magis, quàm im-  
peria sunt) nullum omnino est, quod si non  
hoc tempore, saltem olim non ita admini-  
stratum fuerit. Quod si verò illorum culpa  
& desidia factum est, vt quibusdā locis dete-  
riorem Rempublicam posterì acceperint,  
tenentur nihilominus, qui etsi locum ho-  
die obtinent, ad antiquum statum omnia,  
quan-

*Herod. lib.  
6. in orat.  
Maximi  
& Albini  
ad milites.*

quantum in se est, reuocare. In Germanico, quod per Electionem confertur, sunt Electores & Principes tum Laici, tum Clerici, Comites, Barones, Ciuitates, Ciuitatumq; Legati, qui vt suis quiq; locis Republicam curant, ita etiam in Comitibus, vniuersi Imperij Maiestatem, quando opus est, repræsentant. vbi, nequid Resp. ex priuatis Cæsaris studiis odiisue detrimenti capiat, prospicere tenentur. Itaq; alius est imperij, alius Imperatoris Cancellarius, alij atq; alij huius & illius officarij, diuersa æraria, diuersi quæstores. Et adeò quidem vulgatum est, Imperium Imperatori ante ferri, vt Imperator imperio hominum præstare passim dicatur. Consimiliter in Polonico eum locum obtinent Episcopi, Palatini, Castellani, Nobiles, Ciuitatum regionumque Legati extraordinem conuocati, quorum in cætu tantum nouę constitutiones fiunt, & bella decernuntur. Ordinariè verò Regni Polonici Consiliarij, Cancellarius Reipubl. Polonicæ, &c. et si suos interea Rex cubicularios, æconomos, ministros & domesticos habet. Apud Polonos verò, qui disputet, vter potior sit, Rex, an vniuersus Regni populus per optimates repræsentatus, perinde faciat, ac qui Venetis disputet, vtrum dux Republica superior sit. Quid autem de iis Regnis dicemus,

*Speculum  
Saxonisæ.*

quæ per successionem deferri dicuntur? Nihilò sanè secius res se habet. Regnum Francicum, quod cæteris non ità pridem legum & ordinum præstantia anteponebatur, ita olim constitutum fuit. Et si verò qui eum locum tenent, suo officio minus satis faciunt, non eò tamen minus tenentur. Habet quidem Rex suum magnum magistrum, seu Archieconomum, suos cubicularios, venatores, scutarios, pincernas & cæteros, quorum officia olim à Rege adedè pendebant, ut eo vita functo, suo ipsi officio planè defuncti viderentur. vnde etiam nunc post finem luctus Regij, magnus Magister seu Archieconomus, quædam quasi cōcepta verba pronunciare solet, quibus familiam Regiam dimittit, ac sibi quemq; prospicere iubet. At nihilominus suos habet Regnum Frâncicum officarios, Maiorem Palatij, qui postea Comes stabuli nominatus fuit, Marechallos, Amiralium, Cancellarium seu magnum Referendariū, Secretarios, Quæstores & ceteros: qui quidem olim non nisi in concilio publico trium ordinum Cleri, Nobilitatis & populi creabantur. ex quo verò Parlamentum Lutetianum statarium factum est, non prius in eo gradu constituti censentur, quam à Senatu Lutetiano recepti & comprobati sint, & neque etiam absque eiusdem consensu & authoritate destitui

*Simoinus  
lib. 5. c. 26.  
in Carolo  
Caluo.*



tui possunt. Isti verò omnes, primum Regno, id est, vniuerso populo, deinde Regi, tanquam eius curatorum fidem dant. quod velex ipsa iurisiurandi formula perspicuum est. Comes stabuli verò in primis, quando Enselhiato per Regem accingitur, (vt ex verbis, quæ Rex ipse pronunciat, apparet) eo accingitur, vt Rempub. tueatur atq; defendat. Habet præterea Regnum Francicum suos siue Pares, tanquam Regis consortes, siue Patricios, tanquam Reipubl. Patres, singulos à singulis Regni Prouinciis denominatos, quibus Rex inaugurandus, tanquam vniuerso Regno, finem dare solet. Ex quo, illos Rege superiores esse, liquet. Hi verò vicissim iurant, se non Regem, sed Regium diadema tuituros, Rempubl. cōsilio adiuturos, sacro Principis consilio in eam rem, pacis belliue tempore affuturos, vt ex formula Patriciatus liquidò patet. Itaq; non secus ac Pares Curiae Longobardico iure, in sententiis ferendis, feudi domino non modò assidebant, verum etiã inter ipsum sæpe superioris feudi dominum & vasallum cognoscebant. Videmus etiam hosce Franciæ Patricios, inter Rege & subditos sæpe diiudicasse, adeò quidem, vt cum Carolus v. in Ducem Britanniae sententiam ferre vellet, obstarent illi, dicerentq;, non Regis, sed Parium esse eiusmodi iudi-

*§. filius  
fam. Inst.  
quib. mod.  
ius patriæ  
pot. solui-  
tur.*

*Renat.  
Choppin  
nus lib. 3.*

cium, quorū autoritari nil derogare posset. Hinc etiam hodie Senatus Lütetianus, qui curiā Parium seu Patriciorum nuncupatur, quasi Index inter Regem & populum quādamtenus constitutus, imo inter Regem & priuatum quemlibet, singulos aduersus Regis procuratorem asserere, si quid contra ius inuadat, quasi obligatione tenetur. Præterea si quid Rex domi statuatur edicatur, si quid cum vicinis Principibus paciscatur, si quod bellum gerendū est, si quæ pax, ut nuper cum Carolo v. facienda, authorem senatum fieri oportet, & in eius acta omnia, quæ ad Rempubicā pertinent, referri. Quæ quidē non prius rata sunt, quā ab eo comprobata fuerint. Ne verò Regem metuerēt Senatores, neque olim in eum gradum, nisi à Senatu nominati cooptabantur, neque absque eiusdem authoritate, legitimā de causa exauctorari poterant. Deniq; & literæ Regis, nisi à secretario Regni subscribantur, & rescripta nisi à Cancellario (qui cancellandi potestatem habet) obliquentur, nullam authoritatem habent. Sunt & Duces, Marchiones, Comites, Vicecomites, Barones, Castellani, item in Urbibus Maiores, Vicarij, Cōsules, Sindici, Scabini, & cæteri, quibus aliqua sigillatim aut Regio, aut vrbs commendata est, ut populum teneantur, quatenus eorum iurisdictio patet, etsi quæ-

quædam ex illis dignitatibus hæreditariæ  
 hoc tempore habentur. Et hæc quidem or-  
 dinariè. At præter hæc, quotânis olim, post  
 verò aliquanto, quotiescunque saltem ne-  
 cessitas postulabat, habebatur trium ordi-  
 num conuentus, quo regiones vrbesq; om-  
 nes alicuius nominis suos Legatos mitte- *Aimoinus,*  
 bant, & quidem Plebei, nobiles, Ecclesiasti-  
 ci in vnaquaq; sigillatim, vbi de his, quæ ad  
 Rempubl. pertinebât, publicè statuebatur.  
 Eius verò conuentus ea fuit perpetuò au-  
 thoritas, vt non modò, quæ ibi statuta fo-  
 rent, sacra sanctaq; haberentur, seu pax fa-  
 cienda, seu bellum gerendû, siue Regni pro-  
 curatio cuiquâ deferenda, siue vectigal im-  
 perandum esset: verum etiam reges luxus,  
 desidiæ, tyrannidis causa in cœnobis de-  
 truderentur, eoq; authore, vniuersæ adeò  
 stirpes regni successionem priuarentur, non  
 secus ac primum, populo authore, ad re-  
 gnum vocati fuerât. Nempe quos consen-  
 sus extulerat, dissensus exturbabat: quos  
 virtutum paternarum imitatio, in eam qua-  
 si hæreditatem vocarat, degener & ingra-  
 tus animus, vt incapaces & indignos fece-  
 rat, ita & exhæredes faciebat. Ex quo sanè  
 liquet, successionem tolleratam quidem ad  
 vitandum ambitum, secessionem, interre-  
 gnum, & alia Electionis incommoda. At  
 in eò vbi grauiora damna consequerentur,

vbi rè gnum Tyrannis, vbi regis solium Tyrannis iniaderet: populi legitimum conuentum, & Tyranni regisue ignaui expellendi, adue agnatos deducendi, & boni regis in eius locum adsciscèdi, auctoritatem sibi perpetuò retinuisse. Nimirum habebât forte hoc à Gallis Franci, authore Cæsare lib.v. de bello Gallico. Fatetur enim Ambiorix Rex Eburonû, ea fuisse tum regum Galliæ imperia, vt non minus populus ritè conuocatus, in regem, quàm rex in populum, auctoritatis haberet. Quod etiam in Vercingetorige apparet, qui coram populi cœtu causam suam agit. In regnis Hispaniæ, præsertim Aragonum Valentino, Catalanico, ita etiam sese habet. Est enim penes iustitiam Aragonicam, quam vocant, summa regni auctoritas. Itaq; non verentur magnates, qui populum repræsentant, regem his verbis tum in ipsa inauguratione, tum tertio quoq; anno in conuentu publico disertè compellere: **TANTVM** valemus nos, quantum vos: at super nos ambos est, (Iustitiam Aragonicam intelligunt) qui magis imperat, quàm vos. Sæpe verò, quæ rex rogauit, Iustitia illa abrogat: quæ edixit, vetat. Tributum verò indicare nullum vsquam absq; eius conuentus auctoritate ausit. In Anglico & Scotico penes Parlamentum, quotannis ferè haberi solitû, summa rerum est.

*Cæs. lib. 5.  
& 7. de  
bello Gallico.*

est. Parlamentum verò vocant, Ordinum regni conuentum, vbi Episcopi, Comites, Barones, Ciuitatum, Regionum ué legati Communi suffragio de republ. statuunt. Cuius vsque adedò sacrosancta est authoritas, vt, quæ semel sanxerit, regi abrogare sit nefas. Omnes verò regni officarij ab eo cõuentu fasces accipere solent, quiq; ordinariè regi reginæ ué in cõsilio assident. in summa cætera regna Christiana, Hungaricum, Bohemicum, Danicum, Suedicum, & reliqua, suos regni officarios regii ué imperij consortes habent, quos sua authõritate aliquando vfos esse, vel in regibus ipsis exauctorandis, aut historiæ docent, aut recens memoria satis ostendit. Nec verò est, quod iccirco potentiam regiam minui putemus, reges ué quasi capitis diminutione passos. Deum certè non eo minus potentem censemus, quòd per se peccare non possit, neque eius imperium angustius, quòd ruere & pessum ire nequeat. Neq; ergo regem, si, qui per se peccare posset, aliena ope sustinetur: si quod fortè imperium sua negligentia culpa ué amisisset, aliena prudentia diutissimè retineat. An etenim eo minus sanum aliquem putes, quòd Medici ei assideant, qui ipsum ab intemperie dehortentur, qui noxiorum ciborum esu interdiciat, qui etiam inuitum sæpe ac renitentem purgent? An

verò medicos illos, qui illius salutem curant, an adulescentes, qui insalubria quæq; obtrudunt, magis amicos putes? Hæc itaque distinctio omnino adhibenda est. Alij sunt amici Regis, alij Cæsaris. Amici Cæsaris sunt, qui Cæsari inserviunt: amici regis imperatoris, qui Regno. Cum enim quis regni causa, rex dicatur, regnumq; in populo consistat, regno verò perduto, labefactato, aut omnino rex esse desinat, aut minus saltem rex sit: qui sanè regni utilitati student, regis verè amici sunt: qui regni utilitatē negligunt aut evertūt, verè hostes. Ac ut neq; regnum à populo, neq; regem à regno: ita nec amicos regis à populi regniq; amicis separare villo modo possis. Imo verò cum, qui verè Cæsarem amant, regem eum, quàm priuatim malint: regem verò absque regno habere non possint: iidem sanè regni, qui & Cæsaris amici erunt. qui verò Cæsaris magis, quam regni, siue populi amici videri volent, adulescentes verè & hostes perniciosissimi censendi erunt. Quod si verò illi verè amici sunt, an non regem eo potètiorem & stabiliorem fore manifestum est, ut Theopompus Ephoris institutis dicebat, quo plures & potètiores erunt ij, quibus populi regniq; utilitas commēdata commissaq; fuerit? Dices verò fortasse: Tu mihi Patritios, optimates, regni officarios narras. Ego verò

rò contra, nil præter laruas, & antiqua, tanquam in Tragædiis, paludaméta video: antiquæ verò libertatis & authoritatis vix vlla vſquam veſtigia cerno. Denique, pleroſq; paſſim ſua curare, regibus aſſentari, populo illudere videas: vix vſquam, qui populi euilſcerati miſereatur, nedum qui miſerio opem ferat, inuenire poſſis. Quod ſi qui verò eo animo aut ſunt, aut eſſe putantur, rebelles & perduelles iudicantur, exulant, ac tantum non victum quæritare coguntur. Quid? ita res ſe habet. Tanta ferè ſemper, & ubiq; locorum fuiſſe videtur aut regum audacia, aut optimatum partim præuaricatio, partim ignauia, vt reges quidem eam, qua hodie pleriq; inſoleſcunt, licentiam, quadã quaſi longi tēporis præſcriptione vſucepiſſe: populi verò authoritatē ſuam aut tacite ceſſiſſe, aut non vtendo amiſiſſe videantur. Sic nempe plerūq; accidit, vt quod omnes curare tenentur, curet nemo: quod omnib. commiſſum eſt, nemo ſibi commendatum putet. Nihilominus tamen aduerſus populum neq; præſcriptio, neque præuaricatio iſta quidquam facit. Vulgatum eſt, nullam fiſco præſcriptionē nocere: multò verò minus populo vniuerſo, qui rege potior eſt, cuiusq; gratia Princeps id priuilegium habet. Cur enim alioqui, cum fiſci Princeps adminiſtrator tantū ſit, populus verò, vt inferius

probabitur, verè proprietarius? Deinde, an non scitum est illud: libertati nulla, ne diutissima quidem seruitute, violentia præscribi posse? Quodd si vero reges à populo constitutos fuisse, qui ante D. fortè annos vivebat, non ab eo, qui hodie extat, obijcias: at, inquam ego, et si moriuntur reges, populus interim, vt neq; vlla alia Vniuersitas, nunquam moritur. Vt enim perennem fluuium fluxus: ita & populum immortalem ortus & interitus vicissitudo facit. Itaq; vt idem est, qui ante mille annos, Rhenus, Sequana, Tyberis: idem etià est populus Germanicus, Gallicus, Romanus: (nisi fortè Coloniae interuenerint) nec aut aquæ fluxu, aut indiuiduorum mutatione, ius eorum vllatenus immutari potuit. Præterea si non populo, sed patri regnum acceptum ferūt, hic verò auo, & ita deinceps: an plus iuris potuit ille ad alium transferre, quàm ipse habuerit? Quod si verò non potuit: (vt certè non potuit) an non manifestum est, quicquid præterea sibi arrogarit, non magis eū, quàm prædonem quemlibet vsurpare posse? Populum verò contrà perpetuæ euictionis ius integrum habere? Ergo, quòd in aliquo regno Optimates aliquandiu oppressi fuerint, populo præiudicare non potest: quin potius, vt non audiretur seruus, qui, quòd dominum diutissimè captiuum detinisset,

*L. propone  
batur. 76.  
D. de iudi-  
ciis, l. qui  
res suas.  
98. paragr.  
vlt de solu-  
tion l. in-  
ter stipul.  
93. paragr.  
sacram. D.  
de verbor.  
oblig.  
Ulpian. de  
reg. iuris,  
l. 54.*



nuiſſet, non modò ſe liberum iactaret, verum etiam necis vitæq; poteſtatem ſibi in dominum arrogaret: neq; prædo, qui quòd aut x x x. annos prædatus, aut prædonis filius eſſet, ſeſe extra culpam eſſe putaret: imò verò, quò diutius, eò grauius puniretur: ita ſanè minimè audiendus princeps, ferendus ſiue fuerit, qui, quòd Tyranno ſucceſſit, populumue, à quo ipſe regnum accepit, mancipiꝝ loco diu habuerit, aut optimatibus vim fecerit, quidquid libuerit, ſibi licere, aut iure concedi putet. Neque enim demūt anni quidquam iuri populi, ſed addunt iniuriæ Regis. Quid verò, ſi optimatēs ipſi cum principe colluſere? quid, ſi prodita cauſa, populum vinctum quaſi, in manus Tyranni prodidere? Iſtāne præuaricatione proditiōneue authoritas populi in Regem planè translata videbitur? An, inquam, eo factò quicquam aut libertati populi demitur, aut Principis licentiæ adiungitur? Sibi ipſi imputent, dicens, qui eiufmodi hominum perfidam fidem elegerint. At enim ſunt iſti, tanquam Patroni, qui utilitati publicæ, populiſque ſaluti & libertati patrocinentur. Itaq; non ſecus ac Patronus cum clientis aduerſario de quò a litis, vt loquuntur, pactus, ſi cliētis cauſam prodidiſſet, ei minimè noceret: non poteſt ſanè iſta quaſi Magnatum, in damnum ne-

cemq; populi inita conspiratio, quidquam eius iuri detrahere. Verum & illi in poenam legis, quæ in præuicarios lata est, incidet, & his, ac si res omnino integra esset, & patroni alium eligere, & ius suum denuo persequi, lex permittet. Etenim si populus Romanus Imperatores suos noxæ dedit, qui ad Furcas Caudinas indecorè cum hostibus pepigerat, coacti licet, & in summas angustias redacti, nec ea se pactione ullatenus teneri iudicauit: an non multò minus tenebitur populus id iugum pati, quod nō vi, sed vltro: non mortis metu, sed lucri cupidine, aut si, qui excutere debebant, impulerint: aut qui poterant, tolerarint.

*Quis sit Regum finis.*

Iam verò cum à populo reges constituti sint, iisq; quidam quasi imperij consortes adiuncti, qui ipsos in officio contineunt, & singuli quidem rege inferiores, vniuersi verò superiores: sequitur, vt videamus, cur primum constituti fuerint, & quod sit ipsorum maximè officium. Iustum enim deum quid ac bonum censetur, cum eum finem attingit, ad quem institutum est. Primum sanè palàm est, homines natura liberos, seruitutis impatientes, & ad imperandum magis, quàm ad parèdum natos, non nisi magnæ cuiusdam vtilitatis causa imperium alienū vltro elegisse, & suæ quasi naturæ legi, vt alienam ferrent, renunciasse. Neq;  
enim,

enim, ait Æsopus, equus liberè antea vagari solitus, frenum sessorum me vnquã, nisi tauri vincendi spe, admisisset. Non itaq; existimemus, electos fuisse reges, vt bona multorum sudore parta, in proprios vsus conuerteret: quisq; enim sua amat, suaq; sequitur. neque, vt publica potentia ad suam libidinẽ abuterentur: quisq; enim ferè potentiores aut odio, aut inuidia prosequi solet. At sanè, vt tum singulos à mutuis, tum vniuersos ab externis iniuriis, seu iure dicundo, seu vim vi repellendo, defenderent. Propterea, inquit Augustinus, qui aliorum vtilitati cõ- *August. li. 19. de Ciu. uit. Dei, c. 15.* sulunt, imperare dicuntur, vt vir vxori, parentes filiis: ij verò, quibus consulitur, obedire. et si qui ita imperant, iis verè inserviūt, quibus imparare dicuntur: quia, vt ait idem, dominandi cupiditate non imperant, sed officio consulendi: nec principandi superbia, sed prouidendi misericordia. Seneca verò epistola x c i. Penes sapientes, ait, aureo seculo regnum erat. Hi cõtinebant manus, & inferiores à validioribus tuebantur. Suadebant, dissuadebantq; & vtilia atq; inutilia monstrabāt. Horum prudentia, ne quid deesset, suis prouidebat. Fortitudo arcebat pericula, beneficiis augebat ornabatque subiectos. Officium erat imperare, non regnũ. Nemo quãtum posset aduersus eos, experiebatur, per quos caperet posse, &c.

Imperare ergo nihil aliud est, quàm consulere: Imperij finis vnicus, populi vtilitas. Imperatorum regumq; officium vnum, vt populo consulant. Regia verò dignitas non est propriè honos, sed onus: non immunitas, sed munus: non vacatio, sed vocatio: non licentia, sed publica seruitus: quæ ideo honore afficitur, quòd primis illis temporibus molestias illas, nisi honore quasi conditas, vix quisquam degustare voluisset. Vt nihil eo verius sit, quod ille dicere solebat: Si, quantis molestiis diadema regum inuolutum esset, omnes cognoscerent, qui vel in via repertum capiti imponere vellet, inuētum iri neminem. Cùm igitur M E V M illud, & T V V M, orbem inuasissent, ac de rerum dominio inter ciues, mox vero etià de finibus inter finitimos bella exorirentur. populus ad vnum aliquem confugere cœpit, qui tum, ne tenuiores à diuitibus: tum, ne vniuersi à finitimis vim paterentur, iustè fortiterq; prouideret. Vt verò aut lites, aut bella magis ingruebant, is etiam eligebatur, cuius de fortitudine, aut de industria, magna erat omnium opinio. Itaq; reges olim creati sunt, vt domi ius dicerent, foris verò exercitum ducerent: nec modò hostium excursiones, agrorum depopulationes, cæterasq; corporis calamitates depellerent: verùm multo magis flagitia, scelera,

Iera, vitia arcerent à republica, aut coerce-  
rent: quorum alterum bello, alterum iure  
perficitur. Id verò ex omnibus tum sacris,  
tum prophanis Scriptoribus planū esse po-  
test. Populus Dei primū Regem alium  
non habebat, quam Deum. Quia enim in  
medio populi versabatur, & responsa inter  
Cherubim in grauioribus causis edebat, &  
duces belli extra ordinem iudicesque desi-  
gnabat: vicariis opus esse apud eos non vi-  
debatur, qui summi regis præsentia perpe-  
tuò fruerentur. Ethnici verò, qui tantis be-  
neficiis carebant, in eum finem reges insti-  
tuerunt. Itaq; cum populus Dei, iniustitiæ  
filiolorum Samuelis pertæsus, & senectuti Sa-  
muelis minus confidens, regem exemplo  
cæterarum Gentium, id est Ethnicorum,  
postulat: Da nobis, inquit, regem, qui nos  
iudicet, qualem cæteræ gentes habent. vbi *1. Sam. c. 8.  
v. 5. & 10.*  
primum & præcipuum regis munus attingit.  
Paulo verò post, vtrumque, Quin imò  
habebimus, ait, Regem super nos, vt cæte-  
ræ Gentes. Rex noster nos iudicadit, & e-  
xibit ante nos, & acies nostras instruet. At  
illud semper primo loco, quia ordinarium  
& perpetuum est: hoc non nisi extra ordi-  
nem, & vt loquantur, in casu. Hinc Aristoteles,  
temporibus Heroicis, reges omnes, *Arist. in  
Polit. c. 11.*  
iudices & duces belli fuisse, ait: Lacedæmo-  
niorum verò reges, suo etiam tempore in *lib. 1. c. 1.*

exercitu tantum (nec tamen sine scytala, id est mandato Ephorum) absolutè imperasse. Similiter cum Medi per effrænem licentiam mutuis sese iniuriis perpetuò vexarent, Deiocem tandem, cuius in arbitratoribus spectata fuerat iustitia, primùm Iudicem, mox & Regem elegerunt, satellitesq; ipsi, quo facilius potentiores quosq; reprimere posset, attribuerunt. Cicero verò omnes olim Reges fruendæ iustitiæ causa constitutos fuisse, ait: eandemq; omnino Regū constituendorum, quæ Legum rationem fuisse, quò nempe ius omnibus æquabile foret. Quæ vel ex ipsa vocum vi, in omnibus ferè linguis, manifesta esse possunt. Reges, à regendo, regebant enim fines tum publicos, tum priuatos. Imperatores, Duces exercitus, Principes, qui primi in acie: unde principia apud Liuium. Græcis βασιλεῖς, commina populi, ἀρχαί, Principes, ἡγεμόνες Duces exercitus. Hebræis, Iudices, qui & Reges aliquoties in libro Iudicum. Germanis Rengen/ Reges, siue à fortitudine, siue à prudentia: Herzogen/ Duces, qui acies educunt: Comites, Grauen/ quos ex antiquis Alemannorum legibus Iudices fuisse constat. In

*Homer.* summa: cum Homerus vocat reges δῖα-  
*lib. 1. Iliad.* σπόλκε, aut describit Agamemnonem, ἄμ-  
*Ouid. li. 6.* εὐτέρου βασιλεία τ' ἄγαθον, κρείττερον τ' αἰχμητῶ.  
*Metam.* & Ouidius Erichtheum,

*Iustitiâ dubium, validisne potentior armis:*

exactissimè duobus verbis, regum omnium principumq; officium definiisse videntur. Hæc de Ethnicorum regibus, quorum quidem exemplo Iudei reges & petiuerunt, & constituerunt. Itaq; Regina Saba Salomoni dicit, ipsum à Deo constitutum esse, ut iudicium & iustitiam faciat. Ipse verò: Tu me 2. Chron. c. 9. ver. 8.  
Domine elegisti in Regem populi tui, & iudicem filiorum filiarumque tuarum. Pro- Sapient. 9. ver. 7.  
pterea boni reges, quales David, Iosaphat, & cæteri, quia omnibus ius ipsi dicere non potuissent, (etsi in grauioribus causis, ut è Samuele apparet, supremum sibi iudicium 2. Sam. c. 15. ver. 2.  
recipiebant) nil prius, neque antiquius habuerunt, quàm ut iudices bonos, & peritos 1. Chron. 23. v. 4. & c.  
vbique locorum constituerent, remq; iudiciariam sollicitè curarent, seq; gladio magis ad ciues impios coercendos, quàm ad 2. Chron. c. 19. ver. 2.  
hostes arcēdos, accinctos esse putauerunt. Rom. 13.  
In summa: Princeps, ait Apostolus, est minister Dei, in bonum & commodum subditorum institutus, gladioque tuendis bonis aduersus improbos accinctus: cui in eam rem incumbenti honor debetur. Cum itaque reges incōmodum subditorum à Deo instituti, & à populo constituti sint, commodum verò illud duabus maximè in rebus cernatur: iustitia inter ciues, fortitudine aduersus hostes: cum sanè principem,

# 116 VINDIC. CONTRA

qui suæ tantum utilitati, libidini se inferuit, qui iura omnia negligit & peruertit, qui in populum quouis hoste sæuior & truculentior est, Tyrannum propriè dici posse: quæ verò ita administrantur imperia, vtcunque lata sint, non nisi magna latrocinia esse, consequitur.

*August.*

*lib. 4. c. 4.*

*de Ci*

*uit. Dei.*

*Virū præ-*

*siet Rex*

*Legi.*

Hic nobis ulterius paulò progrediendum

est: an etenim Rex, quia iuridicūdo præest,

ex arbitrio suo ius dicet? Réxne, inquam, à

lege, an Lex à rege pendebit? Philonidas:

*ἐκ τῆς τοῦ δαίμονος δόξης ὁ δεδωκὼς νόμος, πρὸς τὴν πο-*

*λιμίαν δὲ ἐστὶν ἀνδρείας κρίσις, ὑπὸ δὲ δικαίου ἐστὶν*

*ἡ πᾶσι καλὸν.* Responderet Pausanias Spar-

tanus vnico verbo: Legibus in homines,

non hominibus in Leges auctoritatē con-

uenire. Quin & Agefilaus ipse Spartæ rex,

Imperatorem Legum imperata facere o-

portere affirmat. Verū est, quodd rem ipsam

altiusculè repetamus. Certè cum populus

ius æquabile quæreret, id si ab vno iusto &

bono viro consequeretur, eo contentus e-

rat. At quia vix id fieri poterat, & rarò con-

tingebat: sæpè verò, dum arbitria Regum,

legum instar essent, eueniebat, vt alia aliis lo-

querentur: Leges tum, quæ cum omnibus

vna eademq; voce loquuntur, à prudentio-

ribus, & cæteris Magistratibus proximè in-

uentæ fuerunt. Regibus verò id præcipuè

muneris commendatum, vt legum custo-

des,

*Cicer. li. 1.*

*Off.*



des, ministri & conseruatores essent. Interdum etiam, quia lex in omnem euentum prospicere non potuerat, quædam ex eadem æquitate naturali supplerent. Ne verò legi vim facerent, optimates, de quibus antea, subinde regibus à populo adiuncti fuerunt. Itaq; est quodd reges legi ipsi pareant, eamq; tanquam reginam agnoscant, & impotentiam illam muliebre magis, quàm potentiam, de qua Satyricus:

*Sic volo, sic iubeo, sit pro ratione voluntas,*  
à se alienissimam esse debere putent. Nec verò eò se minus imperare sentiant, quodd legi obsequantur. Cum enim lex quoddam quasi organum sit, diuinitus datum, quo societates humanæ regantur optimè, & ad beatum finem dirigantur: perinde ridiculi fuerint reges, qui legi obsequi turpe duxerint, ac Geometra foret, qui regula, gnomone, cæterisque organis, quæ à peritissimis quibusq; ad agri mensuram adhibere solent, vti absurdum & indecorum putaret: aut nauta, qui phantasia sua duce, temerè errare & vagari, quàm aduersoriam, seu pixidem nauticam cursum nauis rectè dirigere mallet. Quis verò ambigat, quin legi, quàm regi parère, id est homini, vtilius & honestius sit? Lex est boni regis anima: per hanc mouetur, sentit, viuit. Rex Legis organum, & quasi corpus, per quod illa suas

*Iuuenalis.*

vires exerit, sua munera obit, sua sensa eloquitur. Animæ verò, quàm corpori, parère, iustius est. Lex est multorum prudentum in vnum collecta ratio & sapientia. Plures autem oculatiores & perspicaciores sunt, quàm vnus. Tutius itaq; est Legem, quàm hominem, quantumuis perspicacem, ducem sequi. Lex est ratio siue mens, ab omni perturbatione vacua, non ira, non cupiditate, non odio, non studio mouetur, non precibus, non minis flectitur. Homo contrà, quantumuis rationis particeps sit, ira, vindicta, alioùe subinde appetitu vincitur, rapiturque. & ita variis affectibus perturbatur, vt sui ipse compos non sit: nempe, quia ex appetitu & ratione constat, quin hic interdum vincat, fieri nequit. Itaq; Valentinianus, imperator bonus alioqui, quia duas vxores simul habere voluit, idem singulis lege permisit. Cambyfes Cyri filius, nuptias cùm germana sorore, quia sororem deperibat, licitas esse voluit. Chabades Persarum rex, adulteriorum pœnam sustulit. Tales verò subinde leges expectemus oportet, si legem regi subiectam esse volumus. Denique lex est mens, vel potius mentium congregata multitudo: mens verò diuinæ auræ particula, vt qui legi paret, Deo parère, Deumq; arbitrum quodammodo facere videatur. Contrà verò, quia homo ex

mente diuina, & anima illa belluina constans, sibi sæpe non constat, sæpe demen-  
tat & insanit: cum verò ita afficitur, non  
iam homo, sed bellua est: qui Regi parere  
mauult, quàm Legi: belluæ, quàm Dei im-  
perium malle videtur. Itaque, ait Aristote-  
les, Alexandri licet præceptor, Diuinitatem  
cum nulla re aptiùs, quàm cum antiqua le-  
ge societatis humanæ bene constitutæ con-  
ferre queas. Eam qui Reipub. præficit, Deū  
præficit: qui hominem, verè belluam. Quò  
etiam Prophetæ alludere videntur, qui im-  
mania illa imperia, belluarum rapacium  
nomine passim depingunt. An non verò  
planè bellua erit, qui cæcum, quàm ocula-  
tum: amentem, quàm mentis compotem:  
belluam, quàm Deum, ducem sequi ma-  
lit? Inde verò factum est, inquit idem, vt  
cum primis temporibus reges absolute im-  
perarent, quorum arbitrium lex erat, pau-  
lo post inter politiores & ciuiliores passim  
legitimi fierent, id est, Legibus seruandis  
custodiendisque obligarentur: absolute ve-  
rò illa potestas, penes Barbarorum reges  
tantum maneret. Et eam quidem tyran-  
nidi proximam idem ille vocat, tyranni-  
demque absolute vocasset, ni à belluis illis  
spontè recepta fuisset: At non est fortè re-  
gium, dices, voluntatem legibus alligatam  
habere: Imò, inquam, nil magis regium,

*Aristot. li.  
de Mus-  
do. & li. 3.  
Polit. c. 7.*

quàm legum vinculis coercere libidinem. Miserum est, non facere omnia, quæ velis: miserius verò, velle, quod non licet: miserum, posse facere, quod ita velis. Videor mihi audire Durionium Tribunum plebis, aduersus legem Sumptuariâ his verbis intercedentem: Frēni sunt iniecti vobis, Quirites, alligati & constricti estis durissimo seruitutis vinculo. Periit libertas: Lex data est vobis, quæ vos frugi esse iubet. Quid vero opus est libertate, si volentibus luxu perire, non licet? Idem ferè hodie reges plerique regumq; adulatores: Periit regia dignitas, nihil regnum nobis perdere liceat. Perierunt reges, si leges conseruantur. Miserum fortè est viuere, ni quotiescunq; insania vexaris, tibi manus conscire conceditur. Quid enim, quæso, aliud faciunt reges, qui legibus vim faciūt, sine quibus nulla vnquam non modò imperia, verùm etiam latrocinia consistere potuerunt? Valeant ergo Aulicorum assentatorum impia nugamenta, qui reges numina, regum responsa oracula vocant: nec verò verentur regibus suadere, nil per se iustum esse, sed vt rex ita vel secus iusserit, iustum iniustumue fieri: quasi Deus ipse sit, qui peccare nullo modo possit. Certè iustum est, quicquid Deus vult, eò tantum, quia vult. At quicquid rex vult, iustum prius esse debet, quàm ipse velit. Neque enim

Cic. lib. 2.

Q. F.

nim quid iustum est, quia rex sanxit: sed iustus est rex, qui quæ per se iusta sunt, sancta esse iubet. Itaque non dicemus, quod Anarchus Alexandro, de Clyti, quem interfecerat, nece vehementer anxio: Themis atque Iustitiam absidere regi, non secus ac Ioui, quæ quicquid ei cordi fuerit, confestim sanciant. Quin potius regnis præsidere, quæ, si reges legum maiestatem violent, lædantur, pœnas ab illis grauissimas repositat. Non, quod Thrasymachus ille Chalcædonius, Principum utilitate & libidine ius omne definiri: quin imò Principum utilitatem iure terminari, libidinem legibus coerceri. Non, quod mater Antonino Caracallæ, quod libet, licere: verum, quod per leges licet, collibescere debere. Non denique, quod ipse Caracalla, Imperatores leges dare, non accipere. Quin potius in omnibus regnis bene constitutis, regem à populo leges, quas tueatur, quasque intueatur, accipere: quod si quid contra eas, inuic earum fraudem faciat, iniustum iudicari. Hæc exemplis demonstrari possunt. Antequam rex esset in Israele, Deus illi Legem per Mo-

*Reges à Populo leges accipiunt.*

*Deut. 17.*

1. *Sant. c.*  
 10. *ver. 25.*  
*& passim.*

quàm in ipsius verba iurati, recipiuntur. Ritus verò erat hic, vt vnà cum diademate testimonium (quod Legem Dei doctissimi quiq; interpretantur) regum capiti imponeretur. Cyrus, si quis leges patrias rumpere tentet, tanquam legum custos, legibus auxilium promittit, seque, cùm inauguratur, iisdem colendis obnoxium facit, vt cunctq; Cambysi, filio Cyri, adulatores quiduis licere obstreperent. Reges Sparte, quos legitimos vocat Aristoteles, iureiurando singulis mensibus renouari solito, Ephoris regni nomine stipulantibus, se iuxta leges patriæ à Lycurgo latas, regnatos iurabant. Hinc Archidamus, Zeuxidami filius, rogatus, quinam essent Spartanæ ciuitatis præfecti? Leges, ait, & legitimi magistratus. Ne verò leges contemptui essent, diuinitus inspiratas, vel potius à Deo ipso cœlitus acceptas iactabant, quod non ab hominibus homines, sed à Deo Opt. Maximo se iudicari putarent! Ægyptiorum reges omnia agebant iuxta Legum decreta, seq; legibus parendo beatos fore profitebantur. Romulus Romanum regnum instituens, cum Senatu ita paciscitur, vt populus leges ferat, ipse ne rumpantur, prouideat, legumq; custos habeatur, Antiochus 111. Asiæ rex, omnibus regni sui vrbibus scripsit: si quid in literis, quæ eius nomine scriberentur, legibus

*Dionys.*  
*Halic. li. 1.*

bus repugnaret, crederet, se ignaro scriptas fuisse, & propterea non parerent. Et si vero Iureconfulti quidam dicunt, Cæsarem Octavianum Senatus decreto solutum fuisse legibus: Theodosius tamen, & omnes iusti Imperatores sese legibus alligatos esse professi sunt, ne, quod vi extortum fuerat, iuris locum haberet. Nimirum armis & potentia Cæsaris prostrata respublica, nil aliud poterat liberè dicere, nisi se libertatem amisisse. Quia verò Cæsarem, Tyrannum nominare non audebat, legibus solutum, quod idem erat, ac planè ex legè predicabat. Idem verò ius in omnib. orbis Christiani benè moratis imperiis perpetuò obtinuit. Neq; enim Imperator, Rex Franciæ, reges Hispaniæ, Angliæ, Poloniæ, Hungariæ, & omnes omnino legitimi principes, Archidux Austriæ, Dux Barbantæ, Comites Flædriæ, Hollandiæ, & reliqui prius in principatū recipiuntur, quàm Electoribus, Palatinis, Patriciis, Paribus, Optimatibus, Baronibus, se secundum leges patrias ius cuiq; suū reddituros, promiserint. Et hæc quidè adeò, ut prouinciarum, imò ne vrbium singularū quidem municipalia iura, in consuliis prouinciis municipiisue ipsis, vllatenus immutare possint. Sin fecerint, non minus crimen Maiestatis in leges committant, quàm populus in ipsos, si secundum leges imperantibus

parere recusent. In summa: Principes legitimi, leges à populo accipiunt, diadema verò, honoris: sceptrum, potestatis insigne, ut & acceptas tueatur, & ex earum præcipuè tutela gloriam sibi quærant.

*An princeps  
nouas  
leges ferre  
possit.*

Quid ergo est? An non licebit principi nouas leges ferre, veteresue abrogare? Sane, quia regis est, aduertere non modò, ne quid cõtra, inuè fraudem legum fiat: verum etiam, ne quid in ipsis desit, aut redundet, ne vetustate obsolescant, ne obliuione sepe liantur: si quid abrogandum, surrogandum, derogandum putabit populum, populiue Optimates aut Ordinarios, aut extra ordinem conuocatos admonebit, legemq; rogabit. At sanè non priùs iubebit, quàm ab iisdem ritè expensa comprobataq; fuerit. Vbi verò iusserit, non est amplius pœnitentiæ locus, eidem omnino parere tenetur. Quia enim plus exempla, quàm verba monent: quam tulerit, ipse ferat oportet, cum frustra sanè & iniquè quodammodo Princeps à subditis postulare videatur, ut leges curent, qui quas custodire tenetur, ipse negligit. Neq; enim reges à subditis impunitate, sed equitate & iustitia differre conuenit. Propterea Augustus, etsi decreto Senatus legibus solutus dicebatur: cum adolescentem reprehenderet, quòd in legem Iuliã de adulteriis peccaret: ac ille eandem ab Augusto,



sto, qui legem tulisset, violari obiiceret, erratum agnouit, ac præ mœrore cibo abstinuit: ad eò nil magis naturæ cōuenit, quàm vt, quod verbo doces, exēplo ipse doceas. Solebat legislator Solon leges cōferre cum numismatis, quia illæ societatem hominū, vt hæc commercium conseruant, nec ineptè. Quod si verò semel probata mutare, aut extenuare reges iure nō possunt, absq; Reip. consensu: an non multo minus leges figere & refigere, sine quibus neque reges, neq; homines vsquam esse possunt, sed ferarum instar, aut per syluas vagātur, aut in antris delitescunt? Itaq; in imperio Germanico, si quam legem necessariā esse putet Imperator, rogat primū in Comitibus. Si probatur: Principes, Barones, Ciuitatum legati subsignant, ac demum lex rata esse solet. Iurat verò, se & leges latas seruaturum, & nouas non nisi de communi consensu, vllas laturum. In regno Polonico lex est, ne vllę nouę constitutiones fiant, præterquam de publico consensu, aut alibi, quàm in Comitibus. In Francico, vbi tamen amplissima vulgò censetur regum authoritas, ferebātur olim Leges in trium Ordinum cōuentu, regioū cōsilio ambulatorio. Ex quo verò Parlamentum statarium est, frustra sunt omnia regum edicta, ni Senatus ille cōprobet, cum tamen Senatus seu Parlamenti Aresta, si lex

*Demosth.  
Orat. contra  
Timocratem.*

*Innoc. 3. ad  
Regē Tar  
rac. in c.  
quando.  
de iure iu  
rando.*

*Renouata  
ann. 1454.  
et 1538.*

desit, legis vim passim obtineant. Et in Anglico, Hispanico, Hungarico, & cæteris idem iuris est, ut & in antiquis quoque fuit. Etenim si à legum cōseruatione regna pendent, leges verò ipsæ ab homuncionis libidine: an non certissimum est, nullius vnquam imperij statum stabilem futurū? An non, si quod quibusdam accidit, aut continenter, aut per interualla mente titubet: regnum etiam titubare, breuiq; ruere necesse erit? Quod si verò, ut ostendimus, leges regibus potiores sunt, si reges legibus, ut serui dominis, parere tenentur: quis non legi, quàm regi parere malit? quis regi legem violanti obsequatur? quis violatæ auxilium ferre recuset? Iam cum Princeps legum dominus minimè sit: in aliis quatenus dominus censerì debeat, videndum est. Adulatorum aulicorum axioma percelebre est, Principes in subditos eam, quam domini olim in seruos potestatem, vitæ, inquam, & necis habere. Adeò verò istis nugis principibus imposuerūt, ut plerique, et si ea sæuitia non vtantur, non eo minus tamen sibi licere putent, sed de suo iure quodammodo cedere videantur. Dicimus verò nos contrà, Principem tanquam legis ministrum & executorem, in eos tantum, quos Lex iusserit, gladium stringere posse. Sin fecerit, nō regem amplius, sed tyrannum: non iudicem, sed præ-

*An princeps vitæ  
necisq; potestatem in  
subditos  
habeat.*

prædonem: nō legis custodem, sed violatorem esse. Hīc considerandum est in primis certissimum totius huiusce disputationis fundamentum, quo reges vtilitatis publicę causa constitutos fuisse statuimus. Eo enim posito totalis finita est. Quid enim? An regē quæsisse homines verisimile est, qui quotiescunq; collibitū esset, quos vellet, temerē necare posset? qui, ut ira vindictę corripetur, obuios quosque ad mortem raperet? qui, in linguę acie, ut inquit Sapiens, mortem circumferret? Minimè omnium. Nemo est, qui salutem suam ab alieno arbitrio vltro pendere velit, vix quisquam amico, vix fratri vitam suam concedere ausit. Multò minus itaq; extraneo, quamuis præstantissimo, cum Athamas in filios, Aiāx in amicos, æmulatione, odio, furore correptus interdum desæuiat. Sin verò quilibet, ut vitam suam diligit, ita maximè conseruatam cupit: quam, quęso, securitatem putes, si mucro tenui de filo suspensus, cervici tuę perpetuò immineat? quas dapes non fastidias, si iste metus adsit? Quod verò tenuius filum deligere queas, quàm si homuncioni in dies, in horas, in momenta mutari solito, milites, quotidie frænum rationis, ut variis perturbationibus rapitur, excutienti, vitam, salutemque tuam commiseris? Quæ, quæso, spes hunc metum, quæ vtilitas hoc

damnum periculumq; compensare villo pæ-  
cto queat? Innocentes ergo tantum, quos  
Legis vox damnarit, gladium stringere pos-  
sunt. An non verò fortè, quia vitæ causa fa-  
uorabilior est, quos lex damnarit, absolue-  
re saltem rex poterit? Nihilo sanè magis.  
Quid enim? Grassatores, prædones, sica-  
rios, raptores, veneficos, magos fortè, & a-  
lias humani generis pestes, quod tyrannos  
passim fecisse legimus, & facere etiamnum  
videmus, præpostera ista clementia foueret.  
Itaq; quod vnum lex violata perfugium ha-  
bet, Asylum sceleratorum omnium foret.  
Qui vindicando sceleri gladium à Lege ac-  
cepit, scelus ipsum aduersus legē armaret:  
lupos deniq; in ouile accerferet, qui arcesse-  
re deberet. At certè, quia interdū ea accide-  
re possunt, in quibus lex muta, lege loquen-  
te, legis ratio, regis oratione, quasi interpre-  
te, opus habet, cum quis nempe in legis ver-  
ba magis, quàm in ipsius sententiā incidit,  
licebit regi, ne summum ius summa iniuria  
fiat, adhibita in consilium ratione, quæ le-  
gis anima ipsa est, legem interpretari: nimi-  
rum, quia, quod ex legis sententia est, ex le-  
ge ipsa esse iudicatur. Ne tamen perturba-  
tio vlla sedem rationis occupet, inconsultis  
sapientibus, quod Alexandrum Seuerum  
Imperatorem Romanum solitum facere  
legimus, nil planè definiendum putabit.

*L. nominis  
& rei. §.  
verbū ex  
lege. D. de  
ver. signif.*

Hoc

Hoc modo homicidam quidem seuerè puniet: ei tamen indulgebit, qui excussa è manibus securi transeuntem fortè aliquem occiderit. Grassatorem morte mulctabit: qui grassatorem, vim vi repellendo, interfecerit, absoluet. In cæteris deniq; casum à dolo, bonam fidem à stricto iure, quodā quasi boni viri arbitrio distinguet: dolo, aut male fidei nunquam patrociniabitur. Nec verò propterea minus poterit clementis nomen assequi. Clementior certè est pastor, qui lupum necat, quàm qui seruat: rex, qui solvètem carnifici tradit, quàm qui eripit. Si necas, vnius hecce innocentes multos morti eripis: sin parcis, quia & istum sua impunitate, & alios parvis impunitatis spe ad quoduis scelus patrandum audaciores facis, innocuos postea innumeros illorum manibus interficis. nempe quosdam necare, clementia est, quosdam servare, crudelitas. Itaq; vt regi, tanquam custodi Legis, verba, interpretari interdum licet, ita & Senatui, in omnibus regnis bene constitutis, iniunctum est, & ex officio conuenit, tum interpretationem regis examinare, tum etiam eiusdem seueritati clementiæue modum adhibere. Quòd si verò hominum corruptela factum est, vt hæc minus re ipsa obseruentur, idem tamen perpetuò ius est, quod in libertatem vindicari oportet. Ne plura

exempla in re tã manifesta accumulamus, in Frãtico regno ita obseruatum fuit. Quos enim rex absoluerat, capite plecti, quos occisos voluerat, absolui sæpe vidimus. Interdum etiam scelera, teste rege commissã, impunita fuerunt: quia plures testes non succurrebant. quod sub Henrico II. in cuiusdam extranei, grauissimi criminis à rege ipso accusati, persona accidit. Cùm quis verò reus amicorum precibus veniam à rege impetrauit, Cancellarius, causa cognita, recusare potest. Sin & hìc conniuet, ad iudices nihilominus veniat oportet. qui quidem non modò, an obreptitia venia sit, sed etiam an ciuilis & legitima diligenter examinare debent. Reus verò, qui codicillos illos veniales impetrauit, non prius iis vti & niti potest, quàm sese coram iudicibus steterit capite aperto, genibus flexis, carceresque vltro subierit, interim dum causæ, quæ regem impulerunt, pensitantur. Hæ si minus idoneæ sunt, mulctatur reus, perinde ac si rex non condonarit. Si contrà, est sanè, quòd non regi, sed legi eiusq; æquitati, vitam acceptam ferat. Hæc partim, ne reges aut priuata odia, publica potentia freti, exercean, aut publicas iniurias autoritate propria remittant, partim etiam, ne subditi reges aduersus leges exorari posse putent, rectissimè instituta fuerunt. Quæ si  
hoc

hoc seculo malè obseruatur: manet tamen id perpetuò ratum, quod dicimus. Leges in regni incolas, vitæ necisque potestatem habere, non reges, qui legum tantum ministri & custodes sunt. Enim verò subditi regis *Subditi* serui, ut vulgò dicitur, minimè sunt. neque *sunt regis* enim aut bello capti sunt, aut precio em- *fratres,* pti. Quin potius, ut vniuersi domini, quod *non serui.* antea probauimus, ita singuli fratrum, seu agnatorum & consanguineorum loco censendi sunt. Ne quis miretur: hæc est vox *Deut. 17.* Dei, legem regibus præscribentis: Ne cor suum super fratres suos extollat, è quorum medio delecti sunt. è qua Bartolus ipse, licet in seculo tyrannorum feracinatus, non veretur elicere, subditos non esse regis seruos, sed fratres, & fratrum loco & conditione etiam habendos. Itaq; Dauidem subditos eo nomine compellare non pudet. Prisci verò reges vocabantur Abimelech, quod He- *1. Chron.* braicè sonat Pater meus rex. Nimirum Deus *c. 18.* Opt Maximus, cuius quotidie clemētiam, *Bartol. in* rarò seueritatem, etsi iustissimā, semperq; *traët. de re* cum misericordia coniunctam experimur, *gim. Ciuit.* Principes vicarios suos docere voluit, non metu, sed amore subditos retinendos esse. Nec verò nobis ipsi succēseant, quasi eo pacto quid regiæ dominationi detrahatur. Verè eò amplior est, quò diuturnior. Malus verò, inquit ille, diuturnitatis custos metus, *Cic. lib. 1.* *Off.*

cùm oderint, quem metuant: & quem quisque odit, periisse expetat. At contrà, cùm ad opes tuendas nil aptius sit, quàm diligi, beneuolentia vel ad perpetuitatem fidelis est. Itaque qui subditos fratrum loco habet, in mediis periculis tutus videatur, qui seruorum, in eo metu versetur necesse est. in quo proculdubio dominus esset, qui in medio seruorum agmine, solus in aliqua sylua relinqueretur. Quot enim quis seruos, tot & hostes habet. quod omnes ferè tyranni, à subditis cæsi, experti sunt: cùm bonorum regum contrà subditi non minus de illorū, quàm de propria salute solliciti sint. Huc pertinet, quod passim apud Aristotelem legitur, & ab Agasicle rege Spartæ pronūciatum fuit, Reges imperare tanquam patres filiis, tyrannos tanquam dominos seruis. Quod ita accipiendum est, vt patriam potestatem, non in atrocitate, sed in pietate. vt ait Martianus Iurisconsultus, consistere intelligamus. Quod enim sub glandibus obtinuit, vt patri filium mancipare & occidere impunè liceret, non modò inter Christianos locum non habet, sed inter Ethnicos bene moratos etiam erga seruos iam pridem obsoleuit. Itaq; & pater inauditum filium occidere nequit, quin in Corneliā de sicariis incidat: & I. Pompeia de parricidiis, non minus tenetur pater, qui filium, quàm

*Plato li. s.  
de Repub.  
Seneca.*

*Aliud est  
seruire, aliud  
obedire: aliud  
libertas, aliud  
licetia.  
L. 5. D. de  
parricidi.*

*l. 2. ad leg.  
Cornel. de  
sicar. vbi  
Ulp. leg. 1.  
C. de parricid.*



quàm filius, qui patrem occiderit, adeò vt Hadrianus imperator patrem, qui filium suum in venatione necauerat, quia nouercam adulterare dicebatur, tanquam latronem, in insulam deportari iusserit. Ad seruos verò quod attinet, admonemur in Sacris literis, eos tanquam fratres tractare: in prophanis, saltem vt mercenarios quosq; iure verò ciuili tum Ægyptiorum, tum Romanorum, ex Antoninorum constitutione, non secus in eum, qui proprium seruum occiderit, pœna dicitur, quàm qui alienum. Quin & seruus, cui dominus ægrotati non prospexerit, quémue esurire patiatur, liberatur eius potestate: & libertus, cui patronus atrocem iniuriã intulerit, potest actionem criminis ei intendere. Quòd si verò longè interest inter seruos & filios, inter dominos & patres, nec tamen olim apud Ethnicos dominis in seruos sæuire licuit: quid, quæso, de eo patre dicemus, qui cum Atreo tragicè exclamabit. Natis sepulchrum ipse est parens: de eo principe, qui subditorum inauditorũ cæde adeò recreatur, vt aliquot millia vno die interficiat, qui cruore nunquam satiatur, qui Caligulæ, qui propterea orbis Phaetõ vocitabatur, exemplo, vnâ populo ceruicem, quam vnico ictu amputare possit, subinde exoptat? An non aduersus hanc rabiem legis auxilium implorare,

*Eccles. 33.*

*Cic. lib. 3.*

*Off.*

*Diod. Sic.*

*lib. 2. c. 2.*

*L. 1. D. de*

*his, qui*

*sunt iuri*

*vel alius*

*ris.*

& eum gladium, quem legi custodiendæ, tuendisque bonis acceptum, in bonorum necem, legisq; contemptum stringit, tanquam tyranno extorquere licebit?

*An omnia  
sunt Regis.*

Sequitur iam, ut videamus, si minus vitæ, an bonorum saltem dominus dici possit? ac primum in bonis cuiusq; privatis dispiciendum est. Nulla ferè hodie in principum Comitatu vox crebrior est, quam eorum, qui regis omnia esse, dicunt. Itaque quod ipse à subditis capiat, non auferre, verum quod non auferat, utendum donare: adeoque peruasit hæc opinio quorundam principum mētes, ut miseros subditos, non secus ac boues aratorios, quicquid arant, quidquid terant, sibi arare terereq; dicere non vereantur. Et quidem ita ex facto sese habet, etsi ius planè contrarium sit. Meminerimus hic perpetuò, Reges in utilitatem populi creatos esse, & qui populi commodis student, reges, qui suis, quod ait Aristoteles, tyrannos verè cenferi. Cùm igitur sua quisq; amet, pleriq; etiam aliena appetant, an verisimile est homines aliquē quæsiuisse, cui omnia sua magno labore conquesta, ultro donarent: an potius, qui, ut sua cuique diuiti æquè ac pauperi constarent, operam daret? qui sibi cuncta attribueret, an potius, qui sua cuique æquabili iure tribueret? qui tanquam fucus inutilis, apum labores exhau-

hauriret: an potius, qui mella conseruaret?  
 qui deniq; propria cuiusque inuaderet: an  
 qui ne ab hostibus inuaderentur, prospice-  
 ret? Qui, quæso, mea refert, dicat Agricola,  
 hostis, an rex mea mihi rapiat, si æquè fa-  
 me pereo? peregrinus, an ciuis horreum  
 meum euerrat, cellam exhauriat, domum  
 diruat, si æquè esurio, contabesco, cōpluor?  
 barbati militis, an Romani manu cadam, si  
 æquè occido? Cur hostis, dicet ille, barba-  
 rus, si tu ciuis? Cur tyrannus ille, si tu rex?  
 Imò verò quò homicidio parricidium gra-  
 uius est, eò scelus regis scelere hostium in  
 pari damno superat. Quòd si verò homines  
 regem creando sua quiq; regibus non do-  
 narunt, sed conseruanda commendarunt,  
 quo tandem, nisi prædonum titulo, ea sibi  
 vindicare queant? Propterea Pharaones *Genes. 45.*  
 Ægyptiorum, rerum priuatarum cuiusque  
 ipso iure domini non erāt, sed tum demum  
 fuisse dicuntur, cū sua quique frumento  
 commutassent. Et si de eius contractus vi  
 disputari sanè & ambigi potest. Non pote-  
 rat etiam Achabus rex Israel Nabothum *1. Reg. c. 21.*  
 cogere, vt vineam suam venderet: quin po-  
 rius etiam si voluisset vendere, ex lege di-  
 uina non poterat. Imperatores Romani, *L. vëditor.*  
 quorum immensa iactatur authoritas, ni- *13. D. de*  
 hilo plus iuris habuerunt. Hodie verò nul- *com. præd.*  
 lum regnum est, in quo non liceat singulis, *diuid.*

etiam vilissimis, aduersus regem apud Iudices ius suum persequi, ita ut saepius rex, quam priuatus causa cadat: ubi verò cecidit, legi parere aequè teneatur. Nec obstat, quòd quidam ex imperatorum familiaribus scripsere Iureciui omnia regis esse, Cæsaremque omnia habere. Idem enim suam ita sententiam interpretantur, ut ad reges vniuersorum imperium pertineat, ad singulos proprietas, omniaque Cæsar imperio, singuli dominio possideant. Scitum verò est illud apud Iurecōsultos, non si quis nauem aut domum in vniuersum vindicare potest, idcirco singulas tabulas, vel singulos lapides posse vindicare. Itaque regnum Germaniæ, Franciæ, Angliæ, rex asserere, vindicare, euincere iure poterit: neminem tamen probum, nisi cum manifesta iniuria, propriolare excludet, quasi idem, qui vniuersorum, singulorum etiam possessor esse debeat, aut iure possit.

*Seneca lib.  
de benef.  
7.1.4.5.6.*

*Inaue. 36.  
D. de cuius  
Etionibus.*

*An Rex sit  
regni pro-  
priarius*

An verò patrimonij regij, publici, inquam, dominij proprietarius dominus est? Hoc sanè caput paulo accuratiùs nobis tractandum est. Notandum hoc primum, aliud esse fisci, aliud principis patrimonium: alias, inquam, res imperatoris, regis, principis, alias Antonini, Henrici, Philippi. Res regis sunt, quas ipse, ut rex, possidet: res Antonini, quas ut Antoninus. Et illas quidem à populo,

pulo, has à parentibus accepit. Hæc distinctio in iure Ciuili crebra est, in quo aliud imperij, aliud Cæsaris patrimoniū dicitur: alius fiscus Cæsaris, aliud Reip. ærarium: alius Cæsaris, alius fisci imperatorij procurator: alij Comites sacrarum largitionum, alij rerum priuatarum: adeò, vt, qui tãquam imperator præfertur priuato in hypotheca, tanquam Antoninus postponi interdum possit. Consimiliter in imperio Germanico aliæ sunt res Maximiliani Austriaci, aliæ Maximiliani Imperatoris & alij imperij, alij ipsius quæstores, vt etiam alio iure sunt gentilitiæ principum ditiones, alio, quæ Electoratus dignitatibus annexæ sunt. Quin & alij sunt apud Turcas fundi seu horti patrimoniales Selimi, alij fundi fiscales: & illi quidem in mensam principis, hi in sustentationem Imperij tantum impenduntur. Sunt tamè regni, vt Francicum, Anglicum & cætera, in quibus priuatum patrimoniū reges non habent, sed publicum tantum, à populo acceptum: in quibus propterea ea distinctio non adhibetur. Ac quantum ad res priuatas principis, si quæ sunt, attinet: non dubium est, quin earum proprietarij sint, non secus ac singuli ciues, qui que eas iure ciuili vendere distrahereq; pro arbitrio possint. At certè fisci, regni, patrimoniij regalis, quod domanium vulgato vocabulo

*l. bene à  
Zenone. C.  
de quad.  
præsc. l. v.  
nus de qst.  
Mag. li. 12.  
C. l. fiscus.  
D. de iure  
fisci.*

*L. cum ser-  
uus. 39. §.  
ult. D. de  
leg. 1. l. vni  
uersi. 9. &  
l. seq. C. de  
fundo pa-  
trimon.*

nuncupatur, proprietarij domini nulla ra-  
tione censeri possunt. Quidenim? An quia  
te aliquis pastore gregis causa fecit, gregem  
ipsum deglubendum, diuendendum, agen-  
dum ferendumque pro libito tradidit? An  
quia te populus ducem iudicemue vrbs  
regionisue alicuius constituit, vrbs regio-  
nisue alienandæ, vendundæ, perdendæ po-  
testatem fecit? Cum verò populi vnà cum  
regione fiat alienatio, an sui distrahendi, pro-  
stituendi, mancipandi cui volueris, idcirco  
tibi authoritatem dedit? Deinde, num regia  
dignitas possessio est, an potius functio? Si  
functio, quid cum proprietate cōmune ha-  
bet? sin possessio, an non saltem eiusmodi,  
vt is, à quo traditur, populus sibi perpetuò  
proprietatem retineat? Deniq;, si patrimo-  
nium fisci, seu domanium, reipub. dos verè  
dicitur, & ea quidē dos, cuius distractione,  
dilapidationeue & respub. ipsa, & regnum,  
& rex deniq; ipse perit; qua tādē lege do-  
tem istam alienare licebit? Infatuetur ergo  
Vuenceslatus Imperator, insaniat Carolus  
VI. Galliæ rex, regnumq;, aut eius partem  
Anglis donet vendatue: prodigat Malcol-  
mus Scotiæ rex regiones fundos, regiamq; ga-  
zam exhauriat: quid sequetur? Qui regem  
aduersus exterorum impetus elegerunt, re-  
gis dementiâ serui exterorum fient: qui suis  
ligillatim opibus ea ratione cauere volue-  
runt,

runt, vniuersi prædæ exponentur: quæ sibi quisq;, quæuē pupillis, vt in Scotia, ademerit, vt remp. dotaret, leno aliquis abliguriet. Si verò, quod iam sæpius diximus, reges in vsum populi creati sunt: quis tandem vsum erit, si nō modò vsum, sed etiam abusus concessus est? Cui bono tot mala, cui vtilitati tot damna, totq; pericula? Si, inquam, dum libertati meę incolumitatiuē prospicere volo, memet ipse mancipio, memet ipse vnus libidini expono, memet in compedes numellasq; induo? Itaque hoc iuris vt natura insitum, ita & vsu apud omnes ferè gentes comprobatum videmus, vt rempubl. regi suo arbitrato minuere non liceat:isque, qui contrà faxit, non regem, sed tyrannum agere censeatur. Certè cū reges crearētur, aliquas opes iis tribuere necesse fuit, quibus tum regium decus seruarent, tum verò maximè regia onera sustinerent. ita etenim & honestas & vtilitas poscere videbatur. Ad munus regium pertinebat, iudices ubique locorum constituere, qui munera non caperent, quique ius venale non prostituerent: præterea vim, quæ iuri, si quando opus esset, opem ferret, præstò habere, tutas vias, tutum commercium præstare, &c. Sin bellum metueretur, aduersus hostes vrbes præsidio munire, valloque cingere, exercitum alere, armamentaria instruere.

Scitum verò est illud, neq; pacem absq; bello, neq; bellum absq; milite, neq; militem absq; stipendio, neq; stipendium absq; tributo consistere posse. Ad pacis itaq; onera sustinēda, institutum fuit domanium, (qui apud Iureconsultos Canon vocitatur) ad belli, tributum: ita tamē, vt si quid grauius ingrueret, extra ordinem indictio succurreret. Quorum quidem omnium finis est, vtilitas Reipubl. vt qui in priuatam ea conuertat, regis nomine planē indignus sit. Est enim Princeps, ait Paulus, Dei minister in bonum populi, eiq; vt in id incumbat, tributa & vectigalia persoluuntur. Et verè omnia ferè olim hanc originem habuisse videntur vectigalia Romanorum, vt tutæ essent merces pretiosæ, ex India, Arabia, Æthiopia aduehi solitæ, aduersus pyratikas incursiones, quarum causa classis publicè instruebatur. quo in genere erat vectigal maris Rubri, Pedatica, Nauigia, Portoria & cetera, vt viæ publicæ, quæ propterea Prætoriae, Consulares, Regiæ vocabantur, tutæ à latronibus planæq; & faciles præstarentur. quod etiamnum onus regio cognitori incumbit, vt Pontes publici restaurarētur, vt ex cōstitutione Ludouici Pij, duodecim super Sequanam, vt naues traiciendis fluminibus præstò essent, &c. Salinarum vectigalia nulla erant, imò pleræq; in priuatorum

Rom. 13.

Plin. li. 19.

c. 4.

Archid. in

Can. si qd

Romipet

tas & pe

reg. 24. q.

3. Bald. in

c. 1. §. cons

uenticula.

de pace ius



rum dominio erant: quia quæ natura ultro  
dabat, non magis, quam lux, aura, proflu-  
ens vendi posse videbantur. Cumque rex  
quidam Lycurgus nomine, in Asia mino-  
re, salinis vectigal imponere cœpisset, quasi  
natura suam liberalitatem restringi non pa-  
tiente, derepentè exaruisse dicuntur. Et si  
verò hodie,

*re iur. fir.  
l. 2. D. ne  
quid in las  
copubl.  
viarum.  
l. magis pu  
to. D. de re  
bus cor. n.*

*Si quid Pulphurio, si credimus Armillato,*

*Iuuenalis.*

*Quicquid cōspiciū pulchrūq; ex æquore toto est,*

*Res fisci est, vbiq; natat.*

Qui primus

tamen hoc vectigal Romæ instituit, Livius  
Censor, vnde Salinatoris cognomen ade-  
ptus est, ob necessitàtem reip. præsentissi-  
mam fecit. In Gallia verò Philippus Lōgus  
ob eandem causam, in quinquennium tan-  
tum obtinuerat, cuius cōtinuatio quos mo-  
tus pepererit, nemo nescit. Tributa deniq;  
in bellica stipendia instituta fuisse, vel ex eo  
apparet, quòd stipēdiariam & tributariam  
Prouinciam facere, idem re ipsa sit. Sic Sa-  
lomon tributa imperat muniēdis vrbibus,  
& armamentario publico instruendo, qui-  
bus propterea, iis cōfectis, populus sub Ro-  
boam leuari cupit. Turcæ verò ipsi tributū  
prouinciarum, Sacrum populi sanguinem  
appellāt, quem profundere, aut aliò, quàm  
ad populum defendendum, conuertere, sit  
nefas. Itaque quæcunq; rex bello acquirit  
vbiuis gentium, quia communibus opibus

*2. Reg. c. 9  
v. 11.  
Pos. tell.  
lib. 3. de  
rep. Turc.*

acquirat, populo acquirat, non sibi, quasi ser-  
uus institor domino. Quin etiam si quid  
per matrimonium fortè adipiscitur, (quod,  
inquam, purè simpliciterque vxoris sit) re-  
gno acquiri putatur: quia præsumitur non  
eam ipsam vxorem ducere, quatenus Phi-  
lippus, aut Carolus est: sed quatenus rex.  
Contrà verò, vt Reginæ partem habent eo-  
rum, quæ mariti nondum in regnum coo-  
ptati, acquisiuerunt constâte matrimonio,  
ita eorum quæ post regnum adeptum, nul-  
lam planè: quia publicis opibus, non priua-  
tis regis nummis parta censentur. quod in  
regno Francico inter Philippum Valesium  
& Iohannam Burgundam vxorem iudica-  
tum fuit. Ne verò pecuniæ in alium vsu  
extorqueantur, iurat Imperator, se nulla,  
nisi conuentus publici autoritate vecti-  
galia impositurum, tributaue indicturum.  
Idem reges Poloniæ, Hungariæ, Daniæ,  
Angliæ consimiliter, ex Leg. Eduardi pri-  
mi. Francorum reges olim in trium Ordini-  
um conuentu vectigalia imperabant. Vn-  
de etiam est lex Philippi Valesij, ne collectæ  
indicantur, nisi summa necessitate vrgen-  
te, deq; trium Ordinum consensu. Quin &  
olim collectæ illæ in arcibus per singulas diœ-  
ceses recondebantur, selectisque viris (Ele-  
ctos etiam num vocant) custodiendæ tra-  
debantur, quibus militibus oppidatim con-  
scriptis

scriptis per eorundem manus stipendia numerarentur. quod & in aliis regionibus, ut puta Belgicis, fieri solebat. Hodie saltem, ni Senatus consentiat, rata non sunt, quæcunque imperentur. Sunt verò quædam provinciæ, quæ non nisi de Ordinum consensu, ex pacto tenentur, ut Linguadocasia, Britannica, Prouincia, Delphinatus & cæteræ quædam: ut & in Belgio planè omnes. Deniq; ne fiscus, quo tanquam liene tumente, cætera membra contabescunt, omnia ad se rapiat, suum vbique locorum fisco demensum tribuitur. Cùm itaq; tandem constet, quæ regibus ordinariè aut extra ordinem tribuuntur, tributa, vectigalia, domanium-que adeò quod vocatur, vniuersum, (quo nomine Portoria, isagogica, exagogica, regalia, bona ἀκληρονόμητα, caduca, commissæ, & cætera huiusmodi comprehendimus) in populi vtilitatem & defensionem, regni-que sustentamentum attributa fuisse: & ita quidem, ut iis neruis succisis, populum labascere, iis subrutis fundamentis, regnum corruere necesse sit: sequitur sanè, eum, qui in dispendium populi, populum onerat, qui è publico damno lucrum captat, ipsumque adeò proprio gladio iugulat, regem non esse: contrà, verum regem, ut publicorum negotiorum curatorem: ita & publicarum opum administratorem,

non autem proprietarium dominum esse. qui quidem domanium regium nō magis, quàm regnum ipsum alienare, aut dissipare possit. Quòd si verò aliter se gesserit, sanè si reipublicæ interest, vt quisq; sua propriaq; re bene vtatur, multò magis, vt re publica quis bene vtatur, reipublicæ interest. Ac propterea si dominus, qui sua prodigit, ad agnatos & gentiles authoritate publica deducitur, suisq; rebus abstinere cogitur: multo sanè æquius curator Reipubl. qui rempubl. in publicam perniciem conuertit, aut funditus euertit, ab iis, quorū interest, quibusque ex officio conuenit, omni administratione, ni admonitus desinat, spoliari poterit. Quòd autem rex in omnibus legitimis imperiis, patrimonij regij proprietarius dominus non sit, facile est ostensu. Ne antiquissima illa secula petamus, quorum imaginem habemus in persona regis Hethæorum Ephron, qui ne agrum quidem suum, inconsulto populo, Abrahamo vendere audet. In omnibus imperiis id iuris hodie vsurpatur. Imperator Germaniæ, antequam coronetur, sanctè iurat, se ex his, quæ ad Imperium imperiiq; patrimonium pertinent, nihil alienaturum, distracturum, oppigneraturumue. Si quid verò recuperet, aut acquirat viribus publicis, Imperio, non sibi quæsitum iri. Itaq; cū Carolus quartus,

*Genes. 2.*

*Sleid. lib. 1.  
& Bulla  
aurea.*

quartus, ut Venceslaus filius designaretur  
 imperator, Electorum cuiq; centum coro-  
 natorum millia pollicitus, quia pecuniam  
 in numerato non habebat, illis eo nomine  
 telonia, vectigalia imperialia, oppida, pro-  
 prietates & iura, pignoris titulo obligasset:  
 acerrima dissertatio coorta est, & plerique  
 oppignerationem irritam esse iudicarunt.  
 quæ sanè non valuisset, nisi iis ipsis, qui im- *L. 1. & pas*  
 perium tueri debebant, eamq; oppignera- *sim. c. de*  
 tionē inprimis oppugnare, quæstiosa fuis- *com. rer.*  
 set. Propterea verò Venceslaus ipse coa- *alien.*  
 ctus est tanquam incapax, sese Imperio ab- *Nauclet.*  
 dicare, quòd regalia iura, ducatus præfer- *in Chron.*  
 tim Mediolanensis, sibi eripi passus esset. In *Genes. 46.*  
 regno Polonico lex vetusta est, de non alie-  
 nandis terris regni Poloniae, renouata c 1 3.  
 c c c. l x x v. per regem Ludouicum. Est ea-  
 dem in Hungarico. vnde legimus, Andream  
 Pannoniae regem circa annum c 1 3. c c. x x i. *c. intelles*  
 apud Honorium tertium Pontificem po- *cto. de ius*  
 stulatum fuisse, quòd neglecto iureiuran- *reiurādo,*  
 do, dominica prædia distraxisset. In Angli- *in Decret.*  
 co, lege Eduardi, anno c 1 3. c c. x c v i i i. *Polydor.*  
 In Hispanico pariter ex constitutione sub *Virgil.*  
 Alfonso facta, renouata demum c 1 3. 1 3. *In Cod.*  
 l x. in Toletanis comitiis, quæ quidem le- *Hispan.*  
 ges sancitæ fuerunt, cum longo antè tem- *par. 5. 1.*  
 pore consuetudo vim legis obtinisset. At *Constit. 9.*  
 certè in Francico, in quo, tanquam cætero-

rum exemplari, diutius hæreo, hoc ius perpetuò sacrosanctum erat. Lex est regni antiquissima, Iura, inquam, cum ipso regno nata, de domanio non alienâdo, anno c i o. i o. l x v i. etsi malè obseruetur, renouata. Excipiuntur tantum duo casus, Panagium siue Appennagium ( alimenta ) liberis fratribusue attribuendum : ita tamen, vt ius

*Papon As restor. li. 5. tit. 20. act. 4.* clientelare perpetuò retineatur : deinde, si necessitas bellica postulet, cum pacto tamè redhibitorio. Quod interim vtrunque, irritum olim censebatur, ni trium Ordinû conuentus iussisset : hodie verò, ex quo Parla-

*Paragr. 11. c. 16. legis regie l. 1. 1566.* mentum statarium factum est, ni Senatus Lutetianus, qui Senatus Parium est, & Camera ratiociniorum publicorum comprobant, & præfecti fisci etiam, edicto Caroli

v. i. & i x. Vsque adeò verò hoc verum est, vt si quam Ecclesiam prisca Gallia reges dotare vellent, etsi ea tum causa fauorabilis in primis videbatur, optimatum consensum

*Dimoi. etc.* adhibere teneretur : vt exemplo esse potest

*Dimoi. lib.* Childebertus rex, qui absq; Francorum &

*4. cap. 41.* Neustrasiorum consensu monasterium di-

ui Vincentij Parisiensis dotare ausus non fuit, vt neq; Clodoueus i i. & cæteri. Quin ne regalia quidem, aut ius nominandi prælatos cuiquam Ecclesiæ remittere possunt. Si qui verò fecerunt, vt in gratiam Senonensis Ecclesiæ Ludouicus x i. Altfisiodo-

rensis

rensis Philippus quartus: Niuernensis Philippus Augustus, Senatus, irritum pronunciauit. In hanc legem rex Francorum Rhemis inaugurandus iurat: quam si violet, perinde valeat, ac si de Turcico Persicoue imperio contrahat. Hinc Constitutiones, *L. peto. 69. siue, vt vocant, statuta Philippi Sexti, Ioannis Secundi, Caroli Quinti, Sexti, Octaui, parag. prae dium. D. de reuocandis iis, quæ per maiores suos alienata fuerant. Hinc rescissæ in Turonico Ann. 1329. trium Ordinû conuentu, cui Carolus VII. 1360. 1374. intereat, Ludouici vndecimi patris, alienationis pleræque, & hæredibus ablata, quæ 1401. 1483. Tancredo Castellano, de ipso bene merito, propria autoritate donarat, oppida. Ann. 1483. 1522. 1531. Quod & in postremo trium Ordinum conuëtu Aureliæ habito, denuò sancitum fuit. 1549. *Arce stis etiam Hæc de fundis publicis. At quò regnum Curia. Regi præferri euidentius appareat, eum- Ann. 1560. que, quam à populo accepit maiestatem, priuata autoritate minuere non posse neminem suo imperio eximere potest, neque. vlla regni in parte, summi imperij iure cedere. Conatus est aliquando Carolus Magnus, Francicum regnum Germanico imperio subiicere. Franci verò, verba faciente Paulus Aemil. lib. 3. Vascone quodam principe, aciter restiterunt. Ann. 1195. 1200. 1269. 1297. 1303. Ac res ad arma prolapsa fuisset, si Carolus vltèriùs perrexisset. Consimiliter, cum 1325. 1339. pars aliqua regni Francici, Anglis tradita**

fuit, summum ius perpetuò ferè exceptum fuit. Si quando verò vis extorsit, vt fœdere

*Ann. 1360.*

Pictonibus summo iure celsit: neque pactum seruauit rex, neque magis potuit aut debuit seruare, quàm tutor curatorûe captiuus, vt tum ille erat: qui vt se redimeret, bona pupillorum obligaret. Eodem iure Senatus Lutetianus fœdus Cõfluentinum re-

*Ann. 1465.*

*¶ 1525.*

scidit, quo Carolus Burgûdus Ambianum & vicinas vrbes regi extorserat: nostro etiã tempore Madritianum pactum, inter Franciscum primum captiuum, & Carolum v.

*Ann. 1420*

*Monstres*

*let. 6. 225.*

Imperat. de Ducatu Burgundiæ. Caroli v r. verò donatio regni Franciæ mortis causa, in Henricum Angliæ regem collata, summæ ipsius infaniæ argumentum, si alia defint idoneum esse potest. Vt autem alia o-

*L. liber ho*

*mo. 103. D.*

*de verb. os*

*bligat. l. si*

*empt. 34.*

*§. 1. D. de*

*cõtr. empt.*

*l. penul. C.*

*de oper. li=*

*bert.*

mittam, quæ in hanc rem dici possent, quo iure tandem regnum regniûe partem vllam donare aut vendere rex possit: cum illa in populo, non in mœnibus consistant: liberorum verò hominum non sit commercium. cum ne libertos quidem patroni cogere possint, vt alio loco, quàm illis placeat, domicilium suum ponant. Maximè verò, cum non serui, sed fratres: nec fratres modò reges singuli sint, sed vniuersi domini regni dici debeant?

An verò, si minus regni proprietarius

rex



rex est, regni saltem domaniiq; usufructuarius dici potest? Sanè ne usufructuarius quidem. Fructuarius pignori dare potest. Diximus verò, reges fisci patrimonium oppignere non posse. Fructuarius de fructu donare suo arbitrio potest. Regis cōtrà dona immensa, irrita censentur: impenſe non necessaria rescinduntur, superflue resecantur: quod in alium, quàm in publicū vsum conuerterit, rapuisse censetur. Nec verò minus lege Cincia tenetur, quàm priuatus ciuis apud Romanos quilibet: in Gallia præsertim, absq; Camerae ratio ciniorum, quam vocant, consensu, nulla dona valent. Hinc Camerae ordinariae sub prodigis regibus annotationes: Trop donné, soit repeté: id est, immensa est hæc donatio, itaq; repetatur. Hæc eadem verò, quaecumq; tandem rescriptum à rege accipiat, se nil, quod regno rei q; publicæ damnosum sit, admissuram sanctè iurat: etsi certè parum sanctè obseruat. Fructuarius denique, quo modo fructibus suis vtatur fruaturq;ue, lex non curat. Regi contrà, quo modo, & in quem vsum iis vti debeat, lex præscribit. Itaq; prisci Galliæ reges, dominicos redditus quadriariam partiri tenebantur. Pars vna impendebatur in sustentationem ministrorum Ecclesiæ, & inopum: altera, in mensam principis: tertia, in familiarium stipendium: po-

*An Rex sit  
Regni v-  
usufructua-  
rius.*

strema in refectionem arcium, pontium, ædiumq; regiarum. Residuum si quod erat, in ærariò reponebatur. Qui verò motus anno circiter c. i. d. cccc. xii. in Lutetiano trium Ordinum cōuentu fuerint, quòd Carolus vi. in suam libidinem, suorumque, omnia conuertillet, quòdque domesticæ rationes, quæ antea nonaginta quatuor Francicorum numorum millia non excefferat, in tam misero reipublicæ statu, ad quingentorum quadraginta Francicorum millia excreuissent: ex Historiis satis constat. Vt autem dominici reditus ita impendebantur, ita & oblationes seu auxilia in bellum, vt & indictiones seu taleæ in militum stipendia tantum destinatæ erant. In cæteris regnis nihilo sanè plus authoritatis rex habet: imò in plerisq; minus: vt in Imperio Germanico & Polonico. Hoc verò ideò in Francico probare volumus ita se habere, ne, quòd quis plus iniuriæ audet, eò plus etiam iuris habere putetur. In summa, quod antè diximus, regis nomen non hæreditatem, non proprietatem, non vsumfructum, sed functionem & procurationem sonat. Vt Episcopus ad animæ, rex ad corporis curam salutemque (in iis, quæ ad bona publica attinent) institutus est: vt ille bonorum sacrorum, hic profanorum dispēsator est: & què ille in Episcopalibus, hic in dominicis prædiis

*Monstres  
que in Car  
rolis s.*

*Ex Concil.  
Valent. in  
ex. de his,  
que sunt*

diis potestatem, & nihilo maiorem habet: à *prælati*  
 prædiorum Episcopaliū, absq; consensu *absq; cons.*  
 capituli, alienatio non valet: vt nec domini- *Capit.*  
 corum, absque concilio publico, optimā-  
 tumūe senatu: fructuum sacrorum pars vna  
 edificiis, altera pauperibus tertia sodalibus,  
 quarta Episcopo ipsi dicatur: idem verò fer-  
 mē in rexitibus regni dispensandis regem  
 præstare debere videmus. Nō obstat, quod  
 hodie passim cōtrā vsurpetur. Etenim non,  
 quod Episcopi pleriq; pauperibus tollant,  
 quæ in lenones profundant, aut prædia o-  
 mnia memoraq; vastent, officium Episco-  
 porum vllatenus immutarū est. Non, quod  
 imperatores nonnulli omnimodam pote-  
 statem sibi tribuerūt. neq; enim quisquam  
 in sua causa iudex esse potest. Quod si verò  
 Caracalla aliquis dixit: quamdiu gladius su-  
 peresset, pecuniam non defuturam: aderit  
 & Hadrianus Cæsar, qui dicat, se sic gestu-  
 rum principatum, vt sciat rem populi esse,  
 non suam, quod vnum ferè regem à tyran-  
 no distinguit. Non, quod Attalus Pergame-  
 norum rex, populum Romanum, regni hæ-  
 redem instituerit: quod Alexander Ægy- *Florus li. 1.*  
 pti, Ptolemæus Cyrenorum regnum, po- *Liuius l.*  
 pulo Romano, aut Prasutagus Icenorum *70. Tacit.*  
 Cæsari legauerint. Ista sanè magna vis, Iu- *tus lib. 14.*  
 ris vim debilitare non potest: imò, quod  
 maior est, eò minus ius nostrum lædit.

Quæ etenim Romani, iuris prætextu capiebant, si is prætextus defuisset, nihilominus vi occupassent. Videmus verò nostro sæculi tempore, Venetos, imaginariæ cuiusdam adoptionis prætextu, quæ absq; vi ridicula planè fuisset, regnum Cypri occupasse. Non obstat quoq; donatio Constantini in Syluestrem Pontificem, ista enim palea Gratiani iam pridem exoleuit, igniq; damnata est. Non donatio Ludouici Pij in Paschalem, Romæ nempe, cum parte Italiæ, quia enim donabat Pius, quæ non possidebat, nemo restitit. At Carolo patri, Francorum regnum imperio Germanico subdere volenti, Franci iure restiterunt: & si perrexisset, vi resistere parabant. Non, quod Salomonem Hiram regi Tyri, viginti oppida tradidisse legimus: neque enim ea donauit, sed creditori in solutū tradidit, ac intra certum tempus recuperauit. quod ex ipso textu liquet. Erant verò præterea fundi steriles, à reliquiis Gentium culti, quos ab Hiram receptos Israelitis demum excolendos incolendosq; dedit. Nihilò magis obstare potest, quòd in quibusdā forè regnis ea pactio inter regem & populum non ita discretè intercedat. Etenim vt ea etiam nulla sit, constat tamen iure naturæ, reges reipubl. nō euersores, sed moderatores esse, ius reipublicæ suis pactiōibus mutare nō posse: dominos

*Volater.  
li. Greg. 3.*

*1. Reg. c. 9.  
2. Ebron.  
c. 8.*

*l. 3. paragr.  
ius reipub.  
D. de ad  
ministrat.  
rer. ad ciu.*

dominos tantum, cum pupillis prospiciunt, non secus ac tutores haberi: dominum vero eum non censer, qui ciuitatem libertate spoliatur, & mancipij instar diuedit. Non denique, quod quaedam regna sint à regibus ipsis parta. quia enim non suis, sed publicis manibus, viribus, opibus regna acquirunt: nil verò magis rationi consentaneum est, quàm ut ea, quæ publicis opibus, & communibus ciuium periculis parta sunt, absq; communi consilio non alienentur: quod & inter ipsos prædones obtinet. Societatem humanam dirimit, qui contrà facit. Itaque etsi imperiũ Germanicum Franci, iidemq; Gallicum regnum vi occuparint: id tamen iuris in utroque obtinet. In summa: statuamus tandem oportet, reges patrimonij regij non proprietarios, non fructuarios, sed administratores tantum esse: cumq; ita sit, multò sanè minus, aut rerum priuatorum cuiusque, aut rerum publicarum, quæ ad singula municipia pertinet, proprietatem, vsum fructumue sibi tribuere posse.

Hic tamē nobis, antequam vltius progrediamur, scrupulus eximendus est. Cum populus Israeliticus regem postulasset, dixit Deus Samueli: audi vocem populi: verum significa ei primùm, quòdnam sit futurum ius Regis, qui regnabit super eos. Tum verò Samuel hoc Regis ius futurum inter

*pert. l. tutor. 27. D. de admin. tutor. l. fundum. paragr. tutor. D. depositi, & expressus. Ex traug. de re iudicata, c. in lecto. l. 2. & passim. C. de interd. comm. rer. alienan.*

alia exposuit, ut agros, vineas, oliueta cuiusque capiat. quæ ministris suis donet, res cuiusque priuatas in suum usum conuertat: denique ipsos in seruitutem redigat. Mirum verò, quanti hanc textum Aulici nostri faciant: qui aliàs vniuersam Scripturam ludibrio habent. Vult hic Deus Opt. Max. populo Israelitico ipsius leuitatem ostendere, qui cum Deum ipsum præsentem haberet, qui iudices, ducesque belli, quotiescunque rogabatur, pios & probos ipsi eligeret, lubricum tamen homuncionis, in horas mutari soliti, quam Dei immortalis immutabile imperium mallet. Indicat itaque illis, quoniam in lubrico in loco sit rex constitutus, quam procliuis virium in violentiam lapsus, quam præceps regni in tyrannidē mutatio. Regem etenim, quem ei tradat, gladium in ipsos stricturum, sua potestate præposterè usurum, ius in vi omne positurum. Hoc verò, quod vltro sibi accersant malum, tum demum sensuros, cum remedio locus non fuerit. Denique non quod sit ius regum, sed quod ius sibi reges tribuere soleant: non quid facere ex officio debeant, sed quid plerumque ex maleficio usurpent, hoc in textu describitur. Id autem ex Deuteron. 17. cap. quo Deus Legem regibus præscribit, manifestè liquet. Hic dicit Samuel, Regem subditos loco seruorum habiturum: illic præ-

præcipit Deus, ne cor suum super fratres *Deut. 17.*  
 extollat: ne inquam, in subditos, quos con-  
 sanguineorum loco habere tenetur, insole-  
 scat. Hic, currus fabricaturû, equites instru-  
 cturum, propria cuiusq; inuasurum dicit: il-  
 lic, ne equos congreget, ne aurum argen-  
 tumue accumulet, ne populum in Ægyptû,  
 id est, in seruitutem reducat, monetur. Hic  
 Achabus depingitur, qui Nabothi vineam *1. Reg. 22.*  
 scelere acquirit: illic David, qui ne aquam *2. Sam. c.*  
 quidem periculo suorum haustam, bibere *23. Per. 16.*  
 iustum putat: hic prædicit Samuel, Regem,  
 quæ iuri custodiendo postularint, ex legem  
 futurum: illic contra Deus, Legem suam re-  
 gi per sacerdotes tradi iubet, quam descri-  
 bat, perpetuoq; ante oculos habeat. Itaq;  
 Samuel ipse sacerdos summus, Legē ipsam  
 regiam, quæ Deuter. 17. extat, Sauli in vo-  
 lumine descriptam tradit. quod certè mi-  
 nimè fecisset, si eandem violare ius fuisset.  
 In summa: perinde est, ac si dixisset Samuel:  
 Petiistis regem exemplo cæterarum gen-  
 tium, pleriq; verò sunt tyranni. Regem, quī  
 vobis ius diceret: pleriq; verò quicquid ve-  
 lint, sibi licere arbitrantur. Interim tamen  
 Deum, cuius ipsa voluntas iustitiæ regula  
 est, vltro deseritis. Extat autem apud He-  
 rodotû Historia, è qua facile cognoscitur,  
 quàm proclivis sit regni in tyrannidem mu-  
 ratio, cuius Samuel populum admonitum

volebat. Deioces propter insignem iustitiæ commendationem à Medis iudex primum eligitur: mox, vt, si qui iuri resisterent, eos compescere posset, cum idonea potestate rex constituitur. Tum satellites petit, dein arcem Ecbatanam, aduersus cōtumacium iniurias sibi extrui curat: demum in propriis iniuriis vel minimis vlciscendis totus est: ad extremum verò regis vultum intueri, regis in conspectu ridere, aut spueri, crimen iudicatur. Vsq̃ue adeò periculosum est, impotēti animo, qualis est plerorumq̃ hominum, nimiam potentiam concedere. Non ergo docet eo in loco Samuel, absolutam esse regis potentiam: imò contrà populum, ne dissolutæ hominis impotentia, nimium potentie tribuat, admonitum cupit. Non regis vim exaggerat, sed aggere coerendam dicit: non effrænem aliquam licentiam regi concedit: quin potius frænum iniiciendum tacitè suadet. Hac verò oratione moti Israelitæ, regum suorum potentiam temperasse videntur: quod & omnes prudentes nationes, siue proprio, siue hoc eodē exemplo, siue etiam alieno periculo edoctæ, sapienter fecerunt, vt ex iis, quæ sequuntur, manifestum erit.

*Fædus siue  
pactum  
inter regē  
& populū.*

Diximus in constituēdo rege duplex fædus inītum fuisse: primum, inter Deum & regem & populum, de quo suprà: secundum,



dum, inter regem & populum: de quo nobis iam agendum est. Saule regē constituto, traditur ei lex regia, secundum quam imperet. Dauid in Hebron init fœdus coram Domino, id est, Deo teste adhibito, cum omnibus senioribus Israel, qui vniuersum populum repræsentabāt: tum verò demum in regem vngitur. Ioas quoque cum vniuerso populo terræ, in domo Domini, Ioiada summo sacerdote verbis præeunte. Impositum verò dicitur ei vnâ cum diademate testimonium: quod plerique legem Dei, quæ passim eo nomine vocatur, interpretantur. Consimiliter Iosias promittit, se obseruatum præcepta, testimonia & statuta, in libro fœderis comprehensa. Quibus nominibus intelliguntur leges, quæ tum ad pietatem, tum ad iustitiam pertinent. Quibus omnibus in locis dicitur fœdus initū cum vniuerso populo, vniuersa multitudine, omnibus senioribus, omnibus hominibus Iudæ: vt intelligamus, quod etiâ sigillatim exprimitur, nō modò principes Tribuum, verum etiam omnes Chiliarchos, Centuriones, magistratusque inferiores adfuisse, vrbium nomine, quæ singule per se cum rege paciscerentur. In eo pacto agebatur de creando rege. Populus enim regem faciebat, non rex populum. Itaque non dubium est, quin populus stipularetur, rex promitteret.

*Deut. 17.  
1. Sam. 10.  
ver. 25.  
2 Sam. c. 5.  
ver. 3.  
1. Chron. c.  
11. ver. 3.  
2. Reg. c. 11.  
v. 17. & 12.  
2. Chron. c.  
23. ver. 3.  
2. Reg. c. 23.  
ver. 3.*

Stipulatoris verò partes in iure potiores cē-  
sentur. Stipulabatur ille à rege, an non iustè  
& secundum leges regnaturus esset? hic, fa-  
cturum spondebat. Populus demum se ius-  
tè imperanti, fideliter obsequuturū respon-  
debat. Itaq; promittebat rex purè, populus  
sub conditione: quæ si non impleretur, po-  
pulus ipso iure omni obligatione solutus  
censeretur. In primo fœdere seu pacto, Pie-  
tas in obligationem venit: in secundo, Ius-  
titia: illo promittit rex, se piè obediturum  
Deo: hoc, se iustè imperaturum populo: il-  
lo, se gloriam Dei: hoc, vtilitatem populi cu-  
raturum: in illo inest conditio, Si legem  
meam obseruaris: in hoc, Si ius vnicuique  
suū tribueris. Illius, ni impleatur, Deus pro-  
priè vindex est: huius, legitimè vniuersus  
Populus, quicquid vniuersum populum tuen-  
dū susceperint, regni proceres. In omnibus  
verò legitimis imperiis ita perpetuò obser-  
uatum fuit. Persæ, sacrificiis ritè peractis,  
hanc cum Cyro conuentionem faciunt: Tu  
primùm Cyre, si quis Persis bellum faciat,  
aut leges violet, promittisne auxilium pa-  
triæ tuæ, omnibus viribus tuis? Acyrt spo-  
ndit: Nos Persæ, aiunt illi, vicissim tibi  
auxilio erimus, si quis tibi patriam tuenti  
obsequi nollet. Xenophon verò hanc con-  
uentionem *συμμαχία*, id est confœderatio-  
nem vocat, quomodo Isocrates orationem  
de

Xenophon  
lib. 8. Pers.

de Officio subditorum erga principem *συμ  
μαχικὸν λόγον*. Inter reges Spartanorum &  
Ephoros fœdus singulis mensibus renoua- *Xenophon  
de Repub.  
Lacedæm.*  
batur, etsi illi semper ex Heraclidis erant.  
Ut verò iurabant reges, se secundum leges  
patriæ regnatos: ita Ephori, si fecissent,  
regnum in ipsorum manu stabilituros. Con  
similiter in regno Romanorum Romulus *Dionys.  
Halicar.*  
cum Senatu & populo hoc pactum facit. *lib. 1.*  
Populus leges ferret, ipse rex latas custodi-  
ret: Bellum populus decerneret, ipse gere-  
ret. Etsi verò Imperatores pleriq; vi & am-  
bitu magis, quàm vllò iure imperium Ro-  
manorum adepti sunt, & lege regia, quam  
vocant, omnimedam potestatem sibi arro-  
garunt: quæ tamen extant legis illius frag-  
menta tum in libris, tum in Romanis inscri-  
ptionibus, satis docent, Reipublicæ curan-  
dæ & administrandæ non euertendæ, & per  
tyrannidem opprimendæ facultatem con-  
cessam illis fuisse. Quin & legibus sese tene-  
ri, professi sunt boni imperatores, & sena-  
tui imperium acceptum tulerunt, & ad se-  
natum grauissima quæque retulerunt, eo-  
que inconsulto, quidquam, quod ad sum-  
mam rei pertineret, decernere nefas puta-  
runt. Quòd si verò hodierna imperia specte-  
mus, nullum sanè est, quod eo nomine di-  
gnum censeatur, in quo inter Principem &  
subditos pactum eiusmodi non intercedat.

In imperio Germanico, non ita pridem solebat rex Romanorū, in Imperatorem coronandus, fidem & hominum præstare imperio, non secus ac vassallus seniori, cum investituram feudi accipit. Licet verò per Pontifices verba concepta, in quæ iurabat, paulò immutata fuerint, res tamen eadem perpetuò manet. Itaq; Carolum v. Austriacum certis legibus & conditionibus in imperatorem cooptatum scimus, vt & alios, qui sequuti sunt, quarum summa erat: leges latus custoditurum: nouas, inconsultis Electoribus, non laturum: publica publico consilio curaturum: nil alienaturum oppigneraturum: ne ex iis, quæ ad imperium pertinent: & cætera, quæ sigillatim ab Historiographis recensentur. Cùm verò imperator Aquisgrani coronatur, Coloniensis Archiepiscopus stipulatur primū: an non sit Ecclesiam defensor, iustitiam administraturus, imperium conseruaturus, viduas, orphanos, omnesq; omnino miseratione dignos protecturus? Quod vbi solenniter ante aram iurauit, rogantur principes, quiq; imperium repræsentant, an ipsi eidem promittere velint. Nec verò prius aut vngitur, aut gladium, reipubl. defendendæ nomine, aliaue imperij insignia accipit, quàm iusiurandum illud præstiterit. Ex quo sanè manifestum est, imperatorem purè, princi-

*Specul. Sa  
xon. lib. 3.  
artic. 54.*

*Sleid. lib.  
1. c. 2.*

pes imperij sub conditione obligari. In regno Polonico quin idem obseruetur, dubitabit nemo, qui ritum in Henrici Andegauensis electione coronationeq; nuper admodum obseruatum intellexerit. In primis cū cōditio de vtraq; religione, tum Euangelica, tum Romana, conseruanda apposita fuit, quam conceptis verbis ter stipulantibus proceribus, ter spondit. In Hungarico Bohemico & cæteris, quæ recensere longum esset, idem planè sit. Nec verò tantum, vbi electionis ius integrum hæctenus mansit, verum etiam vbi successio mera vulgò obtinere putatur, eadem prorsus stipulatio interuenire solet. Rex Franciæ quando inauguratur, rogāt primum Laudunensis & Bellouacus Pares Ecclesiastici, populum, qui adest, vniuersum, eumne regem esse cupiat iubeatque? vnde etiam à populo tum eligi in ipsa inaugurationis formula dicitur. Vbi populus consensisse videatur, iurat, se leges Franciæ priuilegiaq; ac iura in vniuersum omnia tuiturum, domaniū non alienaturum, & cætera: quæ etsi interpolata fuerunt, & longè diuersa ab antiqua formula, quæ extat in Bibliotheca capituli Bellouacensis, in quam Philippus primus iurasse comperitur: nihilo minus tamen discretè satis exprimuntur. Nec verò prius accingitur gladio, vngitur, coronatur à paribus,

(qui & ipsi corollis ornati sunt) sceptrumq;  
 & virgam iustitiæ accipit, aut rex procla-  
 matur, quàm populus iusserit: neque etiam  
 prius ei pares iurant, quàm ipsis fidem de-  
 derit, se leges accuratè custoditurum. Eæ  
 verò sunt, ne patrimonium publicum dila-  
 pidet, ne vectigalia, portoria, tributa suo-  
 arbitrio imponat indicatue, ne bellum de-  
 cernat, pacemue faciat: denique, ne quid in  
 publicum, nisi publico cōsilio statuatur. Item  
 sua senatui, sua Comitibus, sua regni officia-  
 riis constet authoritas: & cætera, quæ per-  
 petuò in regno Francico obseruata fuere.  
 Vbi verò prouinciam aliquam, urbemue  
 ingreditur, priuilegia eiusdem confirmare  
 tenetur, inque eius leges & consuetudines  
 sese sacramento deuincit. Quod nomina-  
 tim apud Tholosates, Delphinates, Armo-  
 ricos, Prouinciales, Rupellanos ipsos obti-  
 net: quorum cum regibus cōuentiones di-  
 fertilissimæ sunt: quæ frustrà omnes essent,  
 nisi locum conditionis in contractu tenere  
 censerentur. Extat antiquòrum regum Bur-  
 gundiæ iusiurandum, his verbis: Omnibus  
 legem, iustitiam, maniburgium, id est tute-  
 lam, conseruabo. In Anglia, Scotia, Suedia,  
 Dania idem ferè mos est, qui in Francia. At  
 certè nusquam disertius, quàm in Hispa-  
 nia. In Regno enim Aragonico, peractis  
 multis ceremoniis inter eum qui iustitiam  
 Arago-

*In Annal.  
Burgund.*

Aragoniam, seu publicam maiestatem re-  
 præsentat, in sublimiori quodam folio, &  
 regem inaugurandum, qui illi fidem & ho-  
 minium præstat, lectisq; legibus & condi-  
 tionibus, quibus implendis obligatur, his  
 tandem verbis Procere lingua vernacula  
 regem affantur: nos, qui tantum valemus,  
 quantum vos, (ita enim fert idioma Hispa-  
 nicum) & plus possumus, quàm vos, regem  
 vos eligimus, cum his & his cōditionibus.  
 Inter vos & nos vnus imperat magis, quàm  
 vos. Ne verò se perfunctoriè tātum aut con-  
 suetudinis antiquæ obseruandæ causa iu-  
 rasse putet, tertio quoque anno in publico  
 conuentu hæc eadem verba ei repeti solēt.  
 Quòd si regia potentia fretus insolescat, le-  
 ges publicas violet, fidem datam denique  
 negligat: tum sanè ipso iure, summo eo ana-  
 themate deuotus censetur, quo olim Eccle-  
 sia Iulianum imperatorem apostatam de-  
 uouit. Cuius quidem ea vis est, vt non pro  
 eo amplius, sed in eum preces concipian-  
 tur: ipsi verò sua fide & obligatione planè  
 soluti sint, eo iure, quo vasallus seniori ex-  
 cōmunicato parère neq; ex officio debet,  
 neque ex sacramento tenetur. quod tum  
 Concilij, tum Conuentus publici apud eos  
 decreto sancitum est. Cōsimiliter in regno  
 Castellæ, Concilio indicto rex inauguran-  
 dus publicè primùm admonetur sui officij:

*In Concil.  
 Tolet. 4.  
 c. 74. & in  
 Tolet. 6.  
 li. 2. Feud.  
 tit. 28. §. 1.*

mox perleguntur cōditiones disertissimæ, quæ ad reipublicę vtilitatē pertinent. Tum iurat rex, se eas diligenter & fideliter obseruaturum. Demum verò magnus Equitum magister illi sese iureiurando adstringit, quē cæteri deinde principes ciuitatumq; legati suo quique ordine sequuntur. Quod & in Lusitanico, Legionensi, cæterisque Hispaniæ regnis perinde obseruatur. Neq; verò minores principatus alio iure instituti fuerunt. Extant Brabantinorum ceterorumq; Belgicę populorum, Austriacorum, Carinthiorum & cæterorū cum Principibus suis disertissimæ conuentiones, quæ sanè conditionum locum obtinent. Brabantini verò in primis, ne vlli ambiguitati locus daretur, conditionem istam expresserunt. In duce enim suo ināugurando, conuentionibus antiquis, quibus nil ferè ad reipub. conseruationē deest, coram duce perlectis, ni eas omnes obseruarit, sibi integrum esse alium quemlibet suo arbitratu eligere, palàm ei diserteq; protestantur. Ipse verò tum in eas, accepta conditione vltroq; agnita, sese sacramento deuincit. Quod etiam postremò in Philippi Hispaniarum regis ināuguratione obseruatum fuit. In summa: inter regem & subditos contractum mutuò obligatorium esse, nemo negare possit: nempe vt bene imperanti bene obediatur, qui quidem iure-

*La ioyeuse  
entree.*

*Ludouicus  
Guicciard.*



iureiurando ab illo primum, deinde ab his confirmari solet. Quæro verò hîc, cur iurat aliquis, nisi ut ex animo se ac seriò loqui ostendat? An verò quidquam naturæ magis consentaneum est, quàm ut ea, quæ placuerunt, seruentur? Deinde cur rex primus iurat, stipulante populo, nisi ut conditionem siue tacitam siue expressam recipiat? Cur verò conditio contractui apponitur, nisi eò tantum, ut, ni ea impleatur, contractus ipso iure solutus sit? Quòd si verò conditionis implendæ defectu contractus ipso iure solutus est, quis periurum populum vocet, qui regi cōditionem, quam implere debuit & potuit, negligenti, legemque, in quam iuravit, violanti, obsequium deneget? Quis verò contra eum regem fœdifragum, periurum, eo beneficio prorsus indignum non censeat? Etenim si vasallum clientelæ nexu lex liberat, in quem senior feloniam commisit, etsi sanè senior fidem propriam non dat vasallo, sed vasallus ipsi: si patronum clienti fraudem facientem lex duodecim Tabularum sacrum esse iubet: si liberto aduersus patroni atrocem iniuriam actionem ciuilia iura permittūt: si seruum ipsum iis casibus, potestate herili liberant, cum tamen naturalis tantum, non ciuilis obligatio insit: an non multò magis solutus erit populus ea fide, quam regi præstitit, si rex, qui primus

*L. 1. D. de pact. l. non minorem. 20. D. de transact.*

*lib. 2. Feud. dor. 1. 26. §. 24. tit. 47.*

*Dionys. Halicar. lib. 2.*

ipsi, tanquam domino procurator, solenniter iurauit, fidem fregerit? An non verò etiā si non isti ritus, non ea sacra, non ea sacramenta interuenirent: satis tamen ipsa natura docet, Reges ea conditione à populo constitui, vt bene imperent? iudices, vt ius dicant? duces belli, vt exercitum aduersus hostes educant? Quòd si verò sæuiunt, iniuriam inferunt, hostes ipsi fiunt: vt reges non sunt, ita nec agnoscì à populo debere.

*Cic. 1. Off.* Quid si, inquires, populum aliquem vi subactum, in sua verba, iurare princeps coegit? Quid si, inquam ego, prædo, pyrata, tyrannus, cum quo nulla iuris vllius societas esse censetur, admoto gladio, syngropham ab aliquo extorserit? An non scitum est, fidem vi elicitam non obligare? maximè verò, si contra bonos mores, contra Naturæ ius quidquam promittatur? Quid verò magis cum Natura pugnat, quàm si populus sibi ipse catenas & compedes iniiciat? si iugulū se suum mucroni obiecturum, si manus sibi ipsi se violenter allaturum, principi (quod idem planè est) promiserit? Itaq; inter regē & populum mutua obligatio est, quæ siue Civilis, siue Naturalis tātum sit, siue tacita, siue verbis cōcepta, nullo pacto tolli, nullo iure violari, nulla vi rescindi potest. Cuius quidem tanta vis est, vt Princeps, qui eam contumaciter violet, tyrānus: populus, qui  
vltro

ultrò rumpat, seditiosus verè dici possit.

Iam cùm haftenus regē descripserimus: *Qui sint tyranni.*

sequitur, ut Tyrannum paulò accuratiùs describamus Regem eum esse diximus, qui regnum siue per stirpem, siue per electionē delatum, riteq; commissum, legitimè etiā regit atq; gubernat. Eum itaq; tyrannum, utpote regi planè cōtrarium esse, sequitur, qui aut vi malisq; artibus imperium inua-

fit, aut ultrò sponteq; delatum regnum con- *Arist. c. 1. li. 5. Polit. Bartolin tract. de Tyranni-*  
trahit & fas regit, contraq; leges & pacta, quibus sese sacrosanctè deuinxit. peruicaci-  
ter administrat. Quod etiam utrunque in  
vnum eundemq; hominem cadere potest.

Ille vulgò dicitur Tyrannus absque titulo, hic Tyrannus exercitio. Potest verò fieri,

ut & vi occupatum regnum, iustè: & iure delatum, iniustè quis regat. At certè cùm

regnum ius sit magis, quàm hæreditas: & functio, quàm possessio videtur, qui suo

munere malè fungitur, quàm qui minus non ritè accepit, eo nomine dignior. Sic Pa-

pa malè ingressus, dicitur intrusus: malè gu- bernans, dicitur abutens. Dicebat ille *Ξένος*

*ὁ δὲ λέγει ὅτι μόνον πολίτη, ἀλλὰ καὶ συγγενῆς δια- φέρει.* Præstat extraneus cuius iustus, non

modò eiui, verùm & consanguineo. Ita etiā *Pythagoras.*

nobis dicere liceat: Princeps non ritè cōsti- tutus, modò iustus sit, cuius ritè inaugura- to, qui iniustè gubernet, lōgissimè præstat.

Cum etenim reges pascendo, iudicando, curando populo sint instituti: malo sanè me fur pascat, quàm pastor deuoret: malo mihi prædo ius dicat, quàm iudex vim faciat: malo me empiricus curet, quàm medicus ritè insulatus veneno interimat: malo falsus tutor mea bona bene administret, quàm legitimus dilapidet. Deinde vtcunq; illum ambitio sollicitet, videri possit quodammodo vim primò fecisse, vt postea iustitiam exerceret, vt Cyrus, Alexander, Romani, qui victis plerunque autonomiam & immunitates priuilegiaq; concedebant: cum hic sanè eò tantùm, vt iniuste regnet, ius suum iacta re videatur, quod hodie non modò Moschi, Turcæue: verùm & Christiani principes permulti faciunt. Itaq; illorum factum tractu temporis interdum conualescit: horum quò senescit magis, eò deterius euadit. Quòd si verò, ait Augustinus, sunt illa regna, magna tantùm latrocinia, in quibus iustitia locum non habet: sunt in eo quidem pares, quòd vterq; latro, vterque prædo, vterque iniustus possessor est, cum sanè non minus fur iniustus possessor sit, qui rem alienam inuito domino capit, quàm qui oblata malè vtitur. At eius certè longè grauius flagitium est, qui interimendum, quàm qui conseruandum cœpit: eius, inquam, qui vano titulo fretus, iniuste, quàm qui eo titulo planè

*Xenophō.  
Plutarchus in  
Alexan. in  
Æmilio,  
Cæsare.  
Suetonius  
in Cæsare,  
c. 75.*

*August. li.  
4. de Ciuit.  
Dei, c. 4.*

planè destitutus, iustè tamen regnum vi occupatum gubernat. Iam verò & Tyrannì abiq; titulo, differre inter se possunt. Sunt enim qui fines alienos ambitiosè inuadunt, quales Nimbrodus, Ninus, Chananæi, vt suos dilatent. Hi etsi inter suos reges dicantur, in illos tamen, quos vtrò nec læcessiti inuadunt, tyrannidem exercent. Sunt qui regnum suffragiis deferri: solitum adepti, hæreditarium fraude, ambitu, corruptela aliisue artibus facere conantur. quorum exempla non longè petenda forent: qui sanè eò peiores illis existunt, quò fraus, quàm vis odiosior, ait Cicero, esse debet. Sunt qui nefando parricidio patriam ipsi inuadunt, ac viperarum instar, matrem in ipso enixu euiscerant. quales qui duces belli creati à populo, rempublicam inuadunt, vt Cæsar Romæ Dictaturæ prætextu, ac pleriq; Italiæ principes. Sunt & fœminæ, quæ regna legibus patriis masculis tantùm deferri solita, occupant, eorumue administrationem ad se rapiunt: vt Athalia Iudaici, Semyramis Assyrij, Agrippina Romani imperij sub Neroni filio: Mammea sub Alexandro Seuerò: Semiamira sub Heliogabalo: Brunchildes aliquot Frâncici regni. Quæ quidem impuberes filios ita educari curabant, vt puberes facti voluptatibus tantùm indulgerent: itaq; omniū rerum potestas penes eas

tantum earumque seruos, ministros & pro-  
 gogos remaneret. Sunt denique ij, qui desi-  
 dia, ignauia, luxu, legitimorum alioqui prin-  
 cipum abutentes, ipsosque voluptatibus, de-  
 liciisque inescantes, quales sub Gallicis præ-  
 fertim Merouingis quidam Maiores pala-  
 tij ob illa egregia ministeria creati, regiam  
 authoritatem ad se totam transferunt, nu-  
 dumque nomen regibus relinquunt. Qui  
 quidem omnes eius generis sunt, ut quam-  
 uis cæteroquin iuste gubernaret, eo tamen  
 ipso, quod iurisdictionem illam prædonum  
 tantum iure habent, merito tamen tyranni  
 sine titulo censeri possint. Iam Tyranni e-  
 xercitio qui dicantur, non tam facile, ac,  
 quinam verè reges, definire possis. Etenim  
 quia illis libido, his ratio imperat: & hæc  
 quidem ipsa sibi suos limites præscribit, illa  
 verò contrà nullis finibus circumscribi po-  
 rest: quod sit propriè regum ius, facile: quæ  
 verò, quantæque tyrannorum iniuriæ, diffi-  
 culter admodum explicari queat: nimi-  
 rum, ut rectum vni forme atque vnicum est:  
 obliquum contrà varium & multiplex: ita  
 ius simplex est, & paucis verbis explicabi-  
 le, cum iniuriæ nullis casibus definiri possint,  
 quin perpetuò plures omittantur, quam ex-  
 plicentur. Et si verò certæ regulæ sunt, qui-  
 bus eos si non depingere, saltem ut agnosci  
 possint, aptè delineare queas: nulla tamen

cer-

certior, quàm si artes tyránicas cum regiis virtutibus actionibusq; contuleris. Tyrannus eminentes in segete spicas demetit: priores reipub. dolo, fraude, calumniis opprimit: conspirationes in se initas subinde, quò citiùs eos è medio tollat, comminiscitur, vt Tiberius, Maximinus & cæteri: denique, ne consanguineis quidem ac fratribus parcat: Rex contrà, non fratres modò quasi confortes agnoscit: verùm etiam optimates omnes fratrum loco habet, iisq; dignitatem suam acceptam ferre non veretur. Tyrannus aduersus nobiles, ignobiles & quasi terræ filios extollit: qui quòd sua omnia ipsi debèant, quibuslibet in rebus adulentur & inseruiant: Rex vnumquenq; in suo gradu tuetur, Proceres tanquam regni amicos fouet, iisque non minus, quàm sibi consultum cupit. Tyrannus viros graues & iustos odio prosequitur, suspectosq; habet, ac ne qui tales euadant, omni arte curat: quia verò non priùs se tutum putat, quàm omniũ mores corruperit, popinas, ganeas, lupanaria, ludos, vt Cyrus domandis Sardis, instituit: Rex cõtrà viros bonos vndequaque accersit, inuitat, inuitos ad se trahit: ne verò desint, literarios ludos aperit, gymnasia instituit, seminaria virtutum *Machiav* ubiq; locorum excolit. Tyrannus congrega- *in Prin* tiones publicas, quàtum in se est, aut vitat, *cipe.*

*Aristot.  
c.ii. lib. 5.  
Polit.*

aut tollit, conuentus Ordinum, Comitia, diætas reformidat, ac vespertilionis instar lucem hominū refugit: quin & colloquia, sermones gestusq; subditorum suspecta habet: Rex, quia teste cælo viuit, in multitudine Senatorum gloriatur, iisq; inconsultis nil agendum putat: nec modò eos conuentus non veretur, verùm reueretur in primis & honorat. Tyrannus subditos inter se collidit, factiones in rep. serit, fouet & alit: vnius ope alteram delet, ac superstitem tandem opprimit, ex eoq; tâquam vlcere, quod perſidi chirurgi solent, lucrum perpetuum caprat: denique, quod Vitellius ille, olere hostem mortuum præsertim ciuem, dicere non veretur, aut saltem sentit: Rex pacem inter subditos, vt pater concordiam inter liberos, cōseruat, rixarum semina suffocat, cicatricem quam citissimè obducit, ne rebellium quidem cædem absq; lachrymis audire potest. Itaq; quos hic aduersus hostium impetus tuetur & defendit: ille, quouis hoste perniciosior, proprium mucronem in sua viscera vt adigant, cogit. Tyrannus exteros in præſidiis collocat, arces aduersus ciues extruit, populum exarmat & arce expellit, barbaris & stigmaticis satellitibus circumſtipatur, ac locustas & delatores in subditos, tanquam exploratores in hostem, publico ære conducit: Rex aduersus



uersus hostes non tam se mœnibus, quàm  
 populi beneuolentia tuetur: quot ciues ha-  
 bet, tot se satellites habere putat: non tam *Liui. l. 2. c. 1.*  
 quot circum se habeat, quàm ne quos ha- *Dionys.*  
 bere cogatur, cogitat: arces arcendis hosti- *Halic. li. 5.*  
 bus, non coercendis ciuibus extruit: in po- *de Aunte*  
 pulo deniq; præsidium suum omne collo- *filio Porz*  
 cat. itaq; etsi habet ille lictores & satellites *Jenæ.*  
 innumeros, qui turbam summoueant, non  
 summouet ij tamen metum, suspicionem, *Prou. 14.*  
 miserisq; miseræ mentis tumultus: ut cun- *vers. 28.*  
 que arcem vrbs muniat, arcē interea sum-  
 mam, mentem inquam, tyrannorum tyran-  
 nus Metus & Pauor occupat. Hic neque in  
 turba, animo turbatus est, neq; in solitudi- *Bartol. in*  
 ne sollicitus, ipsa conscientia tutus, ipsa tur- *tract. de*  
 ba stipatus, urbem, forum, plateas securè *Tyrānid.*  
 obambulat. Tyrannus, si ciuiles dissensio-  
 nes desint, bellum foris gerit, munimenta  
 extruit, qualia Pharaos, ut Iudæos, Polycra-  
 tes, ut Samids occuparet, quò cætera mi-  
 nus attenderent: ideoq; bellum semper aut  
 parat, aut minatur, aut imminere simulat: *Aegid.*  
 accersit deniq; potius, quàm arcessat. Rex *Rom. de*  
 nunquam nisi coactus, nunquam nisi reipu- *reg. prin.*  
 blicæ causa, bellum facit, nunquam deniq;  
 hamo aureo piscatur, aut bellum suscipit, è  
 quo plus respublica periculi metuere, quàm  
 lucri sperare possit. Ille demum artes om-  
 nes init, quibus opes subditorū exhauriat,

vt in victu quærendo anxij, de libertate recuperanda minus cogitent: itaq; omnia in fiscum conuertit: hic in priuatorum opibus suas consistere ratus, apud subditos suas quodammodo opes deponit, seq; tum amplissimum thesaurum habere putat, cum subditi diuitiis affluunt. Demit ille multis, quod paucis iisq; indignis donet: exhaurit omnes, vt in paucos profundat: publica diruit, vt sua ædificet? sanguinem populi ad deliquium vsque elicit, quem adulatoribus aliquot ebibendum propinet: hic sibi suisq; commodis demit, vt populo largiatur, publica extruit atq; ornat, vniuersos locupletat, sanguineq; adeo suo populum alit & sustentat. Si ille, quod interdum Tiberius, Nero, Commodus & cæteri, viscerationes populo concedit, facit vt populum eò facilius postea euisceret, ipsiq; sua quasi viscera comedenda apponit: cum hic sanè, si venam secet interdum, si sanguinem eliciat, ad incolumitatem populi salutemq; tuendam, non propriam libidinem exatiandam, faciat. Itaq; vt hunc Scriptura sacra pastori, ita & illum leoni rugienti comparat, cui tamen vulpes sæpissimè copulata est. Quæ enim totius iniustitiæ, ait Cicero, capitalissima est, etsi reipsa id facit Tyrannus: id tamen ita ferè curat, vt tum, cum maximè fallit, vir bonus esse videatur. Itaq; pietatem  
erga

*Prou. 18.*

*Ver. 5.*

erga Deum simulat, quam Aristoteles artiū *Arist. c. ii.*  
 tyrānicarum potissimam vocat. Verum vt *li. 5. Polit.*  
 populus quidquā in eum moliri vereatur,  
 quem, quia Deum reueretur: Deo charum  
 esse verisimile sit. Studium erga rempubli-  
 cam: verum, non tam vt reipublicæ pro-  
 fit, quā ne sibi ipsi noceat. Iustitiæ quoq; &  
 fidei laudem in quibusdam rebus, nimirum  
 leuioribus, affectat: verum, quo facilius in  
 grauioribus iniuriam facere & fallere pos-  
 sit: nō secus sanē, quā latrones, & qui ma-  
 leficio & scelere pascuntur, qui sine iustitiæ  
 portiuncula saltē aliqua diu consistere nul-  
 lo modo possent. Clementiæ denique: ve-  
 rum ita, vt scēlestis quibusdam veniam in-  
 dulgeat, quos mortē multare, clementia  
 summa est. Breuiter, quod rex ipse est, ty-  
 rannus callidus videri vult: & vt virtutis a-  
 more homines incendi scit, ita & virtutis  
 umbra aliqua decipiendos esse nouit: at cer-  
 tē vtcunq; vultū fingat, vulpina cauda sem-  
 per prominet: vtcunq; obganniat, rictus &  
 rugitus leonem prodit. Porro vt regnū be-  
 ne constitutum omnia cæterorum bonorū *Thom. As-*  
 regiminum commoda in se habet: ita & ty- *quin. in*  
 rannis omnium prauorum incommoda & *secund. ses-*  
 vitia continet. Habet ab aristocratia re- *cund. q. ii.*  
 gnum, quod optimates quiq; in consilium *art. ii.*  
 adhibentur: habet & ab oligarchia tyran-  
 nis, quod pessimi & corruptissimi quique.

Vt illic multitudo regum, hinc tyrannorum  
 ceterua dominatur. Habet regnum à poli-  
 tia, quòd omnium ordinum conuentus ha-  
 bentur, ad quos optimi quique, de republi-  
 ca deliberaturi, mittendi deliguntur: habet  
 & à democratia seu ochlocratia tyrannis,  
 quòd, si minus eos conuētus impedire pos-  
 sit, saltem vt corruptissimi quique; ambitu &  
 malis artibus eò mittantur, sollicitè curet.  
 quod nostris etiam temporibus factitatum  
 scimus. Sic passim regis vultum tyrannus,  
 regni speciem tyrannis imitatur: & quò au-  
 stutius, eò diutius, durat: cùm tamen vix vl-  
 la, teste Aristotele, ad centesimum vsq; an-  
 num peruenisse legatur. In summa: Rex stu-  
 det vtilitati publicæ, tyrannus propriæ. At  
 sanè cùm, vt sunt homines, nusquam reperi-  
 ri queat, qui omnibus in rebus vtilitatē pu-  
 blicam spectet, nec diu cōsistere quin vllate-  
 nus eius rationem habeat: vbi vtilitas publi-  
 ca præualet, rex & regnum: vbi propria, ty-  
 rannus & tyrannis locum habere dicuntur.

*Bartol. in  
 tract. de  
 Tyrann.  
 & de Res-  
 gim. ciuit.*

Hæc de tyrannis exercitio, in quibus deprauatissimorum morum rationem non habemus. qui nō tam malum principem, quàm malum virum facere dicuntur. Si cui verò hæc descriptio vsquequaque non satis faciet, præterquam quòd accuratiores fortè tyrānorum imagines in Historiis inueniet, viuos & spirantes tyrannos, omnibus quæ  
 numeris

numeris absolutos hoc tempore, quos intueatur, multis in regionibus, quod & Aristoteles suo seculo conqueritur, habet. Ac tandem ad summam quæstionem his tanquam gradibus peruenimus.

Vidimus, quomodo reges, siue secundum capita, siue etiam secundum stirpes eligantur à Deo, & constituentur ab vniuerso populo, quid rex, quid regni officarij præstare teneantur, quantum pateat illius potentia, quantum etiam horum munus & officium, quæ pacta quamq; sancta in rege constituendo intercedant, & quæ iis condiciones insint, siue tacitæ, siue expressæ: demum, quis tyrannus absq; titulo, quis etiam exercitio: sequitur modò tãdem, cum legitimo Regi, suoq; officio tum erga Deum, tum etiam erga populum bene fungenti, tanquam Deo obediendum esse constet: vt, an, & per quos, tyrãno resisti, quibusq; modis iure possit, edifferamus. Ac de eo, qui absq; titulo tyrannus vulgò vocitatur, primùm agendum est. Ergo Ninus aliquis populum nullo sibi iure deuinctum, nulla iniuria latensitus, vi inuadat: Cæsar patriam remq; publicam Romanam opprimat: Populus docto parricidioq; regnum Polonicū ex electiuo hæreditarium facere conetur: Brunichildis aliqua Francici administrationem vnà cum Protadio suo totam ad se trãserat: aut

*Qui tyrannos absque titulo coercere teneantur.*  
*Otto Fria sing.*  
*Chr. 5. c. 7.*  
*dimoni.*  
*lib. 4. c. 1.*

*Creg. Turon. lib. 4. ca. 5. lib. 5. ca. 39. lib. 8. cap. 29.* Ebroinus, Theodorici ignauia fretus, gubernacula regni inuadat, populumq; seruitute opprimat: quid hîc iuris statuemus? Primum docet nos ius Naturale, vitâ & libertatem nostram, qua sine vita vix vitalis est, aduersus omnem vim & iniuriam conseruare & tueri. Inseuit id Natura canibus aduersus lupos, tauris aduersus leones, columbis aduersus accipitres, pullis aduersus miluos: longè verò magis homini aduersus hominem ipsum, si ipsi fiat lupo. Itaq; repugnare, necne liceat, qui ambigit, cum natura ipsa pugnare videtur. Accedit ius Gentium, quo distincta sunt dominia, fixi limites, constituti fines, quos, quisque aduersus quoslibet defendere tenetur. Itaq; nō minus licebit resistere Alexandro, si nullo iure fretus, nulla iniuria lacepsitus, gentem aliquā cum potētissima classe inuadat, quā Diomedis pirate, si vno myoparone mare infestū reddat. Nec enim, eo posito Diomedē Alexander iure, sed impunitate tantum superat. Nō minus Alexandro regionē aliquam depopulanti, quā grassatori pallium inuolati: non minus, si urbem machinis subruat, quā latroni, qui parietem suffodiat. Accedit verò potissimum ius Ciuile, quo societates hominum, quæq; certis legibus constitutæ sunt, vt illæ vno, hæ alio modo gubernentur: aliæ ab vno, vel paucis, aliæ ab vniuersis reguntur.

quæ-

quædam imperiū muliebri respuant, nonnullæ admittāt: quædam reges ex quadam stirpe, quædam promiscuè eligant, &c. Hoc ius si quis vi dolōue rumpere tentet, quia societate, cui debet omnia, violat, quia in patriā cuniculos agit, cui naturā, cui legibus, cui sacramēto deuincti sumus, ei omnes resistere tenemur: adeò vt, si negligamus, proditores patriæ, desertores societatis humanæ, iuris contemptores verè simus. Vt verò nos aduersus hosce tyrannos, iura naturæ, gentium, ciuilia, arma capere iubēt: ita nec vlla omnino ratio dehortari potest. Non interuenit iusiurādum, non pactū vllum, non vlla obligatio, neq; publica, neque priuata. Itaq; vel priuato cuilibet tyrānidem huiusmodi, si intrudatur, depellere licet. Non habet hīc locum lex Iulia maiestatis, quæ perduelles in patriam, aut in principem punit. Neq; enim Princeps is est, qui rempublicā alienosue fines, nullo iure fretus, inuadit: neq; perduellis, qui patriam armis defendit. Quin potius huc pertinet iusiurandum, quod Athenis puberes omnes præstare in Aglauræ tēplo solebāt: Pugnabo pro sacris, pro legibus, pro aris & focis, siue solus, siue cum multis: & ne patriā meam deteriore, quam accepi, posteris tradam, omnibus viribus enitar. Nō leges de seditiosis. Seditiosus est is, qui contra publicam disciplinam

*L. vlt. D.  
ad leg. Iul.  
maiestat.*

*Bartolin.  
tract. de  
Guelph.  
& Gibel.  
Plin. li. 4.  
Alexan.  
ab Alex.  
lib. 6. 6. 4.*

populum defendendum suscipit. Seditio-  
nem autem non facit, sed tollit, qui euerfo-  
rem Patriæ, publicæq; disciplinæ coerce-  
ret. Habet verò contra locum lex de Tyran-  
nicidis, quæ & viuos præmiis, & mortuos  
epitaphiis, & statuis honorat, vt Harmodiũ  
& Aristogitonem Athenis: Brutum & Cas-  
sium in Græcia statuis æneis, publico decre-  
to: Aratum Sycionium quoque, quod ma-  
triam illi à Pisistrati, Cæsaris, Nicochis tyrannide liberaissent. Quod quidem vsque adeò

*Plutarch.  
in Arato.*

probauit antiquitas, vt Xerxes ipse, Athe-  
nis deuictis, Harmodij & Aristogitonis sta-  
tuas, in regnum suum transferet: Seleucus

*Valer. Ma-  
xim. lib. 2.  
cap. vlt.*

in pristinã sedem reportandas curaret: Rho-  
dij verò easdẽ vrbi suæ appulsas, cùm in ho-  
spitium publicè inuitassent, sacris etiam in-  
puluinaribus collocarẽt. Habet etiam Lex  
de desertoribus & proditoribus aduersus  
eos, qui patriã oppressam neglexerint, cum  
eos, qui metu hostium languorem simulãt,  
clypetumue abiiciunt, pari cum illis pœna af-  
ficiendos esse statuatur. Ad hoc itaq; tâquam

*l. 3. & l. 1. o.  
mne deli-  
ctũ. parag.  
vlt. D. de,  
re milit.*

incendium publicum, omnes singulosque  
conclamare, cum hamis & falcibus concur-  
rere, aquam conferre oportet. Non expe-  
ctandus præfectus vigilum, si obdormiat:  
non præfectus vrbi, si cunctetur: certatim  
quisq; aquam hauriat, tectum scãdat, flam-  
mam arceat oportet. Si etenim, dum Capi-

tolum



tollum furtim conscendunt Galli, consopiti sunt milites, dormiunt vigiles, muti sunt canes: anseres ipsi excubent, vigilent, ad arma conclamēt, oportet. Et illi quidem exauctorabuntur, infamia mulctabuntur, inque perpetuam rei memoriam suspendentur: hi contrā, & in Capitolio perpetuò nutriuntur, & immortalī laude decorabūtur.

Hæc, dum tyrannis, vt loquuntur, est in Fieri, id est, dum Tyrannus molitur, machinatur, cuniculos agit. At certè si semel ita rerum potiatur, vt populus victus, sese iureiurando ei deuinciat, respublica oppressa, suā in eum potestatem transferat, regnum in suarum legum mutationem ritè cōsentiat: tum sanè, quia titulū, quem antea nullum habebat, adeptus est, nec ex facto tantum, sed iure possidere videtur, etsi populus *ἐκ κοινῆς ἀποτίγῃ θυμῷ*, id iugum recepit: æquum tamen est, vt obtemperet, & Dei volūtati, qui regna de gente in gētem suo arbitrio transfert, placidè acquiescat. Alioqui enim nullū est regnum, cuius iurisdictio in dubium reuocari nō possit: id tamen, modò, qui prius siue titulo tyrannus erat, eum titulum adeptus, legitimè gubernet, & tyrānidem non exerceat. Itaque iure optimo restitit regis auspiciis populus Iudaicus Sennacheribo 2. Reg. c. Assyriorum regi, Palestinam inuadenti. At 24. & 25. damnatur puniturq; Sedechias rex, vnaq; Ierem. 37.

vnuerſus populus, qui poſt fidē rē datam,  
 nulla iniuria laceſſitus, à Nabuchodonozo  
 re deficit, nimirū, vbi fidēs data eſt, non eſt  
 vllus amplius pœnitētiæ locus: ac vt in præ-  
 liis quidē quiſque, quantum viribus poteſt,  
 eniti debet: vbi verò captiuus fidē dederit,  
 præſtare tenetur: ita & contendat populus  
 omni conatu, vt ſua iura retineat: at ubi ſeſe  
 alieno iuri, non tam nolens, quàm non vo-  
 lens, ſubiecit, imperium victoris æquo ani-  
 mō patiatur. Sic Pompeius, Cato, Cicerō.  
 bonorum ciuū officio fungebātur, cum at-  
 ma aduerſus Cæſarem rempublicā euectā, ven-  
 tē arripuerunt: nec exculari poſſint illorum  
 deſidia factum eſt, vt illorū conſilio mi-  
 nus foelicem exitum cōſequerentur. Augu-  
 ſtus ipſe cuidam Catonem cōuiciis proſcin-  
 denti, reſpōdiſſe legitur: bonū ciuem fuiſſe  
 Catonem, qui præſentem reipubl. ſtatū mu-  
 tari nollet, qui quidē abſq; ſummo omnium  
 discrimine mutari, nequeat. Quin & Bru-  
 tus, Caſſius, Caſca, & cæteri, qui, re adhuc  
 flagrante, Cæſarem interfecerunt, accusari  
 non poſſint. Itaq; publico decreto ſtatua  
 æneæ Athenis ipſis erectæ fuerunt, iuxta  
 Harmodij & Ariſtogitonis ſtatuas, cum Au-  
 guſtū & M. Antoniū cæſo Cæſare fugerent.  
 At certē ſeditioſus fuerit Cinna, qui lege re-  
 gia iam lata, qua populus ſuam in Auguſtū  
 omnem poteſtatem cōtulerat, in eum cōſpi-  
 ralle

Xiphili-  
 nus in Au-  
 guſto.

spirasse legitur. Conſimiliter dum regnum Francorum Carlingi à Merouingiis, aut Capetani à Carlingis ad ſe rapere conabantur, abſq; vlla ſeditionis culpa reſiſtere licuit: ex quo publico cōſilio, ordinumq; authoritate tranſlatum fuit regnum, non amplius licuit. Idem verò prorsus iuris eſt, ſi quæ fœmina regni Salici gubernacula occupet, ſi quis merè electiuum regnū hēredibus aſſerat, quamdiu leges illæ publice, authoritate Cōſilij vniuerſi, id eſt eorum qui populum vniuerſum repræſentāt, abrogatæ nō ſunt. Nec verò ſpectare hīc oportet, vtra factio maior ſit, vtra potentior, vtra clarior. Plures libidine, quàm ratione regūtur: itaq; plures fermè tyrānidi, quàm reipublicæ inferuiūt. At Roma eſt, inquit Pōpeius, vbi Senatus. Senatus vbi legū reuerētia, libertatis amor, patriæ conſeruandæ ſtudium. Itaq; etſi Romam Breuius occupare videtur: Roma interim Veiiſ eſt, vbi Camillus, qui Romam vindicet à ſeruitute. Veios itaque migrent Quirites oportet, eumq; omni ſtudio, omni conatu, omni induſtria adiuuent. Etſi, inquit, Themistocles, relictis Athenis, in claſſem c c. triremiū cum bonis omnibus ſeſe recepit, non ideo quiſquam ex illis ciuitate priuatus eſt. Quin potius, vt ille reſpondiſſe legitur: Ducētæ hæ triremes, ſunt nobis v-

*Plutar. in Themist.*

defensionem eorum omnium, qui salutem publicam tueri volunt, cōparatæ sunt. Non etenim ubi arca fuerit, ibi continuo ecclesia Dei erit: potest enim capi à Palestinis: Non inquam, ubi aquilæ visentur, ubi legionum nomina audientur, ibi cōtinuo Romanum exercitū esse consequitur. At omnino sanè, ubi qui patriā aduersus tyrānidem tuatur, qui seruitute oppressum populū ad pileum vocet, qui muliebrē impotentia coelest, qui adulatores ignauia principis ad omne iniuriā abutentes cōprimat, qui ambitionē intra suos limites manere iubeat. Et hæc quidem de tyrānis absq; titulo dicta sunt.

*Aduersus  
Tyrannos  
exercitio  
quantum  
iure cons  
cedatur.*

Ad eos verò, qui tyrannidem exercent, siue ij iure primū, siue vi imperiū adepti sunt, quantum attinet, cautè admodum nobis examinandum est. Primū sanè consideremus oportet, Principes omnes homines natos esse: propterea nō minus à perturbatione rationem, quam animam à corpore separari posse. Non est ergo, quòd nō nisi perfectos Principes habere velimus: sed potius nobis optimè cōsultum putemus, si vel mediocres nacti fuerimus. Itaq; non, si quibusdam in rebus princeps modum non seruat: non, si rationi interdum non obtemperat: non, si segnius vtilitatem publicā curet: non, si aut in iure dicundo minus diligens, aut in bello propulando minus acer: conti  
nuo

nus tyrānus erit. Equidem cū non vt bo-  
bus, homo hominibus deus aliquis, sed ho-  
mo eadem sorte natus præsīt: vt superbus  
Princeps fuerit, qui hominibus tanquā be-  
stis abuti voluerit: ita iniquus populus, qui  
in principe deum, in lubrica ista natura diui-  
nitatem quæsiuerit. At certè si rem publicā  
consultò euertat, si iura proteruè peruertat,  
si nullam fidei datæ, nullam conuēctionum,  
nullam iustitiæ, nullam pietatis curam ha-  
beat: si suorum ipse sit hostis, si deniq; eas ar-  
tes, quas enumerauimus, aut omnes, aut  
præcipuas ineat: tum sanè tyrannus, (etsi id  
nomē antè non malè sonabat) id est Dei ho-  
minumq; hostis, iudicari poterit. Ergo non  
de minus bono principe, sed de pessimo:  
non de minus prudenti, sed de malitioso &  
veteratore: nō de iuris imperito, sed de iuris  
contemptore: non de imbelli, sed de populi  
hoste regniq; vastatore agimus. Illū iuuare  
posset prudentiā senatus, iuris cognitione  
prætor, belli peritia tribunus: hic optimati-  
bus, senatoribus, ducibus belli vnā cerui-  
cem optat, quam vnico ictu amputare pos-  
sit, nec vllus magis odio prosequitur. Et ille  
quidem etsi iure tolli etiam posset, tolerari  
tamen vtcūq; queat: hīc cōtrā, quo diutius  
toleratur, eò intolerabilior euadit. Præter-  
ea, vt principi nō quodlibet licet: ita nec po-  
pulo sæpe, quod licet, expedit. Sæpe etenim

accidere potest, ut remedium, quod adhibetur, ipso morbo deterius sit. Itaque omnia prius, quàm ferrum adhibere : omnia prius quam arma experiri, sapientē decet. Si quid ergo per vim fraudemue, aduersus rempublicam videant, qui populum repræsentant, principem admoneant primum: nec verò expectent, dum malū ingrauescat, & vires acquirat. Est tyrānis febris hecticæ similis, quæ primò facilis curatu, difficilis cognitu: postea verò cognitu facilis, curatu in primis difficilis euadit. Itaque principiis obstabunt, nec quidquā vel minimū prætermittent. Si vero pergat, nec sæpius admonitus resipiscat, sed eò tantū tendat, ut impunè quiduis patrare possit: tum sanè tyrānidis reus peractus est, & quæcunq; aduersus tyrannū seu iure, seu iniusta vilicent, aduersus eū adhiberi possunt. Est tyrannus non modo crimen, sed omnium criminum caput, & quidem veluti aceruus. Tyrannus républ. subruit, ex vniuersis prædam agit, omnium vitæ insidiatur, omnibus fidem violat, omnem sacri iurisiurandi religionem contemnit. Itaque quouis latrone, prædone, homicida, sacrilego, tanto est sceleratior, quantò plures & vniuersos, quàm singulos offendere, grauius est. Quod si censentur illi omnes infames, si capite plectuntur, si morte pœnas luūt: si quis pœnas tam atroci crimine dignas comminisci queat?

Deindò

Deinde probauimus, reges omnes regiam dignitatem à populo accipere: populū vniuersum rege potiore & superiorē esse: regem regni, imperatorem imperij sup̄emū tantum ministrū & actorem esse: populum verò verē dominū exsistere. Sequitur ergo, tyrannum in populum, tanquam feudi dominum, feloniam committere, regni imperiūq; sacram Maiestatem lædere, rebellem esse: ac propterea in easdē leges incidere, & Eius & maiores pœnas mereri. Itaq; an Bar- *In tractat. de Tyran.*  
 tollus poterit is deponi à superiore, vel ex l. *et in tract. de Regim. ciuit.*  
 Iulia de vi publica, iustissimè puniri. Superior vero, vniuersus populus est, qui cum re præsentant, electores, palatini, patricij, ordinum cōuentus, &c. Quod si vero eò progressus fuerit, vt non absq; vi armata expelli possit: tum sanè licebit illis populum ad arma vocare, exercitum conscribere, & tanquam aduersus hostem patriæ rei q; publicæ iudicatum, vim, dolum, omnemq; machinam experiri. Deniq; de eo tandem sententiam, quæ de Manlio Capitolino lata fuit, ferre licebit: Manlius fuisti mihi, cum *Valerius, lib. 6. c. 3.*  
 præcipites ageret Senones. Iam qui vnus factus es ex Senonibus, vnde eos derulisti, tu ipse præcipitadus es. Non incident propterea regni officarij in crimen seditionis. In seditione enim duas omnino partes esse necesse est. quæ cum de contradictoriis ple-

rum; certe, vnus iustam, alterius iniusta  
causam esse cōsequitur. Iusta sane erit, quæ  
leges defendet, quæ cōmunem vtilitatem  
tuebitur, quæ regnum iis præsertim autho-  
ribus conseruabit. Iniusta contrà, quæ leges  
violabit, legum violatores defendet, patriæ  
euerfores tuebitur. Iusta, inquit Bartolus,  
quæ tyrannicum regimen deponere vult:  
iniusta, quæ iustum. Licita, quæ ad bonum  
publicum: illicita, quæ ad priuatum tendet.  
Itaque, ait Thomas, quia regnum tyranni-  
cum, quod non ordinatur ad bonum com-  
mune, sed ad priuatum regentis, non est iu-  
stum: perturbatio istius regni non habet ra-  
tionem seditionis. Non incidit quoq; in  
crimen Maiestatis. Cōmittitur hoc crimen  
in legitimum principē. Legimus verò Prin-  
ceps, nil nisi lex animata est. Itaque cū is,  
qui leges, quantū in se est, exanimat, eo no-  
mine censerī non possit: hi, qui in ipsum ar-  
ma capient, eo crimine non tenebuntur.  
Committitur & in rempub. At quia illa de-  
mum ibi est, vbi legum authoritas valet, nō  
vbi priuata tyrāni libido rempub. absorbet,  
tyrannus eius criminis reus erit, qui publi-  
cam maiestatem lædit: vindices reipub. hi,  
qui tyrannum, sua authoritate freti, ex q̃ of-  
ficio oppugnabunt. Neq; enim hoc casu su-  
guli, sed vniuersi: non, inquā, subditi, sed do-  
mini ab actore suo rationem rei gestæ repe-  
tere

Bartol. in  
tract. de  
Guelph.  
& Gibell.  
arg. l. 3. §.  
auigetur.  
D. de vi &  
vi ar.  
Thom. A-  
quin. in  
secund. se-  
cund. q. 12.  
art. 12. in  
fine.  
L. 1. D. ad  
leg. Jul.  
maiest.  
Cic. P. 4.  
p. 4.



tere videntur. Nihilo magis perfidi censebuntur. Est inter principem & populū ubique locorū mutua & reciproca obligatio: promittit ille, se iustum principem futurū: hic, si talis fuerit, se obsequuturum. Obligatur ergo populus principi, sub conditione: Principis, populo purè. Itaq; si minus adimpletur conditio, solutus est populus, irritus contractus, obligatio ipso iure nulla. Perfidus ergo rex, si iniuste imperet: perfidus populus, si iuste imperati non obtemperet. At omni perfidiæ crimine vacuus populus, si iniuste imperanti publicè renunciet, aut regnum retinere illegitimè cupienti, armis eunccere conetur. Ergo licet regni officiariis *l. 160. D.* aut omnibus, aut saltem pluribus, tyrānum *de reg. iur.* coercere. Nec verò modò licet, verū ita quidem illis ex officio incumbit, vt, ni fecerint, nullo pacto excusari possint. Neque enim putent Electores, Palatini, Patricij, cæteri; Optimates, eò tantum creatos & institutos esse se, vt semel fortè in rege inaugu-  
rando sese antiquo more paludatos conspiciendos exhibeant, vt palliatā quandam fabulam ludant, vt Rolādi, Oliuarij, Renaldi, cæterorumq; procerum personam eo die, quasi in scena induant, vt Arthuri mensam rotundam, quam vocāt, specie quadam repræsentent: cæterum, postquam dimissa est turba, & Calliopius, Vale, dixit, suis se par-

tibus optimè functos arbitrentur. Non ista per locum dicuntur, non ista per functione fiunt, nō sunt isthæc puerorum ludi, qui regem, ut est apud Horatiū, per fabulā creant: quin potius sciant Optimates, ut in honoris, ita & in oneris partem se vocari, & rempub. commissam & commēdatam esse regi quidē, ut supremo eius ac præcipuo tutori.

*Ulp. l. 3. D. de adm. & peric. tut. & curat.*

*l. 27. D. cod.*

*l. 14. D. de admin. & peric. tut. l. 3. D. de spect. tut. & cur.*

ipsis verò, ut contutoribus. Itaq; ut tutores (etiā honorarij) dati sunt, quasi observatores actus eius, qui tutelam præcipue gerit, qui rationem ab eo assiduè exigant & sollicitè curent, qualiter cōversetur: ita & hi, ut observet regem, (qui, quantū ad providentiam pupillarem, ratum domini loco habetur) ne quid in populi detrimentum gerat.

Item ut cōtutoribus imputatur, tutoris qui gerit, factum, ni, cū deberet & possent, suspectum fecerint, remouēdumq; etiam curarint, nempe si cum iis administrationem non cōmunicet, si non ex fide tutelam curamq; geret, si dolum admittet, si quid fordidè aget, vel perniciosè pupillo, si quid intercipiet ex rebus pupillaribus, si pupillo inimicus esset: deniq; si nimis rusticus, segnis, imperitus, &c. ita & optimates ex principis facto tenebūtur, ni ipsius tyrannidem aut sollant, aut anteuertant, aut segnitiam sua vigilantia & diligentia supplicant. Denique ut, quotiescūq; nō facit tutor nomine pupilli,

quod

quod quivis paterfamiliâs idoneus faceret,  
 nō videtur defendi: vt verò melius defenda-  
 tur, contutores prospicere tenētur: ita mul-  
 tō æquius, si non patrēfamiliâs, sed hostem  
 agat Princeps, optimates in ipsum agere po-  
 terunt ac debebunt. cū sanē nihilominus  
 ex ipsius facto, ac è proprio teneātur. Atten-  
 dant optimates præterea, regem in admini-  
 strāda repub. primas partes tenere quidem:  
 at ipsos secundas, tertias, suas quosq; suo lo-  
 co. Nō ergo, si ille suas malè agat, hi sequen-  
 tur: non, si republ. perdat, conniuebunt. re-  
 spública enim iis non secus, quàm illi con-  
 credata est: & ita quidem, vt non modò ipsi  
 per se suo officio bene fungantur, sed princi-  
 pem in officio suo contineant. Denique, vt  
 rex utilitatem reipubl. curaturū se promit-  
 tit: ita & illi. Non igitur, si fidem frangat, suo  
 se propterea sacramēto absolutos putabūt,  
 non magis ac episcopi, si pontifex hæresim  
 tueatur, aut Ecclesiam perdat: imò eò ma-  
 gis implendo sacramēto sese obligari puta-  
 bunt, quò ille magis fœdifragus fuerit. Itaq;  
 si colludunt, præuaricatorum: si conniuent,  
 desertorum & proditorum: si rempublicā  
 tyrannide non vindicant, tyrannorum nu-  
 mero censentur. vt certè patroni, tutores,  
 reguli denique sunt, si quam tuendam su-  
 lceperunt, omnibus modis tueantur atque  
 defendant. Hæc vero etsi satis per se firma,

*l. 10. & 11.  
 D. de ad-  
 min. & pe-  
 ric. tutor.  
 & cur.*

*Iudic. 5.*

exemplis etiam demonstrari possunt. Reges Chananæi, qui populum Israeliticum dura servitute, tum corporali, tum spiritali, premebant, (cōmeatu enim & armis interdicebant) tyranni verè erāt, exercitio, inquam, non absq; titulo. Eglon enim & Iabin vicissim fere annum placidè imperabāt. Deus verò excitat extra ordinem Ahod, qui Eglo nem ex insidiis cōfodiat: & Deborah, quæ exercitum Iabini profliget, atq; eo ministerio populum ex tyrannide liberat. Non id quidem, quòd magistratib. ordinariis, principibus tribuum, & cæteris minus liceret: quin potius Debora suam ipsis ignaviā desidiāq; improperat, & nonnullos etiā propterea execratur. At certè Deus, populi sui misertus, desidiæ ordinariorum extra ordinem succurrebat. Roboamus Salomonis filius, tributis non necessariis populum levare recusat, rogatus ab vniuerso populo in Comitibus insolefcit, adulatorumq; consilio fretus grauiora etiam arroganter minatur. Ambigit nemo, quin iuxta fœdus inter regem & populū primū initum, eam superbiā coercere optimates potuerint. At in eo peccatum fuit, quòd per secessionem fecerunt, quæ in Comitibus faciunda erant: deinde, quòd à stirpe Iuda (cui regnū Deus ipse attribuerat) ad aliam sceptrū transtulerunt. Denique, quòd sæpe alias accidit, ré iustam

*August. li.**17. de Ciu.**Dei. c. 22.*

&amp;

& legitimam, iniuste fecerunt. In aliis imperiis crebra eiusce rei exempla occurrunt.

Brutus tribunus celerum, & Lucretius *Lin. lib. 3*  
præfectus vrbi, aduersus Tarquinium Superbum populum conuocant: cuius auctoritate regno pellitur. Quin & bona eius in fiscum rediguntur. Vnde satis apparet, ipsum, si prehensus fuisset, secundum leges publicas proculdubio multatum fuisse. Causæ verò narrantur hæ: quod morem tolleretur, quo rex senatû consulere solebat, quod suo arbitrio pacem bellumq; faceret, quod fœdera, inconsulto populo, senatuque, iniiceret: quod leges, quarum custos esse debuerat, violaret: in summa, quod fœdus inter reges & quirites, vt antè retulimus, sanctum negligeret. Ad imperatores verò Romanos quod attinet, palàm est sententia, qua senatus Romanus Neronem hostem reipubl. iudicauit, vñcoq; & gemoniis damnauit: qua Vitellium ignominiosè mutilatum, perq; urbem tractum, morte multauit: qua Maximinum imperio spoliauit, Maximum verò & Albinum in eius locum, susceperat. Quibus aliæ ex probatissimis auctoribus adiungi possint. Nec verò Traianus imperator se aut legibus solutum putauit, aut pœnæ tyrannorum exemptum voluit: qui cum gladium præfecto Prætorij traderet: Si bene, inquit, imperaui, pro me: *lib. 1*

contrà, aduersus me stringito. Conſimiliter Franci, Concilij publici authoritate, curantibus regni officiariis, Childericū primum, Sigibertum, Theodoricum, Childericum tertium regno expulerunt, aliosq; ac nonnullos ex alia ſtirpe, propter tyrannidem iis ſuffecerunt. Quin & propter deſidiam, ignauiam, inſaniam, quam aut exterorum iniuriis, aut adulatorum mulierumūc libidini & impotentiaē patebant, quosdam exauſtorarunt, & quaſi Phaethonti habenas abſtulerunt, ne vniuerſi incendio eodē conflagraret: vt Theodoricum Ebroini cauſſa, Dagobertum Pleſtrudis & Theobaldi ipſius amofij, & cæteros: nempe perinde eſſe rati, ſiue mulier, ſiue mulierofus princeps imperaret, ſeu tyrānus, ſeu ſub ignauo principe tyrannuli dominarentur, ſeu denique ipſe diabolus eſſet, ſeu à diabolo ipſo poſſideretur. Non ita verò pridem Ludouicum vndecimum, principem imperioſiſſimum, curatores triginta ſex recipere coegerunt, quorum cōſilio rempublicā gerere teneretur. Ecquid autem aliàs iuris habuerint aut Carlingi Merouingiorū loco in regnū cooptati, aut qui hodie obtinet, Capetani, Carlingis publici Concilij decreto antelati: niſi populo vniuerſo, per regni Cōcilium, quod trium Ordinum conuentum vocant, quaſi per epitomē reſentato, & illos exauſto-

rare,

rare, & hos auctoritate sua in solio stabilire iure licuit? Eodem pacto Imperio Germanico spoliatos legimus Adolphum c. 12. c. c. x c vi. quod pecunia corruptus, bellum fecisset regi Gallie in gratiam Angli. Venceslaum c. 12. c. c. c. c. etli nō tam mali principes hi dici possunt, quā minus boni. Anglico Eduardus secundus ob tyrannidem in subditos, præsertim Procere, quos inaudita causa de medio tollebat, Elisabetha vxore ipsius Parlamentum regni aduersus eūdem implorāte: quo authore, regno indignus iudicatus est. Non ita pridē Christiernus Danico, Ericus Suedico, Maria regina Scotico nuper admodū. quod & in Polonico, Hungarico, Hispanico, Lusitanico, Bohemico, & ceteris, factitatum, historiæ fide dignæ testantur. Quid verò de Pontifice ipso? Cardinales, inquiunt, quia ipsum elegerunt, aut si minus officio suo fungatur, patriarchæ, qui primates sunt post Cardinales, possunt, eo inuito, certis de causis conuocare Concilium, in eoq; pontificem iudicare. Si per notorium delictum scandalizet vniuersam Ecclesiā: si sit incorrigibilis, si reformatio necessaria sit tam in capite, quā in mēbris; si contra iuramentum præstitum Concilium congregare nolit, & cætera. Ex facto verò multos Cōcilij auctoritate destitutos fuisse legimus. Sin verò, ait Baldus, peruiaciter

*Froissar.  
lib. 1. cap. 1.  
& seq.*

*Ant. de  
But. Cōsil.  
quod pos-  
tum est in  
ter Cōsil.  
Paul. de  
Castr. vol.  
antiq. nu.  
412. incip.  
visopūte.*

*Mart.*  
*Laudensf.*  
*in tractat.*  
*de Cardin.*  
*in 2 q 35.*  
*Phil. Dec.*  
*in quodā*  
*consilio, cu*  
*ius verba*  
*fuerunt*  
*Andr. Bar*  
*bar. in d.*  
*conj. a. lib.*  
*a. c. 6.*  
*Bald. in c.*  
*olim. col.*  
*pen. de re-*  
*scri. in De-*  
*cretal.*  
*Bonifaz*  
*cino s. de*  
*maior. &*  
*obed.*

abutantur: primò vtendum est verbis, se-  
 cundò, herbis, id est, medicamentis. postre-  
 mò, lapidibus & vbi non sufficit virtutis  
 ingenium, valere debet armorum præsidium.  
 Quòd si verò & doctorum ferè omnium  
 calculis, & Conciliorum decretis, & ipsis  
 rebus gestis probatur, Concilium Papam  
 deponere, vt loquuntur, iure posse, qui ta-  
 men regem sese regum iactat & quanto sol  
 luna, tantò imperatore superiore vendi-  
 tat, quin etiam regum imperatorumq; pro-  
 libito exauctorandorum authoritatem sibi  
 arrogat: quis tandem dubitare queat, quin  
 à Cōcilio publico cuiusq; regni, non modò  
 tyrannus, sed rex regno, ob suam insaniam  
 perniciosus, deponi & exauctorari possit?

Age verò, in naui ista nostra politica vino  
 sese ingurgitet nauarchus, adiutores pleri-  
 que aut dormiant, aut mutuis poculis inebriati  
 imminentem scopulum ludibūdī in-  
 tueantur. Nauis interea aut eū cursum non  
 teneat, quem domino expedit, aut breuī  
 pessum itura videatur: quid hīc sub præfe-  
 cto alicui, vigili & sollicito, faciendum pu-  
 tes? An dormientibus aurem vellicabit, aut  
 latus fodiet tantum: interim verò, ne quid  
 cæterorum iniussu facere videatur, pericli-  
 tanti naui opem atque operam suam non  
 præstabit? Quæ verò isthæc aut amentia,  
 aut potius impietas fuerit? Agedū inquam,  
 cum



cum tyrannis, ut ait Plato, quædam phrenes  
 sis sit & ebrietas, princeps rempublicam fun-  
 ditus euertat, optimates plerique colludent,  
 conniueant, saltem consopiti sint: populus,  
 qui reipub. dominus est, ministrorum illo-  
 rum aut fraude, aut negligentia, quæ ipsa  
 culpa est, in summas angustias reductus sit:  
 existat interea optimatum vnus aliquis, qui  
 grassantem tyrannidem animaduertat, &  
 ex animo execretur, quid huic aduersus il-  
 lam faciendum putes? An collegas sui tan-  
 tum officij admonebit, qui ipsi, quantum  
 possunt, officiunt? At, præterquam quod  
 admonere periculosum est, & eo rerum sta-  
 tu crimen capitale censetur: perinde faciat,  
 ac qui, cæteris auxiliis spretis, proiectis ar-  
 mis, apud prædones, in media sylua leges  
 citet, & orationem de iustitia habeat id ve-  
 rò verè est, quod dicitur, cum ratione insa-  
 nire. quid ergo? ad gemitus populi obsurde-  
 scet, ad latronum ingressum obmutescet, &  
 oscitabit denique, & manus in sinum inse-  
 ret? At si vel in caligatum, qui metu hostium  
 languorem simularit, proditoris pœnam iu-  
 ra statuunt: quam tandè in eum statuemus,  
 qui, quos ipse tuendos suscepit, siue mali-  
 tia, siue ignauia prodit? Quin potius, cautis  
 per celeusma, quæ opus erit, imperabit: cu-  
 rabit, ne quid respubl. detrimenti capiat, ac  
 rege etiam inuito & renitente, regnum, per

*Plato li. s.  
 & 9. de  
 Repub.*

*l. 3. & Lom  
 ne delicti.  
 §. ult. D. de  
 re milit.*

*Nullus,  
in Cartha  
gin. Cōcil.  
Doctores  
Pontificij.*

quod ipse rex existit, conseruabit, regemq;  
ipsum, tanquam phreneticū, aut furiosum,  
ni aliàs possit, pedibus manibusque reuin-  
ctum, sanabit. Enim verò non est, vt dixi-  
mus, vniuersa regni administratio regi à po-  
pulo commendata: vt nec pontifici vniuer-  
salis ecclesiæ episcopatus, (aiunt) sed opti-  
mum cuiq; pro virili. At certè, quia con-  
cordia ab ciuitate proficiscitur, ne qua in-  
ter Pares æmulatio esset, rex institutus fuit,  
qui supremum, in administratione reipub.  
locum teneret. Iurat rex, se salutem regni  
curaturum, idem optimates etiam singuli  
per se. Num ergo, si rex, aut optimates ple-  
rique, neglecta fide, rempublicam aut per-  
dant, aut periclitantem deserant, debebunt  
propterea cæteri rempubl. deserere, aut sal-  
tem minus defendere tenebuntur, quasi suo  
iureiurando soluti sint? Quin potius tum  
maximè fidem suam præstare debent, cum  
cæteri negligunt, præsertim cum in eum fi-  
nem præcipuè, tanquam ophori, sint insti-  
tuti: ac quidque demum iustum censeatur,  
cum finem suum attigit. Num etenim si plu-  
res eandem rem promiserunt, vnius periur-  
io alterius obligatio perimitur? num, si plu-  
res eiusdem summæ correi sunt, vnius frau-  
de cæteri liberantur? Num, si plures contu-  
tores pupillum malè tuentur, ibi illorum  
culpa vnus aliquis vir bonus tutelæ onere  
minus

minus tenetur? Quin potius, nec illi perfidiae infamiam vitare possunt, ni quatenus in iis positum est, fidei suae satis facere conentur: nec hi sese periculo tutelae male gestae iudicioq; eximere, ni caeteros contutores suspectos agant. cum sanè non modò tutor l.3. D. de vnicus caeteros suspectos agere possit, & administ. remouendos curare, verum etiam remotus. & peric. Itaque, qui regno imperioque vniuerso o- tutor. & pem operamque suam promiserint, quales cur. lib.3. Comes stabuli, Mareschalli, Patricij & cete D. de sus ri, aut qui alicui speciatim regioni, vrbiue, spect. tut. quæ regni partem faciat: quales Duces, Mar & curat. chiones, Comites, Maiores & caeteri, vniuersae reipublice, eiuſe reipublicae parti, quâ ipsis secûdum regem populus commiserit, tyrannide oppressæ succurrere tenentur. Et illi quidem vniuersum regnum à tyrannide vindicare debent, si possunt: hi, tanquam tutores per regiones dati, eam regni partem, cuius tutelam susceperunt. Illi, inquam, tyrannum coercere, hi à suis finibus arcere tenentur. Itaque Mathathias, tanquam opti- Machab. matum vnus, caeteris partim conuiuentibus, lib.1. cap.3. partim colludentibus, Antiocho regnum Iudaeorum tyrannicè opprimente, populum arma capturis his verbis affatur: Restauremus statum populi nostri, dimicemus pro populo nostro, proq; sanctis locis nostris. Vnde nō pro religione tantum: sed pro patria,

pro focus, inquam, non minus iustè: quàm pro aris arma capi posse aduersus tyrànum, (qualis is erat) liquidò apparet. Neq; enim reprehèduntur à quoquam, quòd regnum euicerint, sed quòd regiam dignitatē, quæ ad tribum Iudæ pertinebat, sibi vèdicarint.

*Iustin. li. 1.*

*Diodor.*

*lib. 2. c. 37.*

Exempla eodem pertinentia apud historio-  
graphos plurima occurrunt. Arbaëtus Me-  
diæ præfectus, Sardanapalum inter mulie-  
res pensa distribuentem, opesque regias in  
meretrices profundentem, interficit. Vin-  
dex Galliarum, & Galba Hispaniarum Præ-  
fides, à Nerone, conniuentē ad ipsius tyran-  
nidem senatu, deficiunt, vnaq; Gallia & Hi-  
spania vniuersa. Verùm insigne est in pri-  
mis Laconicum illud iudicium: quod sanè  
ab eo senatu profectum, apud omnes gen-  
tes in rem iudicatam transire debet. Cum  
Lacedæmonij Byzantiū possiderent, Clear-  
chum ducem exercitus vrbi præfecerant,  
qui frumētum ciuibus ereptum, militibus  
extraneis distribuebat. Interea verò fami-  
liæ ciuium fame peribant. Anaxilaus igitur,  
vnus ex vrbis optimatibus, ea tyrannide  
commotus, de patriæ deditioe cum Alci-  
biade paciscitur: atque is paulo post in vr-  
bem recipitur. Anaxilaus Spartæ accusatus  
ob Byzantij deditioem, causam suam ipse  
agit. Spartani hominem absoluerunt: quia,  
aiunt, bella gerēda sunt cum hostibus, non  
cum

cum rerum natura. Nil verò magis naturæ repugnat, quam si, qui urbem aliquam defendere tenentur, ipsis hostibus iniquiores sint. Hæc Lacedæmonij, qui iustè regnabant, quibus vix ulli boni reges non assentiantur. Nimirum, qui bene regnare cupiunt, quid in tyrannos statuatur, quid optimates iure possint, quid populus ipse, susq; deq; habent. Verum ulterius adhuc nobis progrediendum est.

Tenetur nautarum quilibet, si nauarchi culpa negligentiaue navis periclitetur, manum admouere. Tenetur Optimatum quilibet, si principis collegarumq; scelere vel desidia respub. pereat, laboranti succurrere, regnum denique in solidum, eiusve saltem eam partem, quæ sibi commissa fuerit, à tyrannide vindicare. An verò tandem mediastino cuilibet idem licebit? An Herdonio Sabino, Euno Suriano, Spartaco gladiatori fortè, an, inquam, priuato cuilibet seruos ad pileum vocare, subditos ad arma cingere, manus deniq; cum principe conficere, si tyrannis vrgeat, licebit? Minimè verò. Singulis seu priuatis respub. commissa non est: imò ipsi optimatum & magistratuum curæ, non secus ac pupilli, commissi sunt. Itaq; non tenentur rempubl. tueri, qui seipsos tueri non possint. Singulis neq; à Deo, neq; à populo gladius concessus est. Itaq;

*L. 1. C. de  
seditiosis.*

*l. 8. l. 9. D.  
de auctor.  
& consil.  
tutor. &  
curat.*

*Seneca li.  
1. de Bea  
nefic.*

si gladium iniussi stringant, seditiosi sunt, quamuis causa iusta videatur. Singuli denique principē non constituunt, sed vniuersi. Itaq; vniuersorum, eorum, inquam, qui vniuersos in regno, regione, vrbeūe quæ regni partem faciat, repræsentant, iussum expectent oportet, aut vnus saltem ex illis, antequam aduersus principem quidquam moliantur. Etenim vt pupillus, non nisi tutore authore, actionē intendere potest, etsi pupillus quidem dominus verē est, tutor verò pro domino tantum, quantum ad pupillarem prouidentia attinet, habetur: ita neq; populus, nisi iis authoribus, in quos suam authoritatem & potestatem transtulit, siue ij ordinarij magistratus sint, siue in conuentu publico extra ordinē creati: quos, inquā, gladio suo in eam rē accinxit, quibus se regendum curādumq; tradidit: qui denique, non secus ac prætor ille Romæ, qui inter seruos & dominos ius dicebat, eo loco verē constituti sunt, vt si quæ lis inter regem & subditos oboriatur, iudices & vindices se præstent, ne ipsi subditi in sua ipsorum causa sententiam pronuncient. Itaq; si vestigalia & tributa iniqua imperari, si quæ contra pacta inuē fraudem fieri videantur, nec tamen optimatum vllus reclamet aut repugnet, conquiescendum sibi putent, ac cogitent, optimos medicos morbum vt anteuertant,

tant, aut tollât, venæ sectionem, humorum  
 euacuationem, scarificationem sæpe impe-  
 rare. Ita enim rerum natura comparatum  
 esse, vt vix vllum malum absq; altero cura-  
 ri, vix quicquam boni absq; improbo labo-  
 re acquiri possit. Habent exemplum popu-  
 li Israelitici sub Salomone, qui tributa, quæ  
 ad templum extruendum, regnumq; mu-  
 niendum grauissima imperabatur, non re-  
 cusauit: quia publico consilio, ad Dei gloriã  
 rei; publ. decus & ornamentum ea impe-  
 rari iudicabat. Habent & Christi Seruato-  
 ris nostri, qui etsi Rex ipse regum erat, quia  
 tamen priuatam personam tum sustinebat,  
 tributum libeter persoluit. Si manifestæ ty-  
 rannidi faueât optimates ipsi, aut saltē non  
 repugnēt, recordentur, propter peccata po-  
 puli, Deo permittente, regnare hypocritas. *Iob 14.*  
 qui, ni se ad Deum ipsi ex corde cōuertant, *ver. 20.*  
 nullis machinis euerti possint. Itaq; non pe-  
 dibus, non manibus, sed genib. flexis opus  
 esse. Deniq;, malos principes ferant, melio-  
 res optēt, & non secus ac grandinē, illuui-  
 ones, tempestates, cæterasq; naturales cala-  
 mitates, tyrānidem illam sibi æquo animo  
 ferendā, aut sedes mutandas putent. Si Da-  
 nid in montes sese recipit, & Sauli tyranno  
 parcit, quia non erat ex optimatib. populi:  
 Christus, quia regnū ipsius non erat de hoc  
 mundo, in Ægyptum fugit, seseq; tyrannidi

subducit: Paulus, quia singulorum Christianorum, non magistratuum officium describit, vel Neroni ipsi obediendum esse docet. At si optimates omnes, aut plerique, aut unus saltem aliquis manifestam tyrannidem coercere, aut magistratus ab ea regni parte, quæ sibi commissâ fuerit, arcere conetur, & ita quidem, ut is sit, qui eius expellendæ prætextu aliam non inuehantum sanè, tanquam agmine factò, certatim ad deletum cōcurrant, obnixè pedibus manibusque opem ferant, ac tanquam Deus ipse cœlitus signum pugnae aduersus tyrannos dederit, rempubl. regnumque à tyrannide vindicare conentur. Etenim ut populum per tyrannos, ita & tyrannos per populum punit & castigat Deus: ratumque perpetuò est, quod Syrachus dicit, Regna transferri de gente in gentem, propter iniquitates, iniurias & scelera principum: omnem verò tyrannidem parum diuturnam existere. Sic Centuriones & milites, Ioiadæ summi sacerdotis iussa alacriter exequuntur in vindicanda Athaliæ reginae tyrannide. Sic pii omnes ex Israele, ad Machabæos sese recipiunt, partim ut verum Dei cultum, partim ut rempubl. aduersus impios & iniquos conatus Antiochi tueantur: Deus verò iustis eorum conatibus fauet, & prosperum exitum largitur. Quid verò? An non etiam aliquando

*Eccles. 10.*



quando ex ipsis priuatis vindicem tyrannidis aliquem Deus excitare potest? An non idem ipse, qui tyrannos è plebe, nullo titulo, nullo prætextu fretos, puniendo populo excitat, liberatores etiam vel ex ima plebe excitare poterit? An non idem, qui Iabino, qui Egloni populum mancipauit, per Ehodem, Baracum, Debóram, eundem ab optimatibus derelictum liberauit, & quasi manumisit? Quid ergo iam obstat, dices, quin idem Deus, qui nobis tyrannos hoc tempore immisit, tyrannorū ultores etiam extra ordinem mittat? Cur, si Achab sæuit in viros bonos, si Iezabel Nabotho falsos testes subornat, non erit & Iehu, qui familiam Achabi deleat, qui sanguinem Nabothi vindicet, qui Iezabelem canibus lacerandam proiciat? Certè, quod antea respondi, vt iustitiæ ita neque misericordiæ diuinæ, vñlo tempore quidquam decedit. At verò, cum euidentia illa signa, quibus extraordinariam illorum heroum vocationem Deus cōfirmare solebat, nobis hoc seculo vt plurimum desint, videat populus, ne, dum sicco pede duc aliquo impostore, mare transfretare cupit in gurgitem, quod Iudæis accidisse aliquando legimus, præceptis ruat: ne, dum vindicem tyrannidi quærit, sequatur fortè aliquē, quē, eo tyranno expulso, tyrannidem ipsam ad se transferat: ne denique,

dum reipub. merere gestit, priuatæ alicuius libidini militet: itaq;, quod multis rebusp. præsertim Italicis accidit, dum præsens malum arcere conatur, longè grauis accersat.

In summa, vt hunc tãdem tractatum concludamus, principes eliguntur à Deo, constituuntur à populo. Vt singuli principe inferiores sunt: ita vniuersi, & qui vniuersos repræsentant, regni officarij, principe superiores sunt. In constituendo principe interuenit fœdus inter ipsum & populum, tacitum, expressum, naturale, vel etiam civile, vt bene imperanti bene pareatur, vt reipub. inserviienti omnes inserviât, vt legibus obtemperanti omnes obsequantur, &c. Huius verò fœderis seu pacti, regni officarij vindices & custodes sunt. Qui hoc pactum perfidè & peruicaciter violat, is verè exercitio tyrannus est. Itaq; regni officarij ipsum & secundum leges iudicare, & renientem vi coercere, si aliàs non possunt, ex officio tenentur. Hi duorum generum sint. Qui regni vniuersi tutelam susceperunt, quales Comes stabuli, Marefchalli, Patricij, Palatini & cæteri, singuli per se cæteris coniuuentibus aut colludentibus, tyrannum coercere debent: qui alicuius partis, regionisue, quales duces, marchiones, cômities, consules, maiores, tyrannidem tyrannumq; ab ea regione vrbeue arcere iure suo possunt.

Porrò

Porro singuli siue priuati aduersus tyrānos exercitio, gladium non stringent: quia non à singulis, sed ab vniuersis constituti sunt. At aduersus eos, qui absq; titulo sese intrudunt, quia nulla pactio intercessit, promiscuè admittuntur. Quo in genere censerì possunt ij, qui ignauia desidiaue legitimi principi abutentes, tyrannidē in ipsius subditos exercent. Et hæc haftenus: quibus ex secunda quæstione, quæ fortè desunt, adiungi possunt.

## QVARTA QVÆ-

### STIO:

*AN IVRE POSSINT, AVT  
debeant vicini Principes auxilium ferre  
aliorum Principum subditis, religionis pu-  
ra causa afflictis, aut manifesta tyran-  
nide oppressis?*



Vccedit iam alia quæstio, in qua certè definienda, conscientia magis, quàm scientia opus est, quæque, si charitas hoc seculo locum suum obtineret, planè otiosa esset. At quia, vt nunc sunt mors charitate ipsa nil quidquam est inter homines aut carius aut rarius: videtur etiam à nobis breuiter tractanda. Tyranni, tum animarum, tum corporū,

tum ecclesiæ, tum reipublicæ regniue, coerceri, expelli, & puniri per populum possunt. Vtrunq; iam rationibus euicimus. Verum, quia vel ea fraus tyrannorum, vel ea subditorum simplicitas plerunq; est, vt vix antè cognoscantur illi, quàm rapuerint: aut hi de sua salute cogitèt, quam fermè perierint, in easq; angustias redacti, hi, à quibus suis viribus emergere non possunt, alienas implorare coguntur: quæritur, vtrum iis religionis, aut reipub. regni Christi, aut regni sui causam tuentibus, principes Christiani auxilium ferre iure possint? Et multi quidem, cum afflictis opem ferendo suas se opes aucturos sperarunt, protinus licere iudicarunt. Sic enim Romani, Alexander Magnus, & cæteri multi, tyrannorum coercendorum prætextu, pomœria sæpe sua protulerunt. Nec ita pridem vidimus Henricū II. Franciæ regem, bellum intulisse Carolo V. Principum Imperij, & quidem Protestantium liberandorum defendendorumq; prætextu: vt etiam Henricum VIII. Angliæ regem Protestantibus Germaniæ opem ferre paratum, vt Carolo V. negotium facesseret. At si aut periculi aliquid inde metuatur, aut lucri minus sperari possit, tum sanè plerisque principes, liceat, nec ne, disputantes audias. Et vt illi pietatis prætextu, aut ambitionem, aut quæstū tegebant: sic hi desidia

suæ

suæ iustitiam obtēdunt, cum sanè nec illos  
verè hortaretur pietas, quæ aliena tantum  
quærit, nec hos iustitia dehortari debeat  
quæ tota foras spectat, & quasi proiecta est.  
Ergo, utrisq; posthabitis, in religionis pri-  
mum causa quid vera pietas, quidq; iustitia  
suadeant, videamus. Primum ratum sit, V-  
nicam esse ecclesiam, cuius caput Christus,  
cuiusq; ita membra inter se cōhærent cō-  
sentiuntque, ut nullum ex illis vel minimū,  
vim læsionē mē pati possit, quin cætera læ-  
dantur & dolorem percipiant, ut vniuersa  
Scriptura docet. Propterea comparatur Ec-  
clesia corpori. Corpus verò sæpè non bra-  
chij modò, aut cruris, sed minimi etiam di-  
giti læsione afficitur, aut vulnere perit. Fru-  
stra itaq; iactet aliquis, huius sibi corporis  
salutem cordi esse, qui, quod totū tueri po-  
test, membratim dilaniari & discerpi pati-  
tur. Comparatur ædificio. Ædificium verò,  
quamcunq; in partem cuniculi agantur, to-  
tum sepe corrui: quamcunq; contignatio-  
nem flamma inuadat, in vniuersum pericli-  
tatur. Ridiculus itaq; fuerit, qui fortè quòd  
in hypogæo habitet, flammam à tecto ar-  
cere cunctetur. Malè sanus, qui cuniculos  
contrariis eludere nolit: quòd in hunc, non  
in illum parietem admoueantur. Compa-  
ratur & naui. Navis verò tota simul pericli-  
tatur, tota simul perit. Itaq; æquè tuti sunt,

qui in prora, ac qui in puppi, qui in carina, ac qui in transtris, si tempestas sæuiat. cum certè vel vulgato prouerbio, qui in eodem periculo versantur, in eadem naui esse dicantur. His positis, certè qui eius dolore, incendio, iactatione nō commouetur, ex eo corpore non est, in familia Christi non censetur, locum in Arca nullum habet. Qui verò vel tantillum cōmouetur, nihilo magis dubitare debet, an ecclesiæ membris vexatis opem ferre debeat: quàm, an sibi ipsi, an se ipsum iuuare, cum omnes in ecclesia vnū simus. Quin potius quisque in suo munere suam iis opem operamq; præstare tenetur: & eo utiq; maiorem, quo ampliores à Deo opes, nec tam possidendas, quàm dispensandas accepit.

Hæc Ecclesia vt vnica est, ita etiam singulis Principibus Christianis in vniuersum & in solidum commendata atq; commissa est. Quia enim vni alicui vniuersam cōmittere, lubricum erat, singulis verò singulas eius partes, ab eius vnitate planè alienum: vniuersam singulis, singulas eius partes vniuersis commisit Deus. Nec verò vt propugnèt eam tantum, verum etiam, vt, quantum possint, propagandam curent. Itaq; si vnā eius partem, Germanicā fortè, aut Anglicā, princeps regionis illius curet, alterā verò oppressā, si opem ferre possit, deserat

deferat & negligat, Ecclesiâ defervisse censetur: cum sanè spōsa Christi vnica sit, quâ, ne vsquam violetur, corrumpaturue, omnibus virib. protegere ac tueri debeat. Huius vniuersæ instaurationem vt priuati quique genibus flexis, ita magistratus, pedibus, manibus, totis, inquâ, viribus promouere tenentur. Neq; enim alia est ecclesia Ephesina, alia Colossensis, & cæteræ, sed singulæ illæ vniuersæ ecclesiæ partes sunt: vniuersa verò regnum Christi est, quod omnes priuati optare debent: reges verò, principes, magistratus, amplificare, dilatare, propugnare & propagare vbique, & aduersus quoscunq; tenentur. Propterea apud Iudæos vnicum templum erat, à Salomone extructum, quod vnitatem ecclesiæ repræsentabat. Ridiculus verò & plectendus foret ædituus, qui partem tantum aliquam sartam testam curaret, cæteras complui pateretur. Consimiliter reges Christiani omnes, cum inaugurâtur, gladium tuendæ nominatim catholicæ seu vniuersæ ecclesiæ accipiunt. quo in manum accepto, omnes plagas Orbis designant, inq; orientem, occasum, meridiem, septétriones cum vibrât, ne vlla eius pars excepta censeatur. Cum verò ecclesiæ protectionem eo ritu suscipiunt, veram proculdubio intelligunt, non falsam. Itaq; ei, quam veram & puram esse

profitentur, in integrum restituendæ operam suam præstare debent. Ita verò à piis principibus observatum fuisse, exempla docere possunt. Tempore Ezechix regis Iuda, iampridem mancipatum erat regnum Israel regi Assyriorum, nimirum inde ab Osea rege. Itaque si ea Ecclesia Dei tantum, quæ in regno Iuda erat, non etiam uniuersa, Ezechix commissæ fuisset: si, inquam, eodem modo custodiendi fuissent limites agrorum in ecclesia defendenda, ac in tributo fortè imperâdo: Ezechias proculdubio, ea præsertim tempestate, qua Assyrij orbis imperio potiebantur, sese continuisset. At videmus, eum inuitasse per veredarios uniuersum Israelem, subditos, inquam regis Assyrij, ad Pascha celebrandû in Ierusalem: quin & pios in Israele, in diruendis excelsis suis, in ditionibus nimirum Ephraim & Manasse & cæteris, quæ Assyriis parebant: adiuisse. Sic etiam legimus Iosiam regem, in primis pium, non regnum suum modò, verum & Israeliticum, regi tum Assyriorum planè addictum, cultu idolorum repurgasse. Nimirum ubi Dei gloria, ubi Christi regnum agitur, nulli limites, nulli fines, nulli cancelli, piorum principum zelum arcere debent. Sin vis fortè maior immineat, recordentur horum exemplo, qui verè Dominum timent, neminem metuere posse.

Hæc

2:Chron.

6.31.

2.Reg. c.22

2.Chro 34.

7.6. &amp; 35.



Hæc piorum principum exempla, ex quo ecclesia, quæ prius Palæstina circumscribebatur, per vniuersum orbem diffusa fuit, Christiani principes multi insequuti sunt. Erant Constantinus & Licinius imperatores ambo: ille Orientis, hic Occidentis. Erant & collegæ pari potestate præditi. Notum verò est, quod vulgo dicitur: Parem in parem non habere imperium. Nihilominus tamen Constantinus Licinium Christianos, in iisque nobiles plerumque, religionis siue causa, siue prætextu, relegantem, diuexantem, contrucidantem, bello petit, religionis liberum cultum Christianis vim impetrat: fidem denique frangentem, & ad pristinam sæuitiam reuertentem Thessalonice morte mulctari iubet. Constantinus, inquam, ille Magnus, cuius usque adeo pietas ab omnibus illius sæculi Theologis celebratur, ut de eo quidam dictum velint, quod est apud Esaiam Prophetam: Reges Ecclesiæ nutricios & pastores futuros. Eo mortuo, diuisum fuit Romanum imperium inter filios, æquo iure, nulla cuiquam adiuncta prærogatiua: ex his Constans Orthodoxos, Constantius natu maior Arrianos fouebat. Et hic quidem Athanasium Arrianorum hostem, Alexandria expulerat. Certè, si linitum vlla ratio haberi debuit, inter fratres debuit. Interim tamen minatur ille fratri, ni Athanasium

Sozom.

lib. 7. c. 18.

restituatur, ut facere paratus, ni quāprimū  
 eum hic in integrum restituisset. Quod si ve-  
 rō vnius episcopi restituendi causa hæc fa-  
 cere non dubitauit: an non multò æquius,  
 cū pars populi aliquāta opprimitur, cū  
 auxilium implorat, Optimatibusq; autho-  
 ribus religionem suam tueri cupit? Sic &  
 Theodosius, Attico episcopo suadente, ad-  
 uersus Chosroem Persarum regem bellum  
 suscepit, ut Christianis religionis causa ve-  
 xatis succurreret, etsi ij priuati verè erant.  
 Quod sanè iustissimi illi principes, qui tot  
 leges sanxerunt, quiq; tantam iuris curam  
 habuerunt, minimè fecissent, si eo factò alie-  
 nos fines, & iura gentiū violari iudicassent.  
 Quorsum verò tot expeditiones principū  
 Christianorum in Syriam aduersus Sarace-  
 nos, quorsum toties imperatæ decimæ illę  
 Saladinides, quorsum tot bella socialia ad-  
 uersus Turcas, tot aduersus eosdem indiētę  
 cruciatę, si quibusuis Christianis principib.  
 etiam remotissimis, ecclesiam Dei tyranni-  
 de, Christianos captiuos seruitutis iugo li-  
 berare non licuit? Quibus verò argumentis  
 impellebātur ad id bellum, quibus rationi-  
 bus vrgebātur? nisi, quòd ecclesia vna esset,  
 quòd Christus omnes omoīno ad delectū  
 vndiquaq; vocaret? quòd cōmunia pericu-  
 la cōmunibus armis depellenda essent? quę  
 omnia pariter huic nostrę causę planè con-  
 ueniunt.

ueniunt. Quòd si verò licuit illis aduersus Mahometem, nec modò licuit, verùm vt a lacribus præmium, ita & ignauis & cunctatoribus pœna statuta fuit: cur non & aduersus Christi hostem? Si, inquam, in Græcos Troiam nostram obsidentes, cur non & in Sinonẽ incendiariũ? Deniq;, si Christianos seruitute corporea (neminem enim cogũt Turcæ) liberare pium fuit; an nõ multò magis miserorũ animas manumittere, inq;, libertatẽ restituere? Et hæc quidem tot piorum principũ exempla, legis instar esse possunt. Verùm quid Deus ipse per os Prophetarum in eos qui Ecclesiæ instaurationem non promoueant, aut afflictionẽ negligent, passim decernat, audiendum est. Gaditæ, *Num. 32.*  
 Rubenitæ, & dimidia tribus Manasse, petũt *Iosue c. 4.*  
 à Mose suam sibi suisq; familiis portionem *7. 12.*  
 tribui cis Iordanẽ. Et Moses quidẽ tribuit: *Deut. c. 3.*  
 verùm ea lege atq; cõditione, vt Fratres, cæ *vi. 20.*  
 teros, inquam, Israelitas, in cõsequenda terra Chanaã non adiunget modò: verùm, quia primi portionem obtinuerunt, præcedant eos, & in prima acie sint collocati. Sin minus, eosdẽ diris deuouet, anathemate percutit, atq; iis comparat, qui ad Cades barne rebelles iudicati fuerat. Quid enim? ait: Fratres vestri belligerabũtur, vos verò interea hĩc quiescetis? Quin potius traicietis Iordanem, nec prius huc ad penates vestros

regrediemini, quàm Deus hostes suos expulerit à facie sua, requiemq; fratribus vestris, non secus ac vobis, concesserit. Tum demum verò innocentes eritis coram Domino & Israele: nimirum quos primò tanto beneficio dignatus est Deus optimus maximus, ni fratres adiuuent, ni laborum socij sint, ni præcedant, grauissimæ pœnæ proculdubio manent. Consimiliter cum Debora duce, Nephthalitæ & Zabulonenses in Iabinum tyrannum arma cepissent, ac interim tribus Ruben, quæ prima in armis esse debuerat, sese fistula inter gregum pascua oblectaret, Galaad intermedio amne sese tutum putaret: Dan maris imperiũ iactaret: Asser deniq; montium asperitate consideret, Spiritu Dei per Prophetissam loquente, disertissimè omnes damnantur. Maledicite Meroz, ait Angelus Domini, diris deuouete habitatores eius, quia non venerunt in auxilium Domini cum strenuis. At benedicta Iahel vxor Heberi Cinei, quæ (licet fœdus cum gentibus causari potuisset) Sisará nihilominus ipsum hostilis exercitus ducem confodit. itaq; piè Vrias: Arca, inquit, Israel, Iuda, habitant sub tentoriis, sub pellibus degunt, noctem sæpe insomnem sub dio transigunt: ego verò cum vxore epulabor, genio indulgebo, deliciabor? Viuit Deus, nunquam hoc faciam. Impiè  
contra

*Iudic. 5.*

*2. Sam. c.  
11. vers. 11.*

*Amos 6.*

contrà principes Israël, qui inōtium Samariæ difficultate, Sionisq; munitione freti, luxu diffuunt, conuiuuntur, comessantur, in eburneis lectis dormiūt, capillitium perungunt. Interea verò Iosephum cōtritum, cruciatum, mirè vexatum despiciunt, nec eius afflictione vllō modo commouentur. Propterea verò, ait Deus exercituum, superbiam domus Iacob odi, magnificas ipsius ædes detestor. Iuravi per animam meam: Tradam ciuitatem, & circuitum eius. Qui verò tantopere luxuriabantur, in transmigratione mox primi erunt. Impiè quoq; Ephraimitæ, qui Gedeoni & Iephtæ victoriam adeptis & triumphantibus non modò non gratulantur, verùm inuident: quos tamen periclitantes deseruerāt. Item Israelitæ, qui Dauide rerum potito, exclamant: *Iudic. 8.* En caro tua, & ossa tua sumus nos: qui *12.* prius, eodem in angustias redacto, dicebāt: Non est nobis pars in Dauide, non in filio *2. Sam. 6. 5.* Isai. Impiè Christiani illi nomine tenus omnes; qui sacris Ecclesiæ epulis communicare volunt, calicem amaritudinis cum fratribus ne degustant quidem, qui salutem in Ecclesia quærunt, salutem & incolumitatem ecclesiæ & membrorum suorum non curāt. Deniq; vnum Patrem Deum, vnam familiam ecclesiam agnoscunt, vnum se in Christo corpus esse profitetur: neq; tamen

Num. 31.

aut Christo in mēbris affecto opem ferunt, aut inopi opes suas impertiuntur. Quam verò eius impietatis pœnam futurâ putamus? Moses comparat desertores fratrum, rebel libus Cadesbarne. Horum verò nemo, ita decernēte Deo, terram Chanaan ingressus est. Ne vllam itaq; in Chanaan cœlesti sibi sedem quærant, qui Christo miserrimè cruciato, ac millies quotidie moriēti, opemq; illorum ostiatim quasi imploranti non subueniunt. Christus ipse æterno igni damnat eos, qui ipsum peregrinantem non exceperunt, frigentem non foverunt, nudum non vestierunt, inopem non iuueſcunt, captiuum non liberarunt. Ignem itaq; æternum paratum sibi sciant oportet, qui quotidie talia patientē, surda aure prætereunt, quantumvis magna interim miracula edere videantur: & adeò quidem, vt quibus suis infidelib. tolerabilius, quàm illis futurum sit. Quid enim? Iudæine propriè, Scribæ, inquam, & Pharisei, Christum crucifigunt? Ethnicine, Turcæ, Christiani deniq; quidam in membris suis persequuntur, cruciant, diuexant? Minimè sanè. Iudæi impostorem, Ethnici maleficum, Turcæ infidelem, alij hæreticū credunt & profitentur. Itaq; si mentem illorum omnium spectes, è qua vulgò crimē metimur, noxios illi omnes, impios & pœnam meritos persequi, Christum propriè occi-

occidere non videntur. At verè persequuntur, verè occidunt ij tantùm, qui quem Mes-  
siam, Redemptorem, Deum profitentur, in  
suis membris torqueri ac crucifigi, cùm im-  
pedire possint, vltro patiuntur. In summa: *August. in*  
qui quem neci eripere potest, non eripit, æ- *Psalm. 81.*  
què tenetur, ac qui occidit. Quia enim no- *Ambr. li. 1.*  
luit opem ferre, voluit occidi. In crimine ve- *de Offic.*  
rò voluntas ipsa spectari debet. At certè eo *Gratian.*  
gravius est, Christianorum præsertim Prin- *in Decret.*  
cipum qui Religionis causa vexatis opem  
non ferunt, homicidium, quo plures, quos  
liberare possent, interficiunt: & quo fra-  
trem, quàm quemlibet, interficere, scelera-  
tius est. Atrocius, quàm ipsorum Tyranno-  
rum scelus: quo virum bonũ, iustum, pium,  
innocentem, quàm latronem, imposte-  
rem, magum, hæreticum interficere: quo  
Deum, quàm quemlibet hominem petere,  
flagitiosius est. quo denique perfidia in pa-  
ri facto ignorantiam superat.

An verò de iis, qui tyrannide oppressis  
remuè publicã aduersus tyrannidem defen-  
dentibus, non opem ferunt, idem statuere  
licebit? cum non tam arctæ necessitudinis,  
non tam arcti fœderis ratio habeatur: cum  
inquam, non de Ecclesia, quæ vna omnium  
est, quæ vna vniuersa; singulis commissa  
est: sed de Republica, quæ alia aliorum es-  
se potest, alia aliis sigillatim commendata

est, hic agatur? Proximus est, ait Christus, non Iudæus Iudæo tantum, sed Samaritano, & cuius homini. Proximum autem debemus, ut ipsos, amare. Itaque non Iudæus Iudæum tantum, sed & quemlibet peregrinum etiam & ignotum, latroni, si possit, eripere tenetur, si officio suo satisfacere velit. Nec disputabit quisquam, an liceat alium defendere, qui seipsum tueri iustum iudicabit: cum sanè alium, quàm semetipsum, defendere eo iustius sit, quo quæ mera caritas, quàm quæ aut ira, aut vindicta, aut alia animi perturbatio facit, iustiora existunt, & in propriis iniuriis vlciscendis, nemo modum teneat: in alienis, licet grauioribus, immoderatissimi quique modum tenere possint. Verùm, est quod ab Ethnicis ipsis discamus, quid à nobis humana societas hac in re, quidquæ cõmunis omnium natura requirat. Quia, ait Cicero, vna omnium hominum natura est; hoc vel Natura ipsa præscribit, ut homo homini, quicumque sit, ob eam ipsam tamen causam, quod homo sit, consultum velit. Sin minus, omnis humana cõsociatio dissoluatur, necesse est. Itaque ut iustitiæ duo fundamenta sunt: primum, ne cui noceatur: deinde, ut omnium, si fieri possit, vtilitati seruiatur: ita & iniustitiæ duo genera sunt: vnum eorum, qui inferunt: alterum eorum, qui ab iis, quibus

infertur,

*Cic. lib. 1.  
de 3. Off.*



infertur, si possunt, non propulsant iniuriā. Nam qui iniuste in quempiam facit, aut ira, aut aliqua perturbatione incitatus, is quasi manus violenter videtur asferre socio: qui autem non defendit, nec obsistit, si potest, iniuriæ, tam est in vitio, quam si aut parentes aut amicos, aut patriā deferat: ita, quod ille facit, ira facere iudicatur, quæ furor brevis censetur: quod hic, mala mens verè & malus animus, qui tyrannus perpetuus est. Et illius furor, ut cunque, huius destinatum consilium nulla ratione excusari queat. Dices; Vereor, ne dum ab illo iniuriam depello, huic faciam iniuriam. Imò verò iustitiæ prætextu iniustitiam tuam tegere vis. cum, si te ipse cōsulas, non te iustitia, ut officium deferas, sed quævis alia causa potius moveat. Etenim, ut ait ille alio loco, aut inimicitias, aut laborem, aut sumptus suscipere non vis, aut etiam negligentia, pigritia, inertia aut tuis studiis, quibusdā occupationibus sic impedis, ut eos quos tutari debeas, desertos esse patiaris. Dum verò tuum te negotium agere dicis, ne cuiquam facere videaris iniuriam, in alterum iniustitiæ genus incurris. Deferis enim vitæ societatem: quia nil confers in eam studij, nil operæ, nil facultatum. Hæc Ethnici philosophi & politici, piè sanè magis, quam multi hoc sæculo Christiani. Hinc vicinus, ni

*Diod. Sic.  
lib. 2. c. 2.*

domino sæuienti seruum eripiat, legib. Romanorum tenetur. Apud Ægyptios verò, qui obiter hominem à latronibus cædi, aut quamlibet iniuriam pati comperisset, neq; subuenisset, si potuisset, mortis erat reus: sin minus, latrones coram magistratu accusare tenebatur. Quod si neglexisset, plagis ad certum numerum, triduo quoque ieiunio plectebatur. Quod si id verò vicino in vicinum iure licet: imò ex officio incumbit, si obuius cuique in latronem, an non multò magis licebit bono principi, nō seruis quidem aduersus sæuientem dominum, aut filiis aduersus furem patrem: sed regno aduersus tyrannum, reipublicæ aduersus priuatam vnius libidinem, populo, domino, inquam, aduersus seruum & actorem publicum, opem ferre & patrocinari? imò verò si neglexerit, an non vt ille latronis, hic tyranni nomen pœnasque merebitur? Hinc Thucydides, Non ij modò, ait, tyranni sunt, qui alios in seruitutem redigunt, verum longè potius ij, qui, cùm eam violentiam reprimere possint, non curant. in primis verò, qui Defensores Græciæ & communis patriæ vocitari volunt: patriæ verò oppressæ non opitulantur. & rectè. Tyrannus enim quam violenter inuadit tyrannidem, violenter retinere quodammodo cogitur. quia lupum, vt dicebat Tyberius, auribus

*Thucyd.  
lib. 2.*

ribus tenere sibi videtur, quem neque absque vi retinere, neque absque periculo dimittere potest. Itaque crimen crimine ut extinguat, multa scelera patrat, ac aliis iniuriam inferre cogitur, ne sibi ipse iniuriosus sit. Hic vero princeps, qui tyranni scelera, innocentumque caedem, quae impedire potest, otiosus spectat, quia ex eo quasi gladiatorio ludo voluptatem captat, tanto tyranno criminiosior est, quanto qui gladiatores committit, ipso homicida gladiatore, quanto qui voluptatis causa, eo qui metu necessitateve coactus, hominem interficit. Si opponunt quidam: Verum culpa est, rei alienae sese immiscere: respondeat Terentianus Chremes: Homo sum, humani à me nihil alienum puto. Si, quod alij, ut latebras impietati quaerant, distinctos esse limites, distinctas iurisdictiones: in alienam vero messem falcem iniicere non licere: nec ego sane consulo, ut eo praetextu fines alienos inuadas, iurisdictionem alterius ad te rapias, messem vicini in aream tuam traducas, quod plerique eo praetextu faciunt. Non, inquam, ut arbitri illius exemplo, de quo Cicero, rem controuersam tibi ipse adiudices. Quin potius principem regnum Christi inuadentem coerceas, tyrannum intra limites suos contineas, populo afflicto, reipublicae prostrate, manum auxiliare porrigas.

Pompon.  
de reg. iur.  
leg. 36.

Cic. 2. Off.

Ita verò id præstes, ut non tuæ utilitati, sed humanæ societati omnino consulas. Cum enim iustitia tota foras spectet, iniustitia sui tantum rationem habeat: iuste demum id feceris, si commodorum tuorum rationem ullam habueris. Breuiter, si princeps fixos pietatis & iustitiæ limites violenter transiliet, poterit vicinus pie iusteque extra limites suos profligare, non ut inuadat aliena, sed ut suis illum contentum esse iubeat: quin impius & iniustus erit, si negligat. Si princeps in populum tyrannidem exerceat, non minus aut segnius illi opem feret, quam illi, si populus seditionem moueat: imò eò promptius debet, quod plures, quam vnum pati, miserabilius est. Si Porsena Tarquinium Superbum Romam reducat, multò equius Constantinus à populo senatuque Romano accersitus, Maxentium tyrannum vrbe expellet. Denique, si homo homini lupo fiat, quin & homo homini deus, ut est in proverbio esse possit, nil planè vetat. Itaque Herculem in deorum numerum retulit Antiquitas, quod Procrustem, Busyridem, & alios tyrannos, humani generis pestes, orbisque monstra ubique terrarum puniret & domaret. Sic & imperium Romanum, quamdiu liberum stetit, Orbis terræ aduersus tyrannorum latrocinia patrocinium vocitabatur: quia regum, populorum, nationum portus &

tus & refugium erat Senatus. Sic Constantinus à Romanis in Maxentium tyrannum accersitus, ducem exercitus Deum habuit, cuius expeditionem vniuersa ecclesia miris laudibus extulit, cum tamen eandem haberet auctoritatem Maxentius in Occidente, quam in Oriente Constantinus, Carolus Magnus quoq; in Longobardos bellum suscepit à Patriciis Italiæ in auxilium vocatus, cum tamen & Longobardorum regnum iampridem stabilitum esset, & nihil ipse iuris in illos sibi vindicare posset. Cōsimiliter cum Carolus Caluus rex Francorum, præsidem eius regionis, quæ Sequanā & Ligerim amnes interiacet, Lambertum ducem & Iamætium per tyrannidem de medio sustulisset, ac cæteri Galliæ optimates ad Ludouicum Germaniæ regem, Caroli ex alia matre fratrem, confugissent, auxilium in Caluum eiusque matrem Iuditham, sceleratissimam fœminam petitori: is in amplissimo principum Germaniæ cœtu supplices audiuit, quorum unanimi consilio, restituendis exulibus, bellum in Caluum publicè decretum fuit. Denique, vt tyranni ubiq; locorum extiterunt aliqui: ita & apud omnes Historiographos vindicatæ per Principes vicinos tyrannidis, defensiq; populi exempla passim extant, quæ principes hodierni, in tyrannis tum

*Ioan. As  
uentin in  
Annal.  
Beroaricæ.*

226 VINDIC. CONTRA  
corporum, tum animæ, tum reipubl. tum  
ecclesiæ Christi, coercēdis, imitari debent,  
ni ipsi tyranni meritissimo iure nominari  
velint.

Ac (vt tādē vno verbo hunc tractatum  
concludamus) iubet pietas, legem Dei cu-  
stodiri, Ecclesiamq; tueri; iustitia, tyrānos,  
iuris rei que publicæ euerfores, coercere:  
charitas, oppressis succurrere, manum que  
adiutricem præbere. Qui verò hæc tollunt,  
pietatem, iustitiam, charitatem de me-  
dio tollere & extinguere omni-  
no volunt.

F I N I S.

## ALPHONSVS MENESIVS

*Benauides, Tarraconensis, Gal-  
liam adloquitur.*

GALLIA, quid saeuo toties fremis horrida motu,  
 Religio sanctus flet laniata comas?  
 Cur populus bello regem, populumq; vicissim  
 Rex petit? indigno terra cruore rubet?  
 Cur fratrem frater lacerat? cur viscera ciuis  
 In sua crudeles ipse acuit gladios?  
 Vnde animis nouus iste furor? quæ tanta libido,  
 Sanguine cognato commaculare manus?  
 Scilicet, vt quondam, stabulis emissus Iberis,  
 Prata per, & campos, & inga, fertur equus:  
 Aut ratis in scopulos errat peritura latentes,  
 Nullus vbi celsa puppe magister adest:  
 Haud aliter, legum populo dum fræna relaxas,  
 Dum Regi soluis vincula, tota ruis.  
 At, populum & regem solitis tu siste lupatis,  
 Illicet antiquus restituetur honos.  
 Si ponas illi leges, hic seruet easdem,  
 Adtolles sursum, Gallia, læta caput.  
 Tu modò ne monitis aures præbere recusa,  
 Diuino Brutus quæ pius ore canit.  
 Candida pax primum cocat, Concordia surgat,  
 Fœdere sacrorum consocianda tibi:  
 His seni, vt solitum, Procures moderentur habenas,  
 Quos Patriæ patres dicitis, atq; Pares:  
 Quæis olim ducibus Rex atq; auctoribus vsus,  
 Arma foris rexit templa, forumq; domi.  
 Moribus antiquus, Regni Conuentus agatur

Legitimus, STATVVM nomine TERGE-  
MINVM,

Hoc Regum indomitos freno distringere gressus,  
His placeat loris colla superba regi.

Nam si nec leges, nec publica commoda rerum,  
Vnius arbitrio cuncta licere sinunt,

Quis nouus hic mos est? quæ tanta licentia? Callus  
Cur Princeps legum vincula nulla serat?

Non licuit Regi, ius, vectigalia, censum,  
Aut pacem, aut forti bella gerenda manu,  
Connubij aut tædas, noua vel decernere pacta.

Ni Populus, veteri more, iuberet idem.  
Ab: anne ille tamen, nostri ò graue dedecus aui,

Tunc Mahometanus miscuit arma pia,  
Et pepigit sibi, captiuas vrbesq; domosq;  
At capita, & prædam, barbære Turca, tibi?

Germanæ thalamos an tunc laniena, suorum  
Sanguine sædabat? Marsq; Hymenæus erat?

Non ita Rex Populo semper tutorq; paterq;  
Et Populus, proles Regis amica fuit.

Tunc potuit Pietas Regem, Populumq; f. delis  
Commendare animus, tunc bene i. nectus amor.

Fraudibus atq; dolus te non instruxerat ille  
Tusculus adhuc, vitis in. buerat q; suis.

Fregerat arte fidem nemo, iurataq; Pa. is  
N. rmina non v. li. fallere, ludus erat.

Sed Rex, Tr. iano s. n. ius: si iura secutus,  
Et patrias leges, impero, Calle, tibi,

Hoc pro me, dixit, gladio Dux vtere in hostem:  
Sin secus, hunc ipsum pectore conde meo.

Felix ò nimium, Pietas dum prouida, Regni  
Ordine tergemino te moderata fuit.

Vcrum



*Verum ubi successit senibus scelerata Iuventus.  
 Consiliis prauis, stulticiaq; peris.  
 Nonne ego iam video, crudelibus undiq; flammis  
 Sacra triumphari? non, tua iura rapi?  
 Non ego Nobilibus cædes, aconita parari?  
 Et nullum priscis legibus esse locum?  
 Iustitiæq; decus temni? Virtutis honores?  
 Et pessum Christi funditus ire fidem?  
 Summe animos fortes tamen, & patria adsere iura.  
 Præsto erit, audeto, numen ab arce Poli.  
 Fœdus ini, leges renoua, duce & auspice Christo.  
 Hic tua certa salus, præsidiumq; tuum.  
 Si leuis anxietas, si te spes vana moratur,  
 Eximit has Brutus, Gallia, ritè tibi.  
 Quin ego, te, quamuis telluris alumnus Iberæ,  
 Hostis & à patrij conditione soli,  
 Si licet, hortor idem, miseratus damna tuorum,  
 Tot Populi cædes, tot fera fata Ducum.  
 Credo equidem: hæc vincens immania monstra malorum,  
 Inscribes domitis, BRUTE, MAGISTER ERAS.*

F I N I S.

DE  
IVRE MA-  
GISTRATVVM IN  
SVBDITOS, ET OFFI-  
cio subditorum erga  
Magistratus.

*Tractatus brevis & perspicuus his turbu-  
lentis temporibus, viriq; ordini appri-  
mè necessarius.*

Ad Reges & Principes paræne-  
sis Davidis,

Psal. 2.

*Servite Iehouæ in timore, & exultate in tremore;  
Osculamini filium, ne fortè irascatur, & pereatis  
via, cum exarserit furor eius.*

Ad Subditos.

1. Pet. 2. 13.

*Proinde subiecti estote cuilibet humanæ ordinationi  
propter Dominum.*

## DE IVRE

## MAGISTRATVVM

IN SVBDITOS, ET OF-

*ficio subditorum erga Ma-  
gistratus.*

## QVÆST. I.



OLA vnus Dei Opt. max. volun-  
tas cum perpetua sit & immuta-  
bilis omnis Iustitię Regula, illi si-  
ne exceptione parendum esse di-  
cimus. Quod verò ad obedientiam Princi-  
pib. debitam attinet, vtiq; si ex Dei ore per-  
petuò imperarent tanquam Deo illis quo-  
que semper & sine exceptione obediendum  
esset. At cum plerunq; contrarium illis eue-  
niat, addenda est ad illà hæc conditio, dum  
nihil vel impium, vel iniquum præcipiant.  
Impia mandata voco, siue irreligiosa, quæ  
aut ea iubent quæ Deus in prima Legis suæ  
tabula vetat, aut ea vetant quæ in illa Deus  
præcipit. Iniqua verò præcepta dico, qui-  
bus id fieri inhibetur, vel non fieri iubetur,  
quod quisq; pro sua vocatione, aut publica,  
aut priuata, proximo ex charitate debet.

Hoc porrò tum rationibus tum manife-  
stis exemplis probare non erit difficile: Ait

*Humana  
mandata  
diuinis æ-  
quiparari  
sine Dei  
iniuria nō  
posse.*

Dominus per Esaiam prophetam, Gloriam meam alteri non dabo. Quāuis autem non ita peripicuē Dominus locutus eisset, re ipsa tamen constat non posse sine scelere edicta ex solo hominum arbitrio manantia, iis exæquari quæ Deus ipse mandauit. At par esset, æqualisq; Dei & hominum authoritas, si hominibus p̄inde ac Deo, sine exceptione parere semper esset necesse. Addo etiam quoties Dei iussu hominum mandatis postponuntur, toties homines supra Dei thronum euehi iam ad exēpla veniamus.

*Exod. 1. 21.  
Mandatū  
iniurum.*

PHARAONIS edictum de occidendis omnibus pueris masculis Hebræorum, iniquum erat, eiq; meritō obstetrices parere recusarunt, quarum domibus seu familiis idcirco Deus benedixit. Nabuchadnezaris autem de statua aurea adoranda edictum, planē impium & irreligiosum fuit: Et ideo

*Mandatū  
impium.*

*Dan. 3.*

Danielis socij illi obtemperare nolētes pietatis & constantiæ suæ Deum approbatorem, idq; manifesto miraculo, habuerunt. Mandatum autem Iesabelis de occidendis Dei prophetis & impium, & simul iniquū fuit: piē ergo fecit Abdias, qui illos non modo non occidit, sed viuos & occultauit & aluit. Cū porro Antiochus iuberet Idolis sacrificia offerri, sacrosanctas cæremonias violari, & diuina scripta prophetarum, legib; que igne comburi: sanctē tandem illius furori,

furori, qui reliqui erant fideles Duce Ma-  
 thathia sese opposuerunt, Principes etiam  
 sacerdotum & summum scribarum consi-  
 lium cum Euangelij prædicationem suis  
 minis prohibere conarētur: tantum abest,  
 ut illis Christus, aut post eum Apostoli, mo- *Ioan. 9. 12.*  
 rem gesserint, ut ille quidem sæpe publicè  
 in templo illis inuitis concionaretur: Hi ve-  
 rò apertè responderint se malle Deo obse-  
 qui quàm hominibus. Quorū exemplum  
 constantissimè postea sancti Martyres sunt  
 secuti. Itaq; rursus infero Magistratum o-  
 mnium auctoritatem (quátumuis magna  
 potentia & imperio sint præditi) duabus  
 hisce metis à Deo ipso positis veluti septis  
 cōcludi, Pietate scilicet & Charitate: Quas *Pietas &*  
 si transilire ipsis contigerit, meminisse iu- *charitas*  
 uabit Apostolici illius dicti, Præstat Deo *humana*  
 quàm hominibus obedire: ne vel ex eorum *obediens*  
 sumus caterua, quibus Dominus per Mi- *tia metæ.*  
 chæam maledicit, quòd impiis Regis sui *Mich. 6.*  
 mandatis obediissent: vel peruersa eorum *16.*  
 exempla imitemur, qui immanissimos e-  
 tiam tyrannos tanquam Deos adorarunt,  
 Dei & titulos & effecta illis tribuentes.  
 Quod de Domitiano præcipuè testatur im-  
 purus illi pœta Martialis, quum scribere  
 aulus est,

*Edictum Domini Deiq; nostri.*

Vtinam verò hoc nostro seculo non inue-

niantur, qui ab adulatione eiusmodi haud longè absint.

## QVÆST. II.

Hoc verò iactō fundamēto: Labet etiam in quædam alia inquirere, quæ ad hoc argumentum pertinere videntur, vt multorum conscientiiis satisfiat. Primò autē quæritur, num Magistratus teneatur omnium legum suarum cuius rationem reddere, vt & æquas & pias esse comprobet? Respondeo, non teneri: Quinimò æquum esse vt probi omnes subditi probè de Dominis suis sentiant, nihilq; iniusti de illis aut præsumant aut suspicētur: imò nec decere vt de rebus etiā dubiis nimis curiosè priuati homines inquirant, præter suum vel captū, vel conditionē. Si quorum tamen hæsitat conscientia, possunt illi ac debent etiā (modestè tamen & pacificè) scrutari quid rationis, & iustitiæ mādato insit, quo aliquid facere vel iubentur vel inhibentur: stat enim firmum Apostoli dictum; quicquid sit sine fide (id est dubitante conscientia iustēne id fiat, an secus) peccatum est. Cæterum si apertè irreligiosum, aut iniquum est quod præcipitur, tum quæ suprà dicta sunt, locum habeant.

## QVÆST. III.

PRAETEREA quæritur, quousq; hæc sententia de non obseruandis irreligiosis iniquisue Magistratum edictis, extendenda sit?

R. m. 14.

23.

sit? Hic respondeo: Vnicuiq; considerandum  
 quid sua ferat cōditio ac vocatio, siue gene-  
 ralis ea sit ac publica, siue priuata. Edicitne  
 Magistratus vt id agas, quod Deus prohi-  
 bet? (quemadmodum Pharaō Ægyptiacis *Exod. 1. 16.*  
 obstetricib. & Herodes suis satellitibus mā *Matt. 2. 17*  
 dans vt bimulos omnes trucidarēt) tum re-  
 ctè officio fungeris, si mandatum eiusmodi  
 non fueris executus. Sicut de clarissimo Iu-  
 riscōsulto Papiniano legimus, qui etsi Chri-  
 stianus non erat, maluit tamen à tyranno  
 Caracalla occidi, quàm fratricidium quod  
 patrarat, vel probare, vel suo patrocínio de-  
 fendere. Sin verò id Tyrannus vetat, quod  
 Deus mandat, nequaquam te officio defun-  
 cturū putes, si simpliciter obedire tyranno  
 recusaueris, nisi & Dei simul mandato ob-  
 tēperes, sicut Abdiam fecisse diximus, qui *1. Reg. 18.*  
 non solum prophetas Dei non interemit, *13.*  
 sed etiam seruauit & educauit, contra A-  
 chabi & Iesabelis mandatum: quoniam sci-  
 licet iubet Dominus fratribus periclitanti-  
 bus quātum pro sua cuiq; vocatione licet,  
 opem ferre. Sic & Apostoli, vt suprà dixi-  
 mus, non solum non cessarunt ab Euāgelij *Act. 5.*  
 prædicatione vt sacerdotibus obsequeren-  
 tur: sed contrā constanter prædicarunt vbi-  
 que, quoniam hoc mādatum expressè à Do-  
 mino acceperant: Ite, & predicate Euange- *Matt. 28.*  
 lium omni creaturæ, &c. Cū ergo hodie

videmus plerofque Magistratus ita fasci-  
 atos ab Antichristo Romano, vt feuerissi-  
 mis mandatis subditos execrando Missæ  
 sacrificio adesse cogant, piorum omnium  
 officium requirit, non solum vt id non præ-  
 stent, verum etiam vt Eliæ ac Elisæi, totius  
 deniq; veteris puræ & veræ Ecclesiæ exem-  
 plo, sese piis cœtibus adiungāt, ibi verbum  
 Dei audiant, sacramentisq; communice-  
 nt, prout Christus id fieri in Ecclesia præcepit.  
 Idem quoq; obseruare conuenit in officiis,  
 quæ homines hominibus tam iure diuino  
 quàm naturæ debent, vtpote liberi paren-  
 tibus, vxor marito, Pastor gregi, & in sum-  
 ma proximus proximo. Ab iis enim non  
 decet nos vllis vel edictis, vel nimis, vel æ-  
 tiam iniustissimis pœnis, absterri, aut ab-  
 duci: modò ne quicquā obedientiæ (quam  
 imprimis Deo debemus, qui his omnibus  
 maior est) ex huiusmodi præstitis officiis,  
 decedat.

## QVÆST. IIII.

*Quo modo à Magistratu iniuriam passus sese ad-  
 uersus illum tueri possit?*

Hinc etiam quæri solet, Quid bona  
 conscientia vir pius tum agere debeat, aut  
 possit, quum Magistratus ipsum quidem  
 ministrum suæ iniquitatis non facit, sed in  
 illum ipsum iniurius est? Hæc quæstio quia  
 pluribus cōstat membris, distinctione opus  
 habet.



habet. Si ergo Magistratus qui subdito in iuriam intulit, alteri superiori Magistratui subest, licebit per leges iniuriam patulo ad supremum Magistratum recurrere: sicut Paulum fecisse legimus, cū à Festo Iudeæ præfecto ad Cæsarem prouocauit, ut illius iniustitiam declinaret. Verum qui priuatæ sunt conditionis subditi, duo hic potissimū obseruent: primum ne quid nisi iuridicè experiantur. Deinde videant non solum quid liceat, sed maximè quid expediat. Is ipse enim Paulus, cū Philippis contra ius ciuiū Romanorum virginis ignominiosè indicta causa per Magistratus imprudentiam cæsus fuisset: iudicans se sua patientia Dei gloriam magis promoturum: ius suum ulterius prosecutus nō est, sed satis illi tum fuit, Magistratum iniustitiæ contra leges committæ, admonere. *Act. 25. 10.*

At verò si contingat (quod nimis frequenter nostro tempore vsuuenit) inferiorem Magistratum in alterum Magistratum inferiorem violentè aliquid moliri contra superioris expressam voluntatem: tum certè dixerim licere læso magistratui, tentatis prius omnibus legitimis & pacificis mediis, sese legibus armare & iustam defensionem, iniustæ violentiæ opponere, quemadmodum à Nehemia aduersus Sanabalatū & ipsius socios factitatum est. *Act. 16.*

Quid si autem supremus Magistratus  
 is est, à quo iniuria proficiscitur? Dominus  
 Iesus & post eum omnes Martyres suo e-  
 xemplo satis docuerunt, iniurias patienter  
 ferendas: & hæc summa est Christianorum  
 gloria, iniuriam ab omnibus pati, nemini  
 autem inferre. Quid igitur, dixerit quispiã,  
 nihilne remedij ergo superest aduersus sum-  
 mum Magistratum sua autoritate & po-  
 tentia abutentem, contra omnia iura tum  
 diuina tum humana? Superest sanè etiam à  
 rebus humanis petendum. Hoc verò cum di-  
 co, nemo putet me vel sanàticis Anabapti-  
 stis, vel aliis seditiosis ac turbulentis homi-  
 nibus, fauere velle, quos ego potius dignis-  
 simos censeam omnium reliquorum homi-  
 num odio, & seuerissimis etiam suppliciis.  
 Verumenim verò dicendum mihi quod res  
 est in hoc argumento: nec existimandum  
 est, eos qui docent quibus viis, salua con-  
 scientia, manifestæ tyrannidi obstiti possit,  
 bonos & legitimos magistratus, vel ea spo-  
 liare autoritate, qua à Deo donati sunt, vel  
 seditionibus viam sternere. Quinimò cer-  
 tum est neq; Magistratuum autoritatem  
 stabiliri, neque publicam tranquillitatem  
 posse conseruari (qui tamen præcipuus fi-  
 nis est omnium bene constitutarum poli-  
 tiarum) nisi & studiosè caueatur ne irrepat  
 tyrannis, & si iam irrepsit, diligenter aut  
 abo-

aboleatur, aut propulsetur. Quæritur ergo, an subditi iusto aliquo modo, sine Dei offensa manifestam tyrannidem summi Magistratus reprimere, vel etiam armis, si opus est, propulsare possint?

QVÆST. V.

*An armis reprimi manifesta tyrannis  
iure possit.*

HANC quæstionem ut dilucidius solvā, quædam mihi prius ponenda sunt, tanquā totius quæstionis bases: Nempe, Populos *De Magistratuum origine.* nō à Magistratibus primum dimanasse, sed quicumq; vel ab vno principe, vel ab electis à se primatibus regi voluerūt, eos antiquiores suis Magistratibus fuisse. Vnde consequitur non populos propter Magistratum, sed contrā Magistratus propter populum fuisse creatos: sicut tutor pupillo, non pupillus tutori constituitur: & pastor ob gregem, non grex propter pastorem. Id cum per se satis manifestum est, tum ex omnium ferè nationum historiis confirmari potest. Aded ut Deus ipse etsi Saluem precibus populi elegisset, quem Samueli substitueret, *1. Sam. 10.* voluerit tamen eum populi suffragiis in Regem & creari & suscipi. Sic David etsi Rex *2. Sam. 2.* à Deo ipso primū electus esset, noluit *et c.* tamen Regni administrationem suscipere, nisi prius & suffragiis & libero tribuum Israelitarum consensu confirmatus.

Simili ratione factum est, ut postea etiam, quanvis regnum ex Dei constitutione familiæ Davidis esset ad dictum, is demum tamen ex Davidis posteris regnaret, quem populus approbasset, & non alius (nisi fortè aliquid extra ordinem accideret, quod impedimentum afferret, ut cum mox Ægyptij, modò Syrij reges in populum Dei tyrannidem exercebant.) Adeò, ut hoc quidem regnum hæreditarium esset, si familiam spectes, sed si personam, electivum, id est, ab electione populi pendens. Quod videre est ex historiis <sup>a</sup> Salomonis, <sup>b</sup> Roboam, <sup>c</sup> Ioas, <sup>d</sup> Ozias & <sup>e</sup> Ioachaz. Vnde & Absalom occasionem paterni regni usurpandi captavit. Sic & enim ei respondit Chusai amicus Davidis, Nequaquam, sed quem elegerit Deus & populus iste, nempe univ ersus Israel, illius ero, & cum illo manebo. In summa si libet veteres historias, à prophetis etiam scriptorib, literis mandatas, scrutari, constabit (id quod natura etiam ipsa alta voce acclamare videtur) Magistratus, quorum autoritate inferiores regerentur, ideò creatos: quod necesse esset vel totum humanum genus perire, vel medium aliquem ordinem cõstitui, quo vnus pluresue reliquis amperarent, qui bonos tuerentur, improbos autem pœnis coercerent. Atque hoc est quod non solum Plato, Aristoteles

&amp;

a 1. Paral.

29. 22.

b 1. Reg.

12. 1.

c 2. Reg.

11. 12.

d 2. Paral.

26. 1.

e 2. Paral.

36. 1.

f 2. Sam.

15. 4.

g 2. Sam.

16. 18.

& reliqui naturales philosophi (sola rationis humane luce instructi) & docuerunt & probarunt: verum etiam Deus ipse, ore Pauli ad Romanos, totius ferè mundi dominos scribentis, claris verbis cōfirmavit. En quæ sit omnium tum Rerum publicarum, tum Potestatum origo, à Deo omnis boni auctore optima ratione repetita. Quod & Homerus agnovit, & liberè testatus est, Reges Iovis alumnos & populi pastores appellans. Quid igitur obstabit quin de Magistratuum, maximè supremorum, potestate sermonem instituentes, ad primam illam originem ex qua fluxerunt, transcendamus, & ad quem finem constituti fuerint consideremus? Cum certissimum sit omnem de rebus iustis, vel iniustis disputationem à fine & ordiendam & finiendam. Tum enim rectè & ordine aliquid factum censendum est, cum ad eum finem pertingit, ad quem destinatum fuerat.

Cum igitur de Magistratuum officio queritur, fatebuntur omnes, eas quidem esse illos & officij admonere, & libere quoque quoties ab eo deflectunt, reprehendere. At vero ubi agitur de manifestissimis tyrānis, vel cohibendis, vel pro ipsorum merito plectendis, tum plerique ad eò patiētiā, & preces ad Deum cōmendant, ut pro seditiosis, & pseudochristianis habeant, & damnent, quotquot ceruices suas ad carnificinam nō

submittant. Locus hic sanè lubricus est, idèdè rursus lectores obsecro meminerint eorum quæ proximè à me dicta sunt, ne ex iis quæ deinceps dicenda erunt, malas necitant consecutiones. Probatur quidem mihi maximè Christiana patientia, ut præ cæteris omnibus virtutibus laudabilis, & nunquam satis commendata, ad quam fateor studiosè homines esse adhortandos, quia plurimum ad consequendam æternam beatitudinem habeat momenti: seditiones, & omnem confusionem ceu immania monstra detestor: in afflictionibus præsertim, ab vno Deo pendendum esse censeo: preces cum seria resipiscentis coniunctas, agnosco necessaria & vera esse remedia ad profligandam tyrannidem, quandoquidem malum hoc inter flagella à Deo immissa ad populum castigandum meritò connumeratur. Sed nego hæc omnia obstare, quo minus liceat populis manifesta tyrannide oppressis, simul cum precibus & pœnitentia, aliis iustis aduersus illam remediis sese tueri: idq; firmissimis hisce rationibus nixus, confirmo:

His positis quæ suprà de origine Regum & aliorum Magistratuum probata sunt, consequitur non esse Reges legitimos, eos qui vi vel fraude eam potestatem vsurpant, quod nullo iure ad ipsos pertineat. Duo sunt  
verò

verò eiusmodi Tyrannorum genera: alij enim in conciuēs suos dominationem vsurpant contra leges positas & receptas, sicut Iulius Cæsar sub ficto Dictatoris perpetui titulo, Romanam Rempub. inuasit: & multi alij Tyranni, in Græcia præsertim, patriæ suæ libertatem oppresserunt. Alij autem non contenti ea qua iure in suos potiuntur dominatione, suas ditiones cum dispendio libertatis vicinorum suorum dilatant, & limitibus ampliant, qua ratione Monarchiæ iam à mundi initio in tantam peruenierunt amplitudinem: cuius rei nobis sacræ literæ exemplum in Nimbroto exhibent: sicut etiam hac via videmus Israelitas plerumq; à vicinis populis oppressos fuisse. Itaq; cum Tyranni illi nihil iuris haberent in Dei populum, Israelitis dico licuisse non solum edictis irreligiosis harum nationum non parere, sed etiam iustam defensionē, illorum iniquæ violentiæ opponere: ideoque præfectos tribuum grauitè peccasse, quoties coniunctis animis & viribus peregrino hosti pro patria libertate non occurrerunt, siquidem obstitendi facultas illi daretur: constat enim etiam priuatos homines iure tam diuino, quam humano, teneri, laboranti & oppressæ patriæ suæ totis viribus succurrere: præsertim verò cum & de Religione, & simul de libertate periclitatur.

*Gen 10.18.*

Verum est enim quod pirata ille captivus ad Alexandrum ductus dicere ausus est: Nihil differre se ab illo, nisi quòd ille magna navium copia mundum deprædaretur, ipse autem vnica naucula. His non aduersa-

*Obiectio.* tur quod quidam solent obiiicere: à Deo scilicet, transferri & permutari regna ac imperia: ideoq; sæpe Tyrannos potiri victoria

*Solutio.* Deo annuente. Absit enim vt propterea vel Lucani sententiæ subscribam, qui hoc modo, ius sceleris datum fuisse, canere ausus est: vel Demosthenis causam vt iniquam damnem, quòd patriæ suæ libertatem aduersus Philippi Macedonis violentiam defendens, victus succubuerit, Philippus autem victor euaserit. Quibus exemplis ideo vtor, non vt iis tâquam regulis piorum conscientia nitantur, sed quia & celebria sunt & plerisq; notissima: atq; etiam quòd etsi hæc inter profanas gentes acciderint, non tamen vsque adeò ab æquitatis norma distent, vt meritò dici non possit ab altera parte ius stetisse, ab altera iniustitiâ. Nec enim à solo euêtu prospero aut infelici (vt etiam Demosthenes Æschini aduersario suo, infelicem ipsi successum Chæronæsis prælii exprobranti, respondit) iudicandum censuerim, num iustè quid an iniustè susceptum sit. Nam (vt magis Christianè loquamur) solet plerunq; Deus vel hominum peccata

ita



ita vlcisci, vel suos eoufq; experiri, vt ipso-  
 rum cōsiliis (quamuis per se bonis & iustis)  
 longè alium exitum tribuat, quàm ipsi co-  
 gitarint; vt videre est potissimum in eo bel-  
 lo quod reliquæ tribus Israeliticæ in Benia-  
 mitas gesserunt. At Deus interim non mi- *Iudic. 20.*  
 nus iustus manet, quocunq; instrumento  
 sua iudicia exequatur: nec populi minus le-  
 gitimam causam aduersus hostes tyrannos  
 habuisse sunt existimandi, quia iusto aliquo  
 Dei iudicio prostrati corruerint. Quamob-  
 rem probari mihi nunquam potuit eorum  
 opinio, qui sine discrimine aut exceptione  
 vlla, omnes simul Tyrannicidas vno calcu- *Non om-*  
 lo damnât, quibus olim Græci tam egregia *nes Tyran-*  
 præmia decernebant. Nec magis placet co- *niciæ pro-*  
 rum sententia, quibus pleræq; liberationes *miscuē das*  
 in libro Iudicum notatæ, ita exoticæ viden- *mandi.*  
 tur atq; extraordinariæ: vt eas nullo modo  
 in exemplum trahi posse putent. Nam vult  
 verum sit, illos populi Israelitici Iudices di-  
 uino quodam ac extraordinario instinctu  
 ad ea præelara facinora patrandæ commo-  
 tos & excitatos fuisse: non tamē statim con-  
 sequitur, ipsos Israelitas (vel magistratum  
 gerentes, veletiam priuatos) non potuisse  
 iure ordinario exterorum tyrānidein pro-  
 pulsare, qui à populo neq; electi neq; pro-  
 bati essent. Quod verò liberationes illæ per  
 eos duntaxat acciderint, quos Deus extra

ordine excitavit, meæ sententiæ non refragatur, sed potius stuporem & fractum iusto Dei iudicio Israelitarum animum, ob sua scelera, coarguit. Ut igitur ea exempla rectè ac iure imitari liceât, vera hæc media tenenda existimo, nempe: si quis in alios iniustam dominationem vel capiet, vel iam usurparit (siue alienigena is sit, siue tanquam vipera ex patriæ visceribus prorumpat, ut eam nascendo interimat) tum privati homines ante omnia Magistratus suos legitimos adeant, ut, si fieri potest, publicus hostis publica auctoritate, & communi omnium consensu depellatur. Sin autem magistratus vel cōnieat, vel alioqui officium præstare recuset, tunc privatus quisque legitimus patriæ suæ (cui, post Deum, totum se debet) statum tueri pro viribus satagat, aduersus eum qui legitimus magistratus censeretur non potest, cum eam dignitatem contra leges publicas, vel iam usurparit, vel usurpare tentet.

*Iustus  
domina-  
tionis ali-  
us vsur-  
patur legi-  
timus effi-  
ci magis-  
tratus po-  
test.*

Hic porro animaduertendum est, vitium quod ab initio usurpationi inerat, posse postea emendari: adeò ut qui ab initio Tyrannus fuit, possit legitimus & inuiolabilis Magistratus effici, si videlicet postea liber & legitimus accesserit eorum consensus, qui verum & legitimam Magistratum creare, & constituere possunt. Exempli gratia: Iustum

sum erat bellum duce Pompeio aduersus  
 Cæsarem susceptum, quamuis in eo Cæ-  
 sar victor extiterit: sed si verum fuit populi  
 Romani postea libero & voluntario assen-  
 su, Cæsarem dominium illud summū, præ-  
 textu perpetuæ Dictaturæ consecutum fu-  
 ille, iam quærendum amplius non esset, an  
 coniuratio in eum facta iusta ac legitima  
 fuerit, nisi statim probetur, eum Dictatura  
 ipsa manifestè abusum. Audeo id quoq; cer-  
 tissimè affirmare, optimates illos ciues Ro-  
 manos potuisse, ac etiam debuisse, Rempu-  
 blicam aduersus Triumviratum defende-  
 re: sed non ausim dicere Cinnam, & socios  
 iure potuisse in necem Augusti coniurare,  
 post Regiam legem (quam vocant) promul-  
 gatam & receptam. Verùm hic quoq; di-  
 stinctione opus est. Nam dabitur hoc mihi,  
 opinor, cōsensum, siue à toto, siue à maiore  
 populi parte, vel vltro præstitum, vel vi aut  
 metu extortum, potius rescindendum esse,  
 quàm obseruandum, si certò confitet illum  
 cum æquitatē & honestatē manifestè pu-  
 gnare. Quis enim sibi persuadeat, populum  
 aliquē sponte ac sciēter, nulla vi adactū, sese  
 Principi alicui subiicere voluisse, hoc consi-  
 lio vt postea ab ipso iuguletur & penitus ex-  
 scindatur? At enim duo hīc rursus sunt ob-  
 seruanda, quoties ea vel rescindēda vel cor-  
 rigenda sunt, quibus inconsideratē con-

stentus est præstitus. Primum ne quid temere, deinde ne quid per seditionem tētetur, aut fiat: sed iusto ordine, ac modestè, quantum eius fieri poterit. Præsens Reipublicæ Christianæ status dūo nobis huius rei exemplā suppeditat, vtrāq; sanè maximi momenti. Primum est, iniustæ illius ac irreligiøsæ subiectionis, quæ sese Reges, & populi Antichristo Romano iureiurando obstruxerunt: quo iureiurando ipsos non magis teneri assero, quàm si nominatim & apertè Satanæ iurassent, sese omnia iura tum diuinā, tum humana euersuros. Alterum est, temporariæ illius, vt vocant, Iurisdictionis, quam Prælati ecclesiastici sibi vendicarunt. Quia enim ex diametro pugnat tum cum Christi mandato, tum cum ipsius & Apostolorum omnium apertissimis exemplis (vt præ cæteris D. Bernhardus manifestè ostendit) consequitur profectò, vt per se ipsa nulla sit: quandoquidem nec Principes ea se exuere aut spoliare, nec Ecclesiastici eam vel à Regibus vel à populis suscipere poterunt, vel pretio acquirere: nedum vt vi ac dolosis artibus eam vsurpare debuerint, vt eos fecisse constat in potissima mundi parte: Hæc verò dicta sint in Tyrannos qui dominium vel in conciuēs suos, vel in externos populos, sibi iniuste vendicarunt.

*Temporariæ  
iurisdictionis  
Ecclesiasticorum,  
manifestus est ab  
usus.*

*Quod sit officium subditorum erga superiores, qui in tyrannidem sunt prelapsi.*

SVPEREST VT iam alteram quæstionem tractemus, quæ non immerito his nostris temporibus à plerisque est agitata. Quid, scilicet, liceat bona conscientia subditis, quoties summi ipsorum Magistratus, alioquin legitimi, in Tyrannos degenerant manifestos: an tum supremorum Magistratum, in Tyrannos apertos conuersorum, auctoritas, tā sacra & intemerata esse debeat, vt eam ferre subditi omnino teneantur, adeo vt nullo modo illi resistere possint: vel si resistere quidē aliquo modo licet, an fas sit illis ad arma vsq; progredi? Respondeo, Tria omnino esse subditorum genera, seu subditos in triplici esse differētia. Alij enim priuati sunt homines, nulla publica administratione fungētes: alij magistratum quidem gerunt, sed hi summis Magistratibus subiiciuntur, (vt quos subalternos & inferiores Magistratus appellamus:) tertij etiam summum quidem Imperium non habeāt, nec suprema ac ordinaria potestate fungantur, constituti tamen sunt in eo ordine, vt sint quasi frena & habenæ ad supremum Magistratum in officio continendum. Vt verò diuersa sunt hæc genera, ita de singulis diuersè est respondendum.

*Tria subditorum genera.*

*Privatis  
non licere  
tyrāno cui  
legitimè  
substant,  
resistere.*

SIVE igitur qui privatæ sunt conditio-  
nis, spontè & apertè dominationi iniusti v-  
surpatoris consenserint (vt populus Rom.  
volens sese Augusto & ipsius successoribus  
subinilit) siue is qui legitimus erat ipsorum  
magistratus, in tyrannum euaserit manife-  
stum (qualis fuit inter Israelitas Abimelech,  
& triginta Athenis, ac Decemviri Romæ;  
aliiq; alibi) non licere tum dico, cuiquam  
privato (citra extraordinariam à Deo ipso  
vocationem, quam hîc non attingo) sua pri-  
uata authoritate vim vi aduersus Tyrannū  
opponere, sed oportere omnino, vt aut ab  
illius ditione discedat, & sedes mutet, aut  
ad Deum per preces confugiens, iugum Ty-  
ranni patienter ferat: modò ne (sicut ab ini-  
tio diximus) vel Tyrannidis ipsius aduer-  
sus quempiam, minister esse cogatur, vel  
quicquam eorum omittere, quæ aut Deo,  
aut proximo debetur. Verùm regeri posset  
aduersus hoc meum responsum, ad quod su-  
prà statuimus, de duplici illo Tyrannorum  
genere, quibus diximus etiam priuatos ho-  
mines posse ac debere totis viribus obliste-  
re. Nam eodem primo intuitu recidere vi-  
detur, siue quis priuatus dominium vsur-  
pet, siue quis sua dominatione legitima nō  
contentus, tyrannidem exerceat: vnde con-  
sequens videri possit, eandem etiam vtro-  
que casu decisionem locum habere. Sed si  
penitius

*Obiectio.*

penitus in res ipsas intueamur, cōspicuum *Solutio.*  
 est, quā maximè hæc duo genera disserre,  
 licet prorsus similia videantur. Is enim qui  
 alienos inuadit nullo modo sibi subditos,  
 etsi cupiat iuste & ex bono, & æquo do-  
 minari (sicut de Pisistrato & Demetrio Pha-  
 leræo apud Athenienses legimus) potest  
 tamen iure impediri, etiam armata manu,  
 & à quibusvis vel infimæ sortis, quibus  
 vim inferre voluerit, quum nullo iure illi  
 obstringuntur. Qui autem à populo suo se-  
 mel probatus & susceptus fuit, etsi suo iu-  
 re abutitur, retinet tamen authoritatis suæ  
 fundamentum in proprios & priuatos sub-  
 ditos, quoniam mutuo consensu, ac publi-  
 cè contracta obligatio, nullius priuati vo-  
 luntate solui, dirimīe potest. Quod si se-  
 cus fieret, infinitæ rerum perturbationes,  
 ipsa etiam Tyrannide peiores, sequerentur:  
 & in locum vnius tyranni, quē pro-  
 fligare mens esset, mille succederent. Præ-  
 terea vnica ratio, ex authoritate verbi Dei  
 petita maioris hīc esse debet momenti,  
 quā quicquid in contrarium adduci pos-  
 set. Paulus priuatis officium præscribens, *Rom. 13. 5.*  
 non modò Magistratibus (tam summis  
 quā subalternis) resistere prohibet, sed il-  
 lis etiam propter conscientiam obedire præ-  
 cipit. D. Petrus quoque iubet Regem ho-  
 nore afficere, memor, vt verisimile est, eius *1. Pet. 2. 17.*

reprehensionis, quam à Magistro audierat, cum gladium priuatus aduersus publicam potestatem (sua tamen autoritate in Dominum abutentem) strinxisset. At nemo nescit quales tum Cæsares essent, Tyberius, & Nero, reliquiq; prouinciarum præfecti. Hoc postea exemplū sancti Martyres sunt secuti, dum eos immanissimi Tyranni crudelissimè insectarentur, non solum sub imperatoribus, qui in Christianos ex Romanorum legibus sequebantur, verum etiam sub illis qui perinde edicta in gratiam Christianorum promulgata, violabant, vt accidit sub Iuliano Cæsare Apostata. In summa (vt hanc quæstionis partem tādē absoluaui) non licere dicō cuiquam priuato vi aperta sese tyranno opponere, cuius dominationi prius populus volens cōsensum præbuerit: si enim in priuatis contractibus, pactis conuentis, & promissis eousq; standum est, vt potius damnum patiamur, quàm fidem fallamus: quantò magis priuati cauere debēt, ne ab obligatione solenni, ac publico consensu contracta, vllō modo resiliant?

*De Magistratibus  
subalternis.*

VENIO nunc ad inferiores Magistratus, qui sunt velut intermedij, & vt vulgus loquitur, subalterni, inter summum magistratum, & populum. Quorum appellatione intelligo, non domesticos Regis ipsius officarios (qui scilicet munus aliquod in

Basilica



Basilica Regia exercent, & ipsius personæ, potius quàm Regno inseruiunt) sed eos potius qui publicis muneribus, id est ad Regni statum, vel iudiciorum causa, vel rerum bellicarum pertinentibus funguntur, qui ideo in ipsis Monarchiis non Regis, sed coronæ siue Regni (inter quæ summum est discrimen) administri nuncupantur. Cuiusmodi Romæ quidem erant Consules, Prætores, Præfectus vrbi, Præsides prouinciarum (quæ tum ipsi populo, tum Senatui etiam tempore Imperatorum tribuebatur) & similes Reipublicæ, vel Imperij officiales, qui propterea Pop. Roman. Magistratus, sub nouissimis etiam Imperatoribus, dicti sunt. Tales quoq; erant apud Israëlitas duces singularum tribuum, Millenarij, Centuriones, Quinquagenarij, Decuriones, & seniores populi. Quæ politica munera à Mose primum ordinata, nequaquã postea sunt abrogata, cum status ille Aristocraticus in Monarchicum mutaretur, quinimò sub Salomone exactè cōstituta & obseruata. Eius generis varij magistratuum ordines sunt etiam hodie in plerisq; Christianorum Regnis, inter quos iure censendi sunt, qui Duces, Marchiones, Comites, Vicecomites, Barones, Castellani vocantur, vt qui olim officia & munia publica exercerent, ad ea certo ordine legitimeq; allekti.

*Alij sunt  
Regni, alij  
Regis  
ministri.*

*Pleraque  
munia pu-  
blica in di-  
gnitates  
hæredita-  
rias pers-  
mutata.*

Quæ et si postea in dignitates hæreditarias transierunt, nequaquam tamen pristinum ius & auctoritatem amiserunt. In hunc ordinem præterea connumerandi sunt, qui in ciuitatibus ad varia munera eliguntur, quales sunt quos vulgo Maiores, Viguerios, (seu Vicarios) Consules, Capitolinos, Syndicos, Scabinos & eiusmodi, nuncupant.

*Inferiores  
Magistra-  
tus non à  
persona su-  
premi, sed  
ab ipsa su-  
premitate  
pendent.*

Hi porro omnes et si supremo Magistratui subsunt, ab eoq; mandata accipiunt, ab eo denique inaugurantur, & approbantur, non tamen ab eo propriè pendent, sed ab ipsa (vt ita loquar) supremitate: id est, à summa illa Imperij seu regni *δυναμεις* & auctoritate: ideoque defuncto eo qui summum Magistratum gessit, manent hi in suo quisque gradu, vt prius: quemadmodum & ipsa suprema potestas eadem manet. Quod enim is qui in Demortui locum succedit eiusmodi inferiores Magistratus, vt & ciuitatum priuilegia, confirmat (quam consuetudinem in Romano Imperio primum inuexisse Tyberium Cæsarem, tradit Suetonius in Vespasiano: quæq; nec prioribus seculis in vsu erat in Gallia, nisi fortè cum regnum à parentibus, non ad filios transibat, sed ad externos) id verò, inquam, nō efficit vt summus Magistratus, eorum *ἀρχὴς*, id est, primarius auctor sit habendus, à quo principium habeant: cū & supremus ipse ante-  
quam

quam in possessionem summæ suæ administrationis verè mittatur, iusiurandum vicissim ipsi supremæ potestati præstet, iuxta conditiones in iusiurandi formula expressas: sicut postmodum ipse à singulis quoq; officiariis iuramentum suscipit: adeò vt eiusmodi confirmatio nullum ius nouum conferat (quemadmodum nec inuestitura noui Vassalli, aut à nouo Domino facta) sed noua est duntaxat veteris iuris agnitio, propter mutationē personę. Hinc apparet mutuam esse obligationem inter Regem & Regni officarios: neq; totam Regni administrationem Regi soli esse commissam, sed supremū duntaxat eius gradū: & singulos officarios inferiores, eius partem obtinere pro suo quoenq; gradu, idq; certis vtrinq; conditionibus. Quæ conditiones si ab inferioribus Magistratibus non seruētur, supremi est Magistratus illos vel officio abdicare, vel coercere, causa tamen cognita, & non nisi eo ordine, quem Regni leges perscribunt, nisi & ipse à iureiurādo, quo se ex legibus regnatorum promisit, discedere velit. E diuerso verò si is qui regiam dignitatem vel electione, vel iure hæreditario adeptus est, manifestè ab iis conditionibus deflectat, sub quib. nominatim rex est & agnitus & approbatus: quis dubitet inferiores Regni Magistratus, ipsasq; adeo prouincias, ac ciuitates, quarū

*Mutuam esse supremorum ad inferiores, & inferiorum ad supremos Magistratus obligationem.*

administratio illis commissâ est, à suo iureiurando hætenus saltem esse ipso iure liberatos, ut ipsis liceat sese manifestæ eius Regni oppressioni opponere, cuius tutelam & protectionem pro suo quisque munere, cum iureiurando susceperunt? Quid igitur? dicet quispiam, an qui modò pro summo Magistratu habebatur (cuius authoritas esse debet inuiolabilis) mox pro cuiusque inferioris nutu, tanquam priuatus homo reputabitur, ut liceat in eum tanquam in publicum hostem irrucere? Minimè verò, inquam, hoc enim esset fenestram, ut aiunt, ad quasuis impias seditiones, & coniurationes aperire. At enim nos de publica & manifesta Tyrannide, de quæ eiusmodi Tyrannis sermonem habemus, qui nullas omnino commonefactiones admittere aut ferre possunt. Deinde non agimus hic de tyranno prorsus è suo solio deturbando, & abiiciendo: sed quærimus, an ne quisquam ipsius manifestæ violentiæ, pro suo gradu sese opponere possit, ac debeat? cum iam prius ostensum sit, æquum non esse quempiam pro suo arbitrio publicè contractam obligationem soluere, quisquis tandem is fuerit, & quantumuis etiam iustam de tyranno conquerendi causam habeat. Verùm cum vicissim isti inferiores regni administrati, à potestate ipsa suprema hoc munus

*Inferiorū  
magistratuum  
officiū.*

nus acceperint, vt de obseruatione & custodia legum inter eos caueant, qui ipsorum curæ sunt commissi: seseq; ipsi ad id omni fide præstandum iureiurâdo obstrinxerint (à quo nulla illius culpa absolui possunt, qui ex Rege Tyrannus factus, apertissimè eas condiciones transgreditur, sub quibus Rex designatus fuerat, quarumq; obseruationem ipse iurauerat) an non æquum omni iure tam diuino quàm humano fuerit, aliquid istis inferioribus Magistratibus amplius concedi, ratione præstiti ab ipsis iuramenti de procuranda legum obseruatione, quàm illis qui priuatæ sunt omnino conditionis & absq; vllò publico munere? Dico igitur si eò necessitatis fuerint adacti, teneri ipsos omnino aduersus manifestam Tyrānidem salutem eorum procurare (etiam armata manu si possunt) qui ipsorum fidei & curæ sunt traditi: tantisper dum excommuni statuum, vel νομοφυλάκων (id est eorum, penes quos est omnis legum Regni illius, aut imperij de quo agitur, autoritas) consilio, melius rebus publicis consultum sit, & vt decet prouisum. Hoc porrò non est seditiosum, aut in supremum suum Magistratum perfidum esse, sed potius fidelissimum iuramenti sui obseruatorem, erga eos quorum gubernationem quisque susceperit, aduersus periurium, & Regni illius op-

quam per me fieri cognoueris, eo in perniciem meam vtaris velim. Sed nunc ad sacram historiam conuertamur, quæ vera & irrefragabilia multa exempla nobis suppeditabit, quibus obfirmentur piorum conscientię. Cùm Dauid ad necem quæreretur à Saule crudelissimo, & perfidissimo Tyranno, neminem habuit ex ducibus Tribuum, Millenariis, Centurionibus, aut senioribus populi, qui causam suam tutaretur aduersus tam impotentem Tyrannidem, non solum in ipsius Dauidis, sed etiam in totius Regni (maximè post summorum sacerdotum horrendam cædem) perniciem vergeñtem: itaq; vt Tyranni furorem deuizet, atque illuc profugus vagatur, sed cùm priuatus amplius non esset (quinimo vnus è regni ministris, dux scilicet exercituum Israelis) & prætereà ius successionis à Deo illi promissum fuisset (quod nec Saulem la- 1. Sam. 24. tebat) armis sese & militibus communi- 21. uit, tentatis prius omnibus aliis mediis: in- 1. Sam. 22. terim tamen suis limitibus se continens, 2. tantum abest vt vel in regis personam quicquam molietur, cum etiam deprehensum, viuum saluumq; è manibus suis dimiserit: vel regnum ipsum inuadat, vt etiam Saule 1. Sam. 14. rege mortuo, cui se successurum certò sciebat, ne pedem quidem extrulerit ad regiam 7. sedem occupandam, nisi quantum Deus 2. Sam. 1. 1.

1. Sam. 23.  
ver. 9.

1. Sam 25.  
ver. 28.

2. Chron.  
21. 10.

ipse eum promouet, & totius populi consensu aduocatur. Attamen satis constat propositum illi fuisse armis sese tueri ob prædictas causas. Quorsum enim alioqui illæ militum copię quibus comitabatur? Quod verò tam anxie Deum consulit, num ciues Xeilæ eum, & milites suos in manus Saulis sint tradituri, apertè ostendit, statuisse illum omnino mœnis oppidi illius Sauli obsidentis opponere, si in tuto se illic fore cognouisset. Quod factum damnari non potest, nisi & Dauid seditionis ac perduellionis infimuletur, (quod tamen ne suspicari ovidem licet) & prudens Abigail mendacij arguatur, quæ Dauidem, iusta defensione aduersus iniustum persecutorem vtentem, bella Domini gerere apertè professæ est. Habemus & aliud exemplum euidentissimum de oppido Lobna, quod domicilium erat Sacerdotum. Illud enim defecit ab Iorá sexto Dauidis successore, ne amplius illi subesset: eiusque defectionis causa in ipso historiæ contextu exprimitur, nempe quòd rex Ioram, Dominum Deum patrum suorum dereliquisset. At cum ad sacerdotes oppidum ipsum pertineret, clarè liquet longè diuersum esse hoc Lobnensium factum ab Edumeorum defectione, quæ sub eodem Rege & eodem tempore accidit. Neque enim verò simile est, Edumeos ab Israelitarum subiectione

iectione sese subtraxisse, vt vero Deo adhæ-  
rerent, cui nunquam ex animo seruiuerant,  
sed odio duntaxat Israelitarum & recupe-  
randæ libertatis cupiditate. At sacerdotes,  
vel illi saltem (si hos prius secessisse arbitra-  
bimur) qui post Deum Lobnæ dominium  
obtenebāt, pietatis suæ egregium specimen  
ediderunt, cū simul & Deo & Tyranno  
parere non valentes, huius iugum excusse-  
runt, vt in Dei cultu & obsequio permane-  
rent. Hæc duo exempla, præter suprā cita-  
tas rationes, ita sunt certa, & authentica, vt  
sola (meo iudicio) sufficere possint, ad ob-  
firmandas inferiorum Magistratuū con-  
scientias: quoties eos necessitas cogit, post  
tentata omnia illa remedia, ad arma confu-  
gere, vt suos aduersus Tyrannidem mani-  
festam tueantur, ac conseruent, non concita-  
ndæ, sed potius vitandæ seditionis gra-  
tia: sicut maiorum nostrorum ætate eo-  
rum Tyrannis, qui in Heluetios domina-  
bantur, occasionem Magistratibus muni-  
cipalibus dedit, vendicandi sese in eam li-  
bertatem qua hodie fruuntur.

## REPETITIO VI. QVÆST.

SUPEREST vt de tertio subditorum ge-  
nere loquamur, qui etsi reuera ac certo  
quodam respectu supremorum Magistra-  
tuū obedientiæ subsint, alio tamen respe-  
ctu, maximè rebus angustis extremisque,

*Ordines  
sine status  
adfrenans  
dos supre-  
mos magis*



*Magistratus cō-*  
*stituti. po-*  
*sunt ac de-*  
*bent omni-*  
*bus modis*  
*illius resistere*  
*cum in*  
*Tyrannos*  
*degenerāt*

constituti sunt defensores ac protectores iurium ipsius supremæ potestatis, ut summos Magistratus in officio retineant, eosque, si opus erit & coerceāt, & mulcent. Hic verò meminisse oportet eorum quæ suprà dicta sunt, nempe populum extirpasse priusquam magistratus ullus esset, & propter populum Magistratus creatos, non contra populum propter Magistratum. Quantumvis enim quidam populi à suis regibus originem traxisse videātur (ut à Romulo populus Romanus creatus fuisse dicitur, quia prius originalis populus non fuerit, sed multitudo quædam ex variis gentibus & populis collecta) id tamen ad alios trahi haudquaquam potest, ut inde Regula generalis constituatur. Prætereane Romulus quidē in has gentes collectitias, nisi ex ipsarum consensu dominatus est. Inde sequitur Magistratum omnium, quantumvis supremorum, ac potentium, auctoritatem, à publica eorum auctoritate pendere, qui ipsos ad hunc dignitatis gradum euexerunt, non contrā. Ac ne quis obiciat, hanc quidem primam fuisse Magistratum originem, sed postea populos sese prorsus eorum potentiae, & arbitrio subiecisse, quos pro summis Magistratibus recepissent, & omnem suam libertatem sine exceptione illis omnino resignasse. Nego primum, certò de hac omnimoda abdicazione  
con-

constare: quin contrà affirmo, nullam gentem (quandiu ius & æquitas viguerunt) Reges suos aut creasse, aut approbasse nisi certis apposis conditionibus. Quas si illi manifestè violant, efficitur vt qui hanc in illos authoritatem conferre potuerunt, non minus potestatis in ea illis rursus adimenda retinuerint. Quod vt clarius appareat, dispiciamus an non per omnes ætates, inter famosissimas quasq; Nationes & magis notas, perpetuo vñ hoc comprobari possit.

DVCAMVS autem exordium à Romanorum Regno, ac deinde imperio, licet hi *I. Exempla Romanorum temporis Regū. Liu. lib. i. ab V. C.* vetustiores non fuerint. Titus Livius initia Romani Regni describens, refert, cum cuncti illi, inter reges nominati, qui post Romuli (primi huius populi progenitoris) mortem populo per vices præerant, plebi non placerent, communi consensu statutum, vt deinceps Reges suffragiis populi crearentur, & Senatus authoritate firmarentur. Idem de Tarquinio Superbo ultimo Romano rege loquens: Neq; enim (inquit) ad ius Regni quicquā præter vim habebat, vt qui nec populi iussu, neq; authoribus patribus regnaret. Ac mox multa recenset quæ ab illo contra maiorum instituta fierent. Hic enim, inquit, regum primus, vt traditur, à prioribus morem de omnibus Senatum consulēdi soluit, Rempublicam domesticis

consiliis administravit, bellum, pacem, fœdera, societatesque per se ipse cum quibus voluit iniussu populi, ac Senatus, fecit diremitque. Ex quibus verbis satis constat Romanorum Reges non nisi certis conditionibus fuisse admissos, quas si non præstarent, populus iuxta civium distinctos ordines convocatus, non minus ad illos exautorandos, quàm ad eos constituendos, potestatis haberet: quod erga illum ipsum Tyrannum factò ipso satis demonstrarunt. Cæterùm præter id quod Seneca ex libris Ciceronis de Republica annotavit: nempe, prouocationem fuisse à Rege ad populum (quod in causa capitali Horatii sororicidæ factitatum est, qui à delegatis per Tullum Hostilium Regem iudicibus damnatus, à populo postea est absolutus) præter id, inquam, testatur etiam Dionysius Romulū, dum cum suis de statu Romano constituendo consilium cœpisset, pronūciassē, Regem quidem custodem esse Legum: at interim penes populum relictam potestatem fuisse creandorum Magistratum, Legum constituendarum, & indicēdi belli. Quod primis Gallicæ Monarchiæ architectis pro archetypo fuisse verisimile est, ut infra docebitur. Adhæc ex Collatini, qui primus cum Bruto consul fuit, historia patet, populum, (cuius appellatione non tantum status ille

[plebeius,

plebeius, quem hodie tertium appellamus, intelligendus est, sed tres illi simul ordines qui Romæ erant, nempe Patricius, Equestris & Plebeius) eandem authoritatem in Consulum Consules quoq; habuisse: quamvis illi super-  
*potestas.*  
 Lib. 2. ad  
 V.C.  
 vbi Dictatore carerent. Id enim testatur etiam Liuius his verbis: Timens Consul ne postmodum priuato sibi, eadem illa cum bonorum amissione, additaque insuper alia ignominia, acciderent, consulatu se abdicauit. At Collatinus nullius criminis inculpabatur, sed suspectum erat duntaxat populo Tarquini-  
 orum nomen, è quorum familia erat Consul Collatinus, inde ergo facile est colligere, multo magis hoc iure populum usurum fuisse, si quis consul alicuius criminis reus esset peractus: quamvis ex Legum præscripto expectandum esset, vt (quia temporarium magistratum gerebant) tempus statutum im-  
 plement, priusquam causam dicere cogerentur. Fateor quidem Decemuiros postea creatos, à quibus ad alium Magistratum non erat prouocatio: verum cum alternatim imperarent, licebat ab vnus sententia ad alterum appellare: tatum abest vt cuiusquam immensa, & nullis limitibus conclusa potestas, Pop. Rom. vnquam placuerit: quin tandem etiam Decemuiros ipsos officio sese abdicare coegit. Quod verò ad

*Dictatoris.*

Dictatoris potestatem attinet, verum est quidem ab illo non licuisse ad alium provocare: sed hæc dignitas non nisi extrema aliqua necessitate laborante, & pene oppressa Repub. in usu erat, & id quidem ad brevissimum tempus, semestrem scilicet. Sed (quod etiam maius est) si quando ab suprema potestate ad populum provocatum est, consensit ille ultro: ut ex iis quæ Romæ anno ab V. C. ccccxix. inter L. Papirium Dictatorem & Q. Fabium cōtigerunt, videre est. Quid si ulterius progredi libet, & ad Cæsares usque pertingere? Etsi Julius Cæsar Repub. vi potius, quàm voluntario populi assensu occupasset: videri tamen voluit à populo iuxta antiquas consuetudines, dignitates omnes, & munera, quæ obtinebat, consecutus, & ob id duntaxat reprehensus existimatur à multis (ac etiam tandem iure occisus) quòd nimis multas dignitates cumulasset.

*Augustus.*

Augustus eius successor adoptatus quidem ab illo fuit, sed non hæres Imperij relictus: ideo persuadere conatus est, se iure, & à populo obtinuisse, quod vi occuparat. Nec Tyberius alia ratione ei successit. Et post eum

*Tyberius.*

*Caligula.*

*Claudius.*

Caligula summo tum Senatus, tum populi consensu Cæsar est appellatus. Claudius vero primus quidem imperium militari & cœmptu fauore obtinuit, ac non nisi consentiente populo illud rexit, qui tum volens se se

seſe in miſeram ſervitutem præceps dedi-  
dit. Nero autem illi ſuccedens, cum vene-  
no illum ſuſtuliffet, imperium aperta vio-  
lencia occupavit. Sed eius exitus exemplū  
nobis ſingulare ſuppeditat eius authorita-  
tis quam Senatus adhuc tum retinebat.  
Nam is iure ſuo utens (quod diu quaſi ſopi-  
tum delituerat) dicitur nominatim, Nero-  
nem populi Romani hoſtem prius iudica-  
tum, capite damnaſſe. Unde apparet ipſos  
etiam Cæſares Tyrannos factos, iuridicè &  
coerceri & daminari potuiſſe: ipſorumque  
imperium etſi latiffimè ex lege Regia (pro-  
pter Auguſtum lata, & propter Veſpaſiani  
confirmata) pateret, certis tamen limitibus  
definitum, nec ſine exceptione probatum  
fuiſſe: quandiu iuri & æquitati locus fuit.  
Ecquid enim aliud eſt Tyrannis quàm po-  
teſtas aduerſus leges ſeſe exerens? de cuius  
amplitudine & expansione nobis dicere  
non eſt propoſitum (quæ enim effrenæ cu-  
piditatis & malitiæ Tyrannorum meta eſſe  
potest?) ſed de legitima tantum regum a-  
liorumque principum poteſtate legibus fini-  
ta, atque hæc quidem de Romanis.

ATHENIENSES porro cum abrogatam 11.  
Democratiam in Ariſtocratiam commutaſſent, Triginta primum viros, poſtea decem *Exempla*  
tantum publicæ gubernationi præfecerunt, *ex Athe-*  
ut ipſorum hiftoriæ perhibent: quos, cum *nienſiū Re-*  
*publica.*

authoritate sua abuteretur, deinceps & ab officio remouerunt, & dignis suppliciis etiam affecerunt, eodem scilicet iure in eovtentes, quo illos primùm creauerant.

III.

*Exempla  
à Lacedæ-  
monis pe-  
cita.*

NOTVM est etiam Lacedæmonios, Reges suos pro arbitrio ex Heraclidarum familia eligere solitos. Quod mutare Lysandrum voluisse tradit Plutarchus, sed frustra. Rege autem certis conditionibus electo, Ephoros constituerunt, qui Reges in officio retinerent, ac veluti habenis frænarent. Hi porrò alios modò expulerunt, modò capitis supplicio affecerunt, donec tandem proditiōe Cleomenis Tyranni, omnes occiderentur: quo factò Lacedæmon simul cū dominatione libertatem amisit. Venit autem hīc mihi in mentem pulcherrimus ille Xenophontis locus, quo de Lacedæmoniorū Republica verba faciens tradit, Regem & Ephoros singulis mensibus sese mutuo iureiurando obligare cōsuevisse, hoc quidem omnium ciuium, illum proprio suo nomine: ac Regem quidem hoc iuramento polliceri, se ex præscripto constitutarum legum regnaturum: Ephoros autem se ciuitatem illi conseruaturos, si iusiurandum seruasset.

IIII.

*Exempla  
ex Israelitæ  
tarum mo-  
narchiæ.*

VENIAMVS nunc ad Israeliticam monarchiam, omnium quæ vnquam fuerunt perfectissimam si ea Israelitæ contenti fuissent. Hoc verò primum eam veluti supra sidera euehit,

euehit, quòd ab initio Deus ipse æternus,  
 eius vnicus Monarcha fuerit: non eo tan- *In felitas*  
 tùm nomine, quòd ipse rerum omnium su- *Monar-*  
 premum dominum obtineat, sed singulari *chia om-*  
 quodam modo, nempe: quòd leges per Mo- *nium felis-*  
 sem visibiliter Israelitis constituerit, quòd *cissimacur*  
 populum suum per Iehosua in terrâ pro- *extiterit.*  
 missam exerto veluti brachio introduxerit, *Ios. 2. 10.*  
 quod deniq; illis præfuerit, eosque rexerit;  
 in eorum scilicet persona, quos ipse imme-  
 diatè ad illius gubernacula præfecisset, qui  
 Iudices vocabantur. Eo igitur tempore *Ab-*  
*olita* Israelis verè Monarchica fuit (quam-  
 uis Deus quorundam ministerio pro bene-  
 placito suo vteretur) quòd si regna omnia  
 hunc Monarcham haberent, vel saltem om-  
 nes Monarchæ ab hoc summo mundi to-  
 tius domino, se regi semper paterètur, non  
 minus superflua esset hæc, de qua agitur,  
 quæstio, quam ea nunc per necessaria esse a-  
 gnoscitur. At enim felix ille huius Reipub.  
 status, (qui nulli vnquam præter huic popu-  
 lo obtigit) stupendo, & insolenti modo mu-  
 tatus est. Nam reliquarum gentium Monar- *Quomodo*  
 chiæ in Tyrannidem, ipsorum Monarcha- *abolita*  
 rum culpa, deflexerunt: At Israelitæ, cùm *fuerit Is-*  
 tantum bonum non agnoscerent, verum il- *raelitarū*  
 lum suum Monarcham, qui Tyrannus fieri *Monar-*  
 nunquã poterat, veluti inuitum adegerunt, *chia.*  
 vt ipsis Regem ex hominibus constitueret, *1. Sam. 8.*  
 4. 11.



sicut & reliquis populis. Dominus ergo tandem illorum votis annuit, sed in ira & indignatione sua: non quasi statum Monarchicum per se eo facto damnare voluerit, sed quia hæc mutatio à populo cerebricoso & refractario esset profecta. Interea hoc dissimulari neque potest, nec debet: Regem nullum à condito mundo (etiam si optimum quemque feligas) extitisse qui sua auctoritate non fuerit aliquatenus abusus, adeò ut omnino fatendum sit, (id quod Philosophi etiam sola ratione naturali instructi agnouerunt)

*Monarchia quomodo & quando perniciofa*

Monarchicam dominationem perniciosam ac interitum potius populo asferre, quam præsidium & salutem, nisi habentis quibusdam coarctetur, quibus fiat, ut maximum illud bonum quod ex ea potest emanare, colligi: & ingens malum, quod alioqui oratione ex illa consequi necesse est, vitari & impediri possit. Vtor hac præfatione, de Israeliticæ Regni primordiis sermonem ingressus, quoniam horum omnium clara illic exempla extant: ad quæ ut tam Reges quam populi sollicitè animaduverterent, esset operæ pretium, ne alios ab aliis opprimi tam sæpe contingeret: sed potius utrisque Dei (à quo solo omnis manat tranquillitas) gloria, ita curæ esset, ut & qui imperant, & qui parent, simul pacificè sese tueri satagerent. Verum ut eò redeam, unde sum digressus: Dominus merito

meritò in populum suum ira percussus, vt quid illis ex temerario illo quo agitabatur affectu, expectandum esset clarè ostenderet, prædicit illis per Samuelem miris omnino verbis, quod sit ius illud futurum, quod historia ius Regis vocat: nempe in summa, *Ius Regiū*  
Regem pro libidine & personas, & bona *è Samuele*  
subditorum vsurpaturum, & ad suos vsus *prædictū*  
conuersurum: quod certè Tyrannicum est *quale.*  
potius, quàm Regium. Quis enim meritò dubitare ausit, Dei solius esse meram suam voluntatem loco rationis obtrudere? cùm nihil iustū dici possit, nisi quod prius Deus voluerit: Dei enim solius voluntas vera est ac certa omnis iustitiæ Regula, vt ab initio dictum est. Cōtrà verò hominibus accidit, quorū etiam ratio iustis, ac sanctis legibus subiici, & moderari debet, in iis præcipuè; qui alius præsunt: adeò vt toto cælo errent, qui Samuelis verba ita accipiunt, quasi is author Regibus esse voluerit, quilibet audendi: aut quæcunq; illi ea ea voluntate egerint, approbarit: iuxta execrandum impuræ illius incestuosæ dictum: Si libet, licet: quod, prohi dolor: plusquam satis nostro hoc seculo iactatur, & præstatur. Quinimo ita accipienda sunt Samuelis verba, quasi Isaaclem increpans diceret: Non sufficit vobis Deum ipsum pro Monarcha vestro habere, vt fuit hætenus peculiari

quodam favore: sed alium ac talem expectis, qualem habent reliqui populi: continget ergò vobis talis: At audite rursus, quid iuris ille in vos sit vsurpaturus, & qua æquitate ac iustitia vobis dominaturus. Hunc

*Reges Iuda à populo electi.*

*David.*

*2. Sam. 5. 1.*

*Salomon.*

*1. Par. 29.*

*12.*

esse sensum verborum Samuelis experientia ipsa postea ostendit. Dico igitur: quamvis Deus nominatim Davidem elegeret, oportuisse tamen eum etiam à populo eligi: qui in eo eligendo rectè, prout debuit, Dei voluntatem sit secutus. Idem accidit quoque in Salomone, qui à Deo primùm electus, à populo secundariò Rex creatus fuit. Et in genere: quamvis diadema regium ex Dei mandato, hæreditario iure ad familiam Davidis pertineret, populus tamen, ut supra à nobis ostensum est, ex demortui Regis liberis eum eligebat, quem regnare mallet. Idq; duplici obligatione interueniente, ut

*Ioas.*

*3. Reg. 11.*

*4. & 17.*

patet ex historia Ioas. Nam tam Rex quam populus, solenni iureiurando Deo primum pollicebantur se leges ipsius tam Ecclesiasticas, quam politicas observaturos. Adhibebatur postea & aliud iuramentum mutuum inter Regem ipsum, & populum. At verò, dixerit quispiam, eratne propterea ius populo (id est, ordinibus populi) in eum quem elegerat, cum officiū non præstaret, animadvertere? Erat profecto, quod quatuor exemplis potissimum probari potest.

*Populi Israelitici*

*potestas in*

*profligandis*

*id est in*

*Re-*

*gibus.*

Si enim

Si enim licuit Dauidi aduersus Saulis tyrannidem sese tueri, vt paulo antè visum est, & Lobnensibus ab obedientia Iorami deficere (qui tamen inferiores tantum Magistratus erant) nonne inde meritò colligam, Regiis ordinibus multò etiam plura ipso iure licuisse? Huc quoq; pertinet id quod prudenti Ioiadæ sacerdotis consilio, ab ipsis ordinibus aduersus Athaliã (quæ Regina constituta, sex integris annis Regnum administrarat) patratum fuit. Deniq; Amasiæ exemplum multò est adhuc apertius, quem Hierosolymitani ad necem vsq; sunt insectati. Quòd si id per seditionem factum quispiam arbitretur, & nō legitimè, is quæso diligenter ad sequentes rationes attendat. Nusquam dicitur Amasias à seruis domesticis occisus (sicut id patri suo Ioas contigisse, & Ammoni Manassis filio, legimus) sed potius communi quodam Hierosolymitanorum consensu: neq; id occultè, & quasi per insidias (qui fuit quàm plurimum Tyrannorum exitus) sed vi aperta, & velut publica authoritate: nec subito aliquo tumultu, sed postquam ille fuga sese in urbem Lachis recepisset, vnde & ipsius cadauer reportatum, & in patrum suorum sepulchrum conditum scribitur. Nihil deniq; hîc, neq; ante, neque post Amasiæ mortem conspicitur, quod seditionis suspicionem habeat: sed o-

*Athalia.**Amasias.**2. Reg. 14.**19.**Qualis fuerit Amasie occisio.*

2. Par. 25.  
27.

2. Reg. 12.  
10. 14. 5. &  
21. 24.

mnēs circumstantiæ euincunt cuncta potius cōsilio, & meditata deliberatione, Hierosolymitanorum (simul tacito fœdere, tanquam præcipua ordinum pars, coniunctorum) tentata, & patrata fuisse, etsi id extraordinem, & quasi perfunctoriè acciderit: nullo certè priuato odio, sed propter ipsius impietatem, qua præcipuam iuramenti sui partem violarat. Ideoq; nuspiam legimus post eius mortem vel querimoniam vllam, vel inquisitionem, vel denique pœnam aliquam aduersus cædis authores procuratâ, aut irrogatam vel à populo, vel ab ipsius liberis fuisse: quemadmodum post mortem Ammonis & Ioas contigit, in quorum coniuratos occisores, etsi domesticos, iustis pœnis fuit animaduersum: quanuis vterque illorum improbus fuisset. At contrâ, mortuum huius cadauer æquis in Ierusalem reuectum fuisse legimus, ob reuerētiam tum Regiæ dignitatis, tum familiæ: & Azariam ipsius filium à populo Iuda vniuerso Regem illi suffectum. Quod rursus planè ostendit id, quod à potiore ordinum parte (nempe à Ierosolymitanis) factum fuerat, communi postea consensu confirmatum fuisse: vt iusta de causa, & per eos, executioni mandatum, quibus id liceret. Hinc igitur cōcludo, ordines seu status populi Israelitici ius habuisse, & ex familia Davidis sibi Regem,

Regem, quem vellent eligere, & electum postea vel eiicere vel supplicio etiam, prout res ferebat, afficere.

Sic nostra memoria Dani Christiernum *V.*  
 crudelissimum Tyrannum non solum Re- *Exemplū*  
 gia dignitate priuarunt, sed carcere conclu- *ex Danos*  
 sum ad mortem vsq; detinuerunt, transla- *rū regno.*  
 to Regno ad sapientissimum iustissimum-  
 que Regem illius auunculum, eiusque, qui  
 nunc regnat, auum.

Quod ad Suedos quoque attinet, satis *VI.*  
 norunt omnes quomodo nostra ætate Go- *Suedorum*  
 stauius se, suosq; a Danorum subiectione li- *exempla.*  
 berarit: & etiamnum hodie Suedi Regem  
 suum captiuum asseruant, ob non satis pru-  
 denter administratum Regnum, quod ad  
 fratrem ipsius translatum est: cui Dominus  
 benedicat.

Scoti etiam superioribus annis Reginā *VII.*  
 suam abdicarunt, & perpetuo carcere da- *Scotorum*  
 mnauerunt, quod quamplurimorum tur- *exempla.*  
 pium adulteriorum, atq; etiam crudelissi-  
 mæ cædis mariti sui accusaretur: quæ accu-  
 satio si legitimè probata est, audeo dicere,  
 rectius eos facturos fuisse, si in eam prome-  
 ritas pœnas exercuissent.

Cæterum quod ad Angliæ Regnum om- *VIII.*  
 nium quotquot hodie in vniuerso orbe vi- *Exempla*  
 suntur foelicissimum, atq; vtinam in ea se *ex Anglia*  
 licitate diu perduret, spectat etiā si ad eum, *regno.*

qui Regio sanguine proximior est, iure successionis illud deuoluatur: apparet nihilominus, tum ex multis historiis memoratu dignissimis, tum ex Polidori testimonio, in vita Henrici, huius nominis primi, Anglorum regis, omnem ferè regnandi auctoritatem à consensu Parlamenti (vt vocant) pendere. Et sanè si conferre libet beatam illam tranquillitatem (qua iam multis annis fruuntur, sub benignissimo & pacatissimo serenissimæ Regine Elizabethæ dominio) cum miserâdo & infelici statu, tot aliarum regionum, ipsa experientia docebimur, quàm sit ea moderatio Regiæ potestatis utilis, & beata, si modò ea rectè exerceatur, & Reges ipsi Deum timentes, populiq; sui amantes, sustineant se ab illa, non regi tanquam pupillos (vt aulici adulatores, qui pane lachrymis miseræ plebis pisto saginantur) loqui solent, sed dirigi & moneri, ea tamen reuerentia & obedientia, quæ Maiestati ipsorum conuenit, ac debetur.

IX.

*Exempla  
à Polono-  
rum insti-  
tutis.*

De Polonis porrò si quis hactenus dubitauit, Num in eligendo certis conditionib. Rege, ipsi hoc ius retinuerint, vt à iuramento ipsis discedere liceat, si ille promissis nō steterit: poterit id clarè intelligere ex vltima illa electione, qua sibi Henricum Regis Gallorum fratrem in Regem cooptarunt. Atq; in eo mihi planè conuenit cum Episcopo Valen-

Valentino (huius electionis pro Rege suo, procuratore) qui in oratione ad Polonos habita, & vulgo excusa eos hoc nomine maximè laudat, quòd regum suorum potestatem sapientissimis suis legibus coarctarint, & quasi finibus circumscripserint.

Simili ratione Veneti (quorum Respu- X.  
blica, si ex euentis iudicandum est, omnium *Exempla*  
felicissimè, & sapientissimè, secundum ho- *à Venetorum*  
minum prudentiam, constituta, & mode- *Repu-*  
rata existimatur) Ducem supremum sibi *blica.*  
creant, non tanquam Idolum aliquod, aut spectrum (vt quidam in rebus politicis parum exercitati scribere ausi sunt) sed tanquam principem ac Monarcham, à quo citra vllum tyrānidis periculum, omnes Monarchiæ commoditates, percipiant. Iam verò sicut Consilium illud quod vocant generale, Ducis eligendi omnem authoritatem habet (seruatis tamen ritibus ad hoc apud ipsos institutis, & vsitatis) ita illud ipsum Consilium sibi ius istud retinuit (sine quo facilè reliqua omnia in nihilū abirent). Nempe illius ipsius Ducis deponendi, & puniendi, si quid tyrannicum vel moliatur vel patrauerit: quemadmodum id exemplis & facto sæpe comprobatum est. Videant igitur hīc reliqui Italiæ populi, qui tam subtiliter de humanis rebus differere, & ratiocinari sunt soliti (editis etiam plerisque



de ciuili gubernatione libellis) an in hac re æquè prudenter sese omnes, vt Veneti, gesserint.

*XI. Exempla ab Hispanis Regibus.* Quid verò de Hispanis dicemus? Status certè huius Regni diu fuit perturbatissimus & valde inquietus, quod pleræq; barbaræ nationes, tum ex Septentrionibus, tum ex Africa illuc veluti diluuiò quodam exundarint, sicut id tu certissimæ historiæ, tum ipsorum idioma testantur. At fatendum est omnino Gentem hanc præ cæteris semper fuisse sagacem, & prouidam. Et quamuis verum sit illud Aristotelicū, natura Barbaros mancipia potius esse, quàm subditos: Hispani tamen hætenus (quæcunq; tandem barbaries regionē eorum inuasit) in Politicæ constituendæ ratione plerisq; populis erubescendi occasionem præbēt, eosq; meritò pudefaciūt. Id verò vt probem, citabo duo testimonia præ cæteris insignia, & quæ literis aureis inculpi publicis tabulis mererentur: vt & Reges iustè ex iis imperare, & populi vicissim rectè obedire, docerentur.

Prius testimonium sumptum est ex quarti Concilij Toletani c. 74. quod habitum est anno Domini D.C.XLIII. iuxta Sigeberti supputationem. Verba autem Synodi, tum ex viris Ecclesiasticis, tum ex reliquis Regni ordinibus coactæ, sic habent: Nul-  
lus apud nos sub præsumptione regnum  
arripiat,

arripiat, nullus excitet mutuas seditiones  
 ciuium, nemo medietur interitus Regnū,  
 sed defuncto in pace Principe, primates to-  
 tius gentis, cum sacerdotibus, successorem  
 Regni consilio communi constituent: vt  
 dum vnitatis concordia à nobis retinetur,  
 nullum patriæ gentisq; dissidium per vim,  
 atq; ambitum moliatur. Quod si hæc ad-  
 monitio mentes nostras non corrigit, & ad  
 salutem communem cor nostrum nequa-  
 quam perducit, audi sententiam nostram.  
 Quicumq; ergo ex nobis, vel totius Hispa-  
 niæ populis, qualibet coniuratione, vel stu-  
 dio, sacramentum fidei suæ (quod pro pa-  
 triæ gentisq; Gothorum statu, vel conser-  
 uatione Regiæ salutis, pollicitus est) teme-  
 rauerit: aut Regem nece attrectauerit, aut  
 potestate Regni exuerit, aut præsumptione  
 Tyrannica regni fastigium usurpauerit, ana-  
 thema sit in conspectu Dei patris & Ange-  
 lorum: atque ab Ecclesia catholica, quam  
 periurio profanauerit, efficiatur extraneus  
 & ab omni cœtu Christianorum alienus,  
 cum omnibus impietatis suæ sociis, quia o-  
 portet vt vna pœna teneat obnoxios, quos  
 similis error inuenerit implicatos. Quod i-  
 terum secundò replicamus dicentes: Qui-  
 cunq; à modo, &c. Et ideò, si placet omni-  
 bus qui adestis, hanc tertio iteratam senten-  
 tiam, vestræ vocis cōsensu firmate. Ab vni-

uerso clero, vel populo dictum est: Qui contra hanc nostram definitionem præsumpserint, anathema: Maran-atha, id est, perditio in aduentu Domini, sint: & cum Iuda Iscariot partem habeant ipsi & socij eorum. Amen. Quapropter nos ipsi, & sacerdotes omnes sanctam Ecclesiam Christi ac populum admonemus, vt hæc tremenda & toties reiterata sententia, nullū ex nobis præfenti atq; æterno condemnet iudicio: sed fidem promissam erga gloriosissimum Dominum nostrum Sisenandum regem custodientes, ac sincera illi deuotione famulantes, non solum diuinæ pietatis in nobis clementiam prouocemus, sed etiam gratiam antefati Principis percipere mereamur. Te quoq; præsentem Regem, ac futuros ætatum sequentium Principes, humilitate debita deprecamur, vt moderati & mites erga subiectos existentes, cum iustitia & pietate populos à Deo vobis creditos regatis, bonamq; vicissitudinem, qua vos nobis constituit, largitori Christo rependatis, regnantes in humilitate cordis, cum studio bonæ actionis. Nec quisquā vestrum solus in causa, captiuum aut reum sententia feriat, sed cōsensu publico cum rectoribus ex iudicio manifesto, delinquentium culpa patefcat: seruata à vobis in offensis mansuetudine, vt nō seueritate magis in illis, quam indulgentia

tia polleatis, vt dum omnia hæc (authore Deo) pio à vobis moderamine conseruantur, & Reges in populis, & populi in Regibus, & Deus in vtrifq; lætetur. Sanè de futuris Regibus hanc sententiam promulgamus, vt si quis ex eis contra reuerentiam legum, superba dominatione, & fastu regio in flagitiis, & facinore, siue cupiditate, crudelissimam potestatem in populis exercuerit, Anathematia sententia à Christo Domino condemnetur, & habeat à Deo separationem, atq; iudicium, propter quod præsumpsit praua agere, & in perniciem regnum deducere. De Simithilane verò, qui propria scelera metuens, seipsum regno priuauit, & potestatis fascibus exuit, id cum Gentis consultu decreuimus, vt neq; eum, vel vxorem eius, propter mala quæ commiserunt, neq; filios eorum vnitati nostræ vnquam cōsociemus, nec eos ad honores, à quibus ob iniquitatem deiecti sunt, aliquando promoueamus. Est hoc sanè singulare exemplum: cui decretum aliud sextæ Synodi Toletanæ adiiciam, in quo postquam de exigēdis Iudæis è regno statutum esset, adduntur sequētia. Incassum bonum agitur, si non eius prouidetur perseuerantia: Ergo postquam ordine præmisso ad gubernacula accesserit Regni, si ipse temerator huius extiterit promissi, sit anathema

Cap. 9.

Maran-atha in conspectu sempiterni Dei, & pabulum efficiatur ignis æterni, similiq; cum eo damnatione perculsi sint, quicunque sacerdotum, vel quilibet Christianorum eius implicati fuerint errori. Ex his facile iudicari potest quæ sit ordinum Hispaniæ in suos Reges autoritas, si quid contra iusiurandum commiserint: cum ex iure Feudorum (quæ etiam Regna Imperia complectuntur) Vassallus excommunicato Domino seruitium non debeat, imò sacramento fidelitatis sit absolutus: vt habetur lib.2. Feud.tit.:8.6.1.

Alterum testimoniū, quod proferre sum pollicitus: Formula illa est insignis, quam Arragonij hodie etiam (nisi fortè non ita pridem mutata est) non solum in Regum suorum inauguratione vsurpant, sed etiam in conuenientibus illis triennialib. iterant, in quibus Rex sese apud suos ordines sistere solet, tum vt suis ius dicat, tum vt ab iis ius suum recipiat. Ibi enim post multas peractas cæremonias, inter eum quem iustitiā Arragonensem vocant (qui supremæ potestatis personam refert, cuique reges iureiurando se obstringere coguntur) & Regem ipsum, vel creandum, vel iam creatum, Formula hæc totidem verbis pronuntiatur:

*Formula  
qua Hispaniarum  
Reges inaus-  
gurantur.*

NOS QUI VALEMOS TANTO COM-  
ME VOS, Y PODEMOS MAS QUE  
VOS,

VOS, VOS ELEGIMOS REY: CON E-  
STAS Y ESTAS CONDICTIONES, IN-  
TRA VOS Y NOS, VN QVE MANDA-  
MAS QVE VOS: Id est, Nos qui tanti su-  
mus quanti vos, & plusquam vos possu-  
mus, Regem vos eligimus, his atq; his con-  
ditionibus: Inter vos & nos, vnus maiore  
est imperio, quàm vos. En quo vsq; Hispa-  
ni suos Reges in honore habuerint, prout  
debuerunt.

Quid plura? Norūt omnes qua sit autho-  
ritate cætus ille Principum toto orbe illu-  
strissimus, septem videlicet Electorum im-  
perij, tam in eligendo Imperatore, quàm in  
eo, quoties opus est, abdicando: sicut Adol-  
pho, anno M. C C. X C V I. & Venceslao an-  
no M. C C C C. Imperatorib. accidit. Erat  
autem tale iusiurādum, quo se tunc Reges  
seu Cæsares Germaniæ obstringebāt, qua-  
le describitur in Tractatu, cui titulus est, spe-  
culum Saxonicum lib. 3. paragr. 54. Cùm e-  
nim Rex eligitur, cogitur publico iuramen-  
to fidelitatem, & hominium (seu, vt vulgus  
vocat, homagium) imperio præstare: ac pol-  
liceri se totis viribus promoturum iuris ad-  
ministrationem: atq; aded omnes iniurias  
propulsaturum, & deniq; omni studio, &  
conatu iura Imperij conseruaturum.

Accedo iam ad Francos: apud quos, pri-  
usquam in Galliam venissent, Reges ordi-

XII.  
*Exempla*  
*è sacro im-*  
*perio.*

XIII.  
*Exempla*

*Regū Gal-  
lorum &  
antè, &  
postquam  
Francis  
coniuncti  
fuere.*

nibus populi sui submissos fuisse, testis est Iulius Cæsar lib. 5. cap. 8. de bello Gallico, dum Ambiorigis Eburonum (sive ut hodie vocantur Leodiensium) Reguli, in quadam oratione verba recensens ait, sua esse eiusmodi imperia, ut non minus haberet in se iuris multitudo (legitimè scilicet coacta) quàm ipse in multitudinem. Idem etiam probatur ex verbis Vercingentorigis Regis Aruernorum, causam suam in cœtu publico tuentis, ut ea ab eodem Cæsare recitantur lib. 7. cap. 4. Postea verò Galli & Franci sub vno Francogallorum nomine coierunt in vnum. Quorum regnum cum singulari Dei beneficio diutissimè prorogatū, & conseruatum fuerit, nunc quidem ita nutare videtur (quacunq; tandem ex parte culpa hæreat) ut certissimum eius excidium proximè timendum sit, quod tamen vix accidere potest, nisi cum ingenti reliquarum orbis partium mutatione. Cæterum quæ mihi nunc de eo dicenda sunt, satis suspicor quibusdam grata & accepta, quibusdam verò ingratissima & inauspicata futura. At nihil dicenti nisi quod res est, spero equidem Deum mihi aduersus omnes calumnias fore propitium. Quāquam igitur Francogalli Reges suos primum ex Merouei familia, deinde ex Caroli magni posteris, ac tandem ex Hugonis Capeti successoribus elige-

eligerent, ita tamen ab initio Monarchiam suam constituisse dico, vt Reges ipsorum non solo iure successionis regnarent, sed si simul consensu Ordinum Regni electi forent. Sic Pharamundus electus solio Regio sublimatus fuit, anno Domini CCCCXIX. Sic Pipinus anno D. CC. LI. ipsorumque liberi Carolus, & Carolomannus anno D. CC. LXVIII. Ac tandem anno D. CC. LXXI. Carolus in fratris partem ex ordinum authoritate successit. Quam authoritatem secutus ipse postea, nempe anno D. CCC. XII. Ludouicum filium suum Imperij hæredem instituit: cauens nominatim testamento suo ( sicut Naclerus, *Nacl. vol. 1. generatione.* qui scriptis illud prodidit, testatur) vt populus (id est ordines ipsi) quem mallet ex filiorum suorum liberis in Regni successorem eligeret, præcipiens etiam Patruis, qui tum superuixissent, vt eiusmodi electioni assentirentur: quod factum equidem notatum est dignissimum, & ad totius huius questionis statum decidendum accommodatissimum. Atq; tale fuit Francogallicorum Regum iuramentum teste Aymoino, qui *Aymoino. lib. 5. c. 21.* Carolum Caluum dictum sic loquentem inducit. Quia sicut isti venerabiles Episcopi vnus ex ipsis voce dixerunt & certis indi-  
ciis ex nostra vnanimitate monstrauerunt, vos acclamastis me Dei electione ad vestra



saluationem, & profectum, atque regimen  
 & gubernationē hoc aduenisse, sciatis me,  
 honorem & cultum Dei atque sanctarum  
 Ecclesiarum Domino conseruare adiuuan  
 te, & vnumquemq; vestrum secundum sui  
 ordinis dignitatem, & personam, iuxta  
 meum scire & posse, honorare & saluare &  
 honorabiliter saluatum tenere velle: & v  
 nicuique in suo ordine secundum sibi com  
 petentes tam Ecclesiasticas quàm munda  
 nas legem & iustitiam conseruare. In hoc  
 vt honor Regius & potestas, ac debita obe  
 dientia atque adiutorium ad regnum mihi  
 à Deo datum continendum ac defenden  
 dum, ab vnoquoque vestrum secundum  
 suum ordinem ac dignitatem atque possi  
 bilitatem mihi exhibeatur, & sicut ante  
 cessores vestri Iure, fideliter & rationabili  
 ter, meis antecessoribus exhibuerunt. Hæc  
 ille totidem verbis.

Eos ipsos verò ordines potestatem re  
 gum, quos elegissent, abdicandorum ha  
 buisse, si quid peccassent, infinitis exem  
 plis constat. Childericus propter flagitia,  
 & libidines publico Consilio Regno mo  
 tus, & expulsus est anno CCC. LXI. ei  
 que Gilo substitutus, qui ex Merouei fa  
 milia non erat. Et Chilpericus anno D.  
 LXXVIII. & Theodoricus anno D.  
 CLVII. Quinimo anno D. CCC. XC.  
 ordines

ordines neglecto Carolo Ludouici Balbi filio Euden siue Odonem in Regem elegerunt. Legimus etiam Hugonem Capetum Regno priuasse Carolum Lotharij fratrem, cum ille negligentius & veluti cunctando rem ageret, & ad concilium deferret, sperans scilicet fore, vt Regni ordines illorum controuerfiam, pro assueto more, dirimeret. Ac in summa, si regnum Francogalliæ electione non conferebatur, dicendum esset neque Pipinum, neque Capetum quicquam iuris in eo habuisse: cum neque ex Merouei masculis hæredibus successores deessent Pipino regnum vsurpante: neque ex Caroli Magni filiis, cum Capetus Regiū diadema sibi vendicaret.

PORRO quod attinet ad eorundem ordinum authoritatem, qua vel Regni præcipuas dignitates & officia conferebant, adimebantque: vel saltem sollicitè animaduvertebant quo modo se Reges tam in iis conferendis, amendisue, quam in tributis exigendis, aut in aliis Regni præcipuis negotiis, tum belli tum pacis tempore gererent: Ea, inquam, authoritas vetustissimis & valde authenticis Historiis satis superque testata est: quæ planè eorum assentatorum impudentiam satis arguunt; qui hodie ex ruinis tanti tamque sapienter constituti Regni, suam potentiam

per fas nefasq; augere non desinunt. Et sanè quòd nostris temporibus, is qui sanguine est proximior, non conuocatis ordinibus, in Galliæ Regnum succedit, nouamq; rerum faciem inducit, pro eorum libidine, qui eiusmodi successoris fauorem ac gratiam captauerint: Quodq; comitia publica statuto tempore amplius non indicuntur, sed tum duntaxat, quum id commodum quibusdam videtur, qui inde proprias commoditates, & securitates aucupantur: Quòd præterea, quoties ordines coguntur, id fit non tam vt de publicis rebus seriò decernatur, quam dicendi causa, vt scilicet longis affectatisq; orationibus Rhetorum (imò Sophistarum potius) more, tempus & actio omnis eludatur: Quodq; illic ij iudices sedent, in quos præcipuè omnes accusationes, & querimonie intenduntur: denique quod tum bella, tum pax, aut induciæ decernuntur: tributa & exactiones imponuntur: leges de rebus tam publicis, quam priuatis figuntur, & refiguntur: dignitates & præfecturæ, omnia item munia publica electis vel conferuntur, vel adimuntur, pro quorundam tantum (siue virorum, siue mulierum, nobilium siue ignobilium, proborum siue improborum) arbitrio, qui apud rerum Dominos maiore pollent auctoritate & gratia (vtpote per quorum aures & oculos

oculos duntaxat isti & audiant & videant) hæc, inquam, omnia à maiorum sanctis moribus & agendi ratione quam longissimè dissident, & cum primariis legibus quibus Gallicæ Monarchiæ fundamenta nituntur planè ex diametro pugnant. Iam verò Iurisconsultis omnibus, qui cum scientia iuris bonam conscientiam coniunctam habent, disputandum relinquo, num vlla quantumvis longi temporis præscriptio iure aliquo vel diuino, vel humano locum hîc habere possit, vel debeat. At enim quòd hodie adhuc Reges, cum solenni ritu vnguntur, iuramentum præstant (cuius formula utinam publicè excuderetur, vt omnibus innotesceret) & quòd prætereà singulis ciuitatibus sua priuilegia, item publica munera Regni officiariis confirmare postquam regnum sunt adepti, cōsueuerunt. (etsi hic multa sunt per abusum quæ minimè sunt probanda.) Quòd deniq; si reges minores sunt ætate, status ordinesq; Regni communi consilio statuunt, ad quem illius administratio pertineat: hæc, inquam omnia reliquæ sunt adhuc pristinae illius authoritatis, qua ordines pollebât, & quæ nunc paulatim abit in nihilum. Nondum tamen ducenti anni præterierunt, cùm ab ipsis ordinibus Caroli V. (qui sapiens cognominatus est) testamentum rescissum fuit, nempe

anno M. CCC. LXXX. Quid amplius?

anno M. CCCC. LXVII. Quum Ludovicus huius nominis XI. (qui quantum potuit Monarchiam Gallicam in Tyrānidem transformare conatus est, quod Regij Parasiti Regem emancipare seu seruitio eximere, appellant) meritò accusaretur, quòd pessimè Regnum administraret, dati sunt illi ab ordinibus apud Turones conuocatis

*Aliàs*

*XXXVI.*

XXX. viri tanquam curatores, à quibus regi & gubernari pateretur. Verum est quidem, ipsum postea facile ab illis sese expediuisse, vtpote cui (Claronensis Idoli prætextu, quod summa superstitione colebat) iuramenta omnia & promissa, non nisi ludus & iocus essent: sed tanto cum ipsius præiudicio, & infelici successu, vt præter infamiam, qua etiamnum hodie notatur, quandiu vixit nulla vnquam quiete aut pace frui potuerit: & in ipsa adeò morte expertus sit, quid valeat à subditis potius timeri quàm amari. Et quandoquidem de iuramenti violatione mentio incidit, addere libet aliud exemplum valde memorabile.

*Insigne ex-*

*emplum*

*ultionis di-*

*nine in*

*periurum*

*principē.*

Carolus huius nominis VI. dum adhuc Delphinus esset, nefario consilio Ioannem ultimum Burgundiæ ducem è Gallicorum regum prosapia ortum, coram se miserè trucidari iussit contra fidem, pacem, atque amicitiam paulò antè prope Melodunum iuratam.

iuratum. Hoc periurium deinde (quamvis tanto Dei iudicio Dux ille esset dignissimus) multis animarum millibus fuit in Gallia expiatum, cum totius penè Regni subuersione. Et Carolus ipse Rex eò adactus miseriarum, ut à patre suo primùm exhæredatus, capitalem suum hostem postea Regno inaugurari Lutetiæ conspexerit, ac proinde Biturigum ipse, potius quàm Galliae, rex diceretur. Tandem verò pacem multo suo dedecore redimere coactus est, ut ex tractatu apud Atrebates concepto, apparet: In quo (etsi ipse rex cum duce Philippo, Ioannis interempti filio, tanquàm subdito suo transigeret) hæc clausula nominatim expressa habetur: cui, inquit, rex ipse assentietur, & diplomate suo comprobabit. Quòd si verò hanc transactionem ab ipso violari contigerit, ipsius clientes, feudatarij, & subditi, præsentēs & futuri, illi deinceps neq; obedire neq; inseruire tenebuntur, sed Duci potius Burgundiæ, ipsiusque successoribus, aduersus ipsum omnem obedientiam præstabunt: cuncti denique illi ipsi clientes, beneficiarij, subditiq; ab omni fide, iureiurando, obsequio, promissionibus, & obligationibus, ac quibuscunque officiis, quibus Carolo Regi deuincti prius essent, liberati, immunes, ac prorsus soluti hoc casu habebuntur: ne deinceps illis

quicquam horum fraudi, aut oneri imputari, aut ab illis culpa vlla exigi possit. Quin-  
 imo hoc ipsum iam iā facere Carolus Rex  
 illis præcipiat, & liberos absolutosq; ab om-  
 nibus iuramentis, & obligationibus pro-  
 nuntiet, si quid tale euenerit. Hic scilicet  
 fuit exitus violatæ fidei Regiæ improbo  
 consilio. Hæc autem pacta conuenta, quia  
 bona fide in posterum observata fuerunt,  
 maxima Regno quies & pax obtigit. Porro  
 si æquum tunc visum est, hanc clausulam  
 inseri accidentariæ huic promissioni, quæ  
 ad Regni administrationem propriè non  
 pertinebat, an minus æqua legitimaq; illa  
 promissio, aut conditio cēsenda erit, quam  
 populus à Rege suo dum vel crearetur vel  
 inauguraretur, fuerit stipulatus: cum & æ-  
 quitate maxima & naturali ratione nita-  
 tur: videlicet vt Rex ex Legum præscriptis  
 (quarum ipse summus est, esse uē debet, cus-  
 tos & protector) omnem suam admini-  
 strationem moderetur?

*Epilogus  
 ac conclusio  
 de auctoritate  
 ordinum.*

Huc ergo omnium supradictorum sum-  
 ma redit: summum Imperium ita demum  
 esse penes Reges aut alios supremos Magi-  
 stratus, vt siquidem illi optimas leges iura-  
 tasq; conditiones transgredientes in aper-  
 tos Tyrannos degenerent, nec sanis consi-  
 liis auscultent, liberum licitumque sit infe-  
 rioribus Magistratibus tū sibi, tum iis quo-  
 rum

rum curam gerunt, providere & publico Tyranno oblistere. Ordines verò vel status Regionis quibus hæc authoritas à legibus est collata, eatenus sese tyranno opponere atq; adeò ipsi iustas, & promeritas pœnas, si opus erit, irrogare & possunt & debent, donec res in pristinũ statum restitutæ sint. Quod si præstiterint, tantum abest vt seditiosi, aut perduelles habuendi sint, vt contra officio suo & iuramento (quo & Deo & patriæ sunt obstricti) probe defuncti tum demum censi debeant. Ac quamvis iam suprà eidentissimis Regnorum & Imperiorum, tam veterum quàm recentium, exemplis harum rerum praxim comproba-uerimus, ne tamen quicquid obiciat legibus potius quàm exemplis iudicandum, addam ad maiorem sententiæ nostræ confirmationem quamplurimas & alias rationes.

Dico enim primum duas esse propositiones, quas æquitas ipsa iusue illud naturæ (à quo vno pendet totius humanæ societatis conseruatio) in dubium vocari non patitur: quarum prior est, in omnibus pactis, & conuentionibus, quæ mutuo ac solo consensu inter partes contrahuntur, eos ipsos per quos obligatio contracta est, eandem soluere & dirimere posse, quoties id ratio postulat. Itaque quibus est potestas Regis creandi, iisdem quoque eius abdicandi ius

*I. Ratio à iure & æquitate naturali.*

*Conditio- nes pacto addita si*



*non imple-  
antur, irri-  
tum erit  
pactum, si  
parti lesæ  
placuerit.*

erit. Altera verò: si quæ est iusta soluendæ  
conventionis aut pacti occasio, qua obli-  
gatio ipsa per se evanescat, & pro nulla ha-  
beat, hanc vnam esse, si essentielles condi-  
tiones propter quas propriè obligatio con-  
tracta est, manifestè violentur. Ostendant  
igitur qui eo vsque Regum ac supremorum  
Magistratum auctoritatem euehant, vt  
dicere audeant, illos non aliū quàm Deum  
solum Iudicem habere, cui factorum suorū  
rationem reddere teneantur: vllam gentem  
vsquam fuisse, quæ scienter, & absque me-  
tu, aut vi aliqua, sese arbitrio supremi alicu-  
ius Magistratus submiserit, non addita ex-  
pressè, aut tacitè subintellecta hac condi-  
tione, vt ab eo iustè, & ex æquo regatur &  
gubernetur. Quod si quis exemplum ali-  
quod proferat populorum, qui bello supe-  
rati sese iis omnino conditionibus iurati  
submiserunt, quas victores proponerent:  
non satis mihi fuerit cum Iurisconsultis re-  
spondere, ea quæ vi, iniustouè metu extor-  
ta sunt, pro legitimis non esse habenda (fa-  
teor enim Theologiam, quæ conscientia-  
rum est Regula, non facillè permittere, vt e-  
iusmodi Iuramenta temerè violentur.) Sed  
addam præterea, etiam si populus quispiam  
scienter & sponte rei per se euidenter irreligi-  
osæ, Iurique naturali contrariæ, assensum  
præbuerit, nullam esse eiusmodi obligatio-  
nem:

*Nulli vn-  
quam Res-  
ges admis-  
si, nisi aut  
expressè  
aut tacitè  
subintelle-  
cta condi-  
tione, si ius-  
tè sancte-  
que popu-  
los rexes  
sint.*

*Conditio-  
nes apertè*

nem: tantum abest vt dubitari iure possit, *irreligiosa*  
 an ea valida ac rata sit existimanda, quæ per *fas & con*  
 vim ac metum, aut aperta fraude & malis *tra cōscien*  
 artibus contracta fuerit. Hæc enim genera- *tiam, nulla*  
 lis iuris & æqui regula communibus, na- *lius esse*  
 turæ principiis subnixa (quæ adhuc post *momenti.*  
 lapsum in homine, quantumvis corrupto  
 resident) tam certa firmaque est, vt nihil  
 quod illis apertè aduersetur & repugnet,  
 pro iusto & rato inter homines sit habend-  
 um. Hoc porro de rebus penitus iniustis  
 atque manifestè irreligiosis intelligendum  
 est, quas nemo non videt (nisi sensu com-  
 muni prorsus destitutus) non posse bona  
 conscientia à quoquam vel exigì vel præ-  
 stari. Tale fuit pactum quod primis tem-  
 poribus inter Minoen Cretenſis Insulæ Re-  
 gem, & Athenienses intercessisse ferunt:  
 nempe vt quotannis illi septem adolescen-  
 tes, septemque puellas adducerent, vt vel à  
 Minotauro deuorarentur (sicut fabulæ tra-  
 dunt) vel (quod magis est credibile) vt il-  
 lius libidini, atque Tyrannidi inferuient.  
 Eiusmodi etiam fuit conditio ab Ammoni *1. Sam. 11. 2*  
 tis, habitatoribus Iabes proposita, fore scili-  
 cet vt illis parcerent, atq; illos in suam tute-  
 lam reciperet, si modo singuli alterum sibi  
 oculum eruerent. Minusque adhuc tolera-  
 bilis fuit cōditio ciuibus Hierosolymitanis *1. Mach. 1.*  
 ab Antiocho execrando Tyranno proposita; *55.*

& à plerisq; eorum promissa, vt scilicet conseruandæ vitæ suæ gratia, veram Religionem abiurarent. Si verò conditio à victore proposita, & à victis promissa, difficilis est duntaxat atque dura, vitæq; huius tantum incommoda continens, concedo eo casu iurifurandi potius rationem habendam, quàm vllorum commodorum, vel incommodorum. Quam ob causam Deus acriter Sedechiam, vltimum è familia Dauidis Regem, increpauit & puniuit, quòd còtra iuratam fidem à Chaldæorum Rege defecisset. Gabaonitè certè etsi in durissimam seruitutem à Iosua adaçti, nusquam de eo conqueruntur. Præcipuè verò cùm de Religione agitur, summopere cauendum est, nequis temerè ab iis quæ Deo iuratus promisit deficiendi licentiam captet. Quia in re tamen modus quoq; eiusmodi seruandus crit, vt quemadmodum nihil facìle in Religione quisquam immutare debet: sic (quoniam non nisi cum maximo dispendio in ea decipi possumus) nemo pertinaciter ea tueatur, quæ impiè & illicitè Deo promissa, obtentu Religionis fuisse constiterit. Quod quia non satis cautè hactenus animaduersum fuit, multè graues ac periculosæ in mûdo conuersiones acciderunt.

*Quod ratio.* Verum demus, fuisse gentem aliquam, quæ aut imprudentia, aut blandimētis, aut deni-

denique, quia bonum principem semel ex quapiam familia nactus, nimia facilitate presumpserit, tales quoque semper futuros omnes illius posteros: sese omnino, nulla expressa conditione, cuiuspiam submiserit: an propterea dicemus Principi illi omnia licere, quæ libuerint? An ne potius ea quæ natura sua, sancta sunt & legitima, tanquam expressa habenda erunt? Quorsum enim alioqui res euadet? aut qualis demum vita hominum futura est? Si Princeps huiusmodi eousque licetiae proruperit, ut subditorum parentes truculentus occidat, vxores ac filias constupret, domos ac possessiones explet, denique singulos pro arbitrio iugulet: quia scilicet populus, ipsius probitate confusus, hunc ab initio sibi Principem sine vllis conditionibus assumpserit?

Adhæc iniquissimum sanè fuerit, vniuer- *II. à Com*  
sæ alicui genti ac populo id denegare, quod *paratis.*  
æquitas ipsa priuatis personis ( quales sunt *I. Compas*  
Minores, Mulieres, mente capti, & qui vl- *rat. qualis.*  
tra dimidium iusti pretij se fraudatos con- *Populos*  
queruntur) vltro concedit, maximè si de ma- *in integrū*  
la eorum fide constiterit, quibus se eiusmodi *potius esse*  
personæ obstrinxerunt. An verò quisquā *restituendos*  
magis improbæ fidei reperiri potest eo Ty- *quam*  
ranno, qui sit vsque adeo impudens, ut per- *priuatos*  
suasum esse velit, sibi omnia licere per fas *homines.*  
nefasque, quia scilicet aut ita cum populo

pepigerit, aut à maioribus suis talem potestatem acceperit? Fateor equidem interea (sicuti abundè suprà demonstratum est) auctoritatem ordinum siue statuum tunc implorandam, & interponendam: ne priuatis hominibus quicquam ex seipsis aggredi aut moliri in statum publicum liceat, nè inferiores Magistratus vocationis suæ cancellos transcendant.

*Comparatio cū aliis hominil. qui inferiores in potestate habent.*

*II. Compar. Quid liberis in patre liceat.*

Sed quæro præterea: an maior sit subditorum erga Regem obligatio, quàm liberorum erga parentem, Mancipiorum erga Dominum, aut libertorum erga patronū, qui eos manumisit? Audiamus verò in primis quid Cicero, æquitate & ratione ductus, scribat de officio filii familiars, cuius pater vi, patriæ suæ dominium vsurpare contendat: Si Pater, inquit, Dominationem manifesta vi occupare, aut patriam prodere tentet, an filius tacebit? Minimè, sed patrem supplex rogabit ne id faciat: si autem precibus nihil profecerit, accusabit illum, atq; minis terreat: quòd si eò iam res processerit, vt periculum sit ne tandem patria obruatur, vitæ patris salutem patriæ præferet. En qualis fuerit eius viri sententia, non solum rationi consentanea, sed etiam maxime auctoritatis. Quod verò ad seruos seu mancipia attinet: iure Romanorum cautum est, vt seruus, cui Dominus ægrotanti opem

opem non tulerit, liber habeatur. Et quod etiam maius est, seruo ex iuris scripti dispositione, Dominum læsæ Maiestatis reum accusare licet. Quis verò hoc crimine magis tenetur, quàm Tyrannus omnia iura tam diuina quàm humana manifestè peruertens? Sed apud quem, inquires, accusabitur? Respondeo, vel apud eos qui cùm eius creandi potestatem habuerint, habent etiam iudicandi ipsum auctoritatem: vel apud eos qui præcipui sunt supremæ potestatis defensores, & à quibus nulla est pro-uocatio. Sic quamuis Liberti omnem Patronis suis obseruantiam debeant, adeò vt iure ordinario non nisi ciuilitè cum eis agere possint: certis tamen de causis, (vt potè si atroci aliqua iniuria à patrono fuerint affecti, eumque in adulterio cum vxore deprehēderint) possunt capitalem accusationem aduersus eos, ex iure ciuili instituere. His argumentis ago, non, vt conscientiam legibus ciuilibus, aut Philosophorum dictis tanquam regulis certissimis astringam: sed duntaxat vt euidentissimè ostēdam, quam iniqua sit eorum opinio, qui nullam prorsus hominibus viam relinquunt, qua cursum imminentis vel apertè grassantis tyrannidis abrumpere valeant, quantumuis crudelis & iniqua illa fuerit.

Certè quod excipere solent, Regem legi-

*III. Comparatio.  
Quid seruus in Dominos.*

*III. Comparatio.  
Libertis in Patronos.*

*Ad varias  
obiectiones  
solu-  
tio.*

*I. Ob.*

*Quomodo  
intelligi  
oporteat  
Reges legi-  
bus non  
subiici.*

bus non astringi, in genere nec potest nec debet accipi, ut Regū assentatores, Regnorumq; eversores occidunt: Nam ut taceam tot, omnium ferè nationum, exempla, quæ supra allata sunt, quorsum tot graues veterum Iurisperitorum sententiæ, è iure naturæ excerptæ? Cuiusmodi sunt, eos qui leges ferunt, legibus quoq; obtemperare: Et, quod quisq; iuris in alium statuerit, ipse ut eodem iure utatur: Et, nihil Imperio magis conducere, quàm ut ex Legibus utatur: dignam denique vocem esse, Principem legibus sese subditum profiteri? Itaq; quod alibi à Iurisperitis dici videtur, Principem esse supra Leges, aut Principem legibus esse solutum, non nisi de legibus civilibus, deq; particulari & priuatorum iure est intelligendum: Verbi gratia de testamentis, de detractioe Trebellianæ, aut Falcidianæ: non autem de iure publico, & ad statum, ut dici solet, pertinente: multoq; minus de iure naturali, aut diuino: cui cum omnes & singuli homines subiiciantur, quatenus homines nati sunt: omnino efficitur, aut Reges homines non esse, aut illos hoc iure teneri.

*II. Ob.*

*Quæ sit in  
terius Re-  
gum et  
populi  
differetia.*

Siquis rursus obiiciat, ius illud publicum, & ad statum populi, aut gentis pertinens (de eiusmodi enim loquimur) longè esse diuersum à iure Naturæ, ac gentibus omnibus cōmuni: Verum id quidem esse quibusdam

in rebus fatebor, sed ita vt omne illud discrimen, in circumstantiis hæreat, quæ efficere nequeunt, quin generalis illa æquitas, & ~~enimvero~~ firma constansque eousque maneat, vt omni politia, quæ illi aduersetur (veluti, exempli causa, si manifestæ impietates, latrocinia, eiusque generis facinora, tum aduersus Deum, tum aduersus ius gentium, ac bonos mores, probarentur) prorsus sit & damnanda, & abiicienda.

Posset & illud excipi, supremum Magistratum reum quidem esse, si aliter quam dictum sit, dominetur. At nō habere alium Iudicem, quàm Deum ipsum: quod Davidis quispiam exemplo probauerit, qui cum esset adulter, & homicida nefarius, à nemine tamen mortalium iudicatus fuit. Sed respondeo primum: ex supradictis satis perspicui Gentes ipsas populiq; ordines, ius sibi plerunque retinuisse frænandorum Principum, cui nulla vel vetustas, vel temporis præscriptio obeſſe possit. Deinde multum interesse inter eum qui crimen aliquod semel, aut etiam repetitis vicibus commiserit, & eum qui ex professo omni scelerum generi sit addictus: Item, inter Principem vitæ flagitiosæ, & eum qui iustam omnem gubernandi rationem in regno suo evertat: neque enim supremum Magistratum censuerim pro priuatis delictis (& quæ proprie

III. Ob.

Ordines.

supra Reges esse.

Non omnes Prin-

cipes flagi-

tiosos sta-

tim & Ty-

ranos esse.



priè personalia sunt) eodem modo, quo subditos, coercendum, sed tamen posse vſque adeò perditum fieri, vt meritò pœnis ac ſuppliciis in eum animaduerti & poſſit & debeat. Quanto igitur æquius fuerit, cùm de publico ſtatu agitur, vt his quibus hoc officij incumbit, liceat providere & omnino ſatagere, nequid Reſpublica detrimen- ti patiatur? quòd ni fecerint, perfidi & in Deum, & in Patriam (quibus ſe iuramen- to obſtrinxerunt) habeantur. His diſtinctionibus probè expenſis, & ad Dauidis mores in genere (necnon ad publicam illam ſatisfactionem, quam de admiſſis publicè agit pœnitentiam) comparatis: nemo mirabitur non fuiſſe quicquam grauius aduerſus eum ſtatutum, vel tentatum. Præterea falſa eſt in vniuerſum eius argumenti conſuſio, ex qua inferitur; non debuiſſe pœnas de delicto aliquo ſumi, quia ſcilicet ſumptæ non ſint.

*Cur Dauid neque de adulterio, neque de homicidio damnatus fuerit.*

*IIII. Ob.  
De Tur-  
cica Ty-  
rannide.*

Sed nec deerunt etiam fortasſe qui Turcarum Imperatoris in ſuos ſubditos authoritatem prætexant. Quibus vno verbo reſponſum velim, eiufmodi Imperium neque Regium neque humanum dici mereri, ſed proſus barbarum, Tyrannicum, brutum atque execrandum: eoque maximè, quòd cùm cæteræ Monarchiæ, & imperia (quantumvis multis vitiis obnoxia) inſtrumenta ta-  
men

men fuerint ad humanam societatem conseruandam idonea: contrà, Turcicam hanc tyrannidem appareat horrendum esse Dei flagellum, quo Deus mundo huic extremâ ruinam, & euerfionem iusto suo iudiciò minitetur. Itaque clara voce & sonora profiteor, si qui hodie reperiantur, qui Regibus suafores sint, vt inde gubernationis suæ exemplar, & typum effingant, eos tanquam publicos humani generis hostes habédos, & exterminio profligandos.

Cæterùm, vt comparationes suprà institutas de iure priuatorum in priuatos persequar, an vlla stricteioris iuris obligatio inter homines dabitur quàm Matrimonij? (in quo Deus ipse tanquam huius contractus præcipuus author intercedit, & per quod qui duo erant, vna caro fiunt.) At in matrimonio etiam ipso, si pars vna alteram deserat, eam quæ deserta est Apostolus, ab omni obligatione liberam pronūciat: quia deserens, præcipuam matrimonij conditionem violat. Fingamus verò quēpiam profiteri, se velle vxorem apud se retinere, idque conari: si tamen innotuerit, ideò vxorem hunc appetere, vt illi mortem inferat, vel eam alia via de medio tollat: annon pro desertore manifesto habédus erit? At certè huic diuersa non est Tyrannorum mens, quum nō alia ratione subditos in potestate

*V. Cōpar.*

*Quid vxor  
ri in mari-  
tū liceat.*

*1. Cor. 7. 15.*

habere contendant, quàm vt miseris suis cupiditatibus indulgentes, eos ad internecionem vsq; persequantur & opprimant: quidni igitur idem de vtrifq; statuunt, qui iudicandi auctoritatem obtinent? Quod si ne Ecclesiastici quidem canones, vxorem quæ tutò apud maritum degere non potest, cogendam esse statuunt vt cum illo habitet: cur inferiori Magistratui, sibi suisque providere non concedetur, & aduersus manifestum Tyrannum ad ordines recurrere?

*¶ 1. Compar. Imperatores Imperij. & Reges sui regni, sunt Clientes. Quid Vassalli in Dominos feudales iuris habeant.*

Adhæc, cum & Regna, & Imperia ipsa, in feudis censeantur (quæ supremæ potestati hominis & fidelitatem seu subiectionem, & seruitutem etiam debeant) videamus quale sit Ius Feudorum. Ex lib. igitur 2. tit. 26. § Domino, & tit. 47. apparet, Dominum non minus in Vassallum (siue clientem) crimen perfidiæ committere posse, quàm Vassallum in Dominum: quo casu feudum quidem domini, ad Vassallum non deuoluitur, sed redit ad directum feudi Dominum à quo primariò illud dependet, vel ad Domini agnatos. Hoc tamè certum firmumq; manet, Dominum perfidiæ conuictum, omne suum ius amittere, quod in Vassallum haeret. Cuius rei ratio ex eo pendet, quòd Dominus in omnibus vicem fidei suo reddere debet, alioqui meritò maleficus censetur, vt habetur in tit. 6. de forma fidelitatis

ad

ad finem. Dico igitur in proposita quaestione, Regem vel etiam Imperatorem, cuius dominatio à suprema pendet potestate, si in crimen illud perfidiæ erga Vassallos suos, hoc est subditos, incidit (quod utinā nunquam accadat) amittere feudum suum, nō ut Vassallis adiudicetur: sed ut de eo disponent ij, qui supremam illam potestatem referunt. Ut verò huius argumenti firmitas cognoscatur, notandum est: eiusmodi indirectos (seu ut vulgò vocant subalternos) Dominos, nullum præstare iusiurandum Vassallis, cum eos inuestiunt, adeò ut quod diximus obseruari aduersus eos qui crimē perfidiæ admittunt, non alia quàm naturalis illius æquitatis ratione nitatur, quæ etsi expressa non fuerit, per se tamen semper subintelligenda veniat. Quid igitur (ut à minori ad maius fiat comparatio) statuendum erit de eo, qui in crimen illud lapsus est erga subditos, quibus se expresso iureiurando deuinxit? Prætereà etsi demus Dominum in crimen illud perfidiæ nunquam posse ita incurrere aduersus, Vassallum, ut ius feudi amittat: At nemo dubitat Vassallum huius criminis reum aduersus Dominum suum, feudo meritò priuari. Cum ergo Imperator ipse, ut suprà annotatum est, subiectionem (seu hominium, ut vulgus appellat) Imperio debeat, utpòte cuius ipse sit primus, &

supremus Cliens: (qua cōditione etiam Reges in regnis suis esse multò maiori, aut saltem pari ratione æstimandum est) quis dubitet, quin Imperatores, aut reges à feudis suis decidāt, si eo vsq; perfidiæ proruperint, vt in manifestos, & deploratos Tyrannos degenerent? quandoquidem id experimento vbiq; comprobatum fuisse ostendimus.

*VIII. Comparat.*

*Si conciliū est supra Papam, ordines supra Reges erunt.*

Deniq; cum apud saniores omnes, eorū etiam qui se Catholicos Romanos vocant, tum certis rationibus, tum infinitis exemplis iampridem constitutum sit & persuasum: concilium Oecumenicum seu generale, esse supra Papam, eumq; deponendi saltem propter crimen hæreseos potestatem habere: consequens est profectò, aut Reges maioris authoritatis quàm pontifices, crimenq; hæreseos minus quàm Tyrannidis, crimen esse: aut populus tantundem saltem potestatis habere in Reges Tyrannos factos, quantum habet concilium in Pontificem hæreticum. Hæc est igitur nostra de hac quæstione sententia, qua quæritur, quid iuris habeant subditi (cuiuscunq; status fuerint) in supremum magistratum, qui Tyrannus euident sit effectus.

#### QVÆST. VII.

Supereſt tamen adhuc in hac diſputatio-  
*Quid tum?* ne non exigua difficultas. Quæritur enim,  
*agendum,* Quid tum heri debeat, cum Tyrannis eo-  
 usq;

usque potentiae excreuit, vt Ordinum conuentus (quod legitimum remedium aduersus eam esse diximus) prorsus vel conuiuentia, vel metu, vel malitia valentioris multitudinis ita impeditur, vt cogi nullo modo possit? Respondeo, Priuatos quidem homines, nisi vel ab inferiori Magistratu, vel a saniore statuum parte (de qua mox fusius) auctoritatem habeant: nihil hinc remedij iusti habere, quam resipiscentiam, cum patientia & precibus coniunctam, quas Deus utique non est aspernaturus, & sine quibus reliqua omnia remedia quantumuis legitima, Dei maledictioni suberunt. Nihil tamen impedit quin priuatae conditionis subditi ad intermedios magistratus confugiant, eosque de officio suo interpellent: qui si vel omnes, vel sanior ipsorum pars, priuatorum eiusmodi opera vti voluerint, satis supra ostendi quid hi & Deo & patriae debeant. Sanè inferiorum magistratuum partes sunt, concordibus animis simul statuum conuentum urgere: seseque interea quantum & possunt & licet, aduersus manifestam tyrannidem tueri, & conseruare: denique singulis quoque ordinibus hoc officij incumbit, vt legitimum ac generalem omnium ordinum conuētum seriò procurarent: ne improbi, bonos: tardi, diligentes: multitudo, potiorem sanioresq; partem,

*cum ordinis  
nes cogi cō  
tra Tyrannum non  
possunt.  
Quae Priuato  
rum  
remedia  
legitima  
& necessaria.*

*Quod sit  
magistratuum  
infe  
rioris officium.*

*Quid ordinis  
nisi eo casu  
agere debeant.*

aut impediunt aut remorentur. Quinetiam priuati quique in eiusmodi necessitate, magistratibus suis subalternis sese adiungere tenentur, & officium subditorum prestare: & si res postulet, licebit etiam saniori parti oppressæ, auxilia aliunde conquirere, præsertim apud Regni confœderatos & amicos. Ad cuius sententiæ confirmationem citabo probatissima aliquot exempla. Ecce duæ integræ Tribus Ruben, & Gad, & dimidia Tribus Manassis, cum Idololatriâ incidisse existimarêtur, à reliquis omnibus tribubus armis impetuntur. Veruntamen nulla tribus, in aliam ius potestatemque habebat, cum omnes duodecim non nisi vnũ vniuersitatis corpus constituerent. Hinc igitur apparet, potio rem partem posse alteram in ordinem cogere, non expectato omnium communi consensu, si simul omnes conuenire non possint. Idem etiam in bello iustissimè ab vndecim tribubus aduersus tribum Benjamin suscepto, videre est, cum hi horrendum facinus in Gibeà patratum defenderent. Quid si ergo aut duæ illæ tribus cum dimidia Manassis, aut tribus ipsa Benjamin in fratres & consanguineos suos tyrannidè affectassent? Sic & Romani, Constantini opem aduersus Maxentium implorarunt, cum Occidentis Imperiũ obtinens, crudelissimum Tyrannum apertè ageret.

Quod

*I. Exempla  
plum.*

*Ios. 22. 12.*

*Potior san-  
niorque pars  
altera ad  
officium  
compelle-  
re in nego-  
tio aperto  
potest.*

*II. Exempla  
plum.*

*Iud. 20.*

*III. Exempla  
plum.*

*Potissimam  
& magis  
sanam par-  
tem auxi-  
lia aliunde  
de posse  
expetere.*

Quod bellum non solum Deo propitio, & votis ipsorum fauente gestum est, sed habet etiam ab omnibus historiographis approbationis testimonium. At Constantinus supremum imperium in Maxentium non habuit, cum hic non minus summum Principatum in Oriente, quam ille in Occidente obtineret. Quo iure verò, aut quo titulo Occidentis Imperiū adeptus est Carolus magnus? Nisi quod à potiore Italiæ parte, ac nominatim à Patriciis Romanis (qui tunc nondum, ac ne multis quidem post annis in potestatem Pontificem venerant) aduersus Longobardorum Tyrannidem euocatus est, propter Orientalium Imperatorum ignauiam, qui in Græcia delitescabant? Existimo igitur sententiam meam hætenus abunde confirmatam probatamque esse, modo hæc tria exiommata cōstanter in omnibus hisce definitionibus, retineantur, nempe.

Tyrannidem manifestam notamque esse oportere: nec prius ad arma progrediendum esse, quam cætera remedia omnia tentata sint: ac denique quàm probè exploratum fuerit, nō solum quid liceat, sed etiam quid expediat, ne remedia ipso morbo periculosa existant.

Reliquum est opinor, vt pro huius tractationis catastrophe argumētis præcipuis respondeamus, quæ in contrariam senten-

*IIII. Exemplum.*

*Tres exceptiones  
semper res  
timende.*

*Responsio  
ad obiectiones  
quæ contra  
trafiunt.*



# DE IVRE MAGISTR.

tiam adduci solent, præter ea quæ incidenter iam & per occasionem attigimus.

*1.<sup>a</sup> Ob.  
Sup. emes-  
rum. Mes-  
gistratuū  
potestate  
infinitam  
non esse.*

*II. Ob.*

Iactari verò illud in primis solet: Magistratum esse, maximè supremorum, præcipere, & imperium exercere. Assentior & ipse, sed addo hanc potestatem legibus tum diuinis, tum humanis esse definitam.

Addunt præterea: si reges in Tyrannos degenerent, neminem quidem iniquorum mandatorum ministrum esse aut fieri debere: sed subditorum esse pati, ac supremi Magistratus mores patienter ferre, non sese illis vlla vi opponere. Istud ego nisi adhibitis superioribus distinctionibus non facile concesserim. Quarum summa est, priuatas quidem personas ( nisi autoritate legitimi alicuius magistratus inferioris, vel ordinum gentis illius, tueri se possint ) aut omnino secedere, vsq; dū melior illis aura affulgeat, aut colla iugo subdere debere, à Deo patientiam assiduè precibus poscēdo, & interim sub ipsius correctionibus proficiendo. Magistratum autem inferiorum partes esse, bonas leges, quarum defensionem ipsi iurauerint, strenuè aduersus omnes tueri, pro ea quam quisq; in statu publico statione sortitus est: & huc in genere omnes incumbere, ne leges ac conditiones quibus status publicus nititur, vlla vi, vel externa, vel interna, labefactentur. Denique Imperatores,

Reges,

Reges, aliosuē supremos Magistratus summa potestate ita potiri, vt siquidem intereā conspicuum sit, eos quam regendam provinciam susceperint, potius depopulari, iurique ac rationi versutē, & impotenter aduersari, & quod iurati promiserint proteruē transgredi, possint ac debeant ad officium etiam armata manu (si aliter fieri nequit) reduci, compelli, adigique, ab iis, qui eos ad hanc dignitatem certis conditionibus promouerunt.

Adhæc communiunt sese exemplo Dauidis, cui etsi iam Regni successio promissa esset & ducis præcipui officio in bello fungeretur, dum tamen tyrannicè impetitur à Saule, tantæ apud se authoritatis vnctum Domini fuisse ostendit, vt deprehensum neque ipse lædere, neq; ab aliis lædi voluerit: sed extemplò illum mortis supplicio affici iusserit, qui de eo ab se occiso gloriaretur: illum denique, quantumuis iniquissimum Tyrannum, viuum & mortuum honore maximo sit persecutus. Cuncta hæc, ego nō inuitus agnosco, & fateor etiam Fidem, Patientiam, ac bonitatem Dauidis dotes fuisse incomparabiles & commendatissimas, quas deceat omnes Christianos quàm maximè imitari, & in exemplar sibi proponere: addo etiam omnibus promiscuè siue superioribus, siue æqualibus, siue inferio-

III. Ol.

*Dauidem intra cancellos sue vocationis constituisse, dum se adversus Saulem tuetur.*

1. Sam. 24.

7. & 26. 4.

2. Sam. 1.

16.

ris conditionis, bona pro malis rependen-  
 da esse. At nego interim Patientiam, & man-  
 suerudinem, quæ in Christianis requiritur,  
 impedire, quominus quis legitimis reme-  
 diis uti possit, ad propulsandam iniuriam,  
 quæ illi infertur. Licitum est sanè rem suam  
 in iudicio ab iniusto possessore vindicare,  
 & apud summum magistratum de iniuria  
 inferioris conqueri: Quidni igitur eadem  
 ratione apud ordines aduersus Tyrannum  
 ius experiri licebit? Quod si præ tyrannide  
 nulla ad iustitiam via pateat, tantum abest,  
 ut Davidis exemplum, iis quæ à nobis dicta  
 sunt aduersetur, ut manifestè etiam pro no-  
 bis faciat. David enim Saulis furori ita ces-  
 sit, ut interim militum copias non paruas  
 secum aggregarit: quibus haud dubiè libe-  
 riùs ad suam, suorumq; vitam asserendam  
 usus fuisset, si eò necessitatis à Deo adactus  
 foret, ut non nisi conserta manu vim sibi il-  
 latam valuisset propellere. Quod verò Ty-  
 ranni vitæ cum in manus suas incidisset, pe-  
 percit, id certè meritò, & pro officio fecit:  
 Saul enim solium adhuc Regium obtine-  
 bat: neq; vel Davidi, vel cuiquam alteri ius  
 fuit Regnum illi aut vitam adinere, sed so-  
 lius Dei, aut ordinum, ut supra ostensum est.  
 Cæterum longè aliud est aduersus Tyran-  
 num, vel in iudicio, vel oppositis armis, sese  
 tueri, aliud ex professo aliquid, aut in Ty-  
 ranni

ranni vitam, aut in eius ditionem moliri.

Aiunt postmodum, Sedechiam Regem Iuda grauitè fuisse reprehensum atq; multatum, quod contrà iusiurandum à Chaldæorum Rege defecisset: qui tamen legitimus Iudææ Dominus non erat, sed apertissimus alienæ ditionis vsurpator. Quomodo igitur plus licebit subditis aduersus legitimum Regem, qui Tyrannus euaserit? Respondeo, Sedechiam expresso Dei mandato, ac etiam præstito iuramento, seiscum suis Regi Chaldæorum subiecisse, qui nullam non soluendi, tributi occasionem præbisset. Quæ circumstantiæ, conuincunt omnino Sedechiam, & eius populares, tanquam reos tum defectionis, tum periurij. Deinde concedo etiam non licere subditis à iuramento suo discedere: neque probo, quòd dici solet trito prouerbio, frangenti fidem, fides frangatur eidem: contrà enim censeo, non licere vnquam fidem iustè datam fallere: sed nego fidem à subditis falli, aut violari erga Tyrannum, quoties singuli ipsorù intra metas vocationis suæ sese continent, cursum Tyrannidis impedire conantur. Est enim Regula generalis, pactum sub conditione vel expressa, vel tacitè subintellecta, contractum ab eo solui qui conditionem violarit, nō autem ab eo qui, cum sub conditione tantum obligatus esset, ab

IIII. Ob.

Sedechiā

nō debuisse

se à Rege

Chaldæos

rum defice-

re.

2. Paral.

36.13.

Ezech.17.

12.13.14.

obligatione liber fit: non per se (effet enim perfidus) sed per eum ipsum, qui prior rupit vinculum obligationis, nempe conditionem appositam. Supremo igitur Magistratu, Tyranno facto, ipse suo periurio populum à iuramento liberasse censendus est, non contrà cum populus meritò in eum suo iure vtatur.

*V. Ob.* Prætexunt adhæc mandatum Dei, qui iu  
*Ier. 29. 7.* beat nominatim Israelitas preces, pro pace  
*Iudæos ser* & felici statu Nebuchadnezaris crudelissi-  
*uos Baby-* mi Tyranni fundere: nedum vt Iudæis ab  
*loniorum* illius obedientia & Imperio sese subducere  
*fuisse nei* licuerit. Concedo id quoque: at primùm  
*dum sub-* respondeo, Iudæos non solum subditos pri-  
*ditos.* uatæque conditionis sed etiam plerosque  
 seruos fuisse sub Chaldæorū Imperio. Iam  
 verò suprà à nobis positum est, priuatæ con-  
 ditionis hominibus non licere in suos Ma-  
 gistratus insurgere, vel sese illis aperta vi op-  
 ponere: multo minus seruis in Dominos,  
 quantumuis duros iniquosque: quandoqui-  
 dem hi & corpora ipsorum & bona in sua  
 potestate habeant. Hoc præceptum ergo  
 iis, quæ suprà à nobis sunt posita, nihil de-  
 rogat. Prætereà repeto rursus, Iudæos  
 (quod in tota hac historia maximè est ob-  
 seruandum) in potestatem Chaldæorum  
 expressa Dei voluntate venisse, quæ illis, per  
 Prophetas læpe fuit prædicta: tam abest igitur,  
 tur,

tur, vt Sedechiæ & reliquæ multitudini licuerit tēpore captiuitatis Tyrannidi Chaldæorum resistere, vt ne antea quidem bona conscientia potuerint sese illis opponere, aut urbem Ierusalem aduersus illorum oppugnationem protegere, quādo quidem præceperat Deus nominatim per Ieremiā, *Ier. 38. 17.* vt urbem in manus Chaldæorum dederēt, seseq; illis ultro subiicerent.

Hic etiam frustra regerunt quidam, hanc *VI. Ob.* eandem Dei voluntatem in omni Tyrannide locum habere, cū nulla vel sine, vel *Dei prouidentiam* præter Dei voluntatem obtingat. Possem *iustam defensionem* enim hoc idem argumentum in Tyrannos *non prohibere.* retorquere: quoniam non minus à Dei voluntate pendet, quòd Tyrāni à suis subditis & popularibus expelluntur (vt plerisq; accidit) quàm quòd populos tyranni sæpenu-mero opprimāt. Sed verior hæc erit responsio, si dicamus, Dei voluntatem eatenus nobis spectādam, quatenus ipse nobis eam patefacere dignatus est: alioquin nullum erit tam atrox facinus, quod Diuinæ voluntati imputari non possit (cū ne ea quidē, quæ maximè fortuita censentur, casu vel fortuito contingant. Hinc fit, vt qui latronibus publicis occurrit (à quibus nemo trucidatur, nisi id diuina voluntate permittente) iustam illis ac inculpatam tutelam ex lo-gum authoritate opponere valeat: nempe,

quia speciale à Deo mādātum nemo habet, ut sese à latronibus ultro iugulari patiatur. Idem est omnino iudicium de ordinaria illa, de qua loquimur, aduersus tyrannos defensione. Quæ tamen tum demum locum habere definit, cum de Dei contraria voluntate apparet, sicut euenit in eo Sedechiæ factō, de quo proximè diximus : & prius etiā in Roboami ipsius antecessoris causa : qui iure alioquin decem alias tribus à se deficientes fuisset infectatus, nisi Deus id fieri expressè vetasset. At contrā Mathathas ipsiusque liberi summa laude digni celebrantur, quod sese crudelissimo Tyranno Antiocho tam cordatè opposuerunt, nullo id vetante Dei mandato, etsi absq; illius iusto iudicio populum Dei non inualisset Antiochus, & plerisq; etiam probaretur, gratusq; esset.

*VIII. Ob.  
Decem tribus iustā causam, iniustè aduersus Roboamum persecuti sunt.  
1. Reg. 12.  
V. 18. 20.*

Obiiciunt hoc quoque, Israelitarum defectionem illam à Roboamo, quanquam iniquo exactore, maximè improbari. Respondeo & ipse, dupliciter in eo peccasse Israelitas. Primum, quod non conuocatis Israelitici populi ordinibus (quo Roboamum siue volentem, siue nolentem ad officium cogerent) nouum Regem eligendo, Regnum illud, quod vnicum esse Deus voluit, in duo discerpserint. Deinde, quod à Dauidis familia (quam non ignorabant ad Regnum à Deo ipso fuisse selectam) discesserint.

serint. Sed hæc aduersus nos minimè militant. Nec quicquam etiam iuuerit Ieroboam i uocationem ab Ahia Propheta ipsi patefactam, prætexere: quando quidem tota historia satis testatur, non eò respexisse populum cum à Domo Dauidis rebellaret, & Aburamum Quæstorem occideret: sed viam, qua sunt ingressi manifestam fuisse defectionem: cum potius legitimo iustoque armorum vsu Tyrannidi occurrere & potuerint & debuerint. Ita fit sæpe aliquid iniuste quod tamen per se iustū esse nihil prohibet.

Contendunt insuper & illud pro se facere, Quodd diui, Petrus & Paulus iubent aperte preces pro Regibus ac aliis Magistratibus fieri, qui tamen ipsorum tempore non solum Ethnici, sed immanissimi adeò Tyranni erant. Fateor sanè: sed præterquam quodd ad priuatas personas adhortationes illæ diriguntur (quibus nullum aliud remedium quàm preces & patientiam reliquum esse semper diximus) meminisse hic quoq; oportet, cum dicimus, Magistratus inferiores, aut Regni alicuius ordines posse, imò & debere Tyrannidi obistere: id neq; officio priuatorum Christi fidelium quicquam detrahere, quo vetatur malum malo rependere, sed in bono vincere malum, & pro inimicis etiam orare: neq; Magistratuum eius modi defensionē prohibere, quin pro con-

1. Reg. 11.  
v. 30.

VIII. Ob.  
1. Pet. 2. 17  
1. Tim. 2. 2.  
Quo sensu  
accipien-  
dum.  
Quodd ius  
bentur si-  
deles pro  
Tyrannis  
orare.



uersione etiam ipsius Tyranni, cui resistūt, apud Deum sint supplices: illiq; resistendo, quantam fieri potest reuerentiam ex animo & verè exhibeant. Quanquam & illud notandum fuerit, posse Tyrannum eo vsq; impietatis prouolui, & tam execrandas in Deum inimicitias exercere, vt nominatim aduersus eum publicas preces & execrationes cōcipere non solum liceat, sed sit etiam aliquando operæpretium: quod exemplo suo olim vetus ac primitiua Ecclesia palàm testata est, quum Iuliano Cæsari cognomine Apostatæ, non solum publicè imprecata, sed etiam exaudita est.

*IX. Ob.  
Quid Iudæi aduersus Rom. seditionē mouentes à Christo differant, qui sese illis volens submisit.  
Matt. 17.  
27.  
Act. 5. 36.  
37.*

Citant deniq; Christi ipsius exemplum qui tributum Tyberio Cæsari, quamuis iniusto Iudæ usurpatori, monstroque potius, quàm homini, pependit, cū cōstet ex aduerso, quotquot Romanis Imperatoribus per seditionem restiterūt (quales imprimis memorantur Iudas ille Galonites, Theudas, aliiq; factiosi: ac tota tandem Iudæorū natio, nè falsam Ethnicorum Religionem amplecti cogeretur) miserè periisse. Quibus respondeo: magnum esse discrimen inter Ius Regium & Tyrannidem: itaque quamuis Iesus Christus cœli terræque Dominus esset: ad quem etiam, tanquam ex Dauide prognatum Regnum Iudæorum potius quàm ad Romanos, vel ad Herodem, iure perti-

pertineret: quia tamen non ideò in mundum venerat, vt humano more dominaretur, sed vt quasi priuatus hac in parte, & prærogatiuæ Dauidicę familiæ renunciās, vitam hic degeret: ideò suo illo exemplo confirmare voluit, iustè Regibus, ac principibus tributa ac reliqua subsidia, & deberi & persolui. Quanquam enim Romani Imperatores iniustè ab initio Regnum Iudæorum inuaserunt. eius tamen legitimi tādē Domini euaserunt, partim iusto Dei iudicio, partim consensu, & approbatione, si non omnium at certè valentioris multitudinis Iudæorum, quod satis apertè significarunt, cum omnes ferè acclamarent: non habemus Regem nisi Cæsarem.

Rom. 13. 7.

Ioan. 12. 15

## QVÆST. VIII.

*Quid liceat aduersus iniustos exactores.*

Quid si verò, dicet quispiam, Princeps populū nimis iniustisq; tributis opprimat? Tunc vbi decenter admonitus fuerit, pos-  
sunt certè ac etiam debent, ij qui prima ac summa valent authoritate ex Regni legib. publicæ vtilitati cōsulere. Sed & hīc notandum est: Principem qui eiusmodi in rebus modū excedit (quia aut prodigus, aut avarus, aut aliis est vitiis deditus) non statim pro Tyranno esse habendum: Tyrannidis enim index ac veluti indiuiduus comes est, obfirmata malignitas, quæ ad statum

*Non om-  
nem Prin-  
cipem exa-  
ctore, pro  
Tyranno  
habendum.*

*Non quic-  
quid licet,  
idē semper  
expedit.*

publicum, legesque (quibus Regnum ceu  
fundamentis constat) euertendas totis vi-  
ribus enititur. Addo & istud quamuis iusta  
occasio opponendi sese manifestæ Tyran-  
nidi quandoq; offeratur, meditandam ta-  
men subinde, atq; si fieri potest sequēdam,  
eximiam illam ab homine Ethnico prola-  
tam *γρωμνη*: Omnia prius experiri consilio  
sapientem, quàm armis, decet. Itaq; cūm  
Imaginem Cæsaris in templum inferre co-  
naretur Petronius, iustam quidem videban-  
tur habere Iudæi ad arma capeſſenda occa-  
ſionem (vt ſuadebat Mathathiæ zelus) po-  
tius quàm vt Templum Dei idolo violari  
paterentur: at multò prudentius conſilium  
inierunt, cui etiam Deus benedixit, cum Pe-  
tronio liberè iudicarent, nolle ſe equidem  
aduerſus ipſum pugnare: verum nunquam  
paſſuros quādiu eſſent ſuperſtites idolum  
illud in Templo collocari. Cæterùm etſi Al-  
bini & Flori exactiones æquiſſimam illis  
denuò querimoniarum cauſam præberent,  
& tum quoq; de rebus ad Religionem per-  
tinentibus quadantenus ageretur: omnia  
tamen Iudæorum acta ſatis oſtenderunt,  
non aliud eos, quàm meram defectionem,  
ac rebellionem affectaſſe, quæ cum legi-  
timis, de quibus diximus, reme-  
diis, nihil haberent com-  
mune.

QVÆST.

*An Subditi cum Principibus possint  
pacisci.*

Respondendum est porro nunc illis quoque qui existimant non decedere subditos cum superioribus pacisci. Quæro igitur primum quibus nitantur fundamētis? Si enim rationibus agendum est, quales quæso illas satis firmas prætexent? Subditorum est, inquit, à Principum suorum auctoritate, & mādatis pendere, non contrā. Vnde consequens est, posse quidem Subditos modestè ac reuerenter Principibus suas exponere querimonias, atq; illis liberè suum consilium impertiri, si rogentur: at minimè ulterius progredi. Respondeo: Non licere omnino Subditis Magistratus suos siue inferiores siue supremos, nisi cum summa reuerentia accedere: idque non solum propter metum indignationis eorū, sed etiam propter consciētiam, ut docet Apostolus, cum *Rom. 13. 5.* hæc Potestas à Deo sit constituta. Ast nego ex hoc fundamento talem posse neēti consequutionē: Oportere ergo Subditos, quoties de rebus politicis & ad statum, ut dicitur, Regni pertinentibus agitur, ubi quod iustum & æquum, legibusque (sub quibus Princeps ille electus & cōstitutus fuit) consentaneum ipsis videtur, modestè ac reuerenter illi exposuerint, deinceps necessariò

sese illius arbitrio totos subiicere, idq; omnino absq; vlla exceptione sequi, quod illi fuerit cohibitum. Quinimo contrà liberè assero: nullam ipsi iniuriam fieri, si ad officium compellatur: & vbi nullus amplius rationi locus superest, vltèrius etiam aduersus eum fiat progressus. Siquidem cùm non nisi certis conditionibus administratio illi sit commissà: minimè censendum est, nouas pactiones cum ipso initi, quoties interpellatur vt vel priores conditiones ratas habeat, easq; deinceps obseruet: vel alteri locum cedat, qui de illarum obseruatione magis sit futurus sollicitus. Quod si exemplis probandum est, arbitror satis multa suprà à me allata esse, quibus constet apertè, nulla ratione nullaq; vsu aut bene constitutè Monarchiæ vlla experientia niti, aut defendi eorum propositionem posse, qui audent affirmare, sufficere cunctis debere Subditis nudam Regis sui voluntatem.

QVÆSTIO. X.

*An, qui propter religionem persecutionem patiuntur, aduersus Tyrannos sese tueri salua conscientia possint.*

Reliquum est tandem, vt maximi momenti Quæstionem soluam, qua quæritur, an Tyrannidi, veram religionem impetenti atque etiam quoad potest opprimenti, liceat iuxta superius positas condiciones distin-

stinctionesque, armata manu obistere, &  
 persecutioni obuiam ire? Dubitâdi hæ præ- *Causa duo*  
 cipuæ causæ esse possunt: Primum Cùm Re *bitandi.*  
 ligio ad conscientias pertineat, quibus nul-  
 lo modo vis inferri potest, non videtur il-  
 la ullis armis stabilienda aut defendenda:  
 quàm ideo prædicatione verbi Dei, preci-  
 bus, ac patientia hætenus potius propaga-  
 tam conspicimus. Extrât prætereà loci per-  
 multi in scripturis, quibus ostenditur quan-  
 ta sit inter Regna huius Mûdi, & Regnum  
 Christi spirituale, differētia. His deniq; sub-  
 iiciuntur exempla sanctorum Prophetarū,  
 ac ipsius demū Domini nostri Iesu Christi,  
 penes quē etsi omnis foret autoritas, po-  
 tentia & virtus, nunquam tamen ipse hanc  
 defensionis rationē est aggressus, quemad-  
 modū nec ipsi Apostoli, nec subsequētes vli-  
 li Martyres: vsque adeo vt ne integræ quidē  
 Christi fidelium legiones, armis instructis-  
 simæ, mortem oppetere recusarint, potius  
 quàm exerto gladio aduersus hostes veri-  
 tatis ipsos insectâtes, sese defenderent. Re-  
 spondeo primum: absurdâ esse, imò etiam  
 falsam eorum opinionem, qui putant Me- *Media Ci*  
 dia illa, quibus propriè res ac negotia huius *uilia non*  
 mûdi defendūtur (qualia sunt tum Iudicia, *pugnare*  
 tū Arma) nō modo differre à mediis, quib. *cum Reli-*  
 spiritualia defendi possunt, sed cū illis velut *giosis me-*  
 ex diametro pugnare, adeoq; iis aduersari, *diis.*

vt nullum possint aut debeant illa, in Religionis negotio locum habere. At ego contra Præcipuum Optimi piiq; Magistratus munus esse dico, vt quicquid mediorum

*Potissimū  
munus  
Principis,  
puram Re  
ligionem  
inter suos,  
tum con-  
seruare tū  
propagare.*

Authoritatis, & potentię, illi à Deo concessum est, huc totum omnino cōferat, vt inter sibi Subditos Deus ipse verè agnoscat, agnitusq; tanquam summus regum omnium rex, colatur, & adoretur. Itaq; qui talis erit non solum omnes Iurisdictionis suę vires, legumq; authoritatem, aduersus veræ Religionis contemptores, perturbatoresue (qui censuris, admonitionibusque Ecclesiasticis nullum locum relinquunt) exeret, sed armata etiam manu in eos animaduertet, qui aliter ab impietate cohiberi nequeunt. Ad cuius sententię confirmationem scriptura ipsa, & rationes, & exempla

*Ratio. 1.*

innumera nobis suppeditat. Rationes quidem sunt huiusmodi. Cū finis omnium benè constitutarum Politiarum non sit simpliciter huius vitæ tranquillitas (vt quidam Ethnicorum Philosophorum sunt arbitrati) sed Dei gloria, ad quam tota hæc hominum vita dirigenda est: Inde consequitur, Eos qui populis præsunt, omnia sua studia omnesq; facultates à Deo acceptas, huc referre debere, vt purus Dei cultus, à quo ipsius gloria pendet, maximè apud eos quos in potestate habent conseruetur, promo-

uea-

ueaturq; . Deinde vt demus vltimum poli- *Ratio. 3.*  
 tiarum finem esse huius vitæ quietam con-  
 seruationem : fatendum tamen fuerit, eius  
 & obtinendæ & conseruadæ vnicam hanc  
 esse rationem, si Deus vitæ nostræ tum au-  
 thor, tum moderator piè, recteque colatur.  
 Testimonia autem seu exempla sunt pro-  
 priè infinita in scripturis. Patet enim inpri- *Exempla.*  
 mis Patriarchas illos Veteres summos fuisse  
 simul, & sacerdotes, & Magistratus apud  
 suos : quod de Melchisedecho & Heli no- *Gen. 14. 18*  
 minatim traditur. & quamuis distincta po- *1. Sam. 4.*  
 stea duo hæc munera fuerint à Domino, *18.*  
 hoc ideo non accidit, quòd illa inter se pu-  
 gnarent: sed quòd vnus vir, vtriq; exercen- *II.*  
 do vix sufficeret. Præterea cùm Rex iube- *Deut. 17.*  
 tur volumen legis apud se habere, vt dies & *18.*  
 noctes in illius se lectione exerceat, non tan-  
 quam à priuato homine istud exigitur, sed  
 tâquam à Rege & publico Magistratu. Por- *III.*  
 rò inter leges, quarum executio de manda- *Deut. 13.*  
 tur Magistratibus, illæ præcipuæ habentur,  
 quæ veræ Religionis contemptores morti  
 adiudicant. Quarum obseruationem in Da-  
 uide cernimus, qui totum Dei cultum cer-  
 tis legibus sanxit: in Salomone qui Manda- *i. Par. 28.*  
 ta patris in transgressores impleuit. Item in *2. Par. 15.*  
 Edictis regum Asæ, Iosaphat, Ezechiae, Io- *2. Ro. 13.*  
 siæ, Imò etiam Nabuchadnezzaris, & Darij, *31. 2. 3.*  
 cùm à Daniele Propheta ad Deum adoran- *34. 22.*



*Dan. 3. 96.**6. 16.**IIII.**1. Tim. 2. 2.*

dum persuaderentur. Postremò cum Apostolus affirmat reges, & principes à Deo in hoc esse constitutos, non vt honestè tantùm, sed etiam vt piè vitam trāsfigamus, (hoc est vt non solum sicut probos & honestos homines decet, conuersari in hac vita, sed etiā vt religiosos & secundū pietatem in Deum viuere possimus) non est dubitum quin totam hanc quæstionem paucissimis verbis definierit. Hinc videmus prisca Cōcilia aduersus hæreticos, non autoritate Romanorum Pontificum (qui nondum tales deprehensi fuerant, quales longo pōst tempore innouerunt) sed Imperatorum mandato fuisse coacta hoc remedio, ex piorum Episcoporum suasionibus cognoscerent. Extant quoque innumeræ Constitutiones, & Ecclesiastici Canones tam ab Imperatore Iustiniano, quam ab eius successoribus atq; etiā à Carolo Magno, aliisq; editi, qui idem comprobant. Quorsum verò hodie etiam Monarchæ à Romana illa meretrice tam furiosè incitantur, ad eos quos ipsi hæreticos vocant, igni ferroque persequendos, & eliminandos, nisi quod hoc ipsorum munus esse contēdit? Qua in re optimo quidem & certissimo nititur fundamento, sed quo non minus quàm innumeris aliis veritatis testimoniis abutitur, ad suas scilicet impietates & blasphemias vel stabiliendas, vel

tuendas. Sed quorsum, inquires, tam prolixa digressio? neque enim quaeritur, An Reges aut Magistratus Pietatem tueri, & promouere debeant: sed an Subditi aduersus *Veram Religionem* persecutores sese armis tueri possint? *non esse* Respondeo ergo ad id quod priore loco supra *quidem vi* fuit propositum: aliud esse religionem nunc *& armis* primum in aliqua regione introducere: *introducenda: sed iuxta* aliud eam iam alicubi receptam conseruare, *receptam conseruari* seu collapsam hominumq; aut conuiuentia, aut inscitia, aut malitia, sepultam velle *& defendi* restituere. Nam plantandam quidem ac *armis posse* propagandam ab initio sola spiritus Dei virtute confiteor, idque verbo Dei ad docendum, arguendum, hortandumque idoneo. *Tyrānos, nihil prohibet.* Hoc enim propriū spiritus sancti opus est, instrumentis spiritualibus vtentis. Itaq; pij principis qui suos ab idololatria & falsis superstitionibus ad veram religionem pellicere cupit, partes erunt, curare primum, vt illi veris firmisq; argumentis in pietate instituantur: Sicut ē diuerso Subditorum partes sunt, veritati rationiq; assentiri, ac facile cedere. Tandem verò Princeps piis sanctisque edictis, veram Religionem stabilire fataget, aduersus eos qui mera pertinacia illā impugnabunt eiue resistent. Quemadmodum nostris temporibus in Anglia, Dania, Sue dia, Scotia, & maxima Germaniæ atq; Heluetiæ parte factum cernimus aduersus

Pontificios, Anabaptistas, aliosq; hæreticos. Quorum exemplum si reliquæ nationes sequi mallent, quam Romanæ illi, tam sanguinarię meretrici fidere, & obsequi: ne maior in toto orbe tranquillitas, tam in statu Religionis, quam Politicę conspiceretur? Quid igitur Subditis erit agendum, si contra ad idola colenda à suo Magistratu compellantur? Certè non patitur quidem ratio, ut principem ad mutationem omnimodam status sui astringant, quinimò ad persecutionem patienter ferre (dum interea Deum purè colant) aut omnino solum vertere, no uasq; sedes quærere necesse habebunt. At si Edictis legitimè rogatis & publica auctoritate constitutis confirmatisque, semel puræ religionis liberum exercitiũ fuerit concessum: tum principem dico ad eorum observationem tanto magis obligari, quanto negotium religionis, maioris est præ cæteris omnibus rebus momēti: adeo ut illi fas non sit, ea pro suo arbitrio, & sine causæ cognitione abrogare, sed eadem auctoritate duntaxat intercedente, qua ab initio fuerunt sancita. Si secus fecerit, manifestam tyrannidem ipsum exercere affirmo: cui sese opponere (adhibitis tamen supradictis observationibus) eò etiã liberius licebit, quò animarum salutem, conscientięq; libertatem debemus plusquam res, vllis quantuvis

tumuis optabiles, chariorē pretiosioremq;  
habere. Nemini igitur iam mirum fuerit,  
quod Dominaus nolter Iesus Christus, Pro-  
phetę item ac Apostoli, reliquiūe martyres,  
cum priuati essent homines, sese intra me-  
tas vocationis suę continuerint. Et quod  
vel ad illos spectat, qui publicum gerebant  
munus: vel ad legiones illas, quę cum du-  
cibus suis martyriū in media acie sunt per-  
pessę, nulla opposita defensione, etiamsi  
qui illas infestabantur Edicta in fauorem  
Christianorum prius facta violassent (vt sub  
Diocletiano & Iuliano Imperatoribus prę-  
sertim accidit.) Duplex ęst, inquam, de illis  
responsio. Nam primò etsi quidam Impe-  
ratores ante Diocletianum, persecutiones  
aliquatenus leniissent (vt fecisse Adrianum,  
Antoninum, & Alexandrum constat) pu-  
blicum tamen religionis Christianę exer-  
citium nunquam quisquam eorum concess-  
erat. Deinde repeto hęc quoq; illud, non  
quicquid licet, idem quoq; semper expedi-  
re. Neq; enim dixerim semper necesse esse,  
Religionem publicis Edictis concessam, ar-  
mis aduersus manifestam tyrannidem tue-  
ri & retinere: sed illud tamen fas esse, & li-  
cere, pręsertim illis quibus hoc onus incū-  
bit, & quibus Deus opportunitatem dede-  
rit: vt Lobnensium exemplum aduersus Io-  
ram, & Ierosolymitanorum aduersus

*Qui mar-  
tyres cen-  
sendi.*

Amasiam, bellumq; Constantini aduersus  
Maxentium rogatu Ciuum Romanorum  
susceptum (de quibus suprà) abunde euin-  
cunt. Hinc conficio, inter Martyres censen-  
dos esse non solum eos, qui tyrannidem ho-  
stium veritatis, nulla alia defensione, quàm  
patientiam peruicerunt: verumetiam illos  
qui legum, aut eorum quibus ius est leges  
tueri, authoritate, vt par est, suffulti, manus  
suas Deo ad defensionem veræ religionis  
consecrarunt. Atq; hæc quidem hætenus  
ad hanc postremam obiectionem respon-  
dere placuit, in eorum gratiam qui eam in  
medium proponunt, vt cōscientiæ suæ con-  
sulant, quia verentur népe, ne contra Deum  
peccent, si quid eiusmodi tentauerint. Ad  
genus verò illud hominū quod attinet, qui  
aliud mundo emolumētum non præstant,  
quàm quod innocuo sanguine omnia com-  
plent: principum authoritate abutentes, vt  
ex eorum ruinis, sua commoda venientur,  
& augeant: quiq; interim tanta sunt impu-  
dentia, vt his obiectionibus eos impetere,  
& oppugnare audeant, qui non vltro sese il-  
lis iugulandos præbent, suam scilicet cru-  
delitatem & effrenem licentiam, prætextu  
Religionis & zeli, falso palliantes. Hoc in-  
quam genus hominum non alia responsio-  
ne dignaret, quàm ea quæ prædonibus me-  
rito fieret, qui mercatores, aliosq; Viatores

in ius vocarent, quod non nisi gladio accincti ad sui defensionem itineri sese committerent, illis hoc non licere contendentes, etsi ipsi quoduis genus armorum ad illos iugulandos vsurparent. Quin mihi isti execrandum illum Fimbriam Romanum (cuiusmodi sicarios, ærę conductos, multos hodie videre est) in memoriam reducunt: cuius tam insolens fuit audacia, aut potius impudens proteruitas, ut cum tempore Syllanę proscriptionis Scæuolam, (virum inter Romanos Cives eximia tum virtute, tum probitate clarum) vulnere sauciandum curasset, nec ut optabat illo interemptus esset: conqueri, illiq; minari audebat, futurum ut in Iudicium abs se quasi maxima iniuria affecto, vocaretur, quoddam sicam ad præcordia vsq; non ultro admisisset. Cum eiusmodi verò hominibus, quia superflua, & inutilis foret omnis disputatio: omnes non tam ad propriam ipsorum conscientiam (qua pleriq; iam prorsus destituuntur) quam ad illius Tribunal mihi sunt relegandi: cuius summum Imperium iudiciumque, ipsos vitare nequiuisset, & tempus & res ipsa tandem certo experimento comprobarunt.

FINIS.

# INDEX QVAESTIO.

NVM, QVIBVS TOTVS HIC

Tractatus continetur, & ab-  
soluitur,

I. *An vt Deo sine exceptione, ita & omnibus Ma-  
gistratibus semper sit obediendum?* Pag. 231

II. *An Magistratus omnium legum suarum ra-  
tionem reddere Subditis teneatur: & quatenus illi  
iustas esse praesumere debeant?* 234

III. *Quo vsq; Obedientia iniquis, impijsue mans-  
datis, aut praestanda, aut neganda sit?* 234

IIII. *Quo modo subditi à Magistratu iniuriam  
passi, aduersus illum sese tueri debeant?* 236

V. *An nullum remediũ Subditis oppressis per Ty-  
rannidem manifestam, praeter preces & patientiam  
à Deo concedatur?* 239

VI. *An legitimi Magistratus Tyranni facti, ar-  
mis perinde cohiberi à Subditis possint, vt iniqui a-  
lienae dominationis vsurpatores: & ab iis abdicari, à  
quibus primum fuerant constituti?* 249

VII. *Quid agendum quum Ordines seu status con-  
gi non possunt ad Tyrannidem aut impediendam,  
aut reprimendam?* 307

VIII. *An iniqui exactores, aut alioqui flagitiosi  
Principes pro Tyrannis sint habendi? vt & illis re-  
sistere liceat?* 319

IX. *An Subditi cum supremis suis Magistratibus  
pacisci certis conditionibus iure possint?* 321

X. *An aduersus Principes verae Religionis hostes  
& persecutores manifestos, Subditi sese tueri armis  
possint?* 322

# INDEX OBJECTION- NVM, QVIBVS IN SINGV- lis quæstionum responsionibus, occurritur.

Cum à Deo ipso transfe-  
rantur Imperia, etiam  
ad Tyrannos, non vi-  
deri illis resisti posse,  
quin & Deo resista-  
tur. 310

Cum idem videatur vel  
alienam Dominatio-  
nem per Tyrannidem  
vsurpare, vel propriam  
Tyrannicè administra-  
re, Idem de vtriusq; ge-  
neris Tyrannis statui  
debere. ibid.

Si Magistratui quoquo  
modo resisti potest, eū  
qui modo superemine-  
bat, mox à quouis pro  
priato haberi. 196

Cum populus olim omne  
ius suum in Principes  
cōtulerit: non posse am-  
plius de illorum admis-  
nistratione aut potes-  
tate iure conqueri: &  
in illos insurgere. 197

Reges nullis legibus sub-

iici, sed esse supra le-  
ges. 259 & 300

Cum Ius priuatum cus-  
iusq; Gentis longè dif-  
ferat à Iure Naturali,  
Principes illo non per-  
inde atque isto, tene-  
ri. 300

Supremos Magistratus  
non habere alium Ius  
dicem quam Deum i-  
psū, quod exēplo Da-  
uidis confirmatur. 301

Exemplum Imperatoris  
Turcarum, qui Domi-  
nationem obtinet in  
suos nullis legib. obstri-  
ctam. 302

Magistratibus Imperan-  
di: Subditis obediendi  
necessitatem incumbe-  
re. 310

Dauidem iam designatū  
regem noluisse Sauū  
cum posset nocere: sed  
capite damnassee eum  
qui Tyrannum occis-  
derat.



derat. 311  
 Sedechiā à Deo reprehē-  
 sum & punitum quōd  
 à Rege Chaldæorum,  
 violento Iudææ vſurpa-  
 tore, defecisset. 313  
 Deū nominatim Iudæis  
 mādasse vt pro Nabu-  
 chadnezare orarent,  
 qui eos captiuos duris  
 ter tractabat. 314  
 Tyrānos nullos sine Dei  
 prouidentia & volun-  
 tate dominari, & po-  
 pulos subiugare. 315  
 Decem Tribuum Israe-  
 lis, à Roboamo iniquo  
 exactore, defectionem  
 merito à Deo damna-  
 ri. 316  
 Apostolos Paulum & Pe-  
 trum hortari pios, vt  
 pro Regibus etiam im-  
 piis, quales tunc erant  
 Rom. Cæsares, preces  
 concipiant, eosq; hono-  
 rent. 317  
 Christum iisdem tributa

soluisse: & Iudæos qui  
 id aut denegarūt, aut  
 prætectu Religionis  
 sese illis opposuerunt,  
 miserè, ac iustè periis-  
 se. 318  
 Subditorum esse à Prin-  
 cipum suorum nutu &  
 imperio pendere. 321  
 Religionem, quæ ad Con-  
 scientias pertinet, non  
 debere vel vi vel ar-  
 mis, sed verbo Dei, pre-  
 cibus & patientia, pro-  
 pagari. 322  
 Regnum spirituale Chri-  
 sti à Regnis mundanis  
 longè diuersum, aliis  
 remediis quàm illa con-  
 seruandum. 323  
 Exempla Christi, prophe-  
 tarum, Apostolorum ac  
 Martyrum sequenda,  
 qui nunquam Magi-  
 stratibus resistebant,  
 sed mortem patienter  
 subierunt. 324